

वीर सेवा मन्दिर
दिल्ली



क्रम संख्या

४८९६
२२८.०२

काल न०

मण्ड

हरम

Lalbhai Dalpatbhai Series

General Editors :

Dalsukh Malvanla

Ambalal P. Shah

No. 25

HARIBHADRA'S

N E M I N Ā M A C A R I Y A

[volume I]

Edited by

Prof. H. C. Bhayani, M. A., Ph. D.

Prof. M. C. Modi, M. A.; LL. B.



LALBHAI DALPATBHAI

BHARATIYA SANSKRITI VIDYAMANDIR

AHMEDABAD-9

First Edition : 500 Copies

August 1970

Printed by Svami Tribhuvandas, Ramananda Printing Press,
Kankaria Road, Ahmedabad and Published by Dalsukh Malvania,
Director, L. D. Institute of Indology, Ahmedabad—9

Price Rupees 40/-

Copies can be had of

L. D. Institute of Indology

Gurjar Grantha Ratna Karyalaya

Motilal Banarasidas

Muashi Ram Manoharlal

Mehar Chand Lachhamandas

Chowkhamba Sanskrit Series Office

Sarasvati Pustak Bhandar

Oriental Book Centre

Ahmedabad—9

Candhi Road, Ahmedabad—9

Varanasi, Patna, Delhi

Nai Sarak, Delhi,

Delhi—6,

Varanasi

Hathi Khana, Ratanpole, Ahmedabad—1.

Manek Chowk, Ahmedabad

सिरि-हरिभट्ट-सरि-विरड्ड

नेमिनाहचरिउ

[प्रथमो भागः]

संपादक

प्राध्यापक हरिचल्लभ चू. भायाणी

प्राध्यापक मधुसूदन चि. मोर्दा

प्रकाशक

लालभाई दलपतभाई भारतीय संस्कृति विद्यामन्दिर

अहमदाबाद-९

लालभाई दलपतभाई ग्रन्थमाला

प्रधान संपादक — दलमुख मालवणिया, अंबालाल प्रे. शाह

मुद्रितग्रन्थाः

१. स्तूपदार्थी—शिवादित्यकृता जिनवर्धन-
सुरिकृतटीका सह ४-००
- 2, 5, 15, 20 CATALOGUE OF SANSKRIT
AND PRAKRIT MANUSCRIPTS .
Mum Shri Punyasrijayagi's colle-
ction Part I Rs. 50-00
Part II Rs. 40-00
Part III Rs. 30-00
Part IV Rs. 40-00
३. काव्यशिक्षा—विनयचन्द्रसुरिकृत १०-००
४. योगशतक—आचार्य हरिभद्रकृत स्वोप-
वृत्ति तथा ब्रह्मसिद्धान्तसमुच्चय ५-००
- ६, १६, २४, रत्नाकरावतारिका रत्नप्रभ-
सुरिकृत भा० १, २, ३, ८-००, १०-००,
८-००
७. गीतगोविन्दकाव्यम् — महाकविथो-
जयदेवविरचित, मानाङ्कटीका सह ८-००
८. नेमिरंगरत्नाकरछंद — कविलावण्य-
सम्बद्ध ६-००
9. THE NĀṬYADARPAṆA OF RĀMAKA-
NDRA & GUNACANDRA .
A Critical Study : Dr. A. H.
Trivedi 30-00
- १०, १४, २१विशेषावश्यकभाष्य—स्वोपवृत्ति
सह प्रथमभाग १५-००
11. AKALĀṆKA'S CRITICISM OF
DHARMAKĪRTI'S PHILOSOPHY:
A Study : Dr. Nagin Shah 30-00
१२. रत्नाकरावतारिकायश्लोकशतार्थी—
वाचकश्रीमाणिक्यगणि ८-००
१३. शब्दानुशासन—आचार्य मलयगिरिविर-
चित ३०-००
- १७ कल्पलताविवेक—कल्पपल्लवशेष—
अज्ञातकर्तृक ३२-००
१८. निघण्टुशेष— सञ्ज्ञि—श्रीहेमचन्द्रसुरि
३०-००
19. YOGABINDU OF HARIBHADRA
Text with English Translation
Notes, Etc. 10-00
- २२ शास्त्रवार्तासमुच्चय श्रीहरिभद्रसुरिकृत
(हिन्दी अनुवाद सह) २०-००
- २३ तिलकमञ्जरीसार पद्मोपाध्यायकृत
१२-००
- २५ नेमिनाहचरित भा० १ भा० हरिभद्रसुरि
(द्वितीय) कृत ४०-००
26. MAHAPURĀṆA OF PUṢPADĀNTA.
A CRITICAL STUDY OF DEŚYA
WORDS . Dr. Ratna N. Shriyan
28. Prakrit Proper Names, Part I
36-00

संप्रति मुद्रयमाणग्रन्थनामावलि

1. नेमिनाहचरित भा० २ — भा० हरि-
भद्रसुरि (द्वितीय) कृत
२. अभ्यात्मविन्दु—स्वोपवृत्ति सह—
उपाध्यायहर्षवर्धनकृत
३. न्यायमञ्जरीप्रतिभङ्ग—चक्रवर्तकृत
- ४ मदनरेखा—आख्यायिका जिनभद्रसुरिकृत
५. विद्यानुशासन—भा० मल्लिषेणसुरिकृत
६. मीमांसाश्लोकवार्तिक
7. ĀPTAMIMAMSA OF SAMANTABH-
ADRA : Text with English Transla-
tion, Notes Etc.
8. ŚĀSTRĀVARTĀSAMUCCAYA OF ĀC.
HARIBHADRA
Text with English Translation,
Notes Etc.
9. Some Aspects of Religion and
Philosophy of India
10. Some Miscellaneous Jain Works
on Logic and Metaphysics
11. Jaina Ontology

PREFACE

We are very happy to place before the scholars of Apabhram̐ṣa language and literature a hitherto unpublished Apabhram̐ṣa epic, *Nemināhacariya*, composed by Haribhadrasūri, a disciple of Śricandrasūri. It was composed at Anahillapur in V. S. 1216 (i. e. 1160 A. D.). It is a poem of high merit.

Hence Prof. Jacobi edited a portion of this work called *Sanāmkumārasariya* containing 343 verses. No other Apabhram̐ṣa poem of epic form written by a Śvetāmbara author—except *Vilasavaikahā* of Sādhārāṇa—is available among manuscripts. I am glad to say that this other poem which too is not yet published will appear very soon in the present series.

Nemināhacariya prominently employs Raddā metre and contains more than 8000 verses. The study of such an Apabhram̐ṣa work is important in more than one respect. At present its prime importance lies in the help that it renders to the students of modern Indian regional languages in tracing out their development. The metres employed by Apabhram̐ṣa writers and occasional metrical experiments made by them are noteworthy. Moreover, high flight of imagination and poetical charm are found throughout Apabhram̐ṣa epic poems. In all these respects, *Nemināhacariya* is really a very important work.

I heartily thank Prof. H. C. Bhayani and Prof. M. C. Modi for critically editing such an important and voluminous work. This is only a part of the entire work. In the second volume the work will be complete. The editors intend to give in a separate volume the general introduction covering important topics like life and work of the author; language, metre, and form of the poem etc, together with a glossary of important words of the text.

I hope that this publication will be of very great value for the students of Apabhram̐ṣa language and literature.

L. D. Institute of Indology,

AHMEDABAD-9

15-9-1970

Dalsukh Malvania

Director

विषयानुक्रमः

Introduction

7-10

नेमिनाहचरित

१-४३३

	पद्याङ्काः	पृष्ठाङ्काः
प्रथमो भवः (धनवृत्तान्तः)	१-२२७	१-५८
द्वितीयो भवः	२२७-२२८	५८
तृतीयो भवः (चित्रगतिवृत्तान्तः)	२२७-७११	५८-२२७
[सनत्कुमारचरितम्]	४४४-७८६	११२-१९८]
चतुर्थो भवः	९११-९१२	२२९
पञ्चमो भवः (अपराजितवृत्तान्तः)	९१३-१२६३	२३०-३१७
षष्ठो भवः	१२६४	३१७
सप्तमो भवः (शङ्खवृत्तान्तः)	१२६५-१९२८	३१८-४३३
[रतिसुन्दरीकथा]	१३४६-१५६८	३०४-३५६]
[महावीरचरितम्]	१७३७-१९२६	३८८-४३३]
अष्टमो भवः	१९२८-१९२९	४३३
शुद्धिपत्रम्		४३४-४३६

INTRODUCTION

The present volume contains the first instalment of text of the Apabhram̃ṣa epic poem *Nemināhacariya* (Sk. *Nemināthacarita*) dealing with the mythological life of Neminātha, the twentysecond Tīrthamkara of the Jainas. It was composed in V.S. 1216 (i.e. 1160 A. D.) by Haribhadrasūri who belonged to the Vadagaccha and had Śricandrasūri as his Guru. The work is being edited here in full for the first time. It has several unique features which bestow on it a distinction of being a highly important work of Apabhram̃ṣa literature. The exciting discovery, some fifty years back, of a full-fledged Apabhram̃ṣa literature was heralded by two poetic works that were edited and published by the great German Indologist, Herman Jacobi in 1918 and 1921¹, and one of these works consisted of a portion of our *Nemināhacariya*. Secondly, the *Nemināhacariya* is one of the two only available poems of epic length belonging to the Śvetāmbara Apabhram̃ṣa literature, the other poem being the *Vilāsavatikāha* of Sadhāraṇa composed in 1066 A. D. All the longer Apabhram̃ṣa poems that have been published so far are Digambara Jain works. Thirdly, the *Nemināhacariya* was composed at Anahillapura, the capital of the Caulukyas of Gujarat. Fourthly, it is preserved in an old palm-leaf manuscript, while most of the other available Apabhram̃ṣa works are preserved in paper manuscripts only. Lastly, excepting a minor portion, the whole of the *Nemināhacariya* is composed in one single metre of complicated structure, and the poem has no internal structural divisions or sections. Thus it is the only available Apabhram̃ṣa poem of Purāṇic proportions, and yet not composed in the Sandhi-form. We consider it, therefore, our good fortune that we are placing here in the hands of the students of Apabhram̃ṣa language and literature the first instalment of the text of the *Nemināhacariya*.

Jacobi's edition of the *Sanatkumārcarita*, which forms a part of the *Nemināhacariya*, was based on the then only available paper manuscript. Later on, the palm leaf manuscript of the text in a Jesulmere Bhaṇḍār came to light, and Muni Shri Jinavijayaji, the great doyen of Indologists, planned to edit the poem. But there was some difficulty in tracing the whereabouts of the paper manuscript used by Jacobi. In the meanwhile unfortunately Muni's health and eyesight were impaired, and he had to give up his original plan. So taking direct inspiration from him, with the blessings of Āgamaprabhākara Muni Shri Punyavijayaji and with the active and ever-ready support of Shri Dalsukhbhai Malvania, we undertook to edit the *Nemināhacariya*.

Our task turned out comparatively much lighter than what Jacobi had faced while editing the *Sanatkumārcarita*, and for this all the thanks go to the Jesulmere palm leaf which is quite exceptionally and extremely carefully written Apabhram̃ṣa manuscript. The orthography is almost absolutely uni-

1. Bhavavattakaha von Dhanavāla, 1918, *Sanatkumārcaritam*, 1921. See also Muni Jinavijaya's interesting observations *Paumāsānam*, edited by us, '948, Introduction, p. 6 ff.

form and the scribe seems to have been well-educated and expert at his job. Slips of pen are very few. For our edition we have used a photo-enlargement, as the actual Ms. belonging to the Jinabhadraṅgi Jñānabhaṇḍār at Jesulmere was not for lending. The paper Ms. can be said to be textually identical with the palm leaf Ms. There are only orthographical variants, no textual ones. Most probably both the Mss. were based on an identical original.

Haribhadra's *Nemināhacariya* was brought to notice in modern times firstly in the *Bṛhaṭṭippaṇkā* published by Muni Jinavijaya in the 'Jain Sahitya Samśodhak' (I ii, p. 8). The entry no. 271 in the *Bṛhaṭṭippaṇkā* is as follows : *Nemīcaritām Prā o 1216 varṣe Haribhadracāryaḥ kṛtam* 8032. The same information was repeated in later sources like the *Jain Granthavalī*.² The two available Mss. of the *Nemināhacariya* have been descriptively noticed in the Mss. catalogue of the Jesulmere Bhaṇḍārs and that of the L. D. Institute of Indology³, Ahmedabad.

The present text of the *Nemināhacariya* is almost exclusively based on the Jesulmere palm leaf, though, of course, the paper Ms. also has been consulted throughout and significant orthographic variants noted. Instead of the original palm leaf, we have used, as already remarked, a photographic enlargement of its microfilm, kindly lent us by Maharaj Shri Punyavijayaṇi from his private collection. It is designated as ३ for noting variant readings. The photo-enlargement has seventy sheets, numbered from 448 to 517. At several places, the orthographic form as found in the paper Ms. has been adopted in the edited text in preference to that in the palm leaf, and in every such case the form in the latter has been recorded in the footnotes. In a few places where the writing in the palm leaf was illegibly blurred, we have been guided by the paper Ms. All such places have been indicated in the footnotes.

The original palm leaf Ms. has 304 leaves. Each leaf measures 40×3 cm. with 3 to 5 lines per side and about 130 letters per line. Two one and a half centimetre intervening blanks divide the lines in three parts. The Ms. has been prepared quite carefully and systematically. The hand is neat, steady and uniform. Confusing, omitting or misplacing of either letters or the anusvāra mark or the post-consonantal vowel signs are comparatively very few. Marginal corrections and additions in the Ms. are

2. For detailed information on the notices of the *Nemināhacariya* see H. D. Velankar, *Jinaratnakośa*, Vol I, 1944, p. 127
3. C. D. Dalal and I. B. Gaudli, A Catalogue of MSS in the Jain Bhaṇḍārs at Jesulmere, 1923 (GOS XXI), Introduction, p. 18, text, p. 27.
Muniraj Punyavijayaṇi, Catalogue of Sk and Pk. MSS. (Ac. Vijayadevasūri's and Āc. Kṣāntisūri's collections), Part. IV, p. 142, No. 1094
See also Maharaj Punyavijayaṇi, Catalogue of the *Jñānabhaṇḍāras* at Jesulmere, No. 259.

evidences of a careful revision. By all standards this is a unique, exceptional and extremely valuable Apabhraṃśa Ms. It is indicative of an Apabhraṃśa literary and linguistic tradition that was still living and vigorous. The age of the palm leaf is inferred to be not later than the thirteenth century, and as such it is quite near to the date of the text.

The second and the only other Ms. of the *Nemināhacariya* is a paper Ms. (here styled ख). It is from the Vijayadevasūri's Collection at L. D. Institute of Indology. It contains 113 leaves. Each leaf measures 30x19½ cm. with 3 (right and left) and 2½ (above and below) cm. margins. There are about 21 lines per side and 58 to 64 letters per line. The Ms. is supposed to be written in the sixteenth or seventeenth century.

In orthography the Ms. ख presents a complete contrast to the Ms. क. Its scribe seems to have little education and was obviously ignorant of the language of the Ms. He has copied his prototype mechanically, without properly understanding the writing⁴. As a result he has consistently confused and misread a number of signs and letters. Confusion of वृ and व, वृ and व, द, द, इ, and इ, त, and न, प, य and म, म and स, र् and र्, ड, ड, इ and इ, स, and न्, etc. abound. The whole Ms. bristles with them. This creates great difficulties, at times unsurmountable, in making out the text on its own.

One interesting point in the orthography of these Mss. may be noticed in passing. At several places the shape of the letter प is such that it can be easily read as म. Now as has been noticed by one of us elsewhere,⁵ among the Deśya words recorded by Hemacandra, there are a few pairs which have identical meanings, but the forms differ in their initial consonant, it being in one case प and in another म; e. g. *paduvaiaṃ* (6, 14) and *moduvaiaṃ* (6, 146), both meaning *nikṣṇa*; *pulāsio* (6, 55) and *mulāsio* (6, 135), both meaning *agnikāṇa* or *sphuliṅga*; *puāṇi* (6, 54) (= *duḥṣiṇā*) and *muāṇi* (6, 135) (= *dumbi*), *puraḥ.uriā* (6, 55) (= *utkaṇṭhā*) and *muramuriaṃ* (6, 136) (= *raṇaṇakam*) etc. This was explained on the assumption that there was real phonological change; initial *p* in these words had actually changed to *m*. But now from the orthography of the *Nemināhacariya* Mss., it appears certain that in the case of the above-noted Deśya words also some of the manuscripts of Deśya lexicographical works consulted by Hemacandra had such a shape of initial

4. For Jacobi's observations on the language and orthography of this Ms., see *Bhavisattakaha*, Introduction, p. 2 (English translation, S. N. Ghosal, Journal of the Oriental Institute, Baroda II, 3, 1953 pp. 234-241), and *Sanatkumāracaritam*, Einleitung, p. XXX, section V (English translation, S. N. Ghosal, Journal of the Oriental Institute, Baroda, VI, 2-3, 1957, p. 99-100).

5. H. C. Bhayani, *Studies in Hemacandra's Deśināmamālā* (1965), p. 56, items No. 318 to 321.

ꣳ that it could be easily taken as ꣳ and hence Hemacandra noted both the alternative spellings.

A few words more regarding the presentation of the text. Even though all the lines have been metrically checked, the short *e*, *o* and the nasalization have not been separately marked in print, as they can be easily made out by anyone with an ear for the metre. The *anusvāra* has been kept as it is, following the Mss. It has not been here changed to *para-savarṇa* nasals. The punctuation marks also are limited to the minimum. Variants noted without any *siglum* are from Ms. ५.

Excepting a few sections and passages in Prakrit language and the Gāthā metre, the whole of the *Nemināḥacariya* is composed in Apabhramṣa language and mostly in the Raḍḍā metre. Haribhadrasūri has used the Raḍḍā as a Pañcapadī or five-lined metre, as against the usual practice, which knows it as a nine-lined metre consisting of five pādas of the Matrā and four pādas of the Dohā. Haribhadra treats as single units the usual (1) second and third pādas and (2) the fourth and fifth pādas of the Matrā, and (3) the first and second pādas and (4) third and fourth pādas of the Dohā. Thus in his practice the Matrā section of the Raḍḍā has three lines (15, 11(or 12)+15, 11(or 12)+15) and the Dohā section has two lines (13+11, 13+11). But in the edited text the lines of the Raḍḍā are so arranged as to conform to the nine-line view. This liberty, we hope, will be excused because of the greater facility created thereby for noting variants. It should be also noted that such an arrangement makes the metrical structure more patent, without doing any palpable harm to the original intent.

This first volume of the *Nemināḥacariya* covers the story of the first eight Bhavas of the life of Neminātha. The rest of the text covering the ninth Bhava will form the second volume. The general introduction, dealing with such topics as the life and works of Haribhadra, the language, metre and literary form of the text of the narrative and a glossary of important words of the text, would form an additional volume.

We are grateful to several friends and well-wishers for their generous help and co-operation in our present undertaking. Muni Maharaj Shri Punyavijayaji and Prof. Dalsukh Malvania have put us under great debt by giving us whatever help we required in either securing the Mss. materials or making arrangement for the publication. Muni Jinavijayaji's highly inspiring example and blessings have been for us always a source of unfailing guidance. We are thankful to the Lalbhai Dalpatbhai Institute of Indology for undertaking to publish the present edition of the *Nemināḥacariya*.

Ahmedabad

H. C. Bhayani

August 15, 1970

M. C. Modi

सिरि-हरिभद्र-स्वरि-विरडु

नेमिनाहचरिउ

[प्रथमो भागः]

सिरि-हरिमह-स्ररि-विरइउ नेमिनाहचरिउ

[१]

दुह वि पयडिय-करण-आयारु
दुह-दंसिय-धम्म-निहि दुह-नमंत-पय-विहव-पावणु ।
दुह-कमलाणंदयरु दुह-सुवन्न-रयण-प्पहावणु ।
मह सुहु वियरउ विमल-गुण- रासि-जलहि-रयणिंदु ।
पणय-सुरासुर-नर-नियर- कय-थुइ उसह-जिणिंदु ॥

[२]

अह विसेसिण नमिर-तइलोय
सिरि-वद्धमाण-प्पहुहु पाय-पउम पणमिवि जिणिंदह ।
तह वारस-अंग-सुय- पढम-कइहि गोयम-मुणिंदह ।
तयणु सुहम्म-स्सामि-मुणि- नाहह भत्ति करेवि ।
अन्नेसिं पि महा-कइहिं पय-पउमइं सुमरेवि ॥

[३]

नमिवि भत्तिण चलण जिणचंद-
मुणिनाह-सीमुत्तिमह विविह-विमल-गुण-रयण-भूरिहि ।
सारय-ससि-विमल-जस- भरिय-धरह सिरिचंद-स्ररिहि ।
मण-तणु-वयणिहिं अणुदिणु वि जणिय-पुलय-पब्भारु ।
अणु सरिउण सुय-देवयह नाम-मंतु जय सारु ॥

१. १. क. The portion containing this line is lost; ख. आयारु. २. विहि.
८ तियर. After १. क marginally supplies the following stanza:
नीरनाहु व निच्चमत्थाहु । मेरु व्व बहुपयविहवु । दिणयरु व्व सुपयावकुलहरु । हरिणंकु व
अमयकरु । सुरगिरि सुरसत्थमणहरु । राइमईपरिहारविहि-विहणियमयणमरट्टु । हवउ सथावि हु
नेमिजिणु । दुहकणकलणघरट्टु । २. ३. पपामिवि. १. पय. ३. १. नेमिवि. २. सीमुत्तिमह.
३. विविह missing. ७. मुलय. ८. तह भारइदेविहि सरिवि.

[४]

मह न तारिसु वयण-विण्णाणु

न य मंत-तंत-प्पुरणु जइ वि तह वि बहु-माण-पेल्लिउ ।
 हउं किंचि वि नेमि-जिण- चरिउ भणिमु विक्खेवु मिळ्ळिउ ।
 इय तं निमुणहु भविय-जण निय-मणु ठाणि धरेवि ।
 जह लहु पांवहु सिवह सुहु पावह अंतु करेवि ॥

[५]

तं तु नव-भव-भावि वुत्तंतु

भणंतु लेसिण चरिउ सुणह मज्झ पसिऊण सज्जण ।
 निय-इच्छिय-अत्थ-कर होह एत्थ तुम्हे-वि दुज्जण ।
 अहव न पत्थिउ सहसकर हरइ तिमिरु जिय-लोइ ।
 नय अंजलि-बंधि वि जलणु कहमवि सीयलिहोइ ॥

[६]

अथिरु गव्विउ पावु दो-जोहु

अकयणु लोइ-दुयउ कूर-कम्भु पर-छिड्ड-पेक्खणु ।
 वेहासिउ मुह-महुरु सुयण-जणिय-दुहु दुव्वियक्खणु ।
 दुज्जणु किह णु मुहावहउ अमत्थिउ वि हवेइ ।
 जो गुण मेल्लिवि वप्पह वि दोस-च्चिय फुहु लेइ ॥

[७]

बहु वि मच्छर-नडिउ विहि-वसिण

न सुणेइ फुहु इयर-कइ- कव्वु सयल-गुण-रयण-मंडिउ ।
 अविद्याणुउ किं कुणइ कव्व-गुणिहिं दह-जडिम-चट्ठिउ ।
 खल गव्विय वुह मच्छरिय सेस अयाणुय दंणि ।
 को वि सुणंता लद्धु न वि शीणु मुहासिउ अंणि ॥

४. १. नारिसु वयणविणेणु. २. पुरणु. ६. इयं तं निमुणहु णहु भवियणहु. ७. वाणि.

५. १. तं तु; वुत्तंतु. २. भणंतु. ३. सुणहु सवियण हुम्भ पसिऊण सज्जणय.

६. २. अकयणु ५. जणियहु दुव्वि.

७. १. लुहु. ५. गुणिहिं द जडिम वडिउ. ७. क. अयाणु; ख. दणि. ९. क. शीण.

अवि य

[८]

गरुय जंपिउ मुकइ-कइणो वि

गुरु-गव्व-लीलइं गमहिं नीय छलिवि मेल्लहिं सुहासिउ ।

उत्ताणा भमहिं लहु उवयरेमि कहिं गुण-पयासिउ ।

हुं चिट्ठहिं गुण-गइण-रय सज्जण कि वि थवणंमि ।

तत्थ कयत्थउ मज्झ समु पत्थुय-कह-करणंमि ॥

तउ य

[९]

आसि निन्नउ लहरु अह वीरु

ता नेहु तस्संगरुहु धवलु तस्सु आणंदु नंदणु

एएसि सचिवाहं कुल- गयण-चंदु मुहि-सयण-रंजणु ।

पउमावइ-तणु-सिप्प-उड- मुत्ताहल-उवमाणु ।

हुयउ पहु सचिवाहिवहं पुइइवाल-अभिहाणु ॥

[१०]

सत्ति-रहिउ वि गुरु-पसाएण

गुण-रयण-महोयहिण पोरुयाड-वंसेऽभिजाइण ।

आणंद-सचिवह सुइण पुइइवाल-सचिवाहिराइण ।

अब्भत्थिउ नेमिहि जिणह लेसिण भणिसु चरित्तु ।

सिरि-सिरिचंद-मुणीसरह नाम-मंतु सुमरंतु ॥

८. ३. नाय. ६ विहहिं. ७. क. त्थवणंमि, ख. तु(उ?)वणीमि. ८. कयच्छ. ९. पत्तुय; करणेमि.

९. ४. पएसि सविं वहिं. ५. क. सुहिं; ख. सुयण. ६. क. सिप्प (or सिथ).
८. एहु सचिवाहिवइ.

१०. २. महोयहियण. ३ क. पोरुयडि; सिजाइण; ख. पोरुया पोरुयाड. ४. क. आण-
वणि; ख. आणींद. ५. सुइइवाल. ६. क. The portion of the palmleaf mar-
gin which supplied the text between नेमि and ण भणिसु (left out
in copying) is partly torn. ९. सुमरेदु.

तथा हि

[११]

इह मुर्णिमि व सृण्वित्तमि

मेरुमि व विबुह-सुहि कामुण व्व सायर-विहूसणि ।
सरियंमि व नय-गहणि जंबुदीवि महि-रमणि-मंडणि ।
गणियाए व्व समुल्लसिय- विसय-ग्गाम-समिद्धि ।
वासि वसुंधर-सिरि तिलह भरह-क्खेत्ति पसिद्धि ॥

[१२]

एत्थ सुरगिरि-तुंग-पायारु

आराम-तरु-सिहर-गय- रवि-तुरंग-हेसिय-सुहावहु ।
एरावड-सरिस-करि- सय-सहस्स-संकिण-पुर-पहु ।
जच्च-तुरंगम-संदणिहि खुहिय-खोणि-पडिक्खु ।
भवण-णिवेस समिद्धि-सुर- पुर-सिरि-चोरण-दक्खु ॥

[१३]

तरुण-सुंदरि-वयण-हरिणंक

मुमुसूरिय-तिमिर-भरु गरुय-तेय-निव-तरणि-भणहरु ।
महि-मंडण-जिणभवण- कणय-कलस-किरणोलि-भासुरु ।
आसि विहव-जिय-वेसमण- बहु-वणि-वग्ग-समिद्धु ।
धरणि-नियंविणि-तिलउ पुरु अयलपुरु-त्ति पसिद्धु ॥

[१४]

तेइ दिणयरु दाणि करि-राउ

गरुयत्ति तियसिंद-गिरि धम्मि समणु विण्णाणि पुण विहि ।
सूरत्तणि स्वर-नहरु रुवि मयणु लायणि जलनिहि ।
गुरुयण-विणय-प्पमुह-गुण- गण-कंचण-कसवट्टु ।
महि-विलसिर-कुनराहिवड- दुन्नय-दलण-धरट्टु ॥

११. ८. वसुंधर.

१२. ५. पुरहु. ६. क. संदणिहि. ९. चोरणक्खु.

१३. ३. तिय; भणहरु. ६. जिणय.

[१५]

नियय-भ्रुय-वल-दलिय-दुहंत-

पडिविस्त्रय-करडि-घडु पवर-रुव-परिविजिय-मुरवर ।
 उल्लासिय-सरय-ससि- विमल-कित्ति-धवलिय-दियंतरु ।
 दुन्नय-पर-नरवइ-निवह- हियय-ढहण-हुयवाहु ।
 विक्रमधण-नामिण पयडु तहिं अहेसि नरनाहु ॥

[१६]

महुर-वयणिण विजिउ कलहंसु

वर-गमणिण करि-कलहु रयणि-रमणु पुणु वयण-कंतिण ।
 निय-रुविण मयण-पिय हंसासणि सिय-दंत-पंतिण ।
 नयण-विलासिण सिमु-हरिणि सीलिण सीयाएवि ।
 रंभ तिलोत्तिम हरि-दइय जिए जिय लीलाए वि ॥

[१७]

सा कुलायल-तुंग-वर-वंस

भ्रुवणुत्तिम-कित्ति-धर पीण-सिहिण-भारिण नयंगिय ।
 मिय-भासिर थिर-गमिर विमल-सयल-गुण-रयण-चंगिय ।
 नरवइ-माणस-मयगलह संजमणाल-त्थंभु ।
 धारिणि-नाम अहेसि पिय मयण-विजय-भारंभु ॥१७॥

[१८]

नोइ-कुमुइणि-सरय-रयणिंदु

सत्थत्थ-पयडण-तरणि निवइ-हियय-कलहंस-सरवर ।
 अइ-दुद्धर-रिउ-करडि- तुरय-मुइड-रह-गुरु-भयंकरु ।
 संपीणिय-निय-पणइ-जणु तरुणी-यण-कय-तोसु ।
 राय-कज्ज-उज्जुत्त-मणु दूर-पणासिय-दोसु ॥

१५. ८. विक्रमधणनाभयण पिय हंससेणि सियण पयडु (cf. 16, 4-5 below).

१७. १. साहु. ३. केतिधर. ७. सेजमणात्थंभु.

१८. २. सायरय. ६. सेपीणिय. ७. क. यणु.

[१९]

पवर-लक्खण-रयण-भंडारु

ससि-विमल-विवेय-निहि संत-चित्त-महुयर-सरोरुहु ।
 समुवज्जिय-विमल-जस- भरिय-भुवणु धरणियल-कय-सुहु ।
 इह-पर-लोइय-सयल-सुह- कम्म-विसेस-वियाणु ।
 विक्कमवण-नरवइ-सचिवु आसि सुमइ-अभिहाणु ॥

[२०]

अह नराहिवु सयल-निय-रज्ज-

वावार-भरु दुद्धरु वि सचिव धवल-खंधरि निवेसिवि ।
 चिर-संचिय-मुकय-गुण- वसुवल्लु जसु दिसि पयासिवि ।
 धारिणि-देविहिं सहं असम विसय-सुहइं सेवंतु ।
 चिट्ठइ दोगुंदुग-सुरु व गउ वि कालु अमुणंतु ॥२०॥

[२१]

इय ललंतहं तेसि वहु कालु

अणहुंत-पुत्तहं गयउ तयणु विविह-देवय-विसेसहं ।
 आराहइ पय-पउम देइ दाणु वेज्जइं असेसहं ।
 वियरइ उवयाइय-सयइं कुणइ अणेग उवाय ।
 सुय-सुह-दंसण-लोल-मइ नरवइ तइइया य ।

[२२]

अन्न-वासरि रयणि-मज्झंमि

सेज्जायलि मिउ-फरिसि सुह-पमुत्त धारिणि महासइ ।
 पुव्वज्जिय-गिरि-गरुय- मुकय-वसिण सिविणंमि पासइ ।
 केण-वि पुरिसिण घर-अजिरि आणिवि तरु सहयारु ।
 आरोविउ गरुयायरिण अट्ठ-वार विहि-सारु ॥

१९. २. विवेय. ७. क. विवेस ८. विक्कम.

२०. २. वारभरु. ६. सुहु. ८. क. सुर.

२१ क. पुत्तह. ६. उववया.

[२३]

नवम-वारहं कुसुम-फल-भार-

भञ्जंत-साहा-सहसु पत्त-रिद्धि-जय-जंतु-मणहरु ।
 नाणाविह-राय-सुय- विहिय-सेवु तरु-नियर-सुंदरु ।
 लोयालोय-परिष्फुरिय- पुहइ-नियंविणि-केउ ।
 हुयउ महहुमु तिरिय-नर- तियसामुर-सुह-हेउ ॥

[२४]

अह समुद्विवि हरिस-दिणईद-

वियसंत-वयणंवुरुह वहल-पुलय पप्फुल्ल-लोयण ।
 विक्कमधण-नरवइहि पुरउ गंतु पसरंत-जोव्वण ।
 निउणु समग्गु वि सिविणु एहु निय-मणि अवघारेवि ।
 कर-संपुडु मत्थइ धरिवि साहइ धारिणि देवि ॥

[२५]

अह नराहिवु भणइ साणंदु

सामन्निण ताव एहु हउं मुणेमि जह तुज्झ सुंदरि ।
 फुडु होसइ कोवि सुय- रयणु दाण-परिविजिय-मय-करि ।
 इय साहिउ ससि-वयणि तुह मइं सिविणहं उदेसु ।
 सिमिण-वियाणय नर इयरु जइ जाणिसहिं विसेसु ॥

[२६]

इय परोप्परु दोवि जंपंत

सद्धम्म धम्मिय-कहहिं गमहिं रयणि नीसेस सेस वि ।
 गुरु हरिसामय-रसिण भरहिं वसुह-सयलप्पएस वि ।
 अह पाहाउय-तूर-रव- सवण-जणिय-पडिबोह ।
 सिविण-रयण-उवदंसणिण दुग्गणीकय-सुह-सोह ॥

२२. ६. भिवणीमि.

२३. २. स्साहा. ५. क. नियर. ६. लोय for लोयालोय. ८-९.

तिरियसामुर.

२४. १. दिणईद. २४. २. क. वयवुरुह. ६. मुरउ. ८. सेमुडु.

२५. २ क इहु. ३. मुणिमि. ७. क. मइ सुविणहं.

२६. १. य परोप्पारु; क. जंपंतु. ३. नीसेसे. ६. क. प्पएसु.

[२७]

तयणु उट्टिविविहिय-नीसेस-

पाहाउय-कम्म-विहि दिण्ण-सच्चवअवसरु महामइ ।
 अत्थाणियमुवविसिवि विहिय-चारु-सिंगारु नरवइ ।
 सिविण-वियाणय सयल नर सदावइ साणंदु ।
 ते वि मुयंता हरिस-भर- नयण-सलिल-नीसंदु ॥

[२८]

पत्त तक्खणि पुरउ रायस्सु

करयल-कय-कुसुम-फल ललिय-वयण-विण्णाण-मुंदर ।
 बहु-सउणुवइट्ट-मुइ- लाह-गरिम-परितुलिय-मंदर
 तयणु नराहिव-कारविय- गुरु-सक्कार-पट्टिट्ट
 झत्ति नरिदिण दावियइ पवरासणि उवविट्ट ॥

[२९]

अह नरेसरु दइय-सच्चविय-

सिविणत्थु पुच्छइ पुरउ तेसि विणय-पणमंत-कायहं
 सामन्निण ते वि तसु कहहि देव तुह थोव-दियहहं ।
 मज्झि हविस्सइ सुय-रयणु पसरिय-निरुवम-तेउ ।
 अरि-तरु-मूलुद्धरण-खमु पणइ-लोय-मुह-हेउ ॥

[३०]

नवम-वारहं कुसुम-फल-रिद्धि

जं जाय अंव-हुमह तं तु संसु अम्हि वि न-याणउं ।
 एसो वि हु को वि पुणु फल-विसेसु ढोसइ पहाणउं
 तयणु नरिदिण सायरिण एवमिमं ति भणेवि ।
 सिविण-वियक्खण मोक्कलिय बहु पडिवत्ति करेवि ॥

२७. ७. सद्देइ.

२८. २. The portion of the folio of क containing line ३ is lost. ७. सक्कर.

३०. १. विद्धि. ३. वि न यापाणउं.

[३१]

तह समुस्सिय-हरिस-पुल्लण

निय-देविहि धारिणिहि कहिउ सयल पुव्वुत्तु वइयर ।
 देवी वि हु परिमुणिवि निवइ-वयण जय-जंतु-सुहयर ।
 गरुयाणंदिण धरणि-यलि कह वि न माइ न ठाइ ।
 उदय-दसा-गय-सहसकर पुव्व-दिसि व्व विभाइ ॥

[३२]

तह पयट्टइ गव्व-निव्विग्घ-

परिवुद्धि-उज्जय-हियय सयल-विहिण वेज्जोवइट्ठिण ।
 आराहइ देव-गुरु- पाय-पउम विणएण जेट्ठिण ।
 कारावइ महि-यलि सयलि साहम्मिय-सम्माणु ।
 वियरावइ अणवरयमवि दीणाणाहं दाणु ॥

[३३]

न वि य भुंजइ कह वि अइ-निट्ठ

अइ-निट्ठ वि परिहरइ नाइ-उण्ह न य सिसिरु सेवइ ।
 करि बंधइ ओसहिउ मुयइ उचिय-कम्मइ न केम्बइ ।
 मिउ बोल्लइ थिरु चंकमइ वज्जइ गव्भायासु
 कहमवि पावारंभइ वि न पयच्छइ अवयासु ॥

[३४]

तह नराहिवु तणय-मुह-कमल-

अवल्लोयण-मुह-तिसिउ कुणइ पियह दोहलय-पूरणु ।
 परिसील्लइ देव-गुरु स कुलएवि-अभिहाण-सुमरणु ।
 उग्योसावइ आयरिण सयल-महिहिं अम-घाउ ।
 मोयावइ चारय-भन्नणि रुद्ध-लोय-संघाउ ॥

३२. ३. सहल.

३३. ३. उण्ह न य सिसिर. ४. बंधइ उसहिउ. ५. केम्बइ.

[३५]

एत्थ-अंतरि निवइ विण्णत्तु

आगंतु सव्वायरिण परम-विणय-पणमंत-सीसिहिं ।
 कर-संपुट्टु सिरि धरिवि होउ पुरउ निव-पवर-पुरिसिहिं ।
 बद्धाविज्जसि नाह तुहुं पोवर-धण-लाहेण
 कुंजर-तुरय-समागमिण रिउ-निव-विजय-महेण ॥

[३६]

जमिह कंचण-रूप-माणिक्य-

मुत्ता-मणि-असम-सिरिखंड-तंव-त्रिहुम-कथूरिय
 कालागुरु-पमुहु-वर- वत्थु-सत्थ-भंडार-पूरिय ।
 तुह दंडाहिव-रण-विजिय- अप्प-णमिर-निवईहिं ।
 पेसिय पहु बहु-करि-तुरय- रयण विणय-पणईहिं ॥

[३७]

अह वियासिय-नयण-कमल-दल्लु

पफुल्ल-वयणंवुरुहु वहल-हरिस-रोमंच-अंचिउ ।
 परिचित्तइ धरणि-पहु अहह पुव्व-भव-पुण्ण-संचिउ ।
 होही को वि महंगरुहु जो तसु धण-अमिहाणु ।
 दायव्वउं मउं वित्थरिण जय-पयडिय-सम्माणु ॥

[३८]

काल-जोगिण गन्धि वट्ठंति

ससि-जुयल-समाण-पह हुय कवोल नं स-जस-धवल्लिय ।
 मरगय-मणि-पिहिय-मुह फलिह-रयणमय-कलस-जुयल्लिय ।
 तहिं अवसरि अहरीकुणहिं थोर-थिर-त्थण-वट्ठ ।
 नं कप्पूर-सत्ताय-रय- पसरंजलि-परिघट्ट ॥

३५. ३. परमेत. ४. धरि left out.

३६. ६. दंडाहिव. ८. बहु left out.

३७. २. क. कमलदलनयण. २. पफुल्ल.

[३९]

तह पवट्टहिं पउर-जिभाउ

नीसास बहलीहवहिं गलइ तिबलि अरुइ वि विसट्टइ ।
 परिसिद्धिलहिं सयल-तणु- संघि-बंध उज्जमु न वट्टइ ।
 उयर-नियंव पवित्थरहिं लज्ज सुमंसलिहोइ ।
 गम्भ-वसिण देविहिं तणिय आण न खंडइ कोइ ॥

[४०]

एवमइगय तीए नव मास

अद्धट्टम-दिण-अहिय अह पसत्थ-वासर-मुहुत्तिण ।
 उच्च-ट्टिय-सोम-गह दिट्ठि लमि बहु-मुकय-पत्तिण ।
 रबि-रयणीयर-मंडलिहिं परिवड्ढिर-तेएहिं ।
 महियल-लोय-मणोरहिं संपाविय-पसरेहिं ॥

[४१]

जणइ धारिणि देवि उदयहि-

वसुह व्व तेयम्भहिउ तणय-रयणु दिणनाह-सच्छहु ।
 अह मुललिय दासि लहु तहिं पट्टत्त जंपइ य पेच्छहु ।
 पढम-दिणंमि वि नंदणह का वि सरीरह कंति ।
 जं पेक्खवि तियसामुर वि पसरिय-विम्भय हुंति ॥

[४२]

ता निजुंजिवि स्रइ-कम्मंमि

तयहिण-वहुविह-महिल कुमर-वयण-दंसणिण तुट्ठिय ।
 सयमसरिस-वेग-भर- परिगलंत-उत्तरिय उट्ठिय ।
 गंतु नरिंदह पय-पुरउ भणइ भुवण-सुहएण
 वद्धाविज्जसि देव तुहुं तणय-रयण-जम्मेण ॥

३९. ७. सुमिसलि.

४१. ३. रय left out.

४२. ४. रेवगभर. ५. पेरगलंत. ६. परंयपुरउ.

[४३]

तयणु दासिहि श्रुति सु-पसन्नु ।

आसत्त-वेणिउ दविणु फुरिय-गरुय-हरिसिण दवाविवि ।
 चारय-घर-रुधु जणु सयल-महिहि तक्खणि भुयाविवि ।
 नयर-पहाणई आइसिवि स-पुर-महूसव-कज्जु ।
 विक्कमधण-नरवइ धरिवि मणि नंदणु निरवज्जु ।

[४४]

जणु समग्गु वि परिविसज्जेवि

अत्थाण-मंडव-तलह तणय-वयण-दंसणि सइत्तउ ।
 तोसेत्तउ मुहि-सयण वंदि-जणह बहु-दाणु देत्तउ ।
 तुरिय-पय-क्खेविण धरणि- पयडिय-परम-मुहंमि ।
 पत्तउ धरणि-प्पहु नियय नंदण-जम्म-गिहंमि ॥

[४५]

तयणु सत्थिय-मुसल-मंथाण-

वर-वंदणमाल-बहु- लोह-रक्ख-मंगल-पईविहि ।
 जण-मणहरि सूइ-घरि तणय-रयणु धारिणिहि देविहि ।
 पासि निरिक्खिवि अइ-पवर- लक्खण-सहस-निहाणु ।
 निवइ करावइ तस्समय- जोग्गु समग्गु विहाणु ॥

[४६]

अह गहेविणु करिहिं सुय-रयणु

पप्फुल्ल-लोयण-कमलु भणइ पुरउ नरवइ स-दइयह
 जह सामिणि तुहुं जि पर सल्लहणिज्ज मज्झंमि ति-जयह ।
 एग-च्छत्त असेस महि निव-लक्खण-कुल-गेहु ।
 जीए तणुब्भवु जय-पवरु हुयउ इमेरिसु एहु ।

[४७]

ता पढंतिहिं भट्ट-चट्टेहिं

गायंतिहिं गायणिहिं सुयण-सुहिहिं तस्खणि मिलंतिहिं ।
 नच्चंतिहिं पण-तरुणि- सइहिं सयल-जण-मण हरंतिहिं ।
 आणंदिय-भुवण-यल-ठिय- पवर-तरुणि-पुरिसेण ।
 काराविउ वद्धावणउं निविण फुरिय हरिसेण ।

[४८]

इय निरंतरु कुमर-विसयंमि

किज्जंतइ परम-महि छट्ट-दियहिं अणुकमिण पत्तइ ।
 वाहित्तइ पुर-पवर- लोइ कुमर-गुण-गहण-रत्तइ ।
 निवइ करावइ अविहवहिं तरुण-हियय-हरणीहिं ।
 गुरु-छट्टिय जागरण-महु सोहग्गिणि-तरुणीहिं ।

[४९]

अह पहुत्तइ कुमर-रणस्सु

एगारसमइ दियहिं धरणि-पवरि लोयंमि मिलियइ ।
 वर-भोयण-कुसुम-फल- पमुह-पवर-वत्थुंमि दलियइ ॥
 सामंतहं मंतिहिं पुरउ विक्कमधणिण भणीउ ।
 गढभवहणइ कुमरि धण- आगमु मइं निसुणीउ ॥

[५०]

ता विचिंतिउ मज्झ जो को वि

कुल-गयण-ससहर-सरिसु तणय-रणु होसइ पसत्थउ ।
 दायव्वउं तस्सु धण नागु करिवि निय-जणु कयत्थउ ॥
 तत्तो तुम्हाण वि पुरउ हवउ एहु एयस्सु ।
 सुपइट्ठिउ निरु सुइरु धण- नागु वसुह-सुहयस्सु ॥

४७. १. भट्टमट्टेहिं. ३. सुहिहिं ज.

४८. ७. क. तरुणि. ८. जट्टि य.

४९. २. ह. एगारसमहि.

५०. १. क. माइ जो.

[५१]

अह सुणेप्पिणु नामु कुमररस्सु
 साणंदु सयलो वि जणु नियय-नियय-विहवानुमारिण ।
 कर विरइवि मुद्ध-यलि पुव्व-पुरिस-चरियाणुमारिण ॥
 वत्थाहरण-तुरंगमिहि कुंजर-विसय-पुरेहि ।
 पाय-पूय वमुहाहिवह कुणइ तयणु स-करेहि ॥

[५२]

धरणि-सामिण करिवि सक्कारु
 सामंत-मंति-प्पमुह सयलु लोउ पमुइवि विसज्जिउ ।
 ता पंच वि धाइयहु कुमर-कज्जि जत्तिण निजुंजिउ ।
 विक्कमधणु वमुहाहिवड पमुउउ पालइ रज्जु ।
 कुणइ य इह पर लोय-गय- विहि-विसेमु निरवज्जु ।

[५३]

सिहरि-कंदर-कप्प-विडवि व्व
 निव्विग्गु वुडिहं गयउ सुकय-कम्म धण-कुमर-रयणु वि ।
 जमु वियसिय-मुह-कमलु सव्वओ वि गुण लेइ पिमुणु वि ।
 तह मिय-पविख समंकु जिह हिम-धवलाण कलाण ।
 सो त्तिवय जायउ कुल-भवणु अइरेण वि सयलाण ॥

[५४]

ता पयंपिरु गमिरु विलसिरु वि
 परिओसइ निवह मणु वसइ हियइ धारिणिहि देविहि ।
 परिथुव्वइ आयरिण पवर जणिहि पय-पउम-सेविहि ।
 हुयउ पयडु महि-यलि सयलि निरुव्वम-गुण-रयणेहि ।
 तह जह सेमु वि सहस-मुहु न खमु कहिउ वयणेहि ॥

५२. ३. क. सयल. ७. रज.

५३. ३. रणु वि. ५. सव्वडः पिसु वि. ७ कलाण left out.

५४. १. पायंपिरु. २. परिउसइ. ४. आयरियण. ९. वणेहि.

इओ य-

[५५]

धरणि-कामिणि-कुसुम-सरिसंमि

कुसुमउर-नामय-नयरि आसि चंद-निम्मल-महामइ ।
 रिउ-निव-कुल-करडि-घड- सीहु सीह-अभिहाणु नरवइ ॥
 तसु पुण दइय पसत्थ-गुण विमल विमल-अभिहाण ।
 आसि नराहिव-पमुह-जण- कय-पडिवत्ति-पहाण ॥

[५६]

तहं चमक्किय-सयल-जय-जंतु

नीसेस-लक्खण-निलय जाय धूय गुरु-सुकय-जोगिण ।
 किज्जंतइ विविह-महि सयल-नयरि अह निव-निओगिण ॥
 वियरिउ कुमरिहि वित्थरिण धणवइ त्ति अभिहाणु ।
 रज्ज-पहाणहं सयलहं वि पयडाविय-संमाणु ॥

[५७]

ता अणुक्कम-पत्त-तारुण

असवण्ण-लायण-भर- भुवण-तरुण-मण-हरण-पच्चल ।
 कुंदिंदु-समुल्लसिय- विमल-सयल-कल-विसय-निच्चल ॥
 अन्न-दिणंमि समाण-वय- रुव-समिद्धि-मईहिं ।
 धणवइ गय उज्जाण-वणि सहिय अणेग-सहीहिं ॥

[५८]

तयणु केयइ अंव जंवीर

मंदार दाडिम कुडय करुण कयलि कायंव जंवुय ।
 करवंदिय विज्जउरि ताल साल नालियरि लिंवुय ॥
 किसलय-कुसुम-फलोणमिय साह-सहस साहिल्ल ।
 पेक्खिर वियसिय-मुह-कमल नियइ सहिय नियइल्ल ॥

५५. १. कुसुम.

५६. ३. सकय.

५७. २. असवण्ण left out. ४. सनुल्ल. ७. समिद्धि.

५८. १. केवइ. २. मंदार दुडिम. ३. जायलि. ४. करविद्धिया. ६. किसल. ७. साह साहिल्ल. ८. पेक्खियर; कतल. ९. सहिय इल्ल.

[५९]

एत्थ-अंतरि पउर-साहस्सु

बहु-पल्लव-कुमुम-भर- रिद्धि-जणिय-आणंद-पसरह ।
 पच्छादय-सहसकर- किरण-भरह चुय-तरुहु एगह ॥
 हेट्ठि नियइ चित्तयर-नरु फलहिय-इत्थु निविट्ठु ।
 अविहिय-वयण-वियारु निरु तक्खणि मणि संतुट्ठु ॥

[६०]

अह हविस्सइ किमिह फलहीए

इय विंभिर निव-दुहिय गइय पुरउ चित्तयर-पुरिसह ।
 ता चेत्तु स-कर-यलिहिं नियइ समुहु तमु वित्त-फलियह ॥
 अणिमिस-दिट्ठिहिं गुरु हरिस- रोमचिय-सव्वंग ।
 वाम-स-नयण-प्फुरण-परिसुइय-पिययम-संग ॥

[६१]

तयणु वुज्झिवि हियय-सम्भावु

सरइंदु-निम्मल-मइण ताहिं ताहिं चिट्ठाहिं कुमरिहिं ।
 कमलिणि सहि चित्तयर पुरउ भणइ वयणेहि महुरिहिं ॥
 भइ निवेयसु कस्सु एह पडिम पुरिस-रयणस्सु ।
 माणिणि-माणुम्मत्त-करि- कलह-दप्प-दळणस्सु ॥

[६२]

तयणु सायर ईसि विहसंतु

चित्तयर-नरु वज्जरइ अहह मुद्धि किं तइं न याणिउ ।
 एहु एत्तिउ कालु नर- रयणु सयल महि-यलि वग्वाणिउ ॥
 जं जसु कित्ति-मुद्दा-रसु वि धवलइ भुवणु असेसु ।
 तिब्बु पयावु वि निदहइ रिउ-कुल-कमल-विसेसु ॥

५९. ४. क. सहसकरि. ५. चुयतरुह.

६०. २. चित्तय. ४. चित्तु सकरयणिहि. ५. मुहुत्त. ८. क. वामम.

६२. ४. तित्तयर.

[६३]

हरिस-वियसिय-वयण-तामरस

सोक्कंठ तियसंगण वि मेरु-सिहरि गायंति जसु गुण ।
 पायालि वि भवणवइ- विलय होति अणुराय-मुम्मण ॥
 मणुय-नियंविणि-नियर पुणु हूय अवल सव्वत्थ ।
 जसु सोहग्ग-कुठार-हय- माण-यंभ-सामत्थ ॥

[६४]

अवि य तुंगिम गिरिहिं एगेव

गंभीरिम जलनिहिहिं थिरिम महिहिं गयणंमि विउल्लिम ।
 तेयडिद्धम सहसकरि रयणि-रमण-विंमि सिसिरिम ॥
 एहु पुणु एक्कु समग्गहं वि एयहं गुणह निहाणु ।
 विक्कमधण-निव-अंगरुहु निरुवमु धण-अभिहाणु ॥

[६५]

मइं लिहेविणु चित्त-फलदियहं

निय-सत्तिण रुव-लवु विहिउ पुरउ स-विणोय-कज्जिण ।
 तसु सयलु वि रुवु पुणु विहिउ केण तीरइ मणूसिण ॥
 इय लेसिण धण-कुमर-वर- वइयरु मइं अक्खाउ ।
 जो तियसामुर-तरुणियहं गीय-रविण विक्खाउ ॥

[६६]

इय भणंतु वि गयउ अन्नत्थ

चित्तयर-दारय-तरुणु तयणु विमलदेवीए बालिय ।
 अमुणंती कुमर-कह तिसमवाण-मग्गण-पम्वालिय ॥
 निवडिय सुद्धइ धरणि-यलि सीह-नराहिव-कन्न ।
 किं न दुहावइ तक्खणिण परिगलंत-चेयन्न ॥

६४. १. एणवे गमी°.

६५. ३. पुरजो ५. लिहिउ, ८. क. तरुणियं.

[६७]

तयणु कमलिणि-पमुह-सहि-यणिण
 सव्वत्तु वि उवयरिय विविह-सिसिर-उवयार-सहसिण ।
 अह वियलिय-मुच्छ-दुह कह वि कह वि मंपत्त-चेयण ॥
 धण-कुमरं चिय चित्त-ययमुमय-विहिहिं ज्ञापइ ।
 अमय-जलहि-मज्झ-द्विय वि अन्नह रइ न लहेइ ॥

[६८]

अह कहं-चि वि कुमरि धव्वलहरि
 आणेवि विमुक्क तसु परियरेण ठाविवि सुहासणि ।
 परिसाहिउ निव-पुरउ वइयरो-वि पुव्वुत्त तक्खणि ॥
 ता आणंदिण निव-पुरउ देवि सइत्त-स-चित्ति ।
 जंपइ जह—वद्धानणउं हुयउं करेइ म भंति ॥

[६९]

जं सुदेवह कुमरु भाणेज्जु
 नाणंदु वि हवइ मह पिउसि-जाउ कुमरीए वंधवु ।
 अणुराउ वि तसु विसइ धणवईए ता कह न ऊसवु ॥
 तह अणुरुविण माणुसिण कसु न मुहउ संवंधु ।
 हवउ विहि वि दोणह वि जणहं इह घडणुद्धर-वंधु ॥

[७०]

एत्थ-अंतरि दारवालेण
 विण्णत्तु — जु आसि वहु कालु देव-पाएहिं पेसिउ ।
 सो पत्तउ चित्तगइ- नाम-मंति इह वुह-पमंसिउ ॥
 इय सामिय साहसु हवउ केरिमु तसु आप्पमु ।
 तयणु पयंपइ निवइ लहु लहु इह तं आणेमु ॥

६७. १. क. ख. सव्वन्नु ५. कहं वि.

६८. ७. क. सइन्न. ९. मं.

६९. २. नाणिदु पु हवइ. ५. ऊसहु. ९. The portion of the line after इह is lost in क.

७०. ३. पायहि. ५. क. एह.

[७१]

ता खणद्धिण चित्तगइ सचिवु

संपत्तु निवइहि पुरउ तयणु पुट्टु नरवरिण - भइय ।
 तं एत्तिउ कालु कहि ठियउ नियय-कुल-गयण-वंदय ॥
 अह मु नमेविणु विन्नवइ इउं पहु अयलपुरंमि ।
 थक्कउ एत्तिउ कालु बहु- कोउग-इंस-सरंमि ॥

[७२]

अह नराहिवु भणइ - तइं दिदट्टु

किं किंचि वि अच्छरिउ तत्थ कालु एत्तिउ वसंतिण ।
 इय साहसु सचिव मह तयणु भणिउ निव-पुरउ भंतिण ॥
 पहु मइं दिदट्टु तमच्छरिउ जं सक्को वि असक्कु ।
 कट्ठिमसेसिण जीविणण इग-वयणिण अवियक्कु ॥

जओ —

[७३]

जो पसत्थउ अत्थ-सत्थंमि

गीयत्थु गीयइ कहइं निरु करालु करवाल-कम्मिण ।
 अइ-दुद्धरु मुगरि वि कट्ठिणु कुंति दद-सत्तु-वग्मिण ॥
 रिउ-सिर-सल्लु सु सल्लि भड- कुल-पर्यंहु कोदंडि ।
 जणिय-चमक्कउ चक्कि जय- गहिय-डंडु भुय-डंडि ॥

[७४]

तह सु-सिक्खिउ तुरय-सिक्खाए

अकलंकु कुंजर-कलहं तुलिय-भुवणु असिध्रेणु-सत्थिण ।
 संपाविय-पसरु सरि सत्तु-सल्लु दद-सेल्ल-इत्थिण ॥
 पत्तच्छेइ सु-छेउ वर- चित्तयम्मि सु-विचित्तु ।
 वाइ-इंहु वाइय-कलहं धम्म-कम्मि सु-पवित्तु ॥

७१. ५. क. ठिओ. ख. ठियिउं ६. क. विण्णवइ.

७२. ९. क. एग.

७३. १. जाउओ. ५. धम्मिण. ६. भव.

७४. ५. दलसेल्ल.

[७५]

गहिरु सुंदरु सरलु सच्छाउ

सु-कुलुम्भवु नय-सरणु सयल-नोइ-सासण-वियक्खणु ।
 बुह-मंडणु सत्तु-मय- तिमिर-तरणि सु-पसत्थ-लक्खणु ॥
 विक्कमधण-वसुहाहिवहु तणय-रयणु धण-नामु ।
 दिट्ठउ मइं सो अयलपुरि निरुवम-गुण-मणि-धामु ॥

[७६]

एत्थु सामि तत्तु तुहुं सुणसि

परमेउ लेसिण हउं वि विण्णवेमि निय-बुद्धि-जोगिण ।
 धण-धणवइ-मिहुणयहं असम-रूव-संवंध-विरहिण ॥
 जायइ अवजमु देववह वि फुरइ कलंकु भवस्सु ।
 ता चित्ति नरवइ -- अहह वयण-महिम सचिवस्सु ॥

[७७]

तयणु विणइण विजिय-जय-लोउ

निब्बिग्घ-वहु-कज्ज-करु परम-वयण-विण्णाण-सुंदरु ।
 सच्चिवाहिवु चित्तगइ पत्थुयत्थ-निम्मवण-मणहरु ॥
 अणुजाणइ सिरि-अयलपुर- गमणि विहिय संवाहु ।
 विक्कमधण-वसुहाहिवह पुरउ सीइ-नरनाहु ॥

[७८]

एत्थ-अंतरि चंदवइ-नाम

लहु भइणिय कुमरिहि वि सुणिय-सयल-पुच्चुत्त-वइयर ।
 पप्फुल्ल-नयणंवुरुह सत्ति गंतु निय-सार-परियर ॥
 जंपइ धणवइ-पय-पुरउ अविहिय-वयण-वियार ।
 नणु दीससि किं भइणि तुहुं पाविय-दुह-पम्भार ॥

७६. २. क. हउ. ४. क. मिहुणवह.

७७. १. जियलोउ. ४. क. The portion after वाहि lost. ५. क. प lost

७८. १. क. एत्थअंतरि lost. ३. क. वइयर. ९. क. पम्भार.

[७९]

अहव जणइण अयलपुर-नाह-

कुल-गयण-पुण्णिम-सरय- रयणि-रमण-धण-नाम-कुमरह ।
 जं अज्ज विइण तिण सयण-भावि-विरहिण दुहिज्जह ॥
 ईसि हसेविणु कमलिणिहिं मणिउ एत्थ-पत्थावि ।
 किं न मुणसि तुहुं जिण कुमरि एरिस दुय सत्था वि ॥

[८०]

कहसु पिय-सहि तुहुं जि दुह-हेउ

विण्णाइण कज्जु महु जं जु गावि वालइ सु अज्जुणु ।
 इय पुट्ठइ पुणु भणइ मुणइ सम्मु धणवइहि को मणु ॥
 किं तु स-वुद्धिण तुह पुरउ ठउं वि किं पि जंपेमि ।
 निय-सहि-मण-अमुहावहिण न उ दोसिण लिप्पेमि ॥

[८१]

आसि धणवइ अज्ज उज्जाणि

मयरज्जय-पूय-विहि मुहिसेउ स-सहि-यण पत्तिय ।
 पेक्खंतिय चित्तयर- हत्थि कट्ट-फलहिय सु-चित्तिय ॥
 तक्खणि केण-वि उपपरिण दोसिण एह गहीय ।
 चिट्ठइ अवियक्किय-दुहय- पाविय-एय-विहीय ॥

[८२]

इय सु निम्मल-कलहं कुल-गेहु

बहु-मंत-तंत-प्फुरणु भुवण-तरुणि-मण-महण-मंथणु ।
 विक्कमधण-घरणि-पहु- तणय-रयणु पणइ यण-संयणु ॥
 कहमवि एयह धणकुमरु जइ आविवि वेगेण ।
 कुणइ किं पि उत्तारणउं ता मुच्चइ खेएण ॥

७९. १. जणएण. ५ क. दुहिज्जह. ६. कमलिहिं.

८०. २. विण्णाएण. ७. कंप्पि.

[८३]

अह समच्छर होउ होउ त्ति

पज्जत्तउं तुह कहं नाय तुज्झ कमलिणि वियहिम ।
 खइ खिवहि कखारु किह अहव एह तुह एण्हि वड्डिम ॥
 जं अग्गइ ठिय टिलिविलिहिं जासि अदुहि भइणीए ।
 अहव खमेज्जसु दोसु इहु मह बहु-दुह-सरणीए ॥

[८४]

तयणु कमलिणि भणइ पणमेवि

रुसेसि तुहुं किह णु सहि किं न वयणु निमुणेसि अग्गिमु ।
 सव्वुत्तिम-सिरि-निलय- भुवण-तिलय-पिय-लाह-चंगिमु ॥
 अम्हि वारिय वि न थक्किसहुं मुणिवि स-सहिहि सुहाउ ।
 करिसहुं निय-जीहह वि सुहु बोल्हिवि जह विण्णाउ ॥

[८५]

अज्ज एंतिण नियय-भवणाउ

मइं दिट्ठउ अद्ध-पहि सयल-काल-जाणणु निमित्तिउ ।
 अह कइयहं विसम-दस- विरमु सहिहि हविहि त्ति चिंतिउ ॥
 तिण पुट्ठिण नेमित्तिण कट्ठिउ-म भंति करेसि ।
 आयरु करिमइ धणु कुमरु सयमवि तुह सहि-रेसि ॥

[८६]

एत्थ-अंतरि विहिय-संवाहु

पुव्वुत्तउ चित्तगइ सच्चिबु पत्तु सविहंमि कुमरिहि ।
 जंपेइ य परिविहिय- गरुय-माणु वयणेहिं महुरिहिं ॥
 विक्कमधण-सुय धण-पुरउ अयलपुरंमि गणण ।
 किं कहियन्वउं मइं कहसु सुंदरि तुह कज्जेण ॥

८३. २. पज्जत्तह. ३. नय. ४. क. खिवहि. ८. एहु.

८६. ४. क. The letters between अपेइ and रिक्किय are blurred and illegible. The first letter appears like स.

[८७]

तयणु नणु किं सच्चु संजाउ

सहि-भइणिय-भणिउ इय चितयंत धणवइ-कुमारिय ।
 साणंदु समुल्लवइ सचिव-पुरउ गुरु-लज्ज-सारिय ॥
 अवल अयाणुय वाल हउं सयल-कलुज्जल-चंद ।
 भणिइ-वियक्खण तुह पुरउ किं कहेमि सचिविंद ॥

[८८]

ता सयं पि हु समय-संपत्तु

भणियव्वु असेसु तइं पत्थुयत्थ-संसिद्धि-कारणु ।
 तह कमलिणि भणइ — सहि तं पि किं पि तसु अमुह-वारणु ॥
 स-कर-विणिम्मिउ पेसवसु इयरह गय-सरणाउ ।
 सो पेसिय तुह समुह-मणु विवइहि हय-मयणाउ ॥

[८९]

तयणु धणवइ ईसि विहसंत

लज्जंत महि-निहिय-मुह भुज्ज-खंडु सहस-त्ति चेप्पिणु ।
 गुरु-जत्तिण निय-करिहिं लिहिवि सचिव-करयलि समप्पिणु ॥
 अणुजाणइ पत्थुय-विहिहिं सायरु कय-सक्कारु ।
 तक्खणमवि सचिवाहिवु वि चल्लिउ बहु-परिवारु ॥

[९०]

पवण-वेगिण अयलपुर-नयरि

नरनाह-चल्लणहं पुरउ आगओ य थोविहि वि दियहिहिं ।
 ता पुट्टउ नरवरिण कुसलु भइ सिरि-सीह-निवइहि ॥
 सचिवु भणइ — नणु मह पहुहु सामिय कुसलु सया वि ।
 सार करंतउ वीरु तुहुं जसु न विरमहि कया वि ॥

८८. २. क. असेस. ७. सरणेउ. ९. मयणेउ.

८९. २. क. सज्जंत supplied marginally.

९०. ३. क. थोविह.

[९१]

किंतु कारणं तुरिय-आगमणि

मह सुणसु पसीय पट्ट जेण सयलु साहेमि लेसिण ।
 विक्कमघण-नरवरिण तयणु कहसु कहसु चि भणिण ॥
 सो सचिवाहिवु चित्तगइ सिर-विरइय-कर-कोसु ।
 हरिस-वियासिय-मुह-कमलु साहइ एहु असेसु ॥

[९२]

देव निरुम-रुव-लायण

ससि-निम्मल सयल-कल कुम्भ-चलण कलहंस-गमणिय ।
 कुंजर-कर-ऊरु-जुय अमर-सरिय-पिट्ट-पुलिण-जहणिय ॥
 वियड-नियंव-त्थल गहिर- नाहि-कूव महणिज्ज ।
 अरुचुन्नय-थिर-धोर-थण- जुयल तरुण-रमणिज्ज ॥

[९३]

सुरल-अंगुलि सुहय-कर-कमल

परिवलसिर-वाहु-लय जणिय-मयण-जय-कंठ-कंदल ।
 कणगुज्जल-गंडयल वयण-कंति-जिय-चंद-मंडल ॥
 सवणंदोलय-गय-नयण कोइल-महुरालाव ।
 कमल-दलारुण-अहर अलि- सामल-केस-कलाव ॥

[९४]

चंद-निम्मल सील-सिंगार

हर-हास-कामुज्जलय- चरिय विमल-गुण-रयण-मंडिय ।
 मिय-भासिर थिर-गमिर सयलु कालु पिइ-माइ-वड्हिय ॥
 सीह-नाम-नरनाह-कुल- गयणंगण-ससि-लेह ।
 धणवइ-नामिय अत्थि धुय वर-वहु-लक्खण-गेह ॥

९१. ५. क. ख. भणिण.

९४. ९. क. चडिय.

[९५]

सा उ संपइ मुणिय धणकुमर-

रूवाइय-सयल-गुण- कुरिय-विसमसर-भल्लि-सल्लिय ।
 परिचेट्टइ कह न कह रंग-महिहि नडि जेव भल्लिय ॥
 जइ न लहइ धणकुमरु वरु ता धुवु मरइ स अज्जु ।
 इय अविलंविण पहु-पएहिं बहु-गुणु किज्जउ कज्जु ॥

[९६]

ता नरिदिण भणिउ - किमजुत्तु

सचिवाहिउ इत्थ जइ कह वि होइ अणुकूलु दिव्वु वि ।
 जं सीहिण नरवरिण समगु पीइ मह कालु सच्चु वि ॥
 जइ पुणु हवइ अवच्चहं वि अणुरूवहं संवंधु ।
 ता निय-नेह-तरुहु उवरि हउं वंधावउं चिंधु ॥

[९७]

अह नमेविणु गुरु-पसाउ त्ति

जंपेविणु चित्तगइ निव-विइणि आवासि गंतु वि ।
 वोसमिउण एक्कु खणु स-परिवारु वित्थरिण भोत्तु वि ॥
 सुहि-सयणिहिं सह आगइहिं अमुणिरु गमिरु वि कालु ।
 सह बहु-सुह-दुह-संकइहिं चिट्टइ जाव वियालु ॥

[९८]

तयणु तक्खणि भिन्न-भवणंमि

परिसंठिउ धन-कुमरु मुणिय-सयल-पुव्वुत्त-वइयरु ।
 नणु स-पहुहुं कज्ज-कर भणहिं भिच्च सच्चं पि मणहरु ॥
 ता किं स चउं अह वित्तहु एद्द ३य मणि चिंतु ।
 सचिविदिण आगंतु घरि कय-विणइण विणत्तु ॥

९७. १. पसाओ.

९८. ३. क. सयलु.

[९९]

कुमर किञ्जउ हियय संतोसु

तसु कुमरिहि धणवड्हि भुज्ज-खंडु एहु स-करि चेप्पिणु ।

उग्याहिवि निय-मणिण समय-पत्तु कज्जु वि वियप्पिणु ॥

वियरमु मह आएसु कु वि जह लहु वद्धावेमि ।

सा बालिय तह केत्तिय वि दिण अणुसं-गांमि ॥

[१००]

तयणु दाहिण-नयण-विप्फुरण-

परिसुइय-पवर-पिय- लाहु हरिस-वियसंत-लोयणु ।

निय-हत्थिहिं वेत्तु लहु भुज्ज खंडु गुरु-हरिम-भायणु ॥

विक्रमधण-निव-अंगरुहु तं उग्याडइ जाव ।

गुरु-विम्हय-पप्फुल्ल-मुह- कमत्तु निरिक्खइ ताव ॥

[१०१]

अद्ध-चिन्नय-चत्त-विम-कंद

दर-विहडिय-चंचु-पुड मिहिल-पक्ख वियलंत-कंधर ।

परिमउलिय-नयण-जुय गरुय-ताव-वेविर-मुहंतर ॥

नव-विरहुभव-गरुय-दुह दूर-पणट्ट-विवेय ।

कलहंसिय तर्हि लिहिय तह अक्खर-पंतिय एय ॥

[१०२]

कमल-वल्लह मुपय गय-हियय

महुर-स्सर विमल-हप राय-हंस-संभव मुपविस्सय ।

जय-मुहय-चरण गइ- विउल सुहय मुन्दर सु-दक्खिय ॥

गरु-विरहाणल-तविय-तणु रायहंसु अलहंत ।

चिद्धइ कलहंसिय मयण- सवरिण एह हम्मंत ॥

[१०३]

इय मुणेविणु सुहय कारुणिय

समय-णुय सिरि-तिलय रायहंस पणइ-यण-वच्छल ।
 जं जुत्तउं तं कुणमु सयल-भुवण-मण-मुणण-पच्चल ॥
 अह विम्हिय-मणु धणकुमरु उभय-भाव-दंसीण ।
 परिचित्थ परमत्थु मणि वत्थु-कव्व-हंसीण ॥

[१०४]

कट कइत्तह किंपि कुसलत्तु

वपु गहिरिम जंपियहं अहह भाव-विन्नासु चित्तहं ।
 हुं हुं रेहहं सुद्धि क वि अरि द्वियय-हारिम ललित्तह ॥
 कट कट वन्न-विछित्ति एह वपु वपु भूमिय-कम्मु ।
 अह अह कर-पल्लव-लहिम अरि अरि तिउ अभिरम्मु ॥

[१०५]

इय विचित्तिरु निरु धुणिय-सीसु

पफुल्ल-वयणंवुरुहु लिहिय-नियय-करयलिण तक्खणि ।
 विक्कमधण-अंगरुहु पत्त-कित्ति नव-कव्व-लक्खणि ॥
 सायरु कय-सक्कार-विहि सह निम्मल-हारेण ।
 छेहु समप्पइ चित्तगइ- मंति-हत्थि स-करेण ॥

[१०६]

अह पसाहिय-सयल-निय-कज्जु

सचिवाहिवु चित्तगइ कुमर-धरणिनाहिहिं अणुणिउ ।
 संपत्तउ कुसुमपुर- नयरि नियय-परियण-समन्निउ ॥
 ता सीहह निवइहि पुरउ सिरि विरइय-कर-कोसु ।
 कय-गरुय-प्पडिवत्ति-विहि सचिवाहिवइ स-तोसु ॥

[१०७]

पुच्छ-वडयरु कहइ स-विसेसु

परिओसिय-निवइ सह तयणु भणिउ विहसिवि नरिंदिण ।
 नणु एक्कसि कहसु सह धणिण नियय-कुल-गण-चंदिण ॥
 धणवइ-कुमरिहि केरिसउ संभावसि संबंधु ।
 सचिवु भणइ - धुवु होइसइ भुवण-अहिय-पडिवंधु ॥

[१०८]

जं च निम्मिउ मयणु रइ-रमणु

जं कणहु लच्छिहि दइउ जं सुरिंदु रंभाए पिययसु ।
 जं सीयह नाहु हल- मुसल-जोहु जं हरु वि पिय उमु ॥
 तं चिर-संचिउ जसु फुसइ जइ न कुणइ संबंधु ।
 धणकुमरह धणवइहि सह विहि एहु मह निवंधु ॥

[१०९]

इय भणिप्पिणु विविहु सम्भाणु

परिचेत्तु सीहह निवह पासि सचिवु तेणाणुमन्निउ ।
 लहु कुमरिहि संनिहिहि गंतु सार-परियण-समन्निउ ॥
 लेहु समणइ धणवइहि सह निरुवम-हारेण ।
 सा विहु वियसिय-मुह-कमल परिवेप्पिणु स-करेण ॥

[११०]

ठचिवि हिययह वडिहिं सो हारु

मज्झंमि उ धणकुमरु स-गुणु सरलु विमलउ सु-वाणिउ ।
 उग्घाडिवि लेहु मग- नयण-मुहुउ सचिविंद-आणिउ ॥
 सज्जस-वस-वहलुल्लसिय- रोमंचंचिय-काय ।
 वायइ कुमरिय लेहु फुडु दुगुणीहुय-मुह-राय ॥

१०७. ५. क. गइण. ९. भुवणु; परिचं

१०८. ५. छुसलजोहु.

१०९. ४. क. संनिहिहि.

जहा—

[१११]

जेहिं सिविणि बि नेव सच्चविय
 संभाविय न य मणिण न वि य जाय वयणाण गोयरि ।
 ति वि निच्चु वि अहिलसहिं जलहि-धुय केसव-किसोयरि ॥
 जाहं पसत्तिय सयमवि हु निवसइ सा कर-कोसि ।
 तहं किं भणउ सुह-निहिहिं निरु पसरंतइ तोसि ॥

[११२]

मुयणु धणवइ मज्झ पसिऊण
 बहु-छिदइ वि निदुठुरु वि लवण-जलहि-संभवु वि तुच्छु वि ।
 वर-तरल-सद्दोयरो वि विरहि-तरुणि-मण-जणिय-मुच्छु वि ॥
 मुयण-निवेसाणंदयरु गुरु-गुण गुण-मुहयंमि ।
 मुत्ताहारु वि हारु एहु धरियव्वउ हिययंमि ॥

[११३]

अह कुमारिय वेत्तु सञ्भावु
 धणकुमरह अक्खरिहिं हय हरिस-पसरिण समिद्धिय ।
 नं पाविय-कप्पतरु- कामधेणु-गुरु-रज्ज-रिद्धिय ॥
 अह तम्माणसु वुज्झिउण कमलिणि भणइ स-हासु ।
 किं वोलेवइ हउं वि को वि लहिमु सचिव अवकासु ॥

[११४]

जमिह तुहं ता दिद्व धणकुमरु
 संतुदइ एम्बहं हुयउ मह सही वि तल्लिहिय-दंसणि ।
 हउं थक्क जोयंतिय वि तुम्ह वयण अह भणिउ तक्खणि ॥
 सचिविदिण - नणु मुयणु किह तं पि न पूरसि चित्ति ।
 स-वियप्पिउ जंपिवि सयलु इच्छ-पमाणिण तित्ति ॥

१११. ३. वयणेण, ६. पसन्निय, ८. क. तह; निहिहि.

११२. ३. क जलहि, ६. सोयग, ८. कि blurred; ख. वि हारु left out.

११३. २. क. कुमारिहि. The letters after अ lost in क. ३. पसरिण.

४ क.तं, ९. क. सचिव.

११४. ५. क. The portion between अ and त lost.

[११५]

नणु महामइ एहु जइ एम्ब

ता साहसु वित्थरिण मइ सु अन्थि धणकुमरु केरिसु ।
 जसु स-धराधर-धरहं फुरइ विमल-जस-पसरु एरिसु ॥
 जासु नामेण य मह सहिहि एरिस हूय अवत्थ ।
 तयणु पयंपइ सचिवु - नणु इइ कइ सुयणु महत्थ ॥

[११६]

जमिह अणिमिसु सगिग मुर-इंदु

पायालि फणिंदु पुणु निष्कुल-विम-इसियाणणु ।
 हरि कालउ पंडु हरु कुमुमकेउ संचर-निमुंभणु ॥
 सायरु खारउ रवि तवइ रयणीयरु स-कलंकु ।
 सो उग मयछेहिं वि गुणिहिं महिउ सुयणु नासंकु ॥

[११७]

इय अणेगहिं कुमर-गय-कहहिं

पावंत-गुरु हरिम भरु कुमरि गमइ केत्तिय वि वासर ।
 अह पनड लग्ग-दिणि सविहि-मीः नि-वज्ज मुंदर ॥
 पुरिस पयंपहिं तुट-मग पय-पउमं पणमेवि ।
 विररुमयग-नरवइहि जइ पट्टु अविठ्ठु करेवि ॥

[११८]

एह सयंवर-कुमरि तन्थेव

पेसिज्जउ बहु-वलिण कळिय मयल-जुव-मण-विमोहणि ।
 ता जुत्तउं जुत्तु इहु इय भणंतु निवु कुमरि कारणि ॥
 काराविवि स-निउत्त-नर-करिहिं पदर-सामगि ।
 पेसइ धणवइ अयलपुरि तोसिय-सज्जण-वगि ॥

११५. ८. क. तणु पयं

११६. ९. क. सुयणु.

११८. ४. एहु.

[११९]

अह पुर-द्विय गमिर साणंद

मण-वेगिण पउर-वल- कलिय चलिय नरनाह-बालिय ।
 कुंदुज्जल-विउल-गुण- रयण-कित्ति-पसरिण-विसालिय ॥
 पमुइय-नरवइ-सचिव-वणि- तरुणि-तरुण-नर-विसरि ।
 धोवेहिं पि पयाणगिहिं पत्त अयलपुर-नयरि ॥

[१२०]

तयणु विक्कमधण-नरिंदेण

आणंद-समुल्लसिय- रेम-राइ-रेहंत-दिट्ठिण ।
 परिओसिय-धरणियल वट्टमाण-नर-तरुणि-निवहिण ॥
 तक्कालागय-सयल-महि- लोय-विहिय-उच्छाहु ।
 काराविउ गुरु-वित्थरिण धण-धणवइहिं विवाहु ॥

[१२१]

ता पणच्चिरि वार-तरुणि-यणि

पसरंतइ गीय-रवि दिज्जमाणि दाणंमि वंदिण ।
 गिज्जंतइ कुमर-निव- कित्ति-पसरि गायण-सहस्सिण ॥
 काराविउ वट्ठावणउं सज्जण-जणियाणंदु ।
 तियसामुर-विम्हय-करण- महिम-महहुम-कंदु ॥

[१२२]

अह स-हत्थिहिं करिवि सक्कारु

निय-वयणिण आलविवि कुंद-चंद-सिउ जमु समज्जिवि ।
 तक्कालागयउ जणु निय-निण्णु ठाणिसु विसज्जिवि ॥
 विक्कमधण-निवु धारिणिहिं धणु धणवइहिं समाणु ।
 उवभुंजइ वर विसय-मुह निरुवम-गुणहं निहाणु ॥

११९. ६. धणि. ८. क. पयाणगिहि.

१२१. २. क. पसरंतइ.

१२२. १. करि करिवि.

[१२३]

अन्न-वासरि मुहिय-स्त्रोणि-यल-

बहु-गंध-सिंधुर-तुरय- मुहड-रयण-संदण-सहस्सिण ।
 आऊरिय-धरणि-यलु नियय-वल्लिण बहु-संस्त्र-लक्खिण ॥
 गच्छंतउ उज्जाण-वणि मुणइ गहिरु पडिसदु ।
 तयणु वियप्पइ निय-मणिण कुमरु सु भाविय-भदु ॥

[१२४]

अहह किं एहु अमर-गल-गज्जि

पसरंत-मेह-ज्झुणि व सुहिय-जलहि-गंभीर-रावु व ।
 वण-वारण-गज्जिउ व तियस-पहय-दुंदुहि-निनाउ व ॥
 बहिरिय-धर-गिरि-गयणयलु जं मुम्मइ निग्गोमु ।
 तियसामुर-नर-खयर-वर- तरुणि-जणिय-संतोमु ॥

[१२५]

ता मुणेविणु मणु कुमरम्म

धणएव-धणदत्तएहिं कुमर-लहुय-वंधुहिं खणद्धिण ।
 मु-विणिच्छिवि तत्तु लहु भणिउ - भाय उवमम-समिद्धिण ॥
 भूसिउ बहु-मुणि-परियरिउ भविय-भमर-अरविंदु ।
 चिट्ठइ तियसामुर-सहं धम्म कहेत्तु मुणिंदु ॥

[१२६]

तयणु वियसिय-वयण-तामरमु

गुरु-हरिस-पुलयंकुरिउ सविह-विहिय-निय-सार-परियणु ।
 परिमन्निक सुकय-फलु विहवु जम्मु जीविउ म-मुहि-यणु ॥
 जा गच्छइ केत्तिय वि पय पसरिय मण-कल्लोळु ।
 ता विक्कमधण-अंगरुहु पेक्खउ संजम-लोळु ॥

[१२७]

रयणि-रमणु व सहिउ तारेहिं
 सुर-सिहरि व पव्वएहिं कप्प-विडवि इव सेस-साहिहिं ।
 सुर-नाहु व सुर-गणिहिं रायहंसुरिव बहु-वलायहिं ॥
 गंध-गइंदु व करि-कुलिहिं सहिउ त्रिविह-साहहिं ।
 कंचण-कमल-निसन्नु मुणिवरु जुउ गुणिहिं वहहिं ॥

[१२८]

तयणु तक्खणि मुक्क-निव-चिंधु
 पंच-विहिण अभिगमिण पविसिऊण सूरिहि अवग्गहि ।
 करयंजलि सिरि रइवि परिविमुक्क-माणसु असग्गहि ॥
 पणमिवि सूरिहि पय-पउम कुमरु मणिण संतुट्ठु ।
 वंधु-पिया-परियणिण सह उचियासणि उवविट्ठु ॥

[१२९]

तयणु निमुणिवि धम्म खणु एगु
 संपाविय-अवमरिण विणय-पुट्ठु विण्णत्तु कुमरिण ।
 नणु मुणिवर एरिसिण तुज्झ सयल-लक्खण-सरीरिण ॥
 ओसपंत-समग्ग-सिरि विसय-मुट्ठिहिं निरवज्जु ।
 एगच्छत्त-वग्गुंधरहं चिरु पालिज्जइ रज्जु ॥

[१३०]

अवि य जोव्वणु पढमु तणु-कंति
 संपत्त-निट्ठयण-विजय-रूवु विजिय-विसमसर-सिरि-मउ ।
 लायणु वि लवणुयहि जिणइ तेउ कय-सर-संसउ ॥
 सुकुमारत्तु सिरिस-तरु-कुसुमाइं विमेसेइ ।
 ता तुह गुण एक्किण मुहिण मुणिवइ को वन्नेइ ॥

१२८. ५. क. असग्गहि.

१३०. ३. विजय. ९. मुणिवर.

[१३१]

कुणइ निरुवमु वयण-विष्णाणु
 मण-मोहु तियसामुरहं ललिउ भणिउ तीरइ न वयणिहि ।
 हसियं पि हु हरइ मणु सयल-भुवण-वट्टं-तरुणिहि ॥
 वयणह नयणह वच्छयल- कर-पल्लव-चलणाहं ।
 लक्खणु लक्खु वियक्खणहं किं अम्हारिसु ताहं ॥

[१३२]

ता निवेयमु मज्झ पसिऊण
 वेरगिण केण तइं गहिउ चरणु दुक्करु इमेरिसु ।
 अह जंपइ सुणि-वसहु सुणमु कुमर वेरग्गु जारिसु ॥
 जायउं मह वय-गहण-दिणि जणिय-भविय-उव्वंउ ।
 जं भणंतु वि सुह-मइहिं कसु न कुणइ संवेउ ॥

[१३३]

तहा हि

आसि सुंदर मगह-विसयंमि
 सिरि-कंचणपुरि नयरि पउर-विहव दो वणिय-सुत्तय ।
 सुकुलुभभव गृण-निलय त्रिउल-धम्म-कम्मोवउत्तय ॥
 मिय-भासिर धिर-चंकमिर निम्मल-कित्ति-निहाण ।
 निविड-सिणेह सडोयरय मीह-वसंतमिहाण ॥

[१३४]

अन्न-दिणि पुणु भणिउ लहु वंधु
 एगंति निय-पिययमहि पात्र-मण मयणसिरि-नामिण ।
 जं दीसइ इह भवणि तेण लहु वि न हवसि स-कम्मिण ॥
 तुज्झ सडोयरु जेट्ठु इहु निच्चु वि वयणिण मिट्ठु ।
 अविहिय-वयण-वियारु पुणु चिट्ठइ चित्ति विणट्ठु ॥

१३१. ४. ख. हसिउ हरइ हिययं पि. ८. क. हर. विक्खणहं.

१३४. ६. एहु.

[१३५]

जमिह आणिवि नियय-दइयाए

निय-धूय-निय-नंदणहं तुह परोक्खु बहु-खंड-खज्जइं ।
 कत्थूरिय-कुंकुम वि वेत्तु कुणइ इच्छियइं कज्जइं ॥
 अवसारेविणु यिहवु रहि वंधइ निविडी गंठि ।
 धुत्त-सिरोमणि सीहु इहु अमय-महुरु पुणु कंठि ॥

[१३६]

ता खणदिण फुरिय-गुरु-कोवु

कंपंत-सव्वंगु निय- पियह पुरउ सु वसंतु जंपइ ।
 नणु पाविणि वयणु तुह एहु सुणिवि मह मणु वि कंपइ ॥
 तं सम-सीलु अ-वंचणउं कय-कुहुं-कज्जा य ।
 मह पिउ-समु गुरु-बंधु सम जगणिहि भाउज्जाय ॥

[१३७]

ता किमन्नहं घरहं मेलेसि

मह भवणु वि दुह-मइ इय अईव विसरिसु भणंतिय ।
 अह मोणिण मयणसिरि थक्क वयणु दइयह सुणंतिय ॥
 अन्न-दिणम्मि उ वज्जरइ अन्नयरिण रुवेण ।
 तह जह प्लत्ति वसंतह वि मणु खंडियउं लवेण ॥

[१३८]

तयणु इयरिए लद्ध सुइ-वेहु

पक्खित्तउ मुसलु लहु नियय-दइउ निरु विप्पयारिवि ।
 ता वंधवमुल्लवइ भाय भाउ मह को-वि वियरिवि ॥
 भवणु विभिन्नउं दाउ कु वि करि मह मण-संवित्ति ।
 खंडइ मणि पुणु एक्क-हरि हारिज्जइ गुरु कित्ति ॥

१३५. ८. एहु.

१३६. १. क. कोव.

१३७. ९. क. खंडियं; ख. खंडियंउं.

१३८. १. क. इरिए.

[१३९]

अह सुणेविणु वयणु तमउव्वु
 सो सीहु समुल्लवइ वच्च होसि तुहुं कसु विभिन्नउ ।
 तुह वयणेण वि इमिण जाउ झत्ति हउं मणि विखिन्नउ ॥
 इय एहु धणु कणु सुहि-सयणु संतिउ सयलु तुहेव ।
 मह संपइ-गहडउ गयउ परिधक्कइ लीहेव ॥

[१४०]

इय विचित्तिहिं सीह-वयणेहिं
 उवसंत-अमरिसु पुणु वि भणिउ अन्न-वासरि कलत्तिण ।
 गामेल्लुय छुभविउ तेण धुत्त-तिल्लएण स-सत्तिण ॥
 अहव न गेणइ पुणु वि पुणु कहियं पि ह् इयरेण ।
 रत्तउ दुट्टउ मूढ-मणु बुग्गाहिउ वि परेण ॥

[१४१]

धरिउ भुग्गाहं भरिउ तयराहं
 तुह दिण्ण सुत्थय वहुय तेण तं सि पत्तिन्नु मुद्दय ।
 न पडिच्छसि मह वयणु जुत्ति-जुत्तु वि ह् मणिण मुद्दय ॥
 मउयउं सुहिहिं समुल्लवहिं विंधहिं खरउं जि धुत्त ।
 न परिच्चयहिं स-कम्मयर कहमवि सुहिण पउत्त ॥

[१४२]

अहव किं मह इयर-भणिण
 तं दासु तस्सु वि हवसु जाक्-जीवमवि मुल्ल-वज्जिउ ।
 अ-कयण्णुअ अ-बुहु बुह- हील्लणिज्जु दह-जडिम-तज्जिउ ॥
 एत्थ भलिज्जसु सुएहिं सहं हउं पुणु कसु वि न दासि ।
 अच्छसु पेइय-हरि वि ठिय निय-बंधवहं सयासि ॥

१३९. ३. तुम्ह ८. संपइउ गहुउ गउ. ९. परिधक्क

१४०. ४. छुविउ. ९. क. यरेण.

१४१. ४. क. मह. ६. क. पुइय. ७. क. विधइ.

[१४३]

दिदुह एत्तिउ कालु विण्णाणु
 सच्चविउ पुरिसत्तणु वि सुणिय स-पिय-पडिवंध-चंगिम ।
 सु-विणिच्छिय कम्म-णय कलिय तुज्झ स-कुटुंब-वडिम ॥
 एम्बहं ध्राइय तुह गुणहं सुयसु हंत जीवंत ।
 न उ सक्कउं अवराह-पय पेक्खिउ इह चिटंत ॥

[१४४]

इय विचित्तिहिं वयण-रयणेहिं
 तह केण वि विप्पिण्ण विहि-वसेण तक्काल-भाविण ।
 तह कहमवि वुज्झविउ जह वसंतु भाविउ स-कोविण ॥
 तयणु पयंपइ पुरउ गुरु-बंधुहु गंतु तुरंतु ।
 जह धुवु अज्ज मरेसि तुहुं मज्झ वि भागु अ-देंतु ॥

[१४५]

अहह बंधव किमिह वज्जरसि
 तुहुं अज्ज एहु निदुहउं रोस-अरुण-लोयणु अयंडि वि ।
 किं कत्थ वि दूहविउ तं सि अज्ज मइं वयणु खंडिवि ॥
 इय जंपंतउ पुणु वि पुणु भणिउ वसंतिण सीहु ।
 अरि पुणरुत्तु समुल्लविरु किं हारहि निय-दीहु ॥

[१४६]

जमिह दिदुह तुज्झ सव्भावु
 विण्णायउ तुह चरिउ सुणिउ तुज्झ विलसिउ असेसु वि ।
 अह सीहु समुल्लवइ किं कहं ति साहसु विसेसु वि ॥
 हुंहुं मइं जाणिउ अज्ज तुहुं मन धवलिय धवलेसि ।
 एयह वारह अग्गहउं फुडु तुहुं जि विणासेसि ॥

१४३. २ क. पुरिसत्तण. ५. क. ख. वडिम. ७. क. The first letter is partly blurred.

१४४. १. क. रयणाई; रयणहि.

१४५. ५. क. ख. मइं. खंडिवि. ८. क. पुणुरुत्तु, ख. पुणरुत्तु.

१४६. २. क. सुणिय. ५. दाहंति. ७. क. The portion following मन is lost. ८. क. एयह वा lost.

[१४७]

इय पयंपिरि चत्त-दक्खिणि

निय-बंधवि फुरिय-दुहु सीहु लग्गु स-मणिण वियप्पिउ ।
 मइं वंधुहु सह घरिण भवण-सारु सयलु वि समप्पिउ ॥
 तो वि न मन्नइ मह वयणु स-पियहि हरिय-विवेउ ।
 अहव न विनडिउ को विहिण बहु-विहु दाविय-खेउ ॥

[१४८]

अहह महिलहं किं पि माहणु

चिर-रुहु जि नेह-भरु सोयराणमवि इह हरावहिं ।
 निय-बुद्धिण पयडिउण विळिय-सयइं अगहुंत दावहिं ॥
 मइरा-विरहिण मय-जणय भोयण-विणु अमुईउ ।
 निइ-विओगि वि मोह-यर तिय कमु दिति रईउ ॥

[१४९]

तरुणि तिविखय निसिय-असिणो वि

दुग्गम्म गिरि-मग्गह वि हियय-डाह-जणणिय दवाउ वि ।
 निरु दुत्तर जलहिणो वि चवल-चरिय सरयभयाउ वि ॥
 इय कमु होति भवोयहिहिं तरुणि-तरंड-मुहत्थु ।
 दुम्मइ-पवण-पणोल्लिय जि कुणहिं पाणि अ-कयत्थु ॥

[१५०]

इय विमूरिवि स-ग्रु घर-सारु

सो वियरेविणु बंधवह जाइ सीहु अन्नत्थ कत्थ वि ।
 विहवेइ य वहु विहवु वसइ पंच-दियहाणि जत्थ वि ॥
 अह तसु किञ्चित् समुल्लसिय अवजसु सुणिवि पियस्सु ।
 जंपइ मयणस्सिरि हय व नज्जइ दइय अवस्सु ॥

१४७. ८. क. अह.

१४८. २. क. ख. ज

१४९. १. क निरिक्खिय. ५. क. °भयाओ वि.

१५०. ८. क. हयय.

[१५१]

जेद्व-भाइण तुज्झ सन्वस्सु

पच्छन्नु लुडिवि लयउं तेण कित्ति वित्थरिय तस्सु इह ।
 तुह वियरिय-धण-लवह पेक्ख फुरइ अवकित्ति इह किह ॥
 धणवंतहं गउरवु हवइ धवलइ कित्ति दसास ।
 रिक्ख वि वाहिणि जिंव इयर विहलउं भमहिं हयास ॥

[१५२]

अह स-कम्मिण स्त्रीण-णिय-विहवु

हय-दइय-भासिय-वसिण फुरिय-रोसु पसरंत-मच्छरु ।
 अविवेइय-कज्ज-करु गरुय-दप्प-दुहंत-खंधरु ॥
 रहि जेद्वह भायह पुरउ भणइ रोस-रत्तच्छु ।
 मज्झ वि वियरिवि किंपि धणु परम-सुहिण तुहुं अच्छु ॥

[१५३]

मरइ धन्नह तणिय सद्धाहं

स-घरे वि दीणाणणउ एक्कु एक्कु स्थायइ पिणइ य ।
 ता संतह जुत्तु इहु भाइ कह वि किं कहसु भाइय ॥
 इय भणिरेण य दाहिणिण करिण गहिय असिधेणु ।
 जाव वसंतिण ता भणिउ सीहिण - भाय म रेण ॥

[१५४]

खिवहि मत्थइ जणणि-जणयाहं

वंसस्सु अप्पच्चए वि द्दुद्व महिल-वयणिण विडंविउ ।
 मह दिट्ठिहि अवसरसु घेतु घरु वि विहविण करंविउ ॥
 हउं पुणु जाइसु तहं कहं वि जांहहं पुणु न वलेसु ।
 एहु घरु एहु धणु एहु सयणु अच्छइ तुहुं जि भलेसु ॥

१५१. २. लुडिवि.

१५२. ८. वियरिवि. क. किंपि missing.

१५३. ४. तो. एहु.

१५४. क. पुण; कहवि.

[१५५]

अह विउज्झिवि स-वरु घर-सारु
 सुर सिहरि-समाण-मणु सीहु सीहु इव गरुय-विककमु ।
 थी-चरितुविवग्ग-मणु अणुसरेवि पुव्वप-नर-उकमु ॥
 सिरि-सुंदर मुणिवर-पुरउ झत्ति गहित्तु चरित्तु ।
 सुर मंदिरि सु चरिय-चरणु जायउ तियमु पवित्तु ॥

[१५६]

अह वसंतु वि थोव दियहेहिं
 परिझीण-असेस-धणु दुट्ठ-महिल-वेळविय-जीविउ ।
 कह कहमवि इह मणुय लोइ पंच-दियहाणि मंठिउ ॥
 अयगय-वुत्तंतिण जणिण बहुविहु हील्लिजंतु ।
 अ-लहंतउ अगिग विथ वणि सयणहं दुक्खइं देंतु ।

[१५७]

अन्न-वासरि पुरह नीहरिवि
 गच्छंतउ तविय-मणु मिलिउ वाल-तवसियह एगह ।
 अह निमुणिवि भम्म-कह तस्सु सम्मु अमुणिय-विवेगह ॥
 तावस-दिवस्स पवज्जिउण कय-तक्कहियायारु ।
 जाइवि जोइसिइ सु उचिउ भुंजइ मुह-पञ्चारु ॥

[१५८]

अह भमेविणु दुह-सहस्संमि
 संसार-सायरि सुइरु तारिसेण निय-कम्म-जोगिण ।
 अलि-हर-गल-नील-तणु- कंति दूर-विहरिउ विवेगिण ॥
 बहु-विह-जिय-सय-संहरण- परिविप्फारिय-दप्पु ।
 जाउ वसंतु इहेव वणि गुरु दिट्ठीविस-सप्पु ॥

१५६. १ क. घरसार.

१५६. ३. क. वेळविउ.

१५७. ६. पयज्जिह्ववि.

१५८. ६. बहुविद्धि. ९. क. अरु.

[१५९]

सीह-तियसु वि सुइरु अणुहविवि
 सोहम्म-समुब्भविय- सुह-सयाइं तह तियस-सत्तिण ।
 आराहिवि सयल जिण निच्च विहरमाण वि य भत्तिण ॥
 तत्तो चविवि ठिइ-क्खएण गयउर-नयरि-निवम्मु ।
 पायड-गरुय-परक्कमह सिरि-सुरिंद-नामस्सु ॥

[१६०]

सरय-ससहर-सील-सिगार-
 सव्वंग-सिगारियह विमल-कित्ति-धवलिय-दियंतह ।
 गय-गमणिहि ससि-मुहिहि मयणकलिय-नामह कलत्तह ॥
 निरुवम-सिविणुवमुडयउ मु-ललिय-चरणु सु-पक्खु ।
 जायउ नंदण-रयणु कल-हंस-समाणु सु-दक्खु ॥

[१६१]

एत्तिअवसरि तस्सु नीसेस-
 जण-जणिय-गरुयच्छरिउ सयल-मंति-सामंत मेलिवि ।
 चारय-घर-नियलियह जणह दुक्ख-लक्खाइं वियलिवि ॥
 स-जणय-जणणिहिं बहु-महिम- पुब्बु वसुंधर-नामु ।
 दिण्णु तयणु अइरिण हुयउ कुमरु मु गुण-मणि-धामु ॥

[१६२]

अह वसुंधर-कुमरु संपन्न-
 तारुणु नीसेस-सुहि- सयण-जणिय-आणंद-सुंदरु ।
 अणुगच्छिर-करि-तुरय- रह-पयाइ-चउरंग-वल-भरु ॥
 गच्छंतउ उज्जाण-वणि मुणि जुयलिय पेक्खेवि ।
 जाइ-स्सरणिण सरइ निय- पुब्ब-जम्म-लक्खे वि ॥

[१६३]

ता विसेसिण सीह-कुत्तु
 निय-चिसि लहु संठविवि मयणसिरिहि वडयरु वि सुमरिवि ।
 थी-चरितुध्विग्ग-मणु मोक्ख-सोक्खु मणि संपहारिवि ॥
 गुणहर-सूरिहि केबलिहि पुरउ वसुंधरु सिग्घु ।
 पडिवज्जइ भव-भय-हरणु चरण-रयणु निव्विग्घु ॥

[१६४]

तयणु अइरिण सुय-समुहस्सु
 पारम्मि पत्तउ सु मुणि मुणिय-दुविह-मुणि-किरिय-गोयरु ।
 आराहिय-परम-गुरु- आणु आण-वट्टंत-नरवरु ॥
 कम-संपाविय-ससि-विमल- चउ-नाण-म्मिसरि-रिद्धि ।
 आसन्न-द्विय-परम-सुह- चिंतामणि-सम-सिद्धि ॥

[१६५]

ता निहालिवि नियय-नाणेण
 पुरओ य पुच्छिवि गुरुहु पुव्व-वित्तु वडयरु वसंतह ।
 सु-विणिच्छिवि इह वि वणि हुयउ भुयग इय तमु विचित्तह ॥
 पडिवोहत्थु इहागयउ इउं सु स-परियण-जुत्तु ।
 ता उवइदत्तु सिरीसिवह पुव्व-जम्म-वुत्तत्तु ॥

[१६६]

तयणु तेण वि जाइ-सरणेण
 पेक्खेविणु पुव्व भव गहिवि पंच दियहाणि अणमणु ।
 परितज्झिवि पाव-तणु पत्तु विवुह-सल्लहिउ मुरत्तणु ॥
 मुर-भंदिरि सोहम्मि लहु तिण वसंत-जीवेण ।
 भुयगिण पुव्व-भविय-खविय-महिल-जणिय-पावेण ॥

[इति वसंतसिंहाख्यानकं समाप्तम् ॥]

[१६७]

इय समासिण मइं समक्खाउ

नरनाह-अंगुभविष्य तुज्झ निषय-वेरग्ग-कारणु ।
 जं निमुणिवि भविय-जण चरहिं चरणु भव-भय-निवारणु ॥
 तयणु वसुंधर-गुरु-वरिउ मुणिवि फुरिय-रोमंउ ।
 विक्कमधण-निव-अंगरुहु भणइ भणिइ-विहि-चंचु ॥

[१६८]

अहह मुणिवर चारु तुह चरिउ

वेरग्गि तेत्तिष्ठिण वि जेण चइय भव-भावि सुह-सय ।
 जं इयरि वि मुणहिं एह नउ कुणंति एरिसय अइसय ॥
 इय जीविउ तुह सुकय-फल तणं जि पविच्चिउ लोउ ।
 ता मुणिवर तुह पय-पउम- सरणु जयस्सु वि होउ ॥

[१६९]

एत्थ-अंतरि मुणिय-वुत्तंतु

गुरु-हरिस-वियमिय-वयणु गहिय-सयल-निय-सार-परियणु ।
 विक्कमधण-धरणि-पहु गुरुहु पुरउ संपत्तु तक्खणु ॥
 अह पणमिवि गुरु-पय-पउम उच्चियासणि उवविट्ठु ।
 निमुणिवि देसण गुरु-तणिय अवसरि भणइ पहिट्ठु ॥

[१७०]

कहसु मुणिवर मज्झ पसिऊण

धनकुमरि गम्भागयइ दिट्ठु मुमिणि धारिणिहिं देविहिं ।
 सहयार-तरु कुसुम-फल- भार-नमिरु कय-सेवु देविहिं ॥
 नवमिय-वारारोवियउ राय-मुएहिं कय-सोहु ।
 जं तसु को अत्थु त्ति अह मुणि-पुंगवु गय-ओहु ॥

[१७१]

मणिण पुच्छिवि पासि केवलिहि
 वुत्तंतु नीसेसु लहु दंत-कंति-धवलिय-दियंतरु ।
 परिसाहइ - निव-वसह सुणमु किंपि संपत्त-अवसरु ॥
 नव-वारारोवण-सरिस नव-भव-परिवटंतु ।
 बहु-बहुयर-किसलय-कुसुम- फलहं समिद्धि वहंतु ॥

[१७२]

भुवण-पणमिय-चलण-तामरमु
 हरिवंस-कुल-सिरि-तिलउ विमल-नाण-सच्चविय-तिहुयणु ।
 वावीसमु होइसइ नेमि-नाहु जिणु नमिर-सुर-यणु ॥
 तणउ समुद्विनय-निवह उवचिय-सिवु गय-लेवु ।
 एहु तुह सुउ चुय-तरु-सरिनु राय-मुएहिं कय-सेवु ॥

[१७३]

इय सुणेविणु निवइ गुरु-हरिसु
 सामंत-सचिचाइ-जुउ नमइ गुरुहु पय-पउम पुणु पुणु ।
 अहिणंदइ धणकुमर- चरिउ धरिवि एगगु निय-मणु ॥
 जाव य अग्गिमु लगु गुरु- वयणु सुणेउ पहिट्ठु ।
 ता सचिविण होइवि सवणि जंपिउ जह — पहु उट्ठु ॥

[१७४]

जमिह मगहाहिवह नरवइहि
 केणावि कज्जिण भवणि दउ पत्तु चिट्ठइ तुरंतउ ।
 इय सामिय पसिय मह वयणु अज्जु किज्जउ निरुत्तउ ॥
 सूरिहि पय-पउमइ पुणु वि वंदिज्जह आगंतु ।
 अह नरवइ मुणिवर-चलण पुणु पुणु पुणु पणमंतु ॥

[१७५]

पत्तु उट्टिवि नियय-भवणम्मि
 अन्नत्थ सु मुणीसरु वि गयउ समण-परियण-समन्निउ ।
 धणकुमरु स-धणवइ वि सु-गुरु-सिक्ख अमयं ति मन्निउ ॥
 जायउ जिण-सासण-कहिय-धम्मि सुभइय-भावु ।
 वट्टेइ य सव्वत्थ निरु पयडिय-सरल-सहावु ॥

[१७६]

इओ य-

सरिय-सरवर-रम्म-उज्जाणि
 पायाल-गहीर-उरु- फरिह-वलइ गुरु-साल-मुन्दरि ।
 जिण-मंदिर-सिहर-गय- कणय-कलस-किरणोलि-तम-हरि ।
 असरिस-पुर-सिरि-वित्थरिण तियसामुर-विसरस्सु ।
 हियइ वसंति वसंतपुरि सुरपुर-सरिसि अवस्सु ॥

[१७७]

विविह-नरवर-सहं विक्खाउ
 पिय-धम्महं सिरि-तिलउ दाण-विजिय-मय-मत्त-कुंजरु ।
 विउलासउ विउल-सिरि विउल-कित्ति-धवलिय-दियंतुरु ॥
 पणय-सरणउ सुहि-सुहउ पडिन्ननय-निव्वाहु ।
 आसि पसिद्धउ नामिण वि समुदवाहु सत्थाहु ॥

[१७८]

अन्न-वासरि विहिय-उच्छाहु
 निय परियण-परियरिउ सत्थवाहु स-निउत्त-पुरिसिहिं ।
 घोसावइ सयल-पुरि पडिगिहम्मि जह - थोव-दिवसिहिं ॥
 सिरि-कंचणपुरि जाइसइ समुदवाहु सत्थाहु ।
 बहु-संवल-करि-तुरय-रह- सुहउ-विहिय-संवाहु ॥

[१७९]

इय समेज्जह अत्थि जइ इच्छ

कज्जंतु असेसमवि करि-तुरंग-रह-रयण-पत्तिण ।
 गच्छंतहं तुम्ह पहि समुदवालु साहिसइ जत्तिण ॥
 इय निमुणिवि किवि कोउगिण किवि चवलत्तण्ण ।
 किवि विहवज्जण-माणसिण किवि अमुहित्तण्ण ॥

[१८०]

केवि बहु-धुय-निय-कुहुवेण

उत्ताविय केवि वर- मंत-तंत-विज्जाहिकंस्त्रिय ।
 किवि पिमुण्हिय-हियय केवि उयर-पूरणि वि दुक्खिय ॥
 तिण सहं झत्ति समुच्चलिय कय-गरुयर-उच्छाह ।
 दीण दुहिय निव-सच्चिव-मुय वणिय सेट्ठि सत्थाह ॥

[१८१]

अह पहुत्तइ पवर-दियहम्मि

उवलद्धइ लग-वलि विहिय-सयल-मंगल-विहाणिण ।
 लहु चल्लिय पउर-नर- तरुणि-नियर ता सत्थवाहिण ॥
 संभासिवि मुहि-सयण-जण मग्गण सम्माणेवि ।
 दिण्णु पियाणउं देव-गुरु पय-पउमइं पणमेवि ॥

[१८२]

तयणु तिण सहं समय-नीईण

संचल्लिय समण-सय सम्म-मुणिय-जिणनाह-सासण ।
 परिवज्जिय-पाव-मण भविय-समुह-सिद्धंत-भासण ॥
 दस-विह-मुणि-आयार-रय गुरु-गुण-रयण-निहाण ।
 निम्मल-माणस मुणि-वसह धम्मघोस-अभिहाण ॥

[१८३]

तयणु मंगल-तूर-आराव-

आऊरिय-गयण-यलु चलिउ अग्ग-भग्गम्मि स-हरिसु ।
 तक्काल-समुल्लसिय- कित्ति-भरिय-भुवणुयरु सु-पुरिसु ॥
 गच्छंतो य अणुक्कमिण तिण लोइण संजुत्तु ।
 एगयरस्सु मढा-गिरिहि सविह-देसि संपत्तु ॥

[१८४]

तयणु गंडय-तुरय-सडूल-

हरि-पोय-सिंधुर-सरह- अहि-वराह-सारंग-खग्गिहि ।
 भल्लुंकि-वणमहिस- वरहि-विरुय-सिव-चमरि-वग्गिहि ॥
 लहु-विक्खोहिय-पहिय-जणि निच्च-जलंत-हुयासि ।
 पविसइ अडविहि मज्झ-पहि एगइ सरिहि सयासि ॥

[१८५]

ता खण्डिण तत्थ कत्तो वि

हर-गवल-सामल-पहिण गहिय-विविह-धणु-उवल-खंडिण ।
 वडजाविय-सिगिण पउर-भिल्ल-वग्गिण पयंडिण ॥
 आगंतूण समुल्लविउ अरि अरि मेल्लिवि सत्थ ।
 अम्ह समप्पह धण- कणय-वाहण-पमुह पयत्थ ॥

[१८६]

अह परोप्परु लग्गु संगामु

अन्नोन्न-गुरु-मच्छरहं तत्थ तेसि दोणं पि पक्खहं ।
 ता भिल्लिहिं तक्खणिण दलिउ दप्पु वणि-मुहड-लक्खहं ॥
 तयणु गहिय सत्याह-सिरि सयल सयंवर-पत्त ।
 नासिउ सत्थिल्लय-जण वि कह वि स-ठाणि पट्ठत्त ॥

[१८७]

किंतु कहमवि विविह-तव-सुसिय-

सब्बंगु मल-मलिण-तणु मोह-महण-जिण-वयण-भाविउ ।
 गुरु-तण्हा-लुह-विवस- करणु कम्म-दणणेक्क-गाविउ ॥
 छायाहं पडिउ महद्दमह एगह नीसाहारु ।
 मुणि मुणिचंदभिहाणु फुडु गहिय-धम्म-निहि-सारु ॥

[१८८]

एत्थ-अंतरि दुसह-स्वर-किरण-

परितत्ति वमुहा-वलइ वरिस-माण-वित्थरिहिं दियहिहिं ।
 चायंतिहि तविय-तणु- दीह-मास-पसरियहिं लूयहिं ॥
 विक्रमधण-निव-अंगरुहु धणु धणवइहिं समेउ ।
 धणदत्तय-धणदेवेहिं वि संजुउ मज्जण-हेउ ॥

[१८९]

पत्तु केणइ विहि-निओएण

तोए वि गुरु-गिरि-सरिहि सन्निहाणि जा ता तह-द्विउ ।
 अवलोयइ मुणि-वसहु किंचि लविरु सिव-मग्गि संठिउ ॥
 अहह मरु-त्थलि कप्प तरु अहह रणिण घण-वुट्ठि ।
 अहह रोर-परि करि-कलहु अहह हूय मह तुट्ठि ॥

१८८. ७. क. समेव.

१८९. ७. क. The letters corresponding to घण are blurred. ख.
 घण. ७. क. बुट्ठि

[१९०]

इय विचिंतिकु हरिस-पञ्चार-

पप्फुल्ल-लोयण-जुयलु उत्तरेवि करि-कलह-खंधह ।
 पिय-वंव-मुहि-सहिउ धुणइ चलण धणु सु मुणिचंदह ॥
 तयणु करिवि मुणि सज्ज-तणु सिसिरिहि उवयारेहि ।
 अन्न-पाण जहुचिय-विहिण पडिलाहइ स-करेहि ॥

[१९१]

अह महा-मुणि गहिय-आहारु

सिद्धंत-जंपिय-विहिहि करिवि होउ एगंति भोयणु ।
 सुह-आसउ विमल-गुण- रयण-रासि पणमंत-भवि-यणु ॥
 समुचिय-आसणि उवविसिवि धम्म-रयणु कुमररसु ।
 साहइ परियण-कलियह वि विणय-नमंत-सिरस्सु ॥

[१९२]

तयणु विक्कमधण-महीनाह-

कुल-गयण-सारय-रयणि- रमणु भणइ सिर-रइय-करयलु ।
 मह साहसु पसिय तुहुं गरिम-थिरिम-जिय-सिहरि-महियलु ॥
 पत्तउ किह इह मुणि-वसह एरिस विसम अवत्थ ।
 अह मुणिचंदु समुल्लवइ मह कह एह महत्थ ॥

[१९३]

तह वि निमुणसु मज्झ वुत्तु

एगग्गु निय-मणु करिवि भणमाणु वित्थरिण रहिउ वि ।
 विक्कमधण-अंगरुह भावि भइ स-परियण-सहिउ वि ॥
 आसि सुरासुर-निव-निवह पणमिय-पय-अरविदु ।
 सिरि-भुवणोयर-पुरि गरुय- विक्कमु मोह-नरिदु ॥

[१९४]

जिणि पयासिय अगुरु-गुरु-बुद्धि ।

कय तत्त-अतत्त-मइ पहिय मग्ग-उम्मग्ग सेमुहि ॥
 संपीणिय-पीइ-तुरु वाल-बुद्धि उवइट्ट सिव-मुहि ॥
 इसिउग्गाइय-नट्ट-रइ- राय-दोस परम्मु ।
 पयडिय-देवय-मइ सचिवु मिच्छइमणु तम्मु ॥

[१९५]

जे य अग्नि वि द्दु वावार

अण्णाण-मयण-प्पमुह अंतरंग-रिउ वग्ग वग्गहि ।
 भुवणोयर-पुर-पहिहि मोह-निवह ति वि सेन्नि लग्गहि ॥
 विलसंति य तहं भुवण-यल्ल- जण-भुय-वल्ल भंजंत ।
 कुमइ कुदिट्ठि अविज्ज-रइ तरुणि भुवणि रंगंत ॥

[१९६]

तह समत्थिह मोह-रायास

हुइंत-निय-परियणह दल्लिय सयल्ल-रिउ-राय-दप्पह ।
 तियसासुर-निव-निवह- नाण-हरण-परम-विस-सप्पह ॥
 अमियअंत कुल्लवइ-सहस पूरिय-मयल्ल-पप्पमु ।
 अवरु असंववहारु इय विस्सुउ नयर-विमेषु ॥

[१९७]

तत्थ शोल्लय नाम धवलहर

बुक्कंत-संखेज्ज-गुण तम्मि एक्क-एक्केसु मंहय ।
 अंतग्गय संति बहु- लक्ख-मंख सु-निगोय ओरय ॥
 तहि एक्केक्कि समक्किरिय जुय-कुल्लपुत्त अणंत ।
 मोह-नरिंद-पयंड-वल्ल- रक्खिय मंति वसंत ॥

१९४. ७. क. The letters corresponding to दोस blurred.

१९६. ८. क. कुद्धिहि.

१९७. ७. क. बुल.

[१९८]

तहं अणंतहं मज्जि अहमासि

कुलुपुत्तु संसारियउ जीवु विहिय-मोह-वल मंडणु ।
 भवियच्चय नाम निय- पियह अकय-दह-आण-खंडणु ॥
 मिच्छद्दिट्ठि-अमच्च अण्णाण-मित्त-संजुत्तु ।
 ठिउ पुग्गल-परियट्ठ अणवगय-अंत-सु-दुहत्तु ॥

[१९९]

अन्न वासरि विहि-निओएण

भवियच्च-नाम-पियहं नियहं भणिउ - हउं सुहय अज्ज बि ।
 इह कित्तिउ कालु तइं संठिएण सवियच्च लज्ज वि ॥
 ता मइं सहिउ वि नीहरसु जह तइलाय-गयाइं ।
 तुह दंसेमि अणालसिण हउं सयलइं ठाणाइं ॥

[२००]

तयणु दइयह तणउ आपसु

मन्नंतु अणुगाहु व स-पहु कम्म-परिणाम-पेल्लिउ ।
 निय-भारिय-परियरिउ निरु तुरंतु तसु पुरह चलिउ ॥
 अह लहु संववहार-पुरि धूर अणंत दुमेसु ।
 स-पिय-निओइण ठिउ सुइरु बहुविह-दुह-विसमेसु ॥

[२०१]

पुहइ-पाणिय-जलण-पवणाण

नयरेसु संखाइयउ कालु थक्कु पत्तेउ दुत्थियउ ।
 ता वि-त्ति-चउरिंदियहं पाडणमु दुह-सय-कयत्थियउ ॥
 तत्तो जल-थल-नहयरिसु पंचिंदिय तिरिणसु ।
 हउं संखेज्जउ कालु पिहु पिहु ठिउ दुह-विहुरेसु ॥

१९८. १. क. नासि.

२००. ७. क. दूर (?).

२०१. ५. क. कयत्थिओ.

[२०२]

तयणु नर-सुर-असुर-नरएसु

पुणरुत्तु उत्तावियउ नेहिं नेहिं दुसहेहिं दुखिखहिं ।
 तह कहमवि जह न इह कहिउ सक्कु कय-वयण-लखिखहिं ॥
 अन्न-दिणम्मि उ भणिउ हउं निय-दइयहं साणंदु ।
 पहु तुह दंसहुं चरण-निवु एम्मइं सुह-तरु-कंदु ॥

[२०३]

किंतु दीसइ एह संमत्त-

सचिविदि अणुकूल-करि दल्लिय-दपि मिच्छत्त-मंतिहि ।
 अह वंतर-रिउ निविहिं सच्चओ वि परिगल्लिय-कंतिहि ॥
 आहारिय-पुव्वेहिं पुणु विमल्लगम-पमुहेहिं ।
 अंतर-मिच्छिहिं चरण निवु उवल्लभेइं सुहेहिं ॥

[२०४]

खंति-कवइण करिवि तणु-रक्ख

सु-विवेय-कुंजरि चडिबि सील-हारु हिययम्मि परिहिबि ।
 करि मइव-धणु धरिवि मुत्ति-अज्जवु वि विंध उब्भिबि ॥
 तव-संजम-अवितह-वयण- सोय-वाण संधेवि ।
 जीव-विरय-पासिण सवल्लु मोह-निवइ वंधेवि ॥

[२०५]

तुरिउ पविससु चरण-रायस्स

सेन्नम्मि नीसेस-मुह- फल-समिद्धि-वर-कण-पायवि ॥
 अह दइयइ वयणु एहु नियय-चित्ति निरु संपहारिवि ।
 धम्मघोस-सूरिहिं पुरउ सयल्लु तह त्ति करेवि ।
 चरण-निवइ स-परियणह वि ठिउ मणि आण धरेवि ॥

२०२. २. क. पुणरुत्तु.

२०३. क मिच्छिहि.

२०४. ८. विरिय.

[२०६]

अज्ज उण निय-गुरुहुं पय-पउम-
 कय-सेवु समण-क्करिय- करण-निरउ विहरंतु सत्थिण ।
 सह पत्तउ इह तयणु सत्थ-जणिण तक्करिहि घत्थिण ॥
 इयरेहिं वि जीवित्त-मणिहिं नासंतिहिं समणेहिं ।
 पत्त मुच्छु तरु-तलि पडिउ हउं विवसिहिं करणेहिं ॥

[२०७]

इयरु पुणु जो हुयउ वुत्तंतु
 संजाय-तारिस-दसह मज्झ तत्थ न समत्थि सुमरणु ।
 तइं पुण हउं पडियरिवि विहिउ पत्त-पुणरुत्त-चेयणु ॥
 इह तुह लेसिण निय-चरिउ मयलु वि कहिउ कुमार ।
 अह वियसिय-मुहु धणकुमरु जंपइ स-समय-सार ॥

[२०८]

पसिय साहसु पुणु वि मुणिचंद
 निय-चरिउ गहिरक्खरहिं जमिह कहिउ तइं मज्झ लेसिण ।
 तं जीवहं इयरहं वि अह बहुयउं एहु तुह विसेसिण ॥
 अह जंपइ मुणिचंद-मुणि पाएण एहु सव्वेसि ।
 नायव्वउं जीवहं चरिउ भवियहं नउ अन्नेसि ॥

[२०९]

अह विसेसिण फुरिय-गुरु-हरिस-
 रोमंच-राइण धणिण भणिउ - भयवमिह मोह-निवइहि ।
 अइ-भीसण-परिजणहं जणिय-भुवण-जण-गरुय-अरइहि ॥
 मिच्छदिट्ठि-अमच्चह वि तइं जि जणिउ विक्खोहु ।
 अन्नु कु तइं जिम्भ तिहुयणि वि एय-विसइ दक्खो हु ॥

२०७. २. क. दसहं.

२०८. १ क. पुण. ४. क. इयरह. ७. क. सव्वे वि.

२०९. ४. क. The letter corresponding to ज in परिजणह is blurred;
 ख. परिदाणह. ८. क. तिहुयण.

[२१०]

इय पसीउण मज्झ धणवइहि
 धणदेव-धणदत्तयहं कइ वि पत्त माणुसिय-जम्महं ।
 संसारिय-सुह-विमुह- मणहं हियय-निसिय-सिव-सम्महं ॥
 दंससु अंतर-रित-महणु सम्महिद्वि-अमच्चु ।
 जह विक्कमधण-नरवइहि सच्चु हवेमि अवच्चु ॥

[२११]

अह कुमारह देव-गुरु-जीव-
 अज्जीव-पुण्ण-प्पमुह- तत्त-सुगइ-मग्गोवएसिण ।
 उवदंसिउ असम-सुह- फल समिद्धि-कप्पतरु-लेसिण ॥
 सम्महिद्वि-अमच्च-वरु चरण-निवइ वल-सारु ।
 ता विक्कमधण-अंगरुहु अहलीकय संसारु ॥

[२१२]

नियय-बंधव-दइय-परियरित
 सिव-संगम-लोल-मणु धुणिवि चलण मुणिचंद-साहुहु ।
 तियसामुर-निव-निवह- नमिय-पयह जुग-दीह-बाहुहु ॥
 पुरउ पवज्जइ सुगइ-फल- कप्पहुसु संमत्तु ।
 विक्कमधण-निव-अंगरुहु भव-संसरण-विस्तु ॥

[२१३]

अह महा-मुणि तम्म लोगस्सु
 उवयारु वहु-विहु करिवि मिलिउ कमिण विहरंतु गच्छह ।
 विक्कमधण-नरवइ वि निय-मुयस्सु ससि-किरण-सच्छह ॥
 वियरिवि रज्जु महा-महिण अणुसीलिवि वर-धम्मु ।
 हुयउ अणुकम-वत्त-तणु कर-गय-मुर-गिह-सम्मु ॥

२१०. ५. क. The letter corresponding to नि is partly blurred and can be read as डि or वि. मि bears marks of elision. ६ स दंससु.

[२१४]

धण-नरिंदु वि विजिय-पडिक्कु

निय-कित्ति-धवलिय-मुवणु कुणइ जिणहं सक्कारु भत्तिण ।
 कारावइ जिण-भवण जिणहं विंव ठावइ स-सत्तिण ॥
 रह-जत्ताउ पयासवइ पयडावइ दत्तीउ ।
 वारावइ जीवहं मरणु सोहावइ गोत्तीउ ॥

[२१५]

कुणइ गुरु-यणि परम-सम्माणु

सम-धम्म पुण उद्धरइ हरइ दुरिउ पणमंत-जंतुहुं ।
 आराहइ पय-पउम निच्च-कालु सिव-मग्ग-गंतुहुं ॥
 न मुयइ कहमवि निय-मणह ससि-निम्मलउ विवेउ ।
 अइ-दुल्लंभउ मुणिवि निरु जिणवर-धम्म दु-भेउ ॥

[२१६]

तह विवज्जइ जीव-संहारु

न अलीउ दढमुल्लवइ चयइ इयर-विहवु वि पयत्तिण ।
 पर-रमणि न आलवइ न बहु-धणिण मुब्भइ धरित्तिण ॥
 दिसि वय-गहणि समुज्जमइ जयइ भोग-उवभोगि ।
 न वि य अणत्थिण ववहरइ रहइ समिइ-उवभोगि ॥

[२१७]

दहु पयट्टइ भोग-उवभोग-

वय-विसइ पोसह-वइ वि चयइ विग्घु गुरु-संविभाणि वि ।
 परिउज्झइ मण-पसरु मोहराय-सुद्धि दोसि राणि वि ॥
 अहव किमन्निण वित्थरिण सव्वत्थ वि दढ-सत्तु ।
 वट्टइ विक्कमधण-तणउ निरुवम-मुणि-सम-चिचु ॥

[२१८]

काल-जोगिण उचिय पंच-विह

धणवइहिं सह विसय-मुह भुंजिरस्स सु-स्सिविण-सइउ ।
 संजायउ अंगरुहु धण-निवस्सु अह वहु-विभूइउ ॥
 करिवि महसवु-वियरियउं नामु मुयस्सु जयंतु ।
 कम-पाविय-तणु-वुइइ अह चिट्ठइ महिहिं ललंतु ॥

[२१९]

अन्न-वासरि धणु-महीनाहु

उज्जाण-वाल्लिण नरिण उत्तिमंग-कय-पाणि-पुडइण ।
 विण्णत्तउ गुरु-हरिस- उल्लसंत-सव्वंग-पुल्लण ॥
 जह — जो देविण संभुणिउ आसि पुन्नि गुण-भूरि ।
 सो एहु अज्जुज्जाण-वणि पत्तु वसुंधर-सूरि ॥

[२२०]

ता नराहिवु करिवि सक्कारु

उज्जाण वाल्लय-नरह विहिय-चारु-सिंगारु वेगिण ।
 संचल्लिउ सह नियय- परियरेण गुरु-भत्ति-वंगिण ॥
 आलोए य पणामु करि पंच-विहाहिगमेण ।
 गुरु[य]-अवग्गहि पविसरइ समय-विहिण परमेण ॥

[२२१]

तयणु भत्तिण कय-पणामम्मि

सिव-संगम-वद्ध-मणि विहिय-सयल-कायव्व-वित्थरि ।
 उवविट्ठइ नर-रयणि फुरिय-हरिस-सव्वंग-मुंदरि ॥
 तेण वसुंधर-मुणिवरिण मिव-पुर-पह-संवद्ध ।
 जलहर-गंभीरिण सरिण धम्म-वक्कह पारद्ध ॥

२१८. ३. क. मुहय. ८. कम्म.

२१९. ३. पुडएण. ६. क. ख. पुलएण

२२०. Verse lines 8 and 9 are missing in क.

[२२२]

जह अ-सारउ एहु संसारु

भंडारु सयलहं दुहहं एत्थु जुत्तु न पमाउ विउसहं ।
 अइ-दुल्लह माणुसिय- जम्म-लद्धि पुणु अकय-सुकयई ॥
 पर-भव-साहणु धुवु पवरु विसय विवागिण दुट्ठ ।
 पिय-संजोगु वियोग-फलु सयण स-कज्जिण मिट्ठ ॥

[२२३]

चलिरु परियणु अथिरु तारुणु

परिगमिर असेस सिरि जीवियन्वु करि कण-चंचलु ।
 अणुरत्तु वि तरुणि-यणु जणिय-दुक्ख-पम्भार-भिभलु ॥
 भिच्चु न सामिहि अप्पणउ सामि न भिच्चह होइ ।
 ता विहलु च्चिय इह जणिण अप्पु नडिज्जइ लोइ ॥

[२२४]

इय सुणेविणु गुरुहु वयणाइं

हर-हास-कुंदुज्जलइं धण-नरिंदु संवेय-भाविउ ।
 गुरु-सासणु सिरि धरिवि सुउ जयंतु निय-रज्जि ठाविउ ॥
 भव-विरइहिं सिव-लालसिहिं गुरु-यण-पय-भत्तेहिं ।
 परियरिउ धणवइहिं तह धणएव-धणयत्तेहिं ॥

[२२५]

अरिह-विंवहं करिवि सक्कारु

मणि आण गुरुयण-तणिय धरिवि जिणह सासणु पहाविवि ।
 अणुजाणाविवि सयलु सयणु स-मणु सिव-मग्गि ठाविवि ॥
 गंतु वसुंधर-मुणिवरहं पुरउ गरुय-रिद्धीए ।
 गेण्हइ दुहिय-सरणु चरण उक्कंठिउ सिद्धीए ॥

[२२६]

अह अणुक्कम-गहिय-वर-सिक्खु

निरसंग-चूडा-रयणु सुणिय-सयल-सत्थत्थ-गोयरु ।
 परिसीलिय-विविह-तवु भमिय-विविह-विस्संभरोयरु ॥
 अइरेण वि सो राय-रिसि सुणि-मंडलि गुण-जिदुठु ।
 हुयउ करेविणु सयल-निय- गुरु-आएसु विसिदुठु ॥

[२२७]

अह पवइदिर-चरण-परिणामु

जिय-अंति अणसणु करिवि वत्थु अथिरु भवि संपहारिवि ।
 आलोएवि दुच्चरिय हियइ पंच-नवकारु सुमरिवि ॥
 निरुवम-चिर(?)-पंचविह- विसय-मुहिहिं रम्मम्मि ।
 अप-चउत्थु वि इंद-समु हुउ मुरु सोहम्मम्मि ॥

[२२८]

ता नमंसइ निच्च जिण-विंव

साणंदु निय-परियणिण विहिय-सेवु सयलम्मि महियलि ।
 सुस्ससइ भत्ति-भरु विहरमाण तित्थयर केवलि ॥
 लायणिण सुणि-मोहणिहिं रुविण विजिय रईहिं ।
 उवभुंजइ वर विसय-मुह स-हरिसु मुह-तियसीहिं ॥
 इति श्री-श्रीचन्द्रमूरि-क्रम-कमल-भमल-श्रीहरिभद्रमूर्ति-विरचित-श्रीनेमिस्वामि-राजी-
 मत्पोर्धन-धनवती-वस्तुव्यता-रूपलिदश-भव-द्वितीयः प्रथमो

भवः समाप्तः ॥इति॥

[२२९]

साहु-हियइ व लोय-मञ्जत्थि

सगगे व्व सुर सिहरि-वरि वुह-यणि व्व वेयइह-मंडणि ।
 निवइम्मि व बहु-विजइ जंवु-दीवि अवजम-विहंडणि ॥
 गिरि-सरि-नयरायर-पवर- जिण-मुणि-निवह-पवित्त ।
 वासु समत्थि पसिद्धु अभिहाणिण भरह-क्खिच्चु ॥

२२७. ३. वित्थु. '५. ६. The portion between सुमरि and पंचविह is ille 8 ible in क. ख. निरुउसचिर. क. चउत्थ.

२२८. १. क. मंसइ. At the end of २२८ : मंसाम' ५६८.

[२३०]

तत्थ निम्भर-झरण-झंकार-

आऊरिय-धर-विवरु गरुय-गंध-सिंधुर-भयंकरु ।
 परिकीलिर-खर-नहर- हरि-किसोर-सोहंत-कंदरु ॥
 सासय-जिणवर-मंदिरिहि निरुवम-रयणमएहि ।
 सोहिय-सिहर-सहस्सु परिमंडिउ विडवि-सएहि ॥

[२३१]

सरय-ससहर-विमल-कलहोय-

नीसेस-सिल-संचइण हसिय-तरणि-रयणियर-मंडलु ।
 दद-विज्जा-सहस-बल- खेयर-निवह-निज्जिय-अखंडलु ॥
 निम्मल-रयणावलि-किरण- हरिय-तिमिर-पम्भारु ।
 भुवणच्चम्भुय-सिरि सयल- गिरि विस्संभर-सारु ॥

[२३२]

हरिस-निम्भर-हियय-कालंत-

तियसामुर-खयर-नर- नाह-मिहुण-निवडिण विहसिउ ।
 बहु-चारण-समण-पय- पउम-मुहय-मिहरिहि पसंसिउ ॥
 नाणाविह-नहयर-नयर- मंदिर-विहव-समिद्ध ।
 अत्थि समत्थ-गिरिंदु गिरि-वेयइढो त्ति पसिद्ध ॥

[२३३]

तत्थ सुरगिरि-तुंग-पायार-

दुग्गम्मू पायाल-तल- गहिर-परिह-रिउ-कुल-भयंकरु ।
 हिम-सिहरि-विसाल-गिह- पंति-पत्त-सिय-कित्ति-वित्थरु ॥
 जय-लच्छिहि संकेय-घरु मण-निव्वुइहि निवासु ।
 निरुवम-रयणहं रयण-निहि सुर-नयरहि संकासु ॥

[२३४]

वउल्ल-चंपय-दक्ख-खज्जूर-

सहयार-चंदण-वणिहि हरिय-तरणि-किरणोद-मणहरु ।
 मुमुपूरिय-खयर-वर तरुणि-वयण-हरिणंक-तम-भरु ॥
 विज्जा-मंत-महोसहिहि अच्छरियहं य निहाणु ।
 आसि पसिद्धु पुर-प्पवरु खरतेय-अभिहाणु ॥

[२३५]

समरि भवणि वि धरिय-वर-चाउ

निच्चं व सहल्लिष-विविह- मग्गणेहिं कय-कित्ति-वित्थरु ।
 निय-हियइण रज्जिण वि विप्फुरंत-गय-कलह-मुंदरु ॥
 दोहिं वि भेइहिं मुह-अणय- विलसिर-करणायारु ।
 निरुवम-जोव्वण-रूव-सिरि दूर-विमुक्क-वियारु ॥

[२३६]

तुहिण-सिहरि व फुरिय-परमहिमु

जलहिं व्व पसरिय-उदउ नहयल्लु व्व पिउ रायहंसहं ।
 कप्पहुमु पणमिरहं कामधेणु नीसेस-विउसहं ॥
 निहणिय-दोसायरु जणिय- कमलायर-पडिबोहु ।
 खयर-प्पहु तहिं आसि सिरि- खरतेउ सुर-सोदु ॥

२३६. ३. क. ख. महयल्लु; ख. पियउ. ७. क. कमलायर.

[२३७]

तस्स पाउस-सिरि व थिर-थोर-

उत्तुंग-सिहरब्भहिय- भुवण-हियय-मुंदर-पओहर ।
 गिरि-धरणि व्व पत्त-सिरि जाइ-वंस-वन्नय-मणोहर ॥
 सारय-रिउ व समुल्लसिय- समहर-निम्मल-मेह ।
 निय-भालियलिण परिविजय- नव-रयणीयर-लेह ॥

२३७. १. तस्सु. ५. क. जाय. The portion of the line following वय is lost in क.

[२३८]

रायहंसि व परम-पय-गमण

सिय-पक्ख महुर-ज्झुणिय कमल-कोस-विलसिर-विहारिय ।
 लायणिण जोव्वणिण कित्ति-गुणिण तरुणि-यण-सारिय ॥
 पणइ-मणोरह-वित्थरिय- रायहंस-सयवत्तु ।
 आसि तस्सु खयराहिवह विज्जुमइ त्ति कलत्तु ॥

[२३९]

तेसि निरुवम-विसय-मुक्खाइं

साणंदु उव्वंजिरहं पुव्व-जम्म-कय-मुक्कय-जोगिण ।
 उव्वगच्छइ कित्तिउ वि कालु सुट्ठिण कलियहं विवेमिण ॥
 अह सोहम्म-सुरालयइ नियय-ट्ठिइ-पज्जंति ।
 परिसेविय-वर-विसय-मुहु धण-सुरु भासुर-कंति ॥

[२४०]

चविय निरुवम-सिक्खिण-उवइट्ठु

विज्जुमइ-देविहि उयर- कमल-कोसि अवइण्णु तक्खणि ।
 खयरिंदह पणय अरि तप्पिय वि हुय उदिय-मुह-खणि ॥
 जायउ हरिमु समग्गहं वि विज्जाहरहं मणम्मि ।
 फुरिउ निवइ-देविहिं तणउ कित्ति-प्पसरु जणम्मि ॥

[२४१]

तयणु पसरिय-मुद्ध-परिणाम

संसार-सायर-तरण- पवहणाण जिग-नाह-पडिमहं ।
 कुव्वंती पूय पय वंदमाण मुणिवरहं परमहं ॥
 पणय-मणोरह-पसरु खणु एक्कु वि न वि चालेइ ।
 विज्जुवइट्ठिण विट्ठिण निय-गन्धु देवि पालेइ ॥

२३८. २. ज्झुणिव च

२४१. ३. पवहणेण, ५. क वंदण माण.

[२४२]

समइकंतिहिं साइरेगेहिं

मासेहिं नवहिं ककमिण - पुव्व-दिसि व पसरंत-तम-हरु ।
 उप्पायइ तरणि-समु तणय-रयणु गुरु-तेय-मणहरु ॥
 अह ळहु सुल्लिय-नामियहिं दासिहिं खयर-नरिंदु ।
 विण्णत्तउ जह - पहु नियय- तणु-पह जिय-रयणिंदु ॥

[२४३]

सयल-महियल-एग-सामित-

संसिद्धि-सुयग-असम- विहवु लक्ख-लक्खण-अलंकिउ ।
 इग-वयणिण सक्किण चि सयल-गुणिहिं वण्णणि असक्किउ ॥
 पुव्व-भवज्जिय-सरय-रयणिंदु-विमल-सुह-रासि ।
 लहु आगंतु वि नियमु निय- नंदणु देविहि पासि ॥

[२४४]

अह पओसिउ दाउ दासीए

आसन्न-वेणिउ पउरु दाणु दासि-भावु चि पणासिवि ।
 स निउत्तय-नरहं सुय- जम्म-महिम-कज्जु चि पयासिवि ॥
 हरिस-वियासिय-मुह-कमलु खयर-नरिंदु तुरंतु ।
 पनु तणुभव-जम्म-हरि परियणु वहि मेत्तंतु ॥

[२४५]

अह निरिक्खिवि नियय-तणु-कंति-

पञ्चमार-निज्जिय-तरणि तणय-रयणु खयरिंदु जंपइ ।
 मिग-लोयणि रमणियण- मज्झि तमिह सलहिज्ज संपइ ॥
 पढम दिणम्मि चि सयल-दिसि- मंडलु उज्जोयंतु ।
 आयउ नंदणु जीए पहु तेय-भरिण दिप्पंतु ॥

[२४६]

इय विचित्तिहिं तणय-गय-कहिं
 पढमेल्ह वासरु खणु व सह पियाए नरवइ गमावइ ।
 नीसेसहं निय-महिहिं गुत्ति-खित्तु लोगु वि मुयावइ ॥
 वित्थारावइ कित्ति-भरु तह मग्गणहं पयाणु ।
 कारावइ नयरी-महिम तह गुरुयण-सम्माणु ॥

[२४७]

अह-अणुक्कमु किज्जमाणम्मि
 कायव्व-वित्थरि सयलि छट्ठ-रत्ति-जागरण-पमुहइ ।
 उवउत्त-निउत्त-नर- सुंदरीहिं सुद्धि-सयण-मुहयइ ॥
 पत्तइ एकारसमि दिणि जय-जण-जणियाणंदु ।
 चित्तगइ त्ति सुयस्सु वियरेइ नाम्मु खयरिंदु ॥

[२४८]

अह करावइ गरुय-वित्थरिण
 इयरा वि समग्ग विहि समय-उचिय जय-जंतु-मणहर ।
 आणवइ य पंचविह अंव-धाइ वमुहेक्क-सुंदर ॥
 निय-निय-ठाणि विसज्जइ य जणु कय-वहु-सक्कारु ।
 परम-मुहामय-सित्तु सु वि चिट्ठइ खयर-कुमारु ॥

[२४९]

सिहरि-कंदरि कप्प-विडवि व्व
 सिय-पक्खि रयणायरु व गय-विग्घ-संपाउ अइरिण ।
 तणु-बुद्धिहिं पत्तु सह चंद-कुंद-सिय-कित्ति-पसरिण ॥
 पत्तावसरु महा-महिण कुमरु कलायरियस्सु ।
 वियरिउ निय-मइ-विजिय-तियसासुर-गुरु-बुद्धिस्सु ॥

[२५०]

सुलह-पुत्थय-पमुह-सामग्नि

अणुकूल-गुरुयण-हियउ पुव्व-जम्म-कय-सुकय-संचउ ।
 ससि-निम्मल-मइ-विहवु विहिय-पाव-पब्भार-अवचउ ॥
 गुरुयण-विणय-प्पमुह-गुण-रयण-रासि संजुत्तु ।
 अइरिण सयल-कलोपहिहि सो पर-पारि पहुत्तु ॥

[२५१]

तयणु गहिरिम-इसिय-सरि-नाहु

तुंगत्तण-तुल्लिय-गिरि थिर-सरूव-अहरिय-धरायलु ।
 तेयडिठम-विजिय-रवि सिसिर-भाव-उव्वहय-हिमायलु ॥
 असरिस-फुरिय-परक्कमिण निज्जिय-सीह-किसोरु ।
 सयल महीयल-सुयण-मण-रयणावहरण-चोरु ॥

[२५२]

पुहइ-सामिय हियय-मज्झन्थु

निव लोय-संतोस-यरु तरुणि-माण-दह-यंभ-भंजणु ।
 उवसम-गुण-रयण-निहि पणय-सरणु रिउ-गव्व-गंजणु ॥
 संतहं पढमु गुणिहि तिलउ दिक्खायरिउ वुहाहं ।
 हुयउ सु जोव्वण-भरि कुमरु मंदिरु परम-मुहाहं ॥

[२५३]

अह ठिइ-क्खइ ते वि तमु भाय

धणदेव-धणदत्त-गुर भुत्त-पंचविह-विसय-सुह-सय ।
 सोहम्म-सुरालयह चविवि जाय विलसत्त-अइसय ॥
 स्सरतेय-निवइहि तणय विज्जुमइहि संभूय ।
 डहरय तस्सु वि चित्तगइ-कुमरह वंधव हूय ॥

[२५४]

कमिण ताण चि असम-रूवाण .

सुहि-सयणाणंदयहिं स्वरतेय-विज्जुमइ-देविहिं ।

सु-पसत्यइ लग्ग-दिणि विविह-खयर-परिविहिय-सेविहिं ॥

मणगइ-चवलगइ त्ति जय- पयड-दिण्ण-अभिहाण ।

अह कम-पाविय-वुद्धि तु वि भवणइं हूय सुहाण ॥

इओ य -

[२५५]

तस्सु वेयड-(?) सिंह-रयणस्सु

दाहिणय-सेदिहिं पवरि निय-समिद्धि-उवइसिय-सुर-पुरि ।

सियमंदिर-नाम-पुरि पउर-खयर-नर-तरुणि-मुंदरि ॥

रुव-परक्कम-निज्जिणिय- पंचवाण-हरिणिंदु ।

आसि अणंगस्सीहु इय नाम पयडु खयरिंदु ॥

[२५६]

तस्सु लोयण-जुयल-उम्मेस-

मेत्तेण सुइय-तियस- असुर-तरुणि-विसरिस-सरुवय ।

पिय आसि समुल्लसिय- रुव-विट्ठ-लायण-संचय ॥

सारय-ससहर-पड-विमल सील-रयण भंडार ।

ससिपड-नामिण पच-जस जय-तरुणीयण-सार ॥

[२५७]

तेसि असरिस-त्रिसय-मुक्खाइं

साणंदु उवभुंजिरहं जाइ कालु कित्तिउ वि अन्नय ।

धणवइ-सुरु ठिइ खण्ण चविय हूय वर-रुव कन्नय ॥

तयणु धराणय-सय-सहस- खयर-स्सरि-संकिण्णु ।

नामु महा-मह-पुण्डु तहि रयणवइ त्ति विइण्णु ॥

२५५. १. क. चेवय, ख. वेवय. ३. क. सिवपुरी.

२५६. ३. क. मरुवय, ख. रुवय.

२५७. ३. क. कित्तिओ.

[२५८]

अह अणुकक्रम-पत्त-तारुण

समहीय-आस सकल सयल-तरुण-मण-हरिण-बंधण ।
 निय-रूविण विजिय-रइ- रंभ-महिम मयणाणुसंधण ॥
 अ-कुणंती परिणयण-कह अहगामइ दियहाणि ।
 देंती दिट्ठि-पहागयहं तरुणहं मयण-दुहाणि ॥

[२५९]

अह निरिक्खि वि वाल तह-रूव

खयरिंदु पणइणि-जुउ वि वाहरेवि तिहुयण-वियक्खणु ।
 नेमिच्छिउ तसु पुरउ भणइ - भइ किं कु-वि सु-लक्खणु ॥
 होसइ मुर-नहयर-तरुण- विहेसिणि-पगईए ।
 विज्जाहरु महि गोयरु व पिययमु रयणवईए ॥

[२६०]

जमिह जोव्वण-भरिण उवलद्ध-

सव्वंग-निरुवम-सिरि वि तरुण-रयण-पत्थिज्जमाण वि ।
 सविह-द्विय-सद्वियणिण बहु-वियप्पु तोरिज्जमाण वि ॥
 सासिज्जंति वि बुइद्वियहिं अंव-धाइ-पमुहाहिं ।
 रज्जइ कह वि न कुमरि एह मणिण वि विसय-कहाहिं ॥

[२६१]

अहव दीणिम कुणहिं जायंत

वइदंत चित्तं खिवहिं तवहिं निच्चु पर-भवणि जंतिय ।
 पिय-चत्तिय देंति दुहु विहरु एंति अण-हुंत पुत्तिय ॥
 दोहग्गिणिउ वि विहविय वि असुह-यरिउ जणयाहं ।
 जम्म-दिणे च्चिय नयण-जलु ते दिज्जइ धूयाहं ॥

२५८. २. समहीमसिसकल. ९. नयणदुहाणि.

२५९. ४. तसु पुरउ. ७. क. विहेसिणि.

२६०. ९. मणिण दिविरायकहाहि.

[२६२]

इय अहं पि हु विविह-गुण-रयण-
 बिलसंत-मंजूसिण वि असम-कित्ति-धवलिय-महीण वि ।
 मणियाण वि सयल-कुल- महयरीहिं सह तस्सहीण वि ॥
 अ-पवज्जंति परिणयणु दुहियण रयणवईण ।
 चिदुं चिंताउरु सहिउ दइयण (वि) विगय-रईण ॥

[२६३]

अह परंपिउ ईसि विहसेवि
 साणंदु नेमिच्छिण नाह होसु मा तुहुं-सचिंतउ ।
 जं होसइ सयमवि हु थोव-दियह-मज्झि वि पविच्छउ ॥
 सुहय-सिरोमणि भड-तिलउ विवुह-वग्ग-तियसिंदु ।
 कुमरिहि रयणवइहि दइउ हियय-हारि खपरिंदु ॥

[२६४]

सिरि-सुमिच्छह निवह भइणीण
 कालिग-निवइहि पियह हरिणि-जणिय दुहु तुज्झ नंदणु ।
 निय-विज्जावल-मुइउ कमलु सयल-रिउ-माण-खंडणु ॥
 विजिउण गेण्हिवि तभइणि अप्पिवि तस्सु निवस्सु ।
 जो करिहइ भुय-वल-दलिय- रिउ-कुलु हरिसु अवस्सु ॥

[२६५]

जस्सु पत्तह सिद्ध-आययणि
 रोमंचिय-तणु-लयह गहिर-रविण थोत्तइं भणंतह ।
 आणंदिण पुणु वि पुणु तित्थ-सामि-पडिमउ नमंतइं ॥
 साहुक्कार-पुरस्सरइं वर-परिमल-परमाइं ।
 उवरि पडिस्सहिं नह-यलहु पणपन्नइं कुसुमाइं ॥

२६२. ५. सहयरीहिं. ८. चित्तागरु.

२६३. ५. क. ख. दियहं.

२६४. ५. सयलु.

[२६६]

जो य बहुविह-समर-संरंभ-
 संपत्त-कित्ति-प्पसरु हरिय-सयल-रिउ-कुल-मडप्परु ।
 अलि-भरगय-गणल-हर- गल-तमाल-दल-कंति-वित्थरु ॥
 तियस-विसेस-विइण्णु बहु-पुरिस-परंपर-पत्तु ।
 तुह गेण्हिस्सइ असि-रयणु तुममवि जिणिवि निरुत्तु ॥

[२६७]

सो सुरायल-तुंग-माहप्पु
 विज्जाहर-कुल-तिलउ निय-पयाव-निज्जिय-दिबायरु ।
 नायव्वउ रयणवइ कुमरि-दइउ पणमंत-मुह-यरु ॥
 इय निमुणिवि नेमित्तियह वयणु सत्ति खयरिंदु ।
 चितइ हरिस-विसाय-भर- विम्हिय-मुह-अरविंदु ॥

[२६८]

अहह को मह दलिय-नीसेस-
 रिउ-नियर-मडप्परह हडिण माण-खंडणु करिस्सइ ।
 सुर-वियरिउ असि-रयणु दढ-पयावु एहु जो गहिस्सइ ॥
 अहव न विम्हउ धरणि-यलि गुरु गरुयर-भरियम्मि ।
 गरुयाहं वि मण-वल्लइ माण-रयणि हरियम्मि ॥

[२६९]

अहव एस वि मज्झ गुरु रिद्धि
 नर-रयणु जइ तारिसउं हवइ कह वि कुमरिहि पियत्तिण ।
 ता किज्जउ तस्सु अवलोयणत्थु आरंभु जत्तिण ॥
 इय परिभाविवि कारणिय माणव सदावेइ ।
 अह तहं सयलु वि खयर-वइ स-वियप्पिउ साहेइ ॥

एतो य -

[२७०]

जंबु-दीबिर्हि भरह-वासम्मि
नयरम्मि उ चक्कउरे जणिय-सुयण-आणंहु नरवइ ।
सुग्गीवय-नामु तसु आसि दइय नामेण जसमइ ॥
इयर वि भइभिहाण गुणवंत गहिय-सिक्खा य ।
तेसि तणुब्भव दोण्णि अणुकमिण भुवणि विक्खाय ॥

[२७१]

तत्थ पढमइ पढमु वर-रुउ
अक्खोहणु मइविउ नियडि-रहिउ निम्ममु वियक्खणु ।
आराहिय-सुहि-सयणु पणय-सरणु सु-पसत्थ-लक्खणु ॥
जिणवर-देवय-गुरुयणहं भत्ति-विहाण-पवित्तु ।
भुवण-पयासिय-जस-पसरु अभिहाणिण वि सुमित्तु ॥

[२७२]

सुउ कणिट्ठउ भइ-देवीए
पुणु तारिमु गुण-रहिउ विसम-सील-सम्भावु दुम्मुहु ।
अ-कयण्णुउ अथिर-मइ अवुह-संगु अणहिगय-सिव-सुहु ॥
अगहिय-स-जणणि-जणय-मणु अविहिय-सुकय-निहाणु ।
रहिउ तहाविह-विमल-जस- गुणिहिं पउम-अभिहाणु ॥

[२७३]

अवर-वासरि विहि-निओएण
रमणीण चवलत्तणिण भव-दवस्सु दुह-हेउयत्तिण ।
अथिरत्तिण जोव्वणह विसय-सुहहं परिणइ-दुहत्तिण ॥
सुणिवि सुमित्तह कित्ति-भरु दट्ठु समिद्धि-पयाउ ।
भइ अभइायरण-रुइ विमु वियरेइ सु जाउ ॥

[२७४]

ता खणदिण नील-नह-दंतु

भज्जंत-असेस-तणु पसरमाण-लालाउलाणणु ।
 आगच्छिर-पउर-विस- वेणु दाह-जर-खुहिय-गुरुयणु ॥
 मुच्छ-समागम-विहुर-तणु लहु वि णिमीलिय-अच्छु ।
 पडिउ सुमित्त-कुमार परिमुद्ध-धरायलि हच्छु ॥

[२७५]

अह नराहिव किं किमेयं ति

परिजंपिरु सुय-पुरउ गुरु-दुहत्तु धावंतु पत्तउ ।
 धाहाविरु परियणु वि खलिर-पडिरु दुह-जलण-तत्तउ ॥
 तत्थागंतु नराहिवइ- उवइद्वइं सव्वाइं ।
 कुणइ तुरंतउ तस्समप- निय-निय-कायव्वाइं ॥

[२७६]

तयणु तक्खणि मिलिय बहु वेज्ज

संपत्त तंतिय-तिलय विज्ज-मंत-सिद्ध वि पट्टु तय ।
 अह निय-निय-समय-विहि- किरिय सयल कुमार पउत्तय ॥
 किंतु कुमार-सिरोमणिहि तस्सु न को वि विसेसु ।
 जायउ ता नरवइ-पसुहु विलवइ लोउ असेसु ॥

[२७७]

अहह निय-कुल-गयण-हरिणंक

ससि-निम्मल-गुण-भवण चारु-चरिय सु-वियहट्ट सुन्दर ।
 पिय-भासण गय-गमण हरिण-नयण तरुणियण-मणहर ॥
 पढम-वयम्मि वि नर-रयण ववगय-जोव्वण-दोस ।
 गुरुयण-वरुळल सुहि-सयण- हियय-जणिय-संतोस ॥

[२७८]

किं न संपद् पसिय संभासु
 वियरेसि निय-परियणह कइसि स-दुहु न य जणणि-जणयहं ।
 न य दिट्ठि-पसाउ किह कुणसि पियहं पहु विणय-पणयहं ॥
 अ-विणउ को वि न कुणइ तुह सुहय सुमित्त-कुमार ।
 ता उट्ठिवि लहु सुहि-सयण संभूससु जय-सार ॥

[२७९]

एत्थ-अंतरि सरतेयस्सु
 खयरिंदह अंगरुहु दुहिय-सरणु बहु-वल-समन्निउ ।
 वच्चंतउ नह-यलिण पत्तु तत्थ वंदियण-वन्निउ ॥
 सुगहिय-नामु महा-महिम्मु चित्तगई-अभिहाणु ।
 नियइ समग्गु वि तं नयरु विलसिर-सोय-निहाणु ॥

[२८०]

न वि य निमुणइ मंगलुग्गारु
 न य कत्थवि भेय-झुणि न वि य ललिउ बोल्लंत मिहुणइं ।
 न य मंगल-तूर-रबु न वि य पठिर-वंदियण-वयणइं ॥
 नवरि पहाविर-पडिखलिर-देवि-निवइ-मंतीहिं ।
 वियइ सुमित्तु तहा-विहु वि उल्लाविरु जुत्तीहिं ॥

[२८१]

तयणु गयणह अवयरेऊण
 सहस च्चिय चित्तगइ भणइ पुरउ वसुहाहिरायह ।
 मा नरवर सोउ करि करिमु सज्ज तणु तुज्ज जायह ॥
 अह नरवइ वियसिय-वयणु भणइ — पसिउ नर-रयण ।
 जीवावसु एहु कुमरु जह अमिह वि जियहुं स-सयण ॥

[२८२]

अह सयं-कय-मंत-कवण

तक्कालालिहिय-गुरु- मंडलम्मि निव-कुमरु ठाविवि ।
 अविवितिय-वळ-कलिउ को वि मंतु निय-मणि निवेसिवि ॥
 तह कहमवि सो चित्तगइ उवयरेइ जह झत्ति ।
 हय-निइ व उट्टइ कुमरु गय-विस-वेगु तह त्ति ॥

[२८३]

अह वियंभिय-हरिसु वसुहिंदु

उल्लसिय-ऊसव सचिव फुरिय-हरिस-रोमंच परियण ।
 सु-पहिट्ट अंतेउरि य जाय-गरुय-आणंद सज्जण ॥
 किं किं न कुणहिं मंगलिउ पयडिय-जस-पसराहं ।
 परिओसिय-सुहि-सज्जणहं दोण्ह वि तहं कुमराहं ॥

[२८४]

एत्थ-अंतरि नियय-दुच्चरिय-

वज्जहाय भिन्न-मुह- छाय निवइ-लहु-पिय अ-भइय ।
 अक्कोसिय-सयल-महि- जणिण सुणिय-वइयरिण भइय ॥
 अह लायणिण सिरिण निय- तणु-कंतिण वि मलाण ।
 वसुहादिविण अलक्खिय वि लहु नासिउण पलाण ॥

[२८५]

अह सुमिच्छिण सुणिय-नीसेस-

बुचंतिण वज्जरिउ पुरउ चित्तगइ-खयर-कुमरह ।
 जह सु-पुरिस दुहिय हिय- करण दुल्ललिय-हिय-पसरह ॥
 किं वण्णउं तुह मंद-मइ मणुय-मेत्तु इग-जीहु ।
 को सक्कइ परिकलिउ वणि असम-परक्कमु सीहु ॥

[२८६]

जइ न हुंतउ एत्थु तुहुं पत्तु

निक्कारण-कारुणिउ गयण-पहिण असरण-सरणणउ ।
 ता एत्तिउ कालु हउं होतु अकय-मुकउ विवण्णउ ॥
 परमज्ज-वि मह नर-भविण होयव्वउं मुहएण ।
 जं मेलावउ हुयउ तुह सरिसिण नर-रयणेण ॥

[२८७]

तह महायस तुह समासेण

आयारिण कहिउ कुलु रुव-रिद्धि सयमवि निरिक्खिय ।
 उदयंतह दिणयरह पयडणेण न जयहिं सु सिक्खिय ॥
 तह वि पसाउ करेवि मह साहसु स-कुलुप्पत्ति ।
 जं मुम्मंत वि गरुय कह निहणइ अमुह-पवित्ति ॥

[२८८]

तयणु स-मुहिण कहिउमसमत्थु

निय-वड्यरु चित्तगइ खयर-राय-कुल-गयण-ससहरु ।
 उचिय-ट्ठिइ-आयरण- निरय-चिन्तु उवरोह-मुंदरु ॥
 दाहिण-नयण-वियास-कय- संकेइण अणुयम्मि ।
 अणुमन्नइ इगु खयर-मुउ पत्थुय-कह-कहणम्मि ॥

[२८९]

ता खणद्धिण कहइ इयरो वि

नीसेसु वि चित्तगइ- खयर-वुमर-वुत्तंतु लेसिण ।
 अह नरवइ-पमुहु जणु सयलु गहिउ गरुएण हरिसिण ॥
 भणइय-सयमवि सप्पुरिस अहह परत्थि जयंति ।
 अहव महहुम पडि-यणह किं पत्थिया फलंति ॥

[२९०]

एतथ-अंतरि गहिर-सहेण

निव-काल-निवेयणिण भणिउ - देव दिण-इंदु संपइ ।
 दीवंतरि गमिरु लहु जणहं पुरउ नं एहु पयंपइ ॥
 एतथ न दिट्ठउ चित्तगइ-समु महि-भर-धुर-धवलु ।
 तो जोइवि दीवंतरि वि करिसु कह वि एहु जुयलु ॥

[२९१]

अहह सुंदरु पठिउ तई भइ

इय जंपिवि नरवरिण दिण्णु दाणु बहु वंदि-पुरिसह ।
 तव्वयणिण स-परियणु चित्तगइ वि सु सुमित्तएण सह ॥
 पमुइय-नरवइ-पमुह-जण- कय बहुविह-पडिबत्ति ।
 झुर-घर-सरिसि विभिन्नि धवलहरि पट्ठु झड चि ॥

[२९२]

अह परोप्परु दो वि ते कुमर

परिविलसिर-नेह-भर ठंति तत्थ कित्तिय वि वासर ।
 ता पत्तउ कमिण महु- समउ जत्थ उवलद्ध-अवसर ॥
 माणिज्जहि पिय-संग-सुह पूनयहिं दुईउ ।
 पसरहिं मलयानिल बहल पीडिज्जहिं विरहीउ ॥

जो य

[२९३]

जच्च-मिगमय-चारु-सिरिवंड-

वर-कुंकुम-सुरहि-बहु- कुसुम-दविण किज्जंत-छंटणु ।
 वण-विलसिर-कुसुम-महु- लुद्ध-भमर-परिविहिय-रुंटणु ॥
 मालइ-कुसुमामोय-भर- निहणिय-माणिणि-माणु ।
 ठाणि ठाणि भारहिय-कुल- पयडिय-निय-विण्णाणु ॥

[२९४]

कणिर-किंकिणि-जाल-रव-मुहल-

स-धराधर-गिरि-विवर- नच्चमाण-पण-तरुणि-मणहरु ।
 निरु कोमल-कंठ-जुव- मिहुण-गेय-शुणि-श्रवण-मुहयरु ॥
 करयल-वियरिय-ताल-रव- मीसिय-चच्चरि-सहु ।
 बज्जिर-पडहा-रव-मिलिय- लोय-दूय-संमहु ॥

[२९५]

पउर-अलि-उल-महुर-संकार-

सवणुसुय-निय-नयर- समुह-तुरिय-धावंत-पहियणु ।
 रयणायर-गहिर-सरि तरुण-मिहुण-किज्जंत-मज्जणु ॥
 परहुय-कुल-परिओस-कर- मंजरि-पसरिय-कंति ।
 विरहिय-मण-उत्ताव-यर सहयार-दुम-पंति ॥

[२९६]

जहिं सियाईं वि कुंद-कुसुमाईं

संजायईं धूसरईं पिय-विओइ कामिणि-मुहाईं व ।
 वियलंति य माणिणिहिं माण-सविह दइयईं दुहाईं व ॥
 लोद्ध-पियंगुहिं कुसुम-सिरि चत्त चवल असइ व्व ।
 सा वि हु अंकोल्लय-विहिय सिरि नव-गहिय-पइ व्व ॥

[२९७]

नलिणि-कामिणि सिसिर-काउरिस-

विच्छाडय-तणु-लय वि पत्तलच्छि किय महु-नरिदिण ।
 कणियार मह-हुम वि विहिय-सोह भर-कुसुम-रिदिण ॥
 कुरुवय-तरु पुणु घण-थणिउ तरुणिउ आलिंगंति ।
 कामिणि-गंडूसएहिं पुणु केसर स-हरिस होति ॥

[२९८]

विरह-तरुवर पंचमुग्गारु

निमुणेविणु कुसुम-भरु लेति वउल विसएहिं पंचहिं ।
 इय विसयासत्त तरु जत्थ तत्थ किं कहउं अन्नहिं ॥
 इय एरिसइ वसंत-महि जुव-मण-हरणि पयट्ठि ।
 सहिउ मुमिच्छिण चित्तगइ पउणि तुरंगम-थट्ठि ॥

[२९९]

गंध-सिंधुर-कुल-कवोल-यल-

मय-चारि-धारा-सहस- समियमाण-रय-भर-वमुंधरु ।
 धुव्वंत-धयवरु कणिर- किंकिणीहिं संदणिहि मणहरु ॥
 उक्खय-सत्थ असंख-भड- भिउडि-भीय-पडिवक्खु ।
 उज्जाणम्मि पहुत्तु लहु जल-कीलण-कय-लक्खु ॥

[३००]

तयणु चंपय-नाय-पुन्नाय-

नालियरि-लवली-लयहं नायवल्लि-मुहिय-लवंगहं ।
 खज्जूरि-सहयार-गुरु- ताल-साल-पोप्फलि-असोगहं ॥
 मालइ-मल्लिय-केयइहिं करुणि-कयलि-एलाहं ।
 कप्पूरागुरु-वन्दणहं पाडल-वियइल्लाहं ॥

[३०१]

खणु नियंतउ कुसुम-फल-रिद्धि

खणु वार-विलासिणिहिं ललिय-गीय-मुह-रसिण सित्तउ ।
 खणु हरिसिण मग्गणहं कुसुम-कणय-रयणाणि देतउ ॥
 खणु कारेंतउ भारहिय नट्टारंभ-विसेसु ।
 खणु कीलंतउ सह पवर- तरुणिहिं कमल-सरेसु ॥

२९८. ४. क. विसयासन्न.

२९९. ४. धयवरु (The last letter illegible.) ख. धयवम.

३००. ५. क. पोफलि.

[३०२]

ललियमंदिर-नाम-उज्जाण-

मज्झमि परियण-सहिउ कुमर-रयणु संतुद्ध-माणसु ।
 परिचिद्धइ जाव खणु ताव तस्सु-जिय-हंस-सारसु ॥
 सवणभंतरी महुर झुणि अमुणिय-पुव्वु पविट्ठु ।
 अह चित्तइ खयरहिबइ- नंदणु धणिय पट्ठिट्ठु ॥

[३०३]

अहह किं एहु खुहिय-सरिनाह-

निग्घोसु मेह-ज्झुणि व वण-गइंद-गल्लगज्जियं पिव ।
 गंधव्वइ किन्नरहं महु-महुत्थ-संगीययं पिव ॥
 जं न इमेरिसु कह वि झुणि मुणिय-पुव्वु अम्हेहिं ।
 अहव न सरि सरि-हंस-कुलु दीसइ हिंढंतेहिं ॥

[३०४]

ता सुमिच्छिण मुणिय-वड्यरिण

परिजंपिउ - नर-रयण एत्थ अत्थि सरि-सुजसु केवलि ।
 अवडण्णउ विविह-मुणि- निवह-सहिउ सु-विमुद्ध-महियलि ॥
 इय वंदिवि तसु पय-कमल सलहिज्जउ अप्पाणु ।
 अह चित्तगइ-कुमारु गुरु भत्ति-विहाण-पहाणु ॥

[३०५]

सह सुमिच्छिण तह स-परियरिण

पवियंभिय-हरिस-भरु गंतु पुरउ गुरु-वल्लण-कमलहं ।
 सारय-रिउ-रयणियर- जुण्ह-सरिस नह-कंति-विमलहं ॥
 कुमरु सुमिच्छिण कहिय-जिण- समय-विहिण पणमेइ ।
 अह कर-संपुडु सरि धरिवि उचियासणि निविसेइ ॥

३०२. ५. तस्सु जियइ.

३०५. ९. क. निवसेइ; ख. निवसोइ.

[३०६]

तयणु तक्खणि पत्त-सुर-असुर-

स्वयराहिव-नर-सहं कणय कमल उयरोवविट्ठिण ।
 भयवंतिण केवल्लिण भविय-लोय-मण-जणिय-तुट्ठिण ॥
 निरुवम सग्ग-पवग्ग-सुह- रयणावल्लिहि निहाण ।
 पारद्विय मुणि-धम्म-कह भव-निव्वेय-पहाण ॥

[३०७]

इह हि चउ-गइ-भीम-भव-रणि

मणयत्तणु दुल्लहउं तह वि खेत्त-कुल जाइ-रुवहं ।
 निरुयत्तण-अक्खलिय- आउ बुद्धि-सद्धम्म-भावहं ।
 सामग्गी अविहिय-सुहं जीवहं अइ-दुल्लंभ ।
 ता मा चिट्ठहु भवि-यणहु अविहिय-धम्मारंभ ॥

[३०८]

अह मुणिदह पुरउ सिर-रइय-

कर-संपुहु चित्तगइ विण्णवेइ - मुणि-नाह पसिउण ।
 मह वियरसु को वि सिव- सुहउ धम्म उचियत्तु मुणिउण ॥
 तयणु मुणिदिण परिकलिवि चित्तगइहि जोगत्तु ।
 समय-विहिण वियरिउ पवरु सावय धम्म पवित्तु ॥

[३०९]

तयणु पाविय-रज्ज-रिद्धि व्व

उवल्ल-चित्तामणि व भवण-अजिर-सुय-कामधेणु व ।
 घर-उग्गय-सुरतरु व गहिय-सत्तु-चउरंग-सेणु व ॥
 हरिस-वियासिय-सुह-कमलु सिरि-चित्तगइ-कुमारु ।
 पुणु पुणु पणमइ गुरु-चलण जुयलु तिलोयह सारु ॥

[३१०]

एत्थ-अंतरि मुणिय-बुचंतु

सुग्गीबु नराहिवइ पत्तु पुरउ केवलिहि चलणहं ।
 दुट्ठद्वय-कम्म-रिउ- हम्ममाण-जय-जंतु-सरणहं ॥
 मन्नेतउ अप्पाणु कय- किच्चु मणेण पहिट्ठु ।
 पणमेप्पिणु गुरु-भत्ति-भरु उचियासणि उवविट्ठु ॥

[३११]

भणइ - मुणिवर कहसु पसिऊण

सा तारिस दुच्चरिय नीहरेउ कहिं भइ पत्तिय ।
 ता केवलि कहइ - नर-नाह नियय-दुक्कय-नियंति ॥
 तुह घरु मेल्लिवि नीहरिवि नयरंतरि गच्छंत ।
 वत्थाहरण-सणाह-तणु पहि चोरिहि संपत्त ॥

[३१२]

तयणु हक्किवि हरिय-सव्वस्स

अवल्लोइय-सकय-फल लुह-पिवास-परिसुसिय-वयणिय ,
 कर-संपुड-पिहिय-पिहिय व्व दूरिहुय-दइय-सयणिय ॥
 बहु-मुल्लिण थी-लोलुयह पल्लीवइहि विइण्ण ।
 स-कय-अभइय भइ अह गरुयर-दुह-संकिण ॥

[३१३]

रहु लहेविणु घरह नीहरिवि

परिवंचिय पल्लिवइ लोय-दिट्ठि-फुरियावसइय ।
 गिरि-मग्गिण नट्ट दह-वद्ध-मुट्ठि भइय अभइय ॥
 गच्छंती उ चउदिसिहिं दविण सविह-पत्तेण ।
 तह सव्वंगु निदइद जह कवलिय पंचत्तेण ॥

[३१४]

अह तहाविह-पाव-मरणेण

मरिऊण सा स-कय-हय- नरय-कुहरि घोरम्मि पत्तिय ।
 ता वयण-आगोयरिहिं दुह-सएहिं तहिं निरु निकंतिय ॥
 चिदठइ सुइरुव्वट्टिय वि चउगइ-भवि विरसाइं ।
 वह-छेय-प्पमुहइं दुहइं सहिहि नरय-सरिसाइं ॥

[३१५]

ता पकंपिर अंगुवंगेण

मुग्गीव-नराहिविण भणिउ - अहह कह तीए एह कह ।
 मह तणयह अवगरिवि हय जम्म सय-सहस दुस्सह ॥
 केवलि तयणु समुल्लवइ नत्थि दोमु एयस्सु ।
 एहु सामंतहं दोमु दुहुं सचिवस्सु य एगरमु ॥

[३१६]

तयणु तक्खणि खुहिउ खोणिंदु

सचिविंद ठक्कुर डरिय कुमार सुहड दह दिहि जुयाविय ।
 सामंत असेस दह- माण-सिहरि-भंजणु कराविय ॥
 अवलोयहिं सवियक्क-मण अन्नोन्नइं वयणाइं ।
 तह केण-इ सव्वस्स-जुय नं हरियइं भवणाइं ॥

[३१७]

ता मुणिदिण भणिउ - नरनाह

सचिविंद सामंत इह अंतरंग वहिरंग इय दुह ।
 वहिरंगु नरिंदु तुहुं सचिव सेट्ठि सामंत एहि तुह ॥
 अंतरंगु मोह-निवु जय- सीस-पडिच्छिय-आणु ।
 तस्सु सचिवु दह-माण-धणु अत्थि मिच्छ-अभिहाणु ॥

३१३. १. क. भाहरवि. ३. क. पुरिया. ३१४. ५. निकितिय.

३१५. ४. क. अवगिरिव.

[३१८]

पयड-भुय-बल-दलिय-पडिवक्ख

तइलोय-कंटय-तिलय तस्स संति सामंत दोण्णिउ ।
 तहं दोस गइंदु गुरु वीउ राय-केसरि वि वण्णिउ ॥
 ते उण मय-मच्छर-मयण- अविवेय-प्पमुहेहिं ।
 जगु वि विडंवेहिं परियरिय विसम-वरिय-चरडेहिं ॥

[३१९]

तेसि वसगय-जीव-जायम्मि

सामित्तिणि कित्ति वि मूढ-हियय तिहुयणु वि तिण-समु ।
 मन्नेति निय-गुरुयणु वि अवगणिति न कुणंति उवसमु ॥
 तह सेविस्सहुं वर विसय करिस्सहुं वसि भुवणं पि ।
 पूरिस्सहुं निय-कणय-मणि- धण-धन्निहिं वसुहं पि ॥

[३२०]

इय विचित्तिर करहिं भिच्चत्तु

देसंतर परियरहिं विसहिं विसम-रण-रंग वसुहहं ।
 आरोहहिं गिरि-सिहरि तरहिं उयहि अणुसरहिं पावहं ॥
 कुणहिं अकज्जाइं वि न उण अकय सुकय पावंति ।
 फलु किंचि वि एमेव चिरु धरणीयलि धावंति ॥

[३२१]

तुह सुयस्स वि मोह-नरवइहि

आएसिण पहु-वयण- रुइण मिच्छअभिमाण-मंतिण ।
 पहु-अहिमय-विहि-चउर- चरड-सहिय-सामंत-जुत्तिण ॥
 दिण्ण-निओयहं भइयहं एरिस विहिय अवत्थ ।
 तुह मंतिहिं सामंतहं वि तहिं अक्कमहिं न सत्थ ॥

३१८. ८. क. जगु वडवेहिं.

३१९. २. क. कित्तिह.

३२१. १. सुयस्सु.

[३२२]

अह नरिदिण भणिउ पणमेवि

मुणि-नायग मह कहसु संति के वि किं जेहिं वसुहहं ।
 फुरिपरिस-विक्कमहे दलिउ दप्पु पावाहं एयहं ॥
 ता पूरिय दह-दिहि-विक्क दंत-पंति-किरणेहि ।
 भणइ मुणीसरु संति नय-चलण तिहिं वि भुवणेहिं ॥

[३२३]

भरण-धम्मह धरणि-माहसु

दो नंदण जंघ-संरण भुवण-भज्जि विक्खाय-गुण-गण ।
 वारह-दह-मुहड-जुय देस-सव्व-विरइ-त्ति-लक्खण ॥
 निहणिय-मोह-नरिद-धल सिय-जस-भरिय-दसास ।
 सिहरि-विवेय-गिरिहिं वसहिं पणयहं सहलिय-आस ॥

[३२४]

अह नरिदिण तेण तेणेव

वेरगिण कह कह वि सो सुमित्तु निय-रज्जि ठाविउ ।
 गुरु-रिदिण केवलहि चलण-जुयलु तमु चेव पाविउ ॥
 जिणवर-गणहर-चक्कवइ सेविउ वेत्तु चरित्तु ।
 लद्धउं सगपवग्ग-पुर-आहिचत्तु सु-पवित्तु ॥

[३२५]

ता सुमित्तिण विहिय-सक्कारु

अणुमन्निउ कह कह वि सूरतेय-खयरिद-नंदणु ।
 आमंतु वेयइठ निरिराय-सिहरि साणंद-परियणु ॥
 चक्कंजुर-सरि-सूर-सरवर-लक्खण-भुवणेसु ।
 पणमइ पयडिय-विणय-विहि जणणि-जणय-चलणेसु ॥

[३२६]

तयणु भक्तिण कुण्ड जिज्ञा-पूयः
 पडिलाहइ मुणि-वसह विहरमाण जिण-नाह वंदइ ।
 सम्माणइ सरिस-गुण सइह-कुलइं गुरुयणहिणंदइ ॥
 आराहइ सम्मत्त-धुर- वारस-वयइं निरुत्तु ।
 भावइ तत्त जिय-प्पमुह सिव-संगम-गय-चित्तु ॥

[३२७]

निवु सुमित्तु त्रि सयल धरणि-यल-
 वित्थारिय-कित्ति-भरु गुरु-विइण्ण-संमत्त-भाविउ ।
 नयरेसु य कित्तिप्पसु सो वि पउमु सामित्ति ठाविउ ॥
 साहम्मिय-गुरु-जिणवरहं कम-संपन्नुदयाहं ।
 कुणइ भक्ति जिणवर-विहिण कम-वड्ढिर-सुहयाहं ॥

[३२८]

पउम-कुमरु वि दुट्ठ-सम्भावु
 परिचत्त-विवेय-निहि तेत्तिप्पहिं नयरिहिं अतुट्ठउ ।
 पडिवविखय-नरवरहं मिलिउ अह सु तेहिं पि सुट्ठउ ॥
 चिहइ कह कहमवि दुहिहिं निय-उयरु वि पूरेत्तु ।
 गुरुयण-मित्त-कलत्त-मुय- सयणिहिं सोइज्जत्तु ॥

[३२९]

अन्न-वासरि सिरि-सुमित्तस्सु
 नरनाहह लहु भइणि नियय-रुव-जिय-तियस-कामिणि ।
 सुग्गीवत्तरिद-धुय सिरि-कल्लिग-विसय-पहु-साम्मिणि ॥
 हरिय अण्णससीह-सुखरिद-सुइण कमलेण ।
 तरुणी-रयणह रयणावइ- नामइ सोयरएण ॥

३२७. २. क. अर. ७. Marginally supplied in क. but illegible.

३२८. ४. क. नरवरह.

[३३०]

इय मुनेत्तु मुमित्त-नरनाहु

पसरंत-मच्छर-भरु वि विगय-सत्तु महि-गोयरत्तिण ।
 लहु-भइणिहि विमल-गुण- रयण-निहिहि अइ-वल्लहत्तिण ॥
 चिट्ठइ दुह-संतत्त-मणु तल्लोवेल्लि कुणंतु ।
 उल्लाविरु वि पुरट्ठिउ वि स-परिअणु वि अ-मुणंतु ॥

[३३१]

एहु वइयरु मुणिवि निय-स्वर-

वयणेहिं सिरि-चित्तगइ फुरिय-दप्पु चउरंग-सेन्निण ।
 आऊरिय-गयण-यल्लु पुट्ठ-कित्ति मागहिय-विंदिण ॥
 सायरु पणमिय-निय-जणणि- जणय-चल्लण-अरविंदु ।
 चलिउ अणंगस्सीह-मुय- उवरि खुहिय-खयरिंदु ॥

[३३२]

नियय-तेइण भरिय-वंभंडु

पसरंत-रण-तूर-रवु संख-सह-पूरिय-दियंतुरु ।
 परिचलिय-वहु-वल-कइण कल्लयलेण फुरंत-अंवरु ॥
 पत्तउ कमिण मुक्ख-गिरि- सिहर-उवरि गयणेण ।
 सविह-द्विय-रिउ-मुद्धि-विहि- कहय-खयर-वयणेण ॥

[३३३]

मुणिवि बहु-वल्लु चित्तगइ एंतु

मणि खुट्ठु वि कमलु लहु निय-वलेण सह चलिउ सम्मुहु ।
 पर-कामिणि-रमण-मण- जणिय-पाव-पम्भार-हय-मुहु ॥
 अवरोप्पर-मच्छर-भरिय- हिययइं दो वि वलाइं ।
 मम्मइं विंधहिं दु-वयणिहिं महि-यल्लु जेम्ब हलाइं ।

[३३४]

उद्ध-अंकुस मुक्क मायंग

कस-पहय धाविय तुरय मुक्क-रासि संबलिय संदण
 लहु पट्टिय भड-निवह सत्थ-हत्थ रिउ-मुंड-खंडण ॥
 रण-कलयलि नहि उच्छलिइ कायर-कंपि पयट्टि ।
 हेसारव-रंजिय-मुहडि धायइ साहण-घट्टि ॥

[३३५]

अह परोप्पर-मुणिय-वुत्तंत

खयरिंद-मुय चित्तगइ- कमल नाम निय-दूय-वयणिहिं ।
 परिसज्जिय-विउल-वल दो वि मिलिय लहु समर-धरणिहिं ॥
 ता दोण्ह वि कुमरुत्तिमहं मिलिय मुहड मुहडेहिं ।
 कुंजर करिहिं तुरय हएहिं रहिय पुणो रहिएहिं ॥

[३३६]

ता खणद्धिण किंचि चित्तगइ-

अग्गिम-वल्ल रिउ-भडिहिं दलिय-दप्पु दिसि-मुह जुयाविउ ।
 अह दाहिण-करिण धणु धरतेय-नंदणु चडाविउ ॥
 भणइ कमल-कुमरह पुरउ फुरिय-दप्प-दट्टुदट्टु ।
 चिरु कुमराहम तुह जणिण जय-जय-रवु उग्गुदट्टु ॥

[३३७]

किंतु संपइ होसु खणमेग-

मुवचेत्तु कोदंड करि मज्झ समुहु जह तुह खणद्धिण ।
 जय-जय-रवु संहरउं चिर-परुहु सह रज्ज-रिद्धिण ॥
 अन्नह उज्झवि पर-रमणि नाससु तुरिउ हयास ।
 किं न निरिक्खसि मंडिया तणा कयंतह पास ॥

[३३८]

इय सुणेविणु कमलु स-परियणु
 रोसारुण-नयण-दलु गहिवि धणुहु साडोवु जंपइ ।
 पर-कज्जि म मरहि तुहुं कुमर सुमरि दुक्कतु संपइ ॥
 सुत्तउ सीहु म जग्गवहि करिहि म गिण्हहि सप्पु ।
 सरणु न होसइ तिहुयणु वि हउं तुह भंजिस्सु दप्पु ॥

[३३९]

इय पयंपिर चित्तगइ-कमल
 रण-रंगिय-तणु-लइय पउर-सेन्न-संछन्न-नहयल ।
 आरोविण-धणुह-गुण-रविण दलिय-माहप्प-पर-वल ॥
 समर-भरहं अहरिय-करुण-दुद्धर-मण-मरट्ट ।
 दो वि ति दुक्का भड-तिलम रिउ-कुल-दलण-परड्ड ॥

[३४०]

हय-खुरुक्खय-खोणिधर-रेणु-
 पसरेण छन्निहि दिसिहि अप्प-परह न विसेसु नज्जइ ।
 फेक्कारहिं सिक्क-सइस वूय-कुल्लिण घुक्कारु किज्जइ-॥
 नळ्वहिं गयणि पिप्पाय-सय साइणि हरिस्सु वड्ढंति ।
 तियसासुर-तरुणिउ गयणि-ठिय-रण-भक्क जोवेत्ति-॥

[३४१]

हत्थि नज्जहिं गुल्लुगुल्लुक्खण-
 नज्जंति हय हेसिप्प-बंधु-क्कम इक्कहिं सुणिज्जहिं ।
 रह-चक्क घणघण-रुविण रणि रसंत तुरइं वि नज्जहिं-॥
 सुहड विसंठुल संचरहिं धूल्लुदुल्लिय-केस ।
 कृणहिं य कज्जइं तम-भरि वि इह जिह पंसुलि-वेस-॥

३३८. २. क. दडु; ७ क. सिण्हइ; ९. क. संजिस्सु.

३४१. ३. क. इक्कहि. ६. क. सुहडि.

[३४२]

एतत्-अंतरि कुरिय-महत्तु

सिरि-सूरते-बंलिहु बंलि-अस-पसर-कंखिउं ।
 कोवारुण-कुडिल-निब- मेयण-जुएण पर-बेलु कहि-बिखिउं ॥
 सिरि-चित्तगइ-कुमारु बर- बिउजा-सहस-सणाहु ।
 भुय-बल-तोलिय-तियस-पहु जुय-वित्थिणाय-वाहु

[३४३]

एककु संधइ देव-जौएण

सर पसरहिं सय-सहस लख-कोडि छाइय-नहंतर ।
 संरुद्ध-रवि-कर-नियर कमल-सेन्नि निवडहिं निरंतर ॥
 नत्थि सु सारहि न सु-सुहइ न हउं न करि न पवाइ ।
 चित्तगइण सर-जालियउ जो न पणट्टउ जाइ ॥

[३४४]

अरिरि नासहिं कैण केजेण

थिर होइ मी अउं करहिं जिणिंसु सत्तु तुम्हें नियंतहिं ।
 इय भणिह वि संगहिउ कमल-कुमंरु मग्गेण संतंहिं ॥
 अह लहु जय-जय-रख-मुहल- भुवण-जणिय-संतुट्ठि ।
 गयणह तियस-नियविणिहिं भुक्किय कुसुमंहं वुट्ठि ॥

[३४५]

अह सुएविणु कमलु स-बलो वि

रणरंग-वसुहं जिजिंवि भुवणु भरिवि निब-कित्ति-वसरिण ।
 उववेत्तु मुक्कित-निब- अइणि भरिव-विफुरिय-हरिसिण ।
 गंतु मुमित्तह नरवइहि विवरिय अखलिब-सील ।
 सिरि-चित्तगइ-पसाय-वस- वरिय-अंहासइ-सील ॥

[३४६]

अह सुमिच्छह समर-बुचंतु

परिसाहिउ चित्तगइ- सविह-गएण खयरेण एगिण ।
 ता नरवइ हरिसिउ वि भइणि-लंभि भाविउ विवेगिण ॥
 चित्तइ-धिसि धिसि एरिसउ कसु कए जिय-संहारु ।
 हुयउ जाम स-जिणिहिं कहिउ निरु संसारु असारु ॥

[३४७]

जमिह जणउ वि कुणइ अवमाणु

जणणी वि हु अवयरइ देइ दुहइ दुसहाइं चंधु वि ।
 भइणी उण पर-भवण- विहिय-सोह सायरु ति-संझु वि ॥
 निय-कज्जुज्जय-मानसह दइयह किं भणियव्वु ।
 चिर-संचिउ वि जु नेह-भरु चयइ खणेण वि सव्वु ॥

[३४८]

सिहरि-सरि-रय-सरिसु तारुणु

करि-कण्ण-चंचलु विहवु सयण-नेहु सरयब्भ-विब्भसु ।
 संझब्भ-रायब्भहिउ भियगु भणइ जिणवरह आगसु ।
 इय चितंतु सुमिच्छ-निवु मेलिवि सयलु स-वग्गु ।
 रज्जि निवेसिवि निय-तणउ पसरिय-तेय-उदग्गु ॥

[३४९]

अह कहेविणु हियय-सब्भावु

सिरि-सूरतेयंगयह बहु-वियप्पु पवयणु पढाविवि ।
 अहिकंखिवि परम-सुहु हियय-मज्झि गुरु-वयणु ठाविवि ॥
 उज्जाणम्मि समोसदहं निय-नयरह वि सयासि ।
 गिण्हइ गंतु चरित्तु निवु सुजस-सुणिदह पासि ॥

[३५०]

ता बिसेसिण चित्तगद्गुप्ततु

पसरंत-रोमंच-भरु चारु-वरिय-वरणेक्क-माणसु ।
 तस्सेव य अहिणवह राय-रिसिहि गुण-गहणि अणलसु ॥
 वंदिवि सुजस-मुणीसरह स-हरिसु पय-पउमाई ।
 पत्तु स-नयरि सरिवि नियय- जणणि-जणय-नामाई ॥
 इओ य—

[३५१]

सुणिवि सयलु वि कमल-वुत्तंतु

अच्चंत-उव्विग्ग-मणु दहु अणंगसीहु प्पयंपइ ।
 अरि निग्गुण कमल तपं एहु विहिउ किमकज्जु संपइ ॥
 जं पर-रमणिहि हरणि एगु स-कुलह जणिउ कळंकु ।
 तह अवहत्थिउ सुहड-जमु पुव्वज्जिउ वि असंकु ॥

[३५२]

अहव केत्तिय-मेत्तु एहु हंत

पर-दार-लोलुय-मणह जमिह सीसु सच्छिन्नु वंभह ।
 अवलुत्तउ लिंगु वणि हरह अहु य पर-रमणि-लंभह ॥
 सुर-सामिहि वि सरीरि तह नयण-सहसु संजाउ ।
 कुल-छेयण-दहवयणह वि गरुयरु हुयउ विसाउ ॥

[३५३]

जइ व गुरुहु वि हवइ मइ-मोहु

पडिक्कल-हय-विहि-वसिण इय मुणेवि किं सोइयव्विण ।
 तह एइण स-पुरिसिण नणु हुयव्वु कुमरिहि पियत्तिण ॥
 जं एगत्य निमित्तिह वयणु हुयउं ता सच्चु ।
 ता जोयहु सु सुपुरिसु — इय भणिवि निउत्तु अमच्चु ॥

३५१. ३. क. The last letters are very minute and hardly legible. After ३५१ क. ख. अथां १०००.

३५२. ८. कुलछेयण.

[३५४]

तयणु निम्मलबुद्धि-नामेण

सचिविदिण निय-पहुहु लहु एहु आपसु स-हरिसु ।
 परिभावि वि निय-मणिण भणिउ पुरउ तस्सेव एरिसु ॥
 काउ सयंवर-मंडवउ रयणवइहि पाउग्गु ।
 सयलहं खयर-निबंगयई देहु लेह जह-जोग्गु ॥

[३५५]*

तह सयंवर-मंडवह मज्झि

विणिवेसहु असि-रयणु कुमरि-करिहि तसु पूय कारहु ।
 लहु सिद्धाययणि पुणु के-वि पुरिस पच्चइय धारहु ॥
 इय जइ कइ-वि व नर-रयणु एइ इह वि सयमेव ।
 ता सिज्झइ सामिहि सयलु एहु कज्जु एमेव ॥

[३५६]

अह समग्गु वि जुत्तु जुत्तु चि

पडिवज्जिवि सायरिण लहु अणंगसीहिण खगिदिण ।
 सहाविवि सयमवि हु निय-निउत्त-नहयर-सहस्सिण ॥
 मेलाविवि भुवणब्भहिउ दल-विसेसु साणंदु ।
 पत्थुय-कज्ज-विहाणि लहु आइठउ सचिविहु ॥

[३५७]

तयणु मरगय-रयणमय-पीठ-

वर-फालिह-मणि-विहिय- भित्ति कणय-कय-सिचय-चट्ठिउ ।
 कक्केयण-थंभ-सउ पउमराय-मणि-खंड-मंडिउ ॥
 कय-उवरिम-तलु दिण-रयणि निहणिय-तम-सेणीई ।
 अंक-पुलय-वेरुलिय-गुरु पुलउग्गार-मणीई ॥

* For parts of stanzas 355, 356 and whole of 357, 354, 359, 360, and 361 (except the last line) ॥ leaves blank space.

[३५८]

विमल-बहुविह-रयण-तोरणिहि

सोहंत-असेस-दिसि स-सिरि-विजिय-सुरराय-मंदिरु ।

बहु-भंग-विमत्ति-जय- जंतु-जाय-आणंद-संदिरु ॥

मुत्तावलि-रयणावलिहिं मालिय-सयल-पणमु ।

तियस-महहुम-कुसम-सरि-विरइय-सोह-विसेमु ॥

[३५९]

वरु सयंवर-मंडवु करेवि

सचिर्विंदु साहइ पहुहु ता अणंगसीहिण खणद्धिण ।

निय लेह पेसिवि सयल खयर-कुमार वाहरिय हरिसिण ॥

ति वि तस्लेहुवदंसणिण स-वल-भरिण पसरंत ।

रयणवइहि लोलुय-हियय तहिं पहुत्त तूरंत ॥

[३६०]

ता अणुक्कमु खयर-नाहस्सु

उवएसिण कय-सयल- नियय-नियय-कायव्व-वित्थर ।

आवासिहि गंतु ठिय खयर-कुमार गुरु-हरिस-निम्भर ॥

अह सह सयण-मणोरहिहि लग्ग-दिणम्मि पहुत्ति ।

तम्मि य खयर-कुमार-गणि वियसिय-मुह-सयवत्ति ॥

[३६१]

ठविवि मणिमय-पीढ-उवरिम्मि

खयरिंदिण निय-करिहिं करिषि पूय सम्माणु पयडिवि ।

सुर-वियरिउ फुरिय-गिरि- गुरु-पयावु असि-रयणु मेल्लिवि ॥

मज्झि सयंवर-मंडवह तयणु कुमरि संलत्त ।

एहु पूयसु जह लहु हवइ पिययम-पत्ति निरुत्त ॥

३५८. ३. क. विजय.

३५९. ८. क. हिय.

३६१. ९, क. पियय.

[३६२]

तयणु गुरुयण-जणिय-उवरोह-

परतंत सुंदर-चरिय विहिय-पवर-सिंगार वालिय ।
 कर-पल्लव-गहिय-निरु- सुरहि-गंध-सिय-कुसुम-मालिय ॥
 असि-रयणह गुरुयण-विहिण पूय-विदेय-पयट्ट ।
 भावि-हरिस-पम्भार-वस- वियसिय-मुह-कंदोष्ट ॥

[३६३]

अह पयट्टइ जय-जयारावि

वज्जंतइ मंगलिय- तूरि वंदि-विदिण पढंतिण ।
 किज्जंतइ मंगलिय- कज्जि खयर-लोइण मिलंतिण ॥
 कमिण सयंवर-मंडवह मज्झि असम-संवेसु ।
 खयरिदिण ते खयर-सुय उववेसिय मंवेसु ॥

[३६४]

तयणु नहयर-राय-वयणेण

निय-रुविण विजिय-रइ पास-कुसुम-पडलि-यर-दासिय ।
 करयल-किय-पंचविह- सुरहि-कुसुम-मालिय मुहासिय ॥
 तिअसासुर-नरवर-तरुण- मण-मंथण-मंथाण ।
 कमिण पहुत्तिय रयणवइ पुरउ खयर-कुमराण ॥

[३६५]

अंव-वाइहिं भणिउ—अह एस

गंधव्व-नयराहिवइ विहिय-सयल-पडिक्ख-खंडणु ।
 सारय-ससि-विमल-जसु भुवण-मुहय-गुण-रयण-मंडणु ॥
 पवणवेग-खयराहिवइ- कुल-मंदिर-सिरि-केउ ।
 दिट्ठि-पसाइण कुमरु अणुगेहसु ससि-मुहि एउ ॥

[३६६]

एस उण सिरि-अच्चिमालिस्सु

खयरिंदह अंगरुहु फुरिय-गरुय-माहण-वित्थरु ।

वहु-मंत-तंतोसहिहि पत्त-कित्ति-धवलिय-दियंतुरु ॥

निय-लायण-पहाव-हय-माणिणि-माण-मरट्टु ।

किरणवेग-नामिण पयडु दुज्जण-दलण-घरट्टु ॥

[३६७]

एस उण ससि-वयणि दाणेण

परिनिज्जिय-गंधकरि फुरिय-तेय-अहरिय-दिवायरु ।

गंभीरिम रयण-निहि थिरिम वसुह नय-विहि-कयायरु ॥

वर-माल-विखवणिण सुयणु संभावसु गुण-धामु ।

विज्जाहर-पहु रवि-किरण- नंदणु रविरह-नामु ॥

[३६८]

इय समग्गि वि अंव-धार्इए

पडिगोत्तुक्कित्तणिण चंद-कुंद-सिय-कित्ति-कहणिण ।

उवदंसिय-खयर-पहु- तणय न उण कुमरोए दिट्ठिण ॥

संभाविउ एगो वि तहं मज्झि खयर-कुमराहं ।

ता सयल्लु वि सो खयर-गणु खुहिउ न माइ धराहं ॥

[३६९]

एत्थ-अंतरि स-पहु-वयणेण

एगयरिण कंचुगिण भणिउ पुरउ खयरिंद-कुमराहं ।

इयु मज्झह तुम्हह हर- हास-कास-सिय-कित्ति-पसराहं ॥

कोवि-हु पयडिय-नियय वल्लु लक्खण-सय-धरणीए ।

हवउ गहेविणु असि-रयणु पिययमु रयणवईए ॥

[३७०]

तयणु अ-मुणिवि नियय-माहणु
 अ-निरिक्खिवि नियय-वल्लु अप्प-परहं अंतरु अ-चित्तिवि ।
 निमुणेविणु कंचुगिहि वयणु रयणवइ-रूवु पेक्खिवि ॥
 आऊराविय-संख-सय ताडाविय-जय-ढक्क ।
 चलिय ति असि-रयणह समुह परमद्धि वि के-वि थक्क ॥

[३७१]

चित्त-लिहिय व लेप्पमइय व्व
 पाहाणुक्किण इव हट्ठिण हरिय-सव्वस्स दुहिय व ।
 संपाविय-मुच्छ इव फुरिय-गरुय-मय-मोह-निहिय व ॥
 सव्वत्तो वि हु परिगलिय- कज्जाकज्ज-वियार ।
 कि-वि असि-रयण-पहंतरि वि निवडिय नीसाहार ॥

[३७२]

के-वि पुणु दद-मंत-कय-कवय-
 बहु-भेय-विज्जाहिगम विहिय-गव्व कह कह वि खग्गह ।
 सविहम्मि पटुत्त गुरु- जणिय-वोज्ज-निय-खयर-वग्गह ॥
 जाव य लग्ग गहेउ असि- रयणु ताव सहसत्ति ।
 गिरिहि सिहर असि-पडिरविण तुट्ठिउ लग्ग तडत्ति ॥
 अवि य—

[३७३]

विसइ वसुहहं वड-परोहु व्व
 जलयालि व धडहडइ गयणि विज्जु-पुंजु व झलक्कइ ।
 फुक्कारइ विसइरु व सत्तु-हियइ उवल्लु व धवक्कइ ॥
 उप्पयंतु मडियलि भुवण- भय-जणणेक्क-करालु ।
 कसु कसु खयरह मणु खणिण न क्खोहइ करवालु ॥

[३७४]

तह वि केसु वि खयर-कुमरेसु

निय-विज्जा-मंत-वल- वसिण असिहि करु निक्खिवंतिस्सु ।

सिरि-मुम्मुर-वरिस्सु असि- वसिण पडिउ विरसं रसंतिस्सु ॥

तह जय-जण-विक्खोह-यर पयद्दीहुय वेयाल ।

गुरु-फुक्कारव-भरिय-गयण-यल भुयंग कराळ ॥

[३७५]

इय समग्गि वि दुहं वि सेढीण

खयरहिब-अंगरुह असिहि समुहु धाविर विगुत्तय

चित्तंति विसन्न-मण अहह अम्हि किं इह पहुत्तय ॥

एस वि अम्हं रयणवइ अयस-दाण-उउमेण ।

जाय अणंगस्सीह-घरि पुव्वज्जिय-अहमेण ॥

[३७६]

इय विचित्तिर रयणवइ-विसय-

वियलंत-अणुराय-रस दूर-मुक्क-करवाल-गोयर ।

विच्छाडय-वयण निय- ठाणि ठंति सच्चे वि खेयर ॥

तयणु अणंगस्सीहु खयरहिबु चिंतावन्नु ।

भणिउ अमच्चिण- देव वरु कुमरिहि चिट्ठइ अन्नु ॥

[३७७]

इय पसीउण सिद्ध-आययणि

पेसिज्जहुं के-वि निय- खयर-कुमर-रज्ज-प्पहाणय ।

विज्जाहर-सामियहं सहहं विउस-भणियव्व-जाणय ॥

जिण जसु जायइ नहयलह कुसुम-वरिस-पम्भारु ।

आणहिं नेमित्थिय-कहिउ कुमरु सु नहयर-सारु ॥

[३७८]

एत्थ-अंतरि महिहिं सयळाइं

जिण-नायग-चेइयइं वंदिऊण निच्चइं नमंसिरु ।
 संपत्तु सिद्धाययणि सूरतेय-सुउ हरिस-विलसिरु ॥
 समय-विहिण जिण-नाह-पडिमाहं अवग्गहि गंतु ।
 मुद्ध-ज्झाण-कुठारइण पाव-वणइं निहणंतु ॥

[३७९]

वउल-मालइ-तिलय-वियइल्ल-

मंदार-हरि-चंदणय- वन्न-जूहि-जाखूण-कुमुमिहिं ।
 विरएविणु पूय तह दिव्व-पट्ट-चीणंसु-पमुहिहिं ॥
 उत्तिम-वत्थिहिं तित्थयर- पडिमउ सक्कारेवि ।
 गरुय-पयासिय-भक्ति-भरु धूवुक्खेवु करेवि ॥

[३८०]

तयणु तक्खणि मिलिय-वहु-सिद्ध-

गंधव्व-खयराहिवइ- निवह-जणिय-आणंद-सुंदरु ।
 कारावइ पेच्छणउं असम-सग्ग-अपवग्ग-सुहयरु ॥
 अह मन्नंतउ चित्तगइ कय-किच्चउं अप्पाणु ।
 थुणइ जिणेसरु गहिर-सरु पसरिय-गुरु-वहु-माणु ॥

[३८१]

सामि दिट्ठउ कप्पतरु अज्जु

उवल्लद्ध चिंतामणि व काम-धेणु पाविय कयत्थिण ।
 जं भुवण-पियामहह तुज्झ महिय पय मइं स-हत्थिण ॥
 कंचण-वुट्ठि अहन्न-यरि न हि संभावइ कोइ ।
 गुरुयण-चलणहं सेव कय कह वि न निप्फल होइ ॥

[३८२]

कुडिल-कुंतल विउल-भालयल

सरलायय-नयण-दल- जुय विसाल-उत्तुंग-नासिय ।
 ससिकंत-कबोल सिय- दंत-पंति महु-महुर-भासिय ॥
 पउम-दलारुण-अहर-दल विलसिर-तिवलि-तरंग ।
 अंसत्थल-वोळिर-सवण समुचिय-सिव-वहु-संग ॥

[३८३]

निहय-रिउ-कुल-नियर-भुय-दंड

वच्छयल-ललंत-जय- लच्छि गहिरतर-नाहि-मंडल ।
 आरोह-वित्थर-विजिय- गिरि-नियंव दह-वल-अखंडल ॥
 सीह-किसोर-तुरंग-सुरआउह-संनिह-मज्झ ।
 सिवपुर-तोरण-थंभ-उरु राय-द्वोस-असज्झ ॥

[३८४]

फुरिय-दिणयर-किरण-नह-पंति

विमलंगुलि-दल-कलिय- चलण-कमल तइलोय-सामिय ।
 निक्कारण-कारुणिय जय-सरण सिव-नयर-गामिय ॥
 झाइजसि जेण अणुदिणु वि पुलयंचिय-अंगेण ।
 सो मुच्चइ गुरु-भएण इव चउ-नाइ-भव-संगेण ॥

[३८५]

भुवण-वच्छल भविय-भमर-उल-

परिसेविय-पय-पउम स-भुव-तरिय-संसार-सायर ।
 दूरुज्झिय-सयल-भव- भाव सिद्धि-वहु-विहिय-आयर ॥
 गुण-रयणायर विउल-पय- सदेसण-कल्लोल ।
 उदयाहिलसिक्क अणुसरइ कु न तइं संजम-लोल ॥

३८४. ४. क. निक्कारण.

३८५. ७. सदेण संकल्लोल.

[३८६]

अहह तिहुयण-परम-कारुणिय

लद्धम्मि वि तइं पहुहुं पेच्छ पेच्छ हउं कह कयत्थिउ ।

इह अंतर-रिउ-निविहिं पुणु वि पुणु वि भवि भवि गलत्थिउ ॥

पाडिउ कुडिल-कसाय-वण-गहणि करुणु विलवंतु ।

पहरिजंतउ दुज्जणिहिं सुअणिहिं सोइज्जंतु ॥

[३८७]

जणय-वंधव-सयण-सुद्धि-विहव-

ववएसिण मोहिउण धम्म-कम्म-कवएण विमुक्कउ ।

परिसल्लिउ कह कह न मोह-सट्ठिण निय-कज्ज-चुक्कउ ॥

इय परिभाविवितह कहवि कुणसु नमंत-सरण ।

जह न हणइ मइं मोह-रिउ जिण निरुवम-कारुण ॥

[३८८]

रज्जु पंजरु विसु विसय-सुक्खु

पिय-संगु विओग-फलु देइ दुक्ख-दंदोलि जणउ वि ।

उवतावइ सोयरु वि अवगरेइ संसारि तणउ वि ॥

इय तहिं कह वि न रमइ मणु मज्झ भुवण-दिण-इंद ।

तो निरुवद्वु किं-पि पउ वियरसु पसिय जिणिंद ॥

[३८९]

नमिर-सुरवर-थुणिय-पय-पउम

तुह संथवि भुवण-रवि कउणु एहु विष्फुरिय-तम-भरु ।

न हि केसरि-गम्मि करि करड-दलणि उज्जमइ वानरु ॥

अहव स-पहु-वहु-मन्नियउ जणु किं जं न करेइ ।

हरिणु वि ससि-उच्छंगि ठिउ भुवणोवरि विलसेइ ॥

३८६. ४. क. अंतरिउ ८. क. दुज्जणिहि.

३८९. ३. क. कउण. ७. क. जन्न.

[३९०]

गुरुय-भक्तिण भरिउ पणिवइउ

हरिभद-सूरि-स्थुणिउ ति-जय-तरणि पणमंत-वरुछलु ।
 इहु जिणवरु पसिय मह हणउ सयलु भव-वासु पिच्छलु ॥
 नहि उदयंतइ सहस-करि पीडइ जडिम जयम्मि ।
 कप्प-तरुम्मि कि इच्छियइ न हवहि जण-हिययम्मि ॥

[३९१]

इय धुणेविणु जाव पणमेइ

पय-पंकय जय-पहुहु सूरतेय-सुउ पुलय-अंचिउ ।
 ता जय-जय-पुवु नह-यलह गुरुय-तन्मत्ति-संचिउ ॥
 निरुवम-परिमल-मंसलिउ कुसुम-वरिसु परिमुक्कु ।
 तियस-विसेसिण चित्तगइ कुमरस्सुपरि अ-चुक्कु ॥

[३९२]

एत्थ-अंतरि गयणि तियसेहिं

जिण-मंदिरि नहयरिहिं गरुय-हरिस-वियसंत-वयणिहिं ।
 समगाहय-मंगलिय-तूर-रविण बहिरिय-दियंतिहिं ॥
 जंपिउ फुरियाणंद-जल-पयडिय-अणुरत्तीए ।
 अहह अहह जिणवरु धुणिउ चित्तगइण भत्तीए ॥

[३९३]

अह अणंगस्सीह-खयरिंद-

आइट्टिहिं तत्थ लहु खयरनाह-कुमरिहिं पहुत्तिहिं ।
 संलत्तउ चित्तगइ-कुमरु विउस-वयणिहिं विचित्तिहिं ॥
 सो वि सयंवर-मंडवह बइयरु कहिउ असेसु ।
 सूरतेय-नंदणु तयणु विम्हिउ मणिण निमेसु ॥

[३९४]

भणइ—धिसि धिसि तेहिं किं खयरेहिं
 किं एसिय-मेत्तिण वि कज्जि एम्ब अप्पउं विगोविउ ।
 निय-वंसु वि पर-भवणि गंतु विहलु निचुलु हसाविउ ॥
 जं किमसज्झउं जगि भडहं दढ-साहस-रसियाहं ।
 परितोलिय-निय-भुय-वलहं निम्मल-जस-तिसियाहं ॥

[३९५]

ता सुणेविणु नूण एसेव
 नेमिच्चिय-कहिउ नर- रयणु रयणवइ-कुमरि-पिययमु ।
 विणत्तु इयरेहिं जह पुरिस-रयण जइ तुहं जि निरुवमु ॥
 सजु फुराविवि गहिवि असि- रयणु कुमरि परिणेसि ॥
 न उण जयम्मि विअत्थि इह मामत्थिम अन्नेसि ॥

[३९६]

अह सयंवर-मंडवह समुहु
 संचल्लिउ चित्तगइ जाव ताव मुहि-वंधु-सयणिहिं ।
 कर-पिहिय-स्सवणएहिं भणिउ - हंत एयाहं वयणिहिं ॥
 किमसक्कारंभिण कुमर तुह उज्जमिण इमम्मि ।
 खयर-कुमार-विमोयणिहि रयणवइहिं विसयम्मि ॥

[३९७]

जमिह सुर-गिरि मुहिण वाहाहिं
 तोलिज्जइ जल-निहि वि वाहु-पोय-जोएण तरिज्जइ ।
 उप्पाडिवि करयलिण स-धरधर वि महि छत्तु किज्जइ ॥
 न उण महावल-सुर-गणिण रक्खिज्जंतु सु-तेउ ।
 तीरइ वेत्तु करेहिं असि- रयणु सुरेहिं वि एउ ॥

३९३. १ क. भाइडुहिं.

३९६. ९. क. रयणवएहिं.

[३९८]

तयणु — दुद्धरु ताव मुर-सेलु

ता दुत्तरु रयण-निहि ता उ गरुय भावइ वसुंधर ।
 ता विउलु नहंगणु वि जाव पउर-सोडीर-सुंदर ॥
 अब्धुवगमहि न सप्पुरिस जीयह पणु मिल्लेवि ।
 इय बहु-वयणिहि नियय-जणु वोहिवि संचल्लेवि ॥

[३९९]

लहु सयंवर-मंडवह मज्झि

संपत्तउ चित्तगइ पवर-सउण-उवइदु-सिद्धिउ ।
 जा ताव पुच्चागइहि भणिउ खयर-कुमरिहि कु-बुद्धिउ ॥
 नणु को इहु खयरंगरुहु जो तिहुयणह अ-गेज्झि ।
 लहुईहोहिइ उज्जमिरु असिहि खयर-गण-मज्झि ॥

[४००]

जेम्ब दम्मइ जणिण करि-राउ

नहि तेम्ब पंचाणणु वि न य नइ व्व जलहि वि तरिज्जइ ।
 गुड-पिंडु व न य किण-वि तुलहं धरिवि मुर-गिरि तुल्लिज्जइ ॥
 किं जिम्ब चव्विज्जहि चणय तिम्व मरियइं खज्जंति ।
 अन्न ति केसर केसरिहि जिहि गय भेसिज्जंति ॥

[४०१]

इय मुणेविणु मुयसु असि-रयण-

गहण-म्माहु खयर-मुय मा हवेसु सोयव्वु लोयहं ।
 इय निमुणिवि चित्तगइ भणइ पुरउ खयरहं एयहं ॥
 विहि विनडउ पीडंतु गह पुज्जउ दुज्जण-आस ।
 हउं पुणु गेण्हिसु असि-रयणु जहिं सउ तहिं पंचास ॥

अवि य-

[४०२]

सिद्धु जइ तुहुं पुव्वि पडिकण्ह-
 बलभइ लच्छिप्पियहं चक्कवइहिं साहस-निहाणहं ।
 अन्नेसि वि नमि-विनमि- अनिलवेग-पमुहहं पहाणहं ॥
 धीरहं निय-भुव-बल-दलिय- भुवण-मुहड-गव्वाहं ।
 ता असि-रयण मह वि पसिय पेक्खंतहं खयराहं ॥

[४०३]

इय भणेविणु पंच-नवकारु
 सुमरेविणु भत्ति-भरु दूर-नट्ट-पडिहार-सुर-गणु ।
 उवणेण्हइ चित्तगइ खग्ग-रयणु सुर-सिहरि-थिर-मणु ॥
 अह तियसामुर-किन्नरहं तरुणिहिं कुमरुवरिम्मि ।
 कुसुम-बुद्धि मुक्किय खयर- गणि विम्भिय-दिययम्मि ॥

[४०४]

तयणु तक्खणि मंजु-सिजंत-
 भमरावलि-सामलिय उल्लसंत-परिमल कुमारह ।
 पुव्वज्जिय-सरय-ससि- किरण-सरिस-निय-मुकय-सारह ॥
 रयणवइहिं स-हरिसु खिविय गल-कंदलि वर-माल ।
 सयमवि खयर कुमर-खिविय- लोयण-कमल-वम्बाल ॥

[४०५]

अह पयट्टउ जय-जयारावु
 सुर-दुंदुहि-रवु फुरिउ कुमर-कित्ति वित्थरिय दह-दिहि ।
 अन्नोन्निण भणइ जणु अहह अहह अइ-निउणु एहु विहि ॥
 दूराउ वि जं जसु तणउं तं तसु लहु मेलेइ ।
 मिलिउ वलिट्ठु वि भुवण-जणु किं अन्नयरु करेइ ॥

[४०६]

एत्थ-अंतरि पुरिअ-तणु-कंति-

उज्जोइय दिहि-विवरु रइय-असम-सिंगार-मुंदरु ।
 बहु-सुर-यण-परियरिउ उच्चरेवि नहयलह मणहरु ॥
 तियस-विसेसु चिरोवचिय- सुकय-प्पसर-पवित्तु ।
 पुणु पुणु पणमइ कुमर-पय तोस-परव्वस-चित्तु ॥

[४०७]

अह चमविकय-चित्ति नीसेस-

खयराहिच-कुमर-कुलि दलिय-दप्पि पडिवक्ख-मंडलि ।
 रयणवइहिं तुट्ठियहिं तरुणि-जणिण दिज्जंत-मंगलि ॥
 ताडिज्जंतिहिं दंदुहिहिं जय-जय-रवि उग्घुट्ठि ।
 तम्मि अणंगस्सीह-खयरेसरि निरु संतुट्ठि ॥

[४०८]

भणिउ तियसिण - कुमर मा सज्ज

किं सूरतेयंगरुह पुरिस-रयण असरण-सरणाय ।
 पुव्वज्जिय-सुकय-वस- हय-अरिट्ठ पसरिय-करुणाय ॥
 सारय-रयणीयर-विमल-गुण-रयणोह-निदाण ।
 मं उवलक्खसि चित्तगइ तुहुं सुगहिय-अभिहाण ॥

[४०९]

तयणु कुमरिण भणिउ साणंदु

पसरंत-तेयम्भहिय निय-समिद्धि-परिविजिय-तिहुयण ।
 को न मुणइ इंद-समु तुम्भि तियस-कल्लाण-भायण ॥
 न हि दप्पणिण कर-ट्टियउ कंकणु जोयह कोइ ।
 अहव किं किण-वि पयासियउ दिणयरु पयडीहोइ ॥

[४१०]

अह पयंपइ तियसु - सिरि-सुर-
 तेयंगय इहु न हउं तुज्ज पुरउ पुच्छेमि संपइ ।
 ता साहसु पुच्च-भव-जणित किं-पि अह कुमरु जंपइ ॥
 जइ एवं ता सुर-रयण तं चिय मह पसिऊण ।
 कोऊहलु पूरसु सयलु निय-वइयरु कहिऊण ॥

[४११]

तयणु पभणइ तियसु पसरंत-
 सुह-ससइरु खयर-नर नारि-नियर-मण-जणिय-विम्वहउ ।
 किं साहउं नर-रयण चरिय-विजिय-जय पुरउ तुम्वहउ ॥
 तह वि कहिज्जउ को-वि इह लेसिण निय-वुत्तंतु ।
 इय एहु अवहिय-मण-पसर होहि वि खणु निसुणंतु ॥

[४१२]

तइं सुमित्तह निवह लहु भइणि
 रण-रंग-मंडवि हठिण कमल-कुमर-हत्थह मुयाविवि ।
 आणंदिय-तइइय-वंधु-सयण निय-ठाणि ठाविवि ॥
 तयणु सुणेविणु रण-महिहि निव-रिउ-भड-संघाउ ।
 निवइ सुमित्तु झडत्ति-हुय-गुरु-संसार-विराउ ॥

[४१३]

तुह समक्खु वि सयलु निय-वग्गु
 कह कह वि अणुण्णविवि करिवि सुत्थु रज्जह समग्गह ।
 सक्कारिवि देव-गुरु गंतु पुरउ सूरिहि उदग्गह ॥
 तम्मूह-जलहर-संभविय-वयणामय-संसित्तु ।
 सुगइ-नियंविणि-संग-सुह-ऊसुगु वेत्तु चरित्तु ॥

[४१४]

तइं पहुत्तइ नियय-ठाणम्मि

विहरंतु सु राय-रिसि सह गुरुहिं मुणि-किरिय-तप्परु ।

पाविय-जिण-समय-निहि अंतरंग-रिउ-दलण-मुग्गरु ॥

अणुजाणाविवि नियय-गुरु तियस-सिहरि-थिर-चित्तु ।

समय-विहिण अणुकमिण पडिवज्जइ एगागित्तु ॥

[४१५]

चिरु वसुंधर-वलइ विहरंतु

संपत्तु काल-क्कमिण मगह-विसय-अंतिमह नयरह ।

एगस्सु सुसाण-वणि जं च सरिसु जम-मवण-अजिरह ॥

कत्थ वि मंसासण-भमिर- भीम महासिव-सहु ।

कत्थ वि भूय-पिसाय-सय- वेयालेहिं रउ ॥

[४१६]

कह वि डब्भिर-मयग-संकिण-

धरणीयलु कह वि मय- सगसगेंत-किमि-जाल-पिच्छलु ।

कत्थ वि नहि परिभमिर- उलुय-कंकु जम-दय-वच्छलु ॥

साइणि-फेक्कारव-विहिय- भुवण-क्खोहु कहिंचि ।

तम्मि समग्गह जणह पयडिय-संसार-पवंचि ॥

[४१७]

ठिउ महा-मुणि मेरु-थिर-चित्तु

वगवारिय-कर-जुयलु पुव्व-पुरिस-कय-काउसग्गिण ।

एत्तो य सुसाण-वणि तम्मि चेव हय-विहि-निओइण ॥

पडिवक्खिय-नरवइ-गहिय- गिह-गय-सयल-समिद्धि ।

नीसेसेण वि परियणिण परिचत्तउ दुब्बुद्धि ॥

[४१८]

परियदंतउ विविह-देसेसु

उयर-पूरण अणुदियहु दियह-अंति कहमवि कुणंतउ ।
 पुव्वुत्तउ तसु वि लहु वंधु पउम अभिहाणु पत्तउ ॥
 अह गरुयर-अमरिस-वसिण आयइदिय-धणुहेण ।
 हणिउ महा-मुणि वच्छयलि सरिण तेण पावेण ॥

[४१९]

मइ पडंतिण के-वि जइ जीव

धरणि-यलि उवदविय तेसि मज्झ मिच्छा मि दुवकडु ।
 न य कस्सु वि वसिण इहु तुज्झ जीव आवडिउ संकडु ॥
 निय-कर-आरोविय-गरुय- कम्म-तरुण फलाणि ।
 पत्त-विवाग पडंति धुवु उवरि जणह सयलाणि ॥

[४२०]

निय-तरंगिहि भिन्न-कुल-सेलु

जलही वि वाहा-जुइण सक्कु तरिउ साहसिय-पुरिमिहि ।
 खर-नहर-भयंकरु वि सीइ-पोउ धरियइ करग्गिहि ॥
 लहु साहिज्जइ कुंजरु वि थंभिज्जइ जलणो वि ।
 सप्पु वि वेप्पइ करिण वसिकिज्जइ वेयालो वि ॥

[४२१]

न उण तिहुयण-पयड-माहप्पु

पसरंतु समुल्लसिय- मउ कयंत-केसरि तरिज्जइ ।
 उवसाहिउ सुर-अमुर- नरवरेहि वि हु जइ मिलिज्जइ ॥
 ता सुमरसु रे जीव तुहु मणिण पंच-नवकारु ।
 मित्त-अमित्तेसु य कुणसु सरिम-भावु जय-सारु ॥

४१७. ९. Illegible in K.

४१८. २. K. अणुदियह. ४. K. तसु दि. ४२०. ५. K. धरियहि,

[४२२]

अवि य अंतर-सत्तु-निहलणु

पणमंत-तिहुयण-सरणु चरण-धरणिवइ-सेन्न-मंडणु ।
 संसारिय-दुइ-दलणु महि-ललंत-कुनय-मय-खंडणु ॥
 तियसामुर-नर-नय-चलणु विहुरिय-विहिय-त्ताणु ।
 अरिहंतहं निउरंउ मह लहु वियरउ कल्लाणु ॥

[४२३]

सुइर-संचिय-कम्म-हुयवाह-

उवसामण-नीर-धरु भुवण-भवण-सिहरि-प्पइट्टिउ ।
 निट्ठाविय-असुह-मल्लु सासयम्मि ठाणम्मि संठिउ ॥
 सुद्ध-ज्झाण-हुयासणिण जालिय-भव-कंताह ।
 सिव-वहु-वल्लहु सिद्ध-मणु निहणउ मह संसारु ॥

[४२४]

चरिय-दस-विह-समण-आयारु

गंभीरु उवएस-यरु बुद्धिमंतु जिण-मय-वियक्खणु ।
 सिवु सोमु समुल्लसिय- दित्ति-कित्ति सु-पसत्थ-लक्खणु ॥
 विहि-पडिवन्नु चरित्त-निहि देस-काल-भाव-णु ।
 भवि भवि मह आयरिय-निउरंउ हवेज्ज सरणु ॥

[४२५]

समय-जलनिहि-पार-संपत्तु

उवसंतु तेयभहिउ कित्तिमंतु मुणि-किरिय-रत्तउ ।
 गीयत्थुवएस-रुइ विजिय-परिमु निरु स-गुरु-भत्तउ ॥
 थिर-परिवाडि-विणीय-वहु- सीस-पडिच्छिय-आणु ।
 मज्झ उवज्झायहं नियरु हवउ सरण-पहाणु ॥

[४२६]

समिह-समियहं गुत्ति-गुत्ताहं

उज्जुत्तह तव-चरणि संजमम्मि उवउत्त-चित्तहं ।
 पंचासव-विरइयहं छसु जयाहं पसरंत-सत्तहं ॥
 हउं निग्गंथहं सुणिवरहं पय-पउमइं पणमेमि ।
 जह पुणरवि भव-भावियइं विविह-दुहइं न लहेमि ॥

[४२७]

इय विचित्तिरु सुद्ध-परिणामु

मरिऊण सु राय-रिसि तियस-भवणि पंचमि पहुत्तउ ।
 पउमो वि हू सुणि-हणण- जणिय-पाव-भरु दुट्ठ-चित्तउ ॥
 परियडमाणुज्जाण-वणि कसिणाहिण संदट्ठु ।
 सत्तम-नरय-महिहिं मरिवि निय-दुक्कण पविट्ठु ॥

[४२८]

तयणु अवहिण सुणिय-निय-पुव्व-

भव-वइयरु सुर-नियर- विहिय-विविह-पडिवत्ति-वित्थरु ।
 निय-परियण-परियरिउ सरिवि पुव्व-भव-नेह-वइयरु ॥
 वीर-सिरोमणि चित्तगइ तुह पुरओमिह पहुत्तु ।
 सो हउं तियसु सुमित्तु इय कहिउ तुह स-उत्तंतु ॥

[४२९]

इय भणंतु वि करिवि पुव्विल्लु

सु सुमित्त-नराहिवइ- रूवु पडिवि चित्तगइ-चलणिहिं ।
 साणंदु समुल्लवइ तियसु असम-कय-विणय-वयणिहिं ॥
 जइ तइयहं हउं नर-रयण तइं रक्खिउ न हवेज्ज ।
 ता कइ मह चारित्तु तह सुर-सिरि संपज्जेज्ज ॥

[४३०]

ता पयंपइ चित्तगद-कुमरु

सुर-रयण नणु को णु हउं जीवियव्व-रक्खण-विहाणिण ।
 तुह तइयहं सुकय-कय- सज्ज-तणुहु किं पुण पयत्तिण ॥
 मह संजायउ तुहुं जि पर- हेउ धम्म-लद्धीए ।
 तइयहं गुरु-मेलावगह करणिण सुह-बुद्धीए ॥

[४३१]

तह कयत्थउ हउं जि संजाउ

जं अवसरि एरिसइ पत्तु अज्ज तुहुं तियस-सुंदर
 सुर-इंसणु महिहिं कय- जत्त अवि हु न लहंति जमियर ॥
 इय पडिवत्ति-पुरस्सरिहिं वयणिहिं दु-वि चिट्ठंत ।
 पेच्छहिं तत्थ-द्विय-खयर- कुमर वि हरिसिज्जंत ॥

[४३२]

इय कुमारह सुणिवि वुत्तंतु

अवल्लोइवि रुव-सिरि गरुय-हरिस-रोमंच-अंचिय ।
 सा ससि-सुहि रयणवइ पुव्व-जम्म-कय-सुकय-संचिय ॥
 संपाविय-रज्ज-स्सिरिव परमामय-सित्ति व्व ।
 हुय असमाण-सरीर-पह पुण्णिम-ससि-मुत्ति व्व ॥

[४३३]

अहह कटकट पत्त-संजोगु

वपु निउणउ को-वि विहि मिहुणयस्स निउंछणउं किज्जइ
 इय भणिरइ खयर-नर- नारि-नियरि कुमरस्सु दिज्जइ ॥
 सा तणुयंगी रयणवइ तयणु गरुय-रिद्धीए ।
 काराविउ वीवाहु खयरिदिण दिण-सुद्धीए ॥

[४३४]

अह अणंगस्सीह-खयरिदि

संतुद्धइ विम्हियइ खयर-कुमार-नियरम्मि तक्खणि ।
 थुव्वंतइ मग्गणिहिं सूरतेय-नंदणि स-लक्खणि ॥
 ओसप्पिर-गुरु-हरिस-वस- वियसिय-मुह-कंदुट्ठि ।
 परिकीलंतइ खयर-जणि वद्धावणइ पयट्ठि ॥

[४३५]

पत्त-अक्सरु तियसु सु मुमित्तु

पडिवत्ति बहु-विह करिवि सूरतेय-तणइण विसज्जिउ ।
 निय-पुणिहिं अप्पण वि कित्ति-पसरु असरिसु समज्जिउ ॥
 खयर-कुमारहं सयलहं वि मज्झि कयासम-लीहु ।
 अणुजाणाविवि कह-वि खयरिदु अणंगस्सीहु ॥

[४३६]

पत्तु निय-पुरि चित्तगइ-कुमरु

आणंदिय-सयण-मणु सहिउ रयणवइ-तरुणि-रयणिण ।
 अह सलहिउ मुणिय-हुय- वइयरेण निय-जणणि-जणइण ॥
 तह निय-लोयण-निज्जिणिय- तसिय-वाल-हरिणीहिं ।
 परिणाविउ सह बहु-विहिहिं विज्जाहर-तरुणीहिं ॥

[४३७]

अह ललंतउ रयणवइ-पमुह-

निय-दइयहिं सह सुइरु देतु दाणु मग्गणहं स-हरिसु ।
 कुव्वंतउ जिणवरहं तह गुरुण सम्माणु असरिसु ॥
 संभासंतउ मुहि-सयण निय-गुण वित्थारंतु ।
 तियसु व चिट्ठइ चित्तगइ गउ वि कालु अ-मुणंतु ॥

[४३८]

काल-जोगिण पुण अइक्कंति

निरु पाउस-काउरिसि वहल-सलिल-पिच्छलिय-महियलि ।
 अवइण्णउ सरय-रिउ जत्थ गलिय-जलयालि नह-यलि ॥
 हंस-नियंसण तुच्छ-रस बियड-पुलिण-सोणीउ ।
 नं सरि-तरुणिउ जलय-पिय- विरहिहुयाउ किसीउ ॥

[४३९]

जहिं य वियसिय-कुमुय सरवरहं

तह फुरिय-तार-यनहहं दित्त-राय-मंडल-महग्घहं ।
 पप्फुल्लिय-कास-वण- महिहि तह य हिम-सिहरि-सिहरहं ॥
 निरुवम-मित्त-पयाव-भर- दुगुणीकय-तेयस्सु ।
 रयणिहिं दिणि व न जय-जणिण धुवु लक्खियहं विसेसु ॥

[४४०]

जणिय-तिहुयण-हरिसि सरयम्मि

तहिं एरिसि निय-मुहिहिं सहिउ धवलहर-उवरि संठिउ ।
 संतेउरु चित्तगद्वु पुव्व-पुरिस-कह-सवणुकंठिउ ॥
 पुणिम-रयणि-समागमणि कुमुइणि-पिय-उदयम्मि ।
 साहीण-प्पिययमि तरुणि- नियरि तुह-हिययम्मि ॥

[४४१]

भणिउ पणमिवि सुमइ-नामेण

एणेण वंदिण — अहह नाह गरुय अच्छरिय-कारणु ।
 साहेतउ धम्म-कह अज्ज निमुउ मइं समणु चारणु ॥
 तत्थ य उत्तिम-पुरिस-कह- अवसरि सुह-जणयस्सु ।
 आयणिय अ-समाण कह एगह नर-रयणस्सु ॥

[४४२]

तयणु वियसिय-वयण-रयणिदु

पप्फुल्ल-लोयण-कमलु चित्तगइ वि साणंदु जंपइ ।
 सा चारण-पुणि-कहिय कहसु कहसु कह मह वि संपइ ॥
 जं सोयव्व-निसामणिण सवण पसंसिज्जंति ।
 दट्ठव्वहं दंसणिण फुट्ठ नयण वि सहलीहुंति ॥

[४४३]

अह जिणिदह करिवि नवकारु

पणमेप्पिणु गुरु-पयहं भणइ सुमइ जह — नाह निमुणसु ।
 स-परियणु वि मह पसिय होउ किंचि समवहिय-माणसु ॥
 जेण कहाणउं कहउं हउं आणंदिय-भुवणस्सु ।
 सणतुकुमारह धरणियल तिलयह नर-रयणस्सु ॥

[४४४]

तहा हि—

मलय-गिरि-वण-कैस-पासाए

उत्तुंग-सुर-गिरि-सिहर- उत्तिमंग-संपत्त-कित्तिहि ।
 ससि-दिणयर-लोयणिहि तार-सेणि सिय-दंत-पंत्तिहि ॥
 हिमगिरि-विंझ-गिरिंद-थिर- थोर-त्थण-जुयलाए ।
 कालिंदी-सरि-सलिल-भर- रोमावलि-कलियाए ॥

[४४५]

सुर तरंगिणि-पुलिण-जहणाए

रयणायर-अंवरहि पुहइ-वहुहु संजणिय-मंडणि ।
 निय-मंदर-गिरि-फुरिय- सेस-दीव-माहण्य-खंडणि ॥
 नग-नगरागर-गाम-सरि- विसय-सहस्स-समिद्धि ।
 जंबु-दीवि महंति तहि भरह-क्खित्ति पसिद्धि ॥

[४४६]

जत्थ रयणिहिं रयणि-रमणुद्द

ससिकंत-रयणुल्लसिय- सलिल-पूर-संपुण्ण-लोयण ।
 परिवियलिय-चित्त-भर सुणिय-अत्थ-जय-पिय-विरोयण ॥
 नं निम्भर-दुह-पसर-परिपूरिय-गल-सरणीउ ।
 रोयहिं रवि-विरहम्मि घर-चित्त-भित्ति-तरुणीउ ॥

[४४७]

जत्थ गिरिवर-तुंग-करिराय-

गंड-त्थल-परिगलिर- दान-वारि-परिसित्त-धरणिहिं ।
 अवसारिय-स्वर-किरणि निवड-निवड-सिय-छत्त-रयणिहिं ॥
 हियइच्छिय-वियरण-चउर- निव-कय-तोस-विसेसु ।
 न सरइ गिम्हि वि पाउसइ कहमवि लोगु असेसु ॥

[४४८]

स-गुणु उवचिय-कोट्टलंकारु

सुनिवेसाणंदयरु असम-वंस-रयणायरुम्भवु ।
 सु-पवित्तु सु-वाणियउ सुयण-हियय-गउ गय-उवइवु ॥
 सुत्ता-रयणु व विप्फुरिय-अमरावइ-सुंदेरु ।
 इह अहेसि गयपुरु नयरु अरिहिं अखंडिय-मेरु ॥

[४४९]

तत्थ सूरु वि समिय-संतावु

वहु-दाणु वि मय-रहिउ गय-पिओ वि स-कलत्त-मणइरु ।
 दोसायर-खंडणु वि निच्चु कुमुय-वण-तोस-सुंदरु ॥
 धम्ममई वि परत्थ-रुइ अ-जल-निही वि समुहु ।
 बहु-माणो वि अ-माणु पिय-सिव-संगो वि अ-रुहु ॥

४४६. ५. सुणिणियत्थ. ७. क. सरणीओ. ९. क. तरुणीओ.

४४८. ६. परिप्फुरिय

[४५०]

तुंग पणमिरु विउमु सुकुलीण
 सु-समत्थउ खंति-यरु सीलवंतु सोहग्ग-भंदिरु ।
 अहिग्गम्पउ वुद्धरिसु षण-समिद्ध दाणंबु-संदिरु ॥
 जय-जण-नयण-सुहावणउ गरुय-तेय-पद्भारु ।
 आससेण-अभिहाणु निवु आसि वसुंधर-सारु ॥

[४५१]

तस्सु निरुवम-रुव-लायण-
 गुण-रयण रोहण-वसुह कुंद-कलिय-सम-दंत-पंतिय ।
 कुवल्लय-दल-नयण-जुय वपण-विजिय-तामरस-कंतिय ॥
 कलहंसिय-सारस-तरुणि-परहृय-महुरालाव ।
 सारय-रयणीयर-सरिस-पसरिय-कित्ति-कलाव ॥

[४५२]

हरह गोरिव सिरि व मुर-रिउहु
 तारा इव ससहरह उव्वसि व्व तियसाहिरायह ।
 दोवइ इव पंडवहं तह रइ व्व सिरि-दइय-जायह ॥
 सीया इव दसरह-सुयह गुरु-गुण-रयण-समिद्ध ।
 आसि हियय-पिय पिय-पवर सहदेवि त्ति पसिद्ध ॥

[४५३]

तेसि धम्मि अबिहिय-वाहाए
 भुंजंतहं विसय-सुहु असम-राय-अणुरत्त-चित्तहं ।
 उवगच्छइ कालु कु-वि पुव्व-भविय-सुकयह पवित्तहं ॥
 अन्नम्मि उ अवसरि निसिहिं सुह-सयणम्मि पमुत्त ।
 सिविणंतरि सहएवि जय- जंतु-सुहय गुण-जुत्त ॥

[४५४]

कुंभि-केसरि-वसह-अहिसेय-

ससि-दिणयर-झय-कलस- दाम-पउमसर-जलहि-सुरघर ।
 रयणुच्चय-जलण मुहि पविसमाण पेच्छेइ मणहर ॥
 तयणंतरु संभंत-मुह उट्टेविणु सहस ति ।
 साहइ सिविणइं विणय-कय- कर-संपुड निवहं ति ॥

[४५५]

तयणु पुण्णिम-सरय-रयणियर-

उदयग्गि रयणायरु व जलय-माल-दंसणि सिंहंडि व ।
 कमलायरु दिणयरि व रायहंस-कुलु कमल-संडि व ॥
 सहयारु व वसंत-महि पत्तइ दुगुणिय-सोहु ।
 कह-वि न माइ न टाइ निवु सिविणिहिं कय-सिरि-वोहु ॥

[४५६]

तो पयंपइ पुहइ-हरिणंकु

आणंद-गग्गर-गिरहिं पुरउ नियय-सहदेवि-दइयह ।
 जह - होहिइ देवि तुह तणय-रयणु मुह-जणणु ति-जयह ॥
 तियसासुर-नर-नमिय-पय- पउमु जिणाहिबइ व्व ।
 नव-निहि-चउदह-वर-रयण- सामिउ चक्कवइ व्व ॥

[४५७]

अह मुहा-रस-कुंड-वुइड व्व

उवलद्ध-चिंतामणि व पत्त-चक्कवइ-रउज-रिद्धि व ।
 गिह-उग्गय-सुरतरु व अइर-जाय-वर-मंत-सिद्धि व ॥
 हरिस-वियासिय-मुह-कमल सिर-विरइय-कर-कोस ।
 हवउ पहु इय पुणु वि पुणु देवि वि भणइ स-तोस ॥

[४५८]

इय परोप्परु दो वि साणंदु

सद्धम्म-धम्मिय-कहहिं रयणि-सेसु सयलु वि गमावहिं ।
 अह जायइ अरुणुदइ वंदि-विंद निव भवणि आवहिं ॥
 मंगल-तूर-रवंतरिण उद्धीकय-करताल ।
 जंपंति य गहिर-ज्झणिण एरिसु हरिस-विसाल ॥

[४५९]

उदय गिरिवर-सविह पत्तो वि

नयणाणमगोयरु वि अकय-तिव्व-स-पयाव-पसरु वि ।
 गम्भाणय-मुपुरिसु व अणवइण्ण गुण-रयण-नियरु वि ॥
 जग्गि पडिविखिय-पह हरइ पयडइ कमळाणंदु ।
 तोसइ सव्वकइ जणइ सुयण-हरिस नीसंदु ॥

[४६०]

तयणु देविहि सिविण-अणुरुवु

नणु वंदिण भणिय इय गरुय-हरिसु चिंतिंतु नरवइ ।
 स-निउत्तय-नरिहिं बहु- तुट्ठि-दाणु वंदिहि दवावइ ॥
 अह सयणिज्जह उट्ठिउण निम्मावइ सव्वाइं ।
 हरिस-वियासिय-मुहु निवइ गोसिय-कायव्वाइं ॥

[४६१]

तयणु सुंदरु करिवि सिंगारु

आणंद-समुल्लसिय- रोम-राइ-रेहंत-विग्गहु ।
 कुरु-वंस-मंडण-रयणु सहल-विडिय-निय-दार-स संगहु ॥
 सिविण-वियाणय नर नियय-पुरिसिहिं सदावेइ ।
 अह लहु सविहागयहं तहं आसणु वियरावेइ ॥

४५९.८. तो सव्वक जणइ.

४६०.२ क. अणुरुवु, क सुह. ४६१. ७. क. पुरिसिहि; क. तह.

[४६२]

अह करेविणु विविह-पडिवत्ति

निवु सिविण-विसारयहं कइइ देवि-दिट्ठाईं सिविणईं ।
 इयरे वि विणिच्छिउण नियय-सिविण-सत्थत्थु पभणईं ॥
 वाहत्तरि कहियाईं इह सिविणईं सामन्नेण ।
 तत्थ य तीस महा-सिमिण पवरईं भणिय जणेण ॥

[४६३]

तह वि चउइह सिविण सु-पसत्थ

जिणनायग-चक्कवइ- जम्म-हेउ जायंति धन्नईं ।
 नर-नायग-भारियहं भावि-सुगइ-सुक्खहं सउण्णईं ॥
 तेसि वि मज्झइ सत्त चउ सिविणईं हरि-मुसलीण ।
 जम्मु कहिं निव-भारियहं सुह-कमलम्मि निलीण ॥

[४६४]

सेस नरवइ-सचिव-सामंत-

सत्थाह-सेट्ठि-प्पमुह पुरिस-रयण-जणणिउ विउज्झहिं ।
 एक्केक्कु सिविणउं णियवि पुव्व-उत्त-सिविणाण मज्झहिं ॥
 ता सामिय भुवणन्निहिउ नंदणु को-वि विसिट्ठु ।
 होसइ सिविण-समूहु एहु जं तुह देविहिं दिदट्ठु ॥

[४६५]

अह नराहिवु सम्मु एयं ति

तं सिविण-विसारयहं सयलु वयणु अञ्जुवगमेविणु ।
 पडिवत्ति अणेग-विह अह निउत्त-पुरिसिहिं करेविणु ॥
 निय-निय-ठाणि अणुणवइ सिविण-विउस नीसेस ।
 विउसुवइट्ठु पियह कहइ सिविणहं कह स-विसेस ॥

[४६६]

अह नराहिव-वयणु निसुणेवि

संतोसामय-वरिस- सित्त-गत-लइय व्व असरिसु ।
 उवदंसिर-पुलय-भरु भणइ साणुणउ देवि स-हरिसु ॥
 हवउ हवउ मह देव-गुरु- चळण-पसाइण एहु ।
 जह जायहुं इह-पर-भवि वि हउं वि सयल-सुह-गेहु ॥

[४६७]

तयणु नंदण-वयण-रयणिंद-

उवदंसण-सुह-तिसिय देवि देइ देवयहं विविहहं ।
 उवयाइय-सय-सहस कुणइ पूय जिण-पाय-पउमहं ॥
 आराहइ गुरुयण-चळण ओसह-सयइं पिणइ ।
 निय-गम्भह निव्विग्घ-कए बहु-रक्खाउ करेइ ॥

[४६८]

तयणु स-हरिसु धरणि-हरिणंक-

संपूरिय-दोहलय गमइ कमिण पडिपुन्न-वासर ।
 अह सयल-गुणम्भहिइं दियहिं पत्त-गय-दोस-अवसर ॥
 पसवइ देवि समग्ग-गुण- लक्खण-रयण-निहाणु ।
 भुव्वाणंदणु सुय-रयणु पयडिय-विहि-विण्णाणु ॥

[४६९]

अह पदंतिहिं भट्ट-चट्टेहिं

गायंतिहिं गायणिहिं दिज्जमाणि दाणम्मि वंदिहिं ।
 किज्जंतिहिं मंगलिहिं वज्जिरेहिं बहु-तूर-विदिहिं ॥
 सधराधर-धरणियल-जण- परम-सुहाण निहाणु ।
 दिण्णु नरिदिण नंदणह सणत्तुकुमारभिहाणु ॥

[४७०]

तयणु पमुइउ निवइ हिययम्मि

आणंदिय देवि मणि गरुय-हरिस हुय महिहिं सज्जण ।
 परिओसिय बंदि-यण तुह विवुह निरु डरिय दुज्जण ॥
 अहव समग्गु वि धरणियलु भाविय-गुरु-उदण्ण ।
 असरिसु हरिसु समुब्बहइ कुमर-नाम-सवणेण ॥

[४७१]

सिहरि-कंदरि हरि-किसोरु व्व

अप्पडिहय-पय-पसरु पत्त-कित्ति अणुकमिण कुमरु वि ।
 आणंदिय-मुहि-सयणु हणिय-पिसुण-मणु अह-वरिसु वि ॥
 परिओसइ वीरहं हियय विहसइ मुहड-कहासु ।
 निसुणइ पुरिसुत्तिम-चरिय निवसइ विउस-सहासु ॥

[४७२]

अह नरिदिण गरुय-रिद्धीए

साणंदु सु कुमर-वरु मुप्पसत्थ-वासर-मुहुत्तिण ।
 उवसायह सविहि परिमुक्कु तयणु मुप्पसन्न-चित्तिण ॥
 पाविउ थोवेहिं वि दिणिहिं असरिस-गुण-निलण्ण ।
 पारि समग्ग-कलोयहिहिं कुमरु कलायरिण ॥

[४७३]

तयणु पुण्णिम-रयणि-रमणु व्व

ज्झिम्भ-ज्झण्हा-भर-भरिय- भुवण-विवरु निम्मल-कलालउ ।
 गंभीरिम-रयणनिहि थिरिम-धरणि तुंगिम-विसालउ ॥
 सेविज्जंतउ सज्जणिहिं सलहिज्जंतु बुहेहिं ।
 हुयउ जयस्सु समग्गह वि पयडउ नियय-गुणेहिं ॥

[४७४]

तरसु पुण सह-काल-संजाउ
 सह-पंसुक्कीलियउ सह-गह्वीय-गुण-रयण-मंडण ।
 सह-संचिय-कित्ति-भरु समग-विहिय-पडिवक्ख-खंडण ॥
 सम-सुह-दुहु सम-रुव-सिरि सम-जोव्वणु सम-सीलु ।
 सम-सुहि-सज्जण-विहिय-सुहु सम-परिसीलिय-लीलु ॥

[४७५]

मूल-नरवइ-पय-समुद्धरण
 कालिदिय-देविहि तणउ जणिय-सुयण-आणंद-सुंदरु ।
 सिसु-भावि वि बुइह-समु पुव्व-पुरिस-आयरिण-मणहरु ॥
 बाल-वयंसु अहेसि पर- कामिणि-रमण-निरीहु ।
 अविह-रुविण नामिण वि पयडु महिंदस्सीहु ॥

[४७६]

तयणु विलसिर-वहल-लायण
 संपुण्ण-जोव्वण-भरिण फुरिय गरुय-पडिवक्ख-खंडण ।
 संतोसिय-सुहि-सयण दह-पइण दुज्जण-विहंडण ॥
 पोढ-नियंविणि-माण-गुरु- तरुवर-दलण-कुठार ।
 विलसहिं महिहिं महा-महिण दु-वि ति नरिंद-कुमार ॥

[४७७]

तहं ललंतहं काल-जोगेणं
 संपत्तु वसंत-महु जहिं स-तोसु सहयार-साहिहिं ।
 निरु-विहुरिय-विरहिहिं मंजरीउ अवयंसिक्किज्जहिं ॥
 मलयानिल-संगमि भमर- पसरिय-गुरु-झंकार ।
 देसंतर-गमणुम्मणहं पहियहं कुणहिं निवार ॥

४७५ १. सूर. ४. क. सिसु. ५. आयरण. ७. क. कामिणिहिं निरीहु marginally corrected as कामिणिरमणहिं निरीहु. ४७७. ३. क. सुहयार. ७. क. पसरि.

[४७८]

मयण-नरवइ-रज्ज-अभिसेउ

साहंति व तिहुयणहं महुर-रविहिं तरु-सिहर-संठिय ।
 कलयंठिय चुय-तरुहं मंजरीण कवलणि पढट्टिय ॥
 सिसिरु हयामु मु उहु गयउ कवलितु महु-दियदेहिं ।
 इय कुमुदणि-तरुणिउ हसहिं वियसिय-कुमुय-मुहेहिं ॥

[४७९]

वउल-तरुवर-नियर घुम्मंति

वहु-पीय-सीयासव व अंव तंव-पह पुणु विरायहिं ।
 मज्झम्मि अ-माइयउ वहि फुरंतु नं राउ दावहिं ॥
 मिउ-पवणाहय-उल्लसिय- किसलय-करहिणएण ।
 लामु पयासहिं तरु-लइय भमरारव-गीएण ॥

[४८०]

जणहिं भुवणह हियय-संतोमु

मु-सिणिद्ध पत्तल सरस भुयग-संग-संपत्त-कित्तिय ।
 गोसीस-सिरिखंड-तरु लइय वार-विलय व विचित्तिय ॥
 इय एरिसइ वसंत-महि पसरिय-वणराइम्मि ।
 हरिसु जणंतइ महियलह आससेण-निवइम्मि ॥

[४८१]

रइय-असरिस-अंग-सिंगार

निय-सार-परियण-सहिय विहिय-सयल-मुहि-सयण-मुह ।
 दु-वि स-हरिस कुमर-वर चलिय नयर-उज्जाण-संमुह ॥
 खण-मित्तेण य मण-पवण- रइहिं तुरय-रयणेहिं ।
 पत्त स-नयरुज्जाण-वणि पढिरिहिं बंदि-यणेहिं ॥

४७८. ३. क. रविहि. ६. क. ओहु. ७. क. दियदेहिं.

४७९. ३. क. पह. ७. क. हिएण. ४८०. ५. क. ख, वि.

[४८२]

तयणु चंपय-चारु-सहयार-

नालियरि-असोय-सिरिखंड-पमुह-विडविहिं विचित्तहं ।
 पेक्खंत वसंत-सिरि वित्थरंत-फल-कुसुम-पत्तहं ॥
 एत्थंतारि वियसिय-वयणु पहु-आएस-समीहु ।
 सणतुकुमारिण स-हरसिण भणिउ महिंदस्सीहु ॥

[४८३]

मलय-मारुय-पसर-घरिसणिण

नीलुप्पल-पत्तु जिह फुरइ मज्झ जं नयणु दाहिणु ।
 तं मन्नउं मण-पियह जणह कसु वि दंसणह साहिणु ॥
 ता अणुमन्निउ निय-सुहिण मयणाययण-दुवारि ।
 सणतुकुमारु पहुत्तु कय- बहु-मंगल-आयारि ॥

[४८४]

एत्थ-अंतरि विहिय-सिगार

बहु-सहि-यण-परियरिय फुरिय-कंति-सव्वंग-मुंदर ।
 चुंटंती मालइहि कुसुम ललिय-खोहिय-पुरंदर ॥
 दंसण-मित्तुत्तावियहं तरुणहं हरिय-विवेग ।
 आससेण-नरवइ-सुइण दिट्ठ नियंविणि एग ॥

[४८५]

अह तुमं चिय जाइ जाया सि

संजुत्त-कुसुम-स्सिरिहिं मज्झि लयहं एयहं पहाणहं ।
 संजायउ जीए पहु पाणि-फरिसु फलु तरुणि-रयणहं ॥
 इय चित्तंतह अवहियह अणिमिस-नयण-जुयस्सु ।
 इयरीए वि रायव्वहिय खिविय दिट्ठि कुमरस्सु ॥

४८१. ७. तुरय-रयणेहि missing. ९. क. पडिरिहि.

४८४. ६. क. नाम added marginally and not clearly legible,

ख. missing.

[४८६]

तयणु पभणिउ पुरउ स-सहीण

नणु एस नवल्लु कु-वि अह भणेइ क-वि ईसि विहसिउ ।
 धुवु न हवइ वल्लु एहु महिहि तिलउ मइ तुह पयासिउ ॥
 इयर पयंपइ — हलि सहिउ मह वयणु वि निमुणेह ।
 एस असोगु जु पिय-सहिहि सच्चविओ ति मुणेह ॥

[४८७]

अवर पुणु परिमुणिय-सहि-हियय

भणियच्च-वियक्खणिय भणइ — तुम्भि किंचि वि न-याणहं ।
 जं अम्हहं पिय-सहिहि भत्ति-भरिण पयडिज्जमाणहं ॥
 पूया-विहिहि पडिच्छ-कए पुलयंचिय सव्वंगु ।
 सक्खं चिय पयडीहुयउ चिट्ठइ एहु अणंगु ॥

[४८८]

इय खणद्धिण सयण-यणसार-

कत्थूरिय-अगुरु-सिरिखंड पंक-फळ-कुसुम-दामिहि ।
 निय-हत्थिहि पूय-विहि विसम-सरह परिमलहिरामिहि ॥
 पिय-सहि किज्जउ भत्ति-भरु जेण मयणु भयवंतु ।
 हियइच्छिय-वर-वियरणिण तुरिउ हवइ फलवंतु ॥

[४८९]

सयलु अ-वितहु एहु इय मुणिर

वियसंत-वयणंवुरुह मयण-पूय-सामग्गि वेप्पिणु ।
 सा वालिय गंतु तहि कमल-माल निय-करि धरिप्पिणु ॥
 गल-कंदलि आरोविउण विम्बिय-मण-पसरस्सु ।
 हरि-चंदणिण विर्लिपिउण वच्छ-त्थलु कुमारस्सु ॥

४८६. ३. क. विहसिउ.

४८८. ३. दामिहि. ४८९. ५. निय करिप्पिणु.

[४९०]

नमिवि भत्तिण चळण-तामरस-

कर-संपुटु सिरि धरिवि भणह — मयण पणइ-यण-वच्छल ।
 जह पयडिउ अप्पु पइं करिवि मज्जुवरि करुण निम्मल ॥
 तह पसियमु हियइच्छियह वरह पयागिण अज्जु ।
 जमिह महंतिहि संगहिउ हवइ असज्जु वि कज्जु ॥

[४९१]

एत्थ-अंतरि पुब्बि कि न आसि

अह होंतु न सच्चविउ सच्चविउ वि कि न चित्ति चडियउ ।
 मण-चडिओ वि वलियरह कसु वि वसिण कि मणह निवडियउ ॥
 तियसामुर-नर-नहयरहं हरिस-विहाणि पगब्भु ।
 अन्नु न विहिण वि एरिसउ विहिउ चारु संदब्भु ॥

अवि य—

[४९२]

जेण सिरि-वइ रइउ गोविंदु

पंचाउहु रइहि पिउ उव्वसीए सामिउ मुरेसरु ।
 सीयह पइ रामएवु पाण-नाहु तारयह ससरु ॥
 सो थी-रयणह एरिसह करणुज्जय-हिययस्सु ।
 नीसेसु वि अब्भास-कए मन्ने विहिदि अवस्सु ॥

[४९३]

इय विचित्तिरु हरिस-वियसंत-

रोमंच-अंचिउ कुमरु भणिउ ईसि विहसिवि महिदिण ।
 नणु सामिय विसम-सर विजिय-तिजय गिय-कित्ति-वंदिण ॥
 हियइच्छिय-वर-अभिमुहउ किं न हवसि एईए ।
 सिंधुर-गमणिहि ससि-मुहिदि परहुय-सम-वयणीए ॥

४९०. २. क. धरवि. ८ क. महंतिहि. ४९२. २ क. पिचाउहु. ९. विहियवस्सु.

४९३. ३. क. महिदिणि.

[४९४]

अह कुमारह वाद-संजमिय-

मण-वाया-कायह वि तरुणि-रयण-कय-पाणि-फरिसिण ।
 निय-मित्तह वयणिण वि वहल-पुलय-संजणिय-हरिसिण ॥
 फुरिय-अहरु वियसिय-वयणु पयडिय-नयण-वियासु ।
 दसण-किरण-धवलिय-भुवणु लडहु पयट्टउ हासु ॥

[४९५]

तयणु कुमरि वि नणु किमेयं ति

चित्तंत गुरु-सज्जसिण कंपमाण-कर-अहर-चरणिय ।
 जा चिट्ठइ कंचि खणु दुगुण-सोह-विलसंत-वयणिय ॥
 ता उद्धीकय-करयलिण वंदिण अवसर-पत्तु ।
 पडिउ कुमारह पुरउ — पडु निमुणउ अविचल-चित्तु ॥

[४९६]*

कोल संपइ सरहिं पल्ललहं

संतावु निरसहिं करिहिं जूह नियय-कर-सीयरोहिहिं ।
 रोमंथ-मंथर-मुट्ठिहिं आलवालि ठिउ हरिण-जूहिहिं ॥
 तावुवसम-कइ पिय-वयण- चंदणु सरसु भुयंग ।
 दु-वि सेवहिं तह पडिय तरु छांय लिति तविंयंग ॥

[४९७]

अह मुणेविणु मत्थयारूहु

दिणइंदु सही-यणिण सहिय कुमरि निय-देह-मेत्तिण ।
 कहकहमवि निय-घरह समुहु चलिय मुन्नेण चित्तिण ॥
 कुमरु वि कर-उत्तिण-चिर- पाविय-रज्ज-सिरि व्व ।
 ठिउ निच्चल-मण-तणु-वयणु खणु तत्थ वि सिइरि व्व ॥

* As the end portion of the palm leaf is lost,
 496-8-9 to 498. 4. is missing in K.

[४९८]

अह महिदस्सीह-वयणेण

तणु-मेत्तिण काणणह कुमरु कह-वि निय-भवणि पत्तउ ।
 नीसेसु वि भुवणयल- वत्थु-सत्थु तिण-समु मुणंतउ ॥
 कहमवि विहिय-सरीर-ठिइ वारिय-इयर-पवेसु ।
 चिहइ निरु सुमरंतु तसु तरुणिहि ललित असेसु ॥

अवि य—

[४९९]

स जिज चंचल-कमल-दल-नयणि

सा सिंधुर-सम-गमणि स जिज महुर-कलहंस-भासिणि ।
 सा पुण्ण-ससहर-वयणि स जिज असम-विभम-पयासिणि ॥
 सुमरिवि सुमरिवि विसमसर- आउरु खणु एगेगु ॥
 तसु मणु मुज्झइ विम्हियइ तूसइ विगय-विवेगु ॥

[५००]*

तयणु निमुणिय-कुमर-वुचंतु

चत्तेयर-कज्ज-विहि पत्तु तत्थ तम्मिच्चु तक्खणि ।
 जंपेइ य — पहु पसिय कहसु हेउ स-सरीर-कारणि ॥
 अह दीहुणहुस्सास-वस- सोसिय-अहर-दलिल्लु ।
 कुमरु भणइ — नणु पयइ तुह मह वइयरु पुव्विल्लु ॥

[५०१]

इय मयच्छिहि तीए कह-सवण-

उक्कंठित मज्झ मणु महइ सविह-विहि सवण-जुयलह ।
 मिच्चत्तणु लोयणहं दट्टुकासु सिरि तीए रूवह ॥
 अगगगइ धावइ तुरित तस्संगम-जणियासु ।
 वारिजंतु वि न विरमइ इहु हियडुलउं हयासु ॥

५००. ४. क. व. ५०१. ९. इहु लहुलउं.

* As the end portion of the palm leaf is lost, lines 500, 1-2, 503. 3-5; 504. 7 are partly or wholly missnig in क.

[५०२]

अहं सु भित्तिण भणिउ — नणु नाह

तहिं वेवुज्जाण-वणि चल्ह कह-वि विहि वसिण जइ पुणु ।
 सा पत्तिव हवइ निय- रूव-विजिय-जय-तरुणि वर-त्तणु ॥
 ता पच्चूसि समुद्विउण भित्त-भेत्त-परिवार ।
 तरुणी-यण-दंसण-तिसिउ गउ उज्जाणि कुमार ॥

[५०३]

तयणु — मयणह भवणु एहु तं जि

सा चेव एह रयण-धर सु जि असोउ एहु महु सहोयर ।
 मलयाणिल्लु एहु सु जि आसि सविहि ससि-मुहिहि सुंदरु ॥
 संपइ पुणु तसु वालियह दुसहइ हुयइ विओइ ।
 पलयाणिल्लु वि विसेसवइ वंधव जोइ-न जोइ ॥

[५०४]

इय विसप्पिर-दीह-नीसामु

परिविलसिर विरह-दुहु कुमरु करुणु विलवंतु भित्तिण ।
 निय-अंग-परिप्फुरण- कहिय-कज्ज-सिद्धिण पसंतिण ॥
 भणिउ — विस्रसि नाह किह तुहुं पागय-पुरिसु व्व ।
 जसु कज्जिण हउं उज्जमहुं सयल-रयणि-दिवसु व्व ॥

[५०५]

ता पयच्छसु मज्झ आपसु

पायालह महि-यलह नह-यलह व लीलइं गहेविणु ।
 निय-नायग-गाढ-गुण- गहिय-हियय अग्गइ करेविणु ॥
 सा लहु निय-पहु मण-रयण- तक्करि उवदंसेमि ।
 अन्नह मज्झि वसुंधरह निय-नामु वि न वहेमि ॥

[५०६]

इय ठवेविणु कुमरु कंदप्प-

भवणाजिरि कद-कद-वि कुमर दिण्ण-आएसु तस्सुहि ।
 अन्नेसणि तरुणियह चलिउ जाव ता नियइ ससि-मुहि ॥
 सहि तीए चिय गोरीयह विहिय-पुरिस-नेवच्छ ।
 गच्छंतिय लइयंतरहं समुहु वियासिय-अच्छ ॥

[५०७]

अह महिदस्सीह-कुमरेण

बोल्लाविय सा - सुयणु कहसु मज्झ को एहु वइयरु ।
 जं दीसइ पइ विहिउ पुरिस-वेसु वयणह अगोयरु ॥
 तयणु हसेविणु गोरडी भणइ सविहि आगंतु ।
 निमुणसु सु-पुरिस अवहियउ होउण मह वुत्तंतु ॥

तहा हि—

[५०८]

दियहि पच्छिमि इह वि उज्जाणि

संपत्तिय मज्झ सहि आसि मयण-पूयणह कज्जिण ।
 ता अहरिय-विसमसर- तियस-इंद-गोविंदु रुविण ॥
 दिट्ठउ को-वि हु मह सहिहि मयण-व्ववण-दुवारि ।
 भुवण-सिरोमणि नर-रयणु विहिय-अवहि-सिगारि ॥

[५०९]

तयणु अवगय-हियय-भावाण

स-सहीण वयणिण मयण- विव्वमेण तसु पूय विरइय ।
 तह स-करिहि चंदणिण अंगुवंग सयलि वि विलेविय ॥
 मुद्धहि मज्झ वयंसियहि अह तत्तणु-फरिसेण ।
 अइ-कोमलिण सु-दुल्लहिण नडिउ अंगु अइरेण ॥

[५१०]

सुयणु संपइ हुयउ अइ-काल

ता गम्मउ — इय सहिहिं भणिय मुद्ध सा देह-मेत्तिण ।
 कह-कहमवि काणणह नियय-भवणि गय मुन्न-चित्तिण ।
 ता संपाविय-अवसरिण विसम-सरिण सा वाल ।
 आलिं गिय तह कह वि जह हुय तमु दस विगराल ॥

[५११]

अह तुरंतिहिं सविह-गय-सहिहिं

विरहाणल-पज्जलिर पढम-निसिहिं उदियम्मि ससहरि ।
 वायंतइ मलय-गिरि- पवणि कयइ तामरस-सत्थरि ॥
 मणिमय-कुट्टिम-तल-उवरि नेउ निवेसिय मुद्ध ।
 अह दहयरु विरहिण तविय नं पलयाणलि छुद्ध ॥

[५१२]

किं तु विरइउ एउ रवि-करिहिं

किं व उट्ठिउ वाडवह किं व जणिउ कप्पंत-जलणिण ।
 किं व निम्मिउ तडि-लयहं किं व विहिउ वज्जग्गि-पडणिण ।
 सहयार-इम-मंजरिहिं संगिण खलियावेणु ।
 मलयाणिलु तणु-दाहयरु हुउ महू हरिय-विवेणु ॥

[५१३]

हुयउ मुम्मुर-मउ व तामरस-

दल-संचिउ सत्थरु वि चंद-किरण पुण सर विसेसहिं ।
 गोसीस-चंदण-रस वि अंगि लग्ग हुयवह व सोसहिं ॥
 इय विलवंतिय पुणु पुणु वि वियलिय-सयल-विवेय ।
 उट्ठिर विहसिर चंक्रमिर भणिय गोसि मइ एय ॥

[५१४]

किह णु पिय-सहि चइवि धीरत्तु

एम्ब वि तुहुं चिह्निहिसि किं न कुणसि केत्तिउ वि उज्जम्भ ।
 जइ दंसहुं करि धरिवि विसम-वाणु तुह सो जिज निरुवम्भ ॥
 अह किं-चि वि तक्कह-सवण- पच्चाणयचेयन्न ।
 संपत्तिय उज्जाण-वणि सा इह मई सउं कन्न ॥

[५१५]

ता निरिक्खिवि मयण-आययणु

अवलोइवि सयलु वणु सु जिज मयणु अनियंत वालिय ।
 सविसेस-समुल्लसिय- विरह-जलिर-हुयवह-करालिय ॥
 गंतु मज्झि कयलिय-हरह निवडिय नीसाहार ।
 भणइ य कहमवि मह पुरउ खलिरक्खर-पम्भार ॥

[५१६]

सहि करेविणु वेसु मयणस्सु

आगच्छसु मह पुरउ जेण ललहुं तेण वि विणोइण ।
 तह चेव य कयइ मई मिलिउ तुहुं वि इह विहि-निओइण ॥
 इय जइ कहमवि सु वि मुहउ एइ एत्थ पत्थावि ।
 ता अप्पउं सु-कयत्थु हउं मन्नहुं अकयत्था वि ॥

[५१७]

एत्थ-अंतरि मयण-आययणि

अ-लहंतउ रइ कुमरु परिभमंतु तत्थ वि पहुत्तउ ।
 अह विम्बिय-मण-पसरु सुणित्रि ताहं दोण्हं पि वत्तउ ॥
 नणु मह नेवत्थिण वि तुहुं इह वि अच्छु पसयच्छि ।
 तुह छम्मिण जिण गंतु तर्हि पेच्छउं हउं जि मयच्छि ॥

[५१८]

इय भणेविणु ताल-रव-पुव्वु

पहसंतिहि तिहि दुहि वि चारु चारु इय जंपमाणिहि ।
 वियसंत-वयणंवुरुहु पत्तु सविहि तसु हरिण-नयणिहि ॥
 इह उत्तम्मिवि गोरडी ठीय अहोमुह जाव ।
 आलिगिवि सिरि चुंविउण भणिय कुमारिण ताव ॥

[५१९]

सुयणु पच्छिम-दियहि कुसुमोद-

हरियंदण-रसिण तइं महिउ अंगु तह सुद्ध-बुद्धिण ।
 महुरक्खर-रविण मह पुरउ पठिय थुइ भाव-सुद्धिण ॥
 तिण इउं पीय-सुहा-रसु व पत्त-परम-उदउ व्व ।
 हुयउ हरिस-पुल्यंकुरिउ कप्पहुम-पोउ व्व ॥

[५२०]

अज्जु तुहुं पुणु किह णु ससि-वयणि

पसिऊण संभासिण वि कुणसि न मह संमाणु माणिणि ।
 जं चिट्ठसि वसुमइहि निसिय-नयण कलहंस-गामिणि ॥
 ता दाहिण-भुय-लय सुहय- खंधि निवेसिवि सुद्ध ।
 जंपइ-हुं हुं मइं सुणिउ तह नेहु सुहासिय सुद्ध ॥

[५२१]

तुह विओएण सुहय इउं थक्क

विरहाणल-तविय-तणु जीवियंत-संपत्त-दुह-भर ।
 तुह गोयारि अणायर रमहिं रमणि सय-सहस सुंदर ॥
 अह भीडिवि वच्छ-त्थलिण वंधिवि भुय-पासेहि ।
 भणइ स-सज्जसु कुमरु ससि-सुहि वयणिहि सरसेहि ॥

[५२२]

सुयणु बहुहिं वि वाम-नयणाहिं

निय-सविहिं संठियहिं आसि विरसु मह अमय-पाणु वि ।
 अइ-उणहु चंदण-रसु वि तणुहु दाह-करु मलय-पवणु वि ॥
 मुम्भुर-अग्नि-विसेसयर रयणीयर-किरणा वि ।
 करवालाउ वि तिक्खयर मुत्ताहल-हारा वि ॥

[५२३]

एण्हि पुणु तुहु ति-जय-तिलयाए

तणु-संगम-अमय-रस- पसर-सित्तु पुव्वत्तु सयलु वि ।
 हउं मन्नउं परम-सुह- हेउं सेस-तरुणियण-वियलु वि ।
 ता पसयच्छि सिणिद्ध-निय- दिट्ठिण संभावेसु ।
 मा तिल-तुस-तिग्भाणि वि महुवरि कोवु करेसु ॥

[५२४]

तयणु मह सहि सुहय-नेवत्थ

एस त्ति परिचित्तिरिय अकय संक निय-अंकि ठाविवि ।
 जहण-त्थल-थण-वयण- पाणि-फरिस-मुहु परसु पाविवि ॥
 सव्वंगालिगणु करिवि सायर लोयणि वामि ।
 कुमरिण चुंविय वाल निरु मयणुज्जीवण-धामि ॥

[५२५]

एत्थ-अंतरि जणय-पासाउ

तुरंतउ पवर-नरु नाइदूर-देसम्मि पत्तउ ।
 जंपेइ य गुरु-हरिस- रोम-राइ-रेहंत-गत्तउ ॥
 सूर नराहिव-नंदणह सविहि गहिर-सदेण ।
 हउं पेसितु चिट्ठउं पुरउ कुमरह धरणिदेण ॥

[५२६]

चोल-सिंहल-निवड-नय-चलणु

चेदीस-चिंता-रयणु जिय-कलिंग-वंगंग-नायगु ।
 सिरि-लाड-नराहिवड- विहिय-सेवु नय-इठ-दायगु ॥
 भोय-नराहिव-अंगरुहु कुमारड सेव-पवन्नु ।
 अत्थि पटुत्तउ धवलहरि सेस-निवड-मुह-वन्नु ॥*

[५२७]

इय सुणेविणु कुमार नीहरड

कह कह वि कयलीहरड जाव ताव सु जि भोय-नंदणु ।
 संपत्तउ संनिहिहिं अह नमेवि तसु भुवण-मंडणु ॥
 निज्जिय-रवि-रह-तुरय-रउ भुवणक्कमणि सुलोलु ।
 निरुवम-लक्खणु पयड-अभिहाणु जलहिकल्लोलु ॥

[५२८]

जो य अंगुल असिड उस्सेहि

परिणाहिण नवनवड आयईए सउ अट्ट-उत्तरु ।
 चउरं-गुल पुणु सवण जन्नु-खुरिय उवलद्ध-वित्थरु ॥
 वत्तीससिय-सिर-पवरु वीसड-वाहुय-दंडु ।
 सोलस-अंगुल-जंघ-जुउ गूढय-पट्टि-वरंडु ॥

[५२९]

मडह-तल्लिय-सवणु चउरंसु

वित्थिण-निडालयलु कुडिल-कडिण-निम्मंस-वयणउ ।
 थिर-पत्तल-नयणु निरु फुरुफुरंत-विलसंत-घोणउ ॥
 सुघडिय-सम-मणिवंधु तणु- उयरु सु-दीहर-जंघु ।
 सुललिय-चमकिय-पुलिय-वर- वगिय-गड-निव्विघु ॥

* At the end of st. 526 क. ख. read प्रेवाप्रे १५००. ५२८. ६. क. वत्ती-
 भूधियसिरयवरु. ५२९. १. क. समणु

[५३०]

वहर-मरगय-पुलय-वेरुलिय-

ससि-सूरकंतक-मणि- इंदनील-पमुहेहिं रयणिहिं ।
 परिविलसिर-आहरण- विहिय-सोह-सवंगु धरणिहिं ॥
 पसरिय-कित्ति तुरय-रयणु वियरिउ कुंवर-वरस्सु ।
 अह नणु भुवणु वि अवकमइ एहु निय-गुणिहिं अवस्सु ॥

[५३१]

इय विचिंतिवि जलहिकल्लोल-

अभिहाणिग पायडइ तुरय-रयणि तहिं आरुदेविणु ।
 सविहागय-निव-मुयहं बहुहुं पुरउ स-हरिसु भणेविणु ॥
 नणु धाविरहं तुरंगमहं को जिप्पइ कवणेण ।
 सह बहु-कुमर-तुरंगमिहिं मुयइ तुरउ वेगेण ॥

[५३२]

ता खणद्धिण जलहिकल्लोल

परिधाविरु विजिय-मण- पवण-वेगु बहुयर वसुंधर ।
 अवकमिउण गयउ अह सेस कुमर पसरंत-दुह-भर ॥
 उहु आगच्छइ जाइ उहु उहु गउ दूर-पएसि ।
 उहु सु न दीसइ - इय सुइरु विलवहिं कुमरइ रेसि ॥

[५३३]

अह समुब्भुय-नियय-अंगरुह-

पहमेल्हय-विरह-दुहु सुणिय-पुव्व-उवइह-वइयरु ।
 चउरंगिण निय-वल्लिण चलिउ सयल-पडिक्ख-दुह-यरु ॥
 आससेण-वसुहाहिवइ विहलिय-माण-मरट्टु ।
 गयउ वसुंधर अइ-बहुय मउलिय-मुह-कंदुट्टु ॥

५३१. क. बहुहु पुरओ.

५३२. १. क. कल्लोल. ६. ७. ८. क. ओहु at all the four places.

५३३. १. क. समब्भुव.

[५३४]

तयणु मोडिय-छत्त-दंढेण

सुसुमूरिय-तरुवरिण दलिय-सयल-गिरि-नियर-सिहरिण ।
 उप्पाडिय-मंदिरिण सुणिय-खोणि-तल-रेणु-पसरिण ॥
 अंधीकय-जय-लोयणिण पलयाणिल-सरिसेण ।
 निवइ स-सेनु विसंटुलिउ बलवंतिण पवणेण ॥

[५३५]

एत्थ-अंतरि नमिवि सिरि-सूर-

नरनाह-अंगुळभविण मणिउ भावि-असमाण-रिद्धिण ।
 वद्धाविमु हउं जि धुवु सामिसाल पइं कज्ज-सिद्धिण ॥
 पसिय नियत्तमु जमिह रवि-किरण च्चिय जिय-लोइ ।
 तम-भरु पसरंतु वि हरहिं जह न त नहयलु जोइ ॥

[५३६]

इय विचित्तिहि वयण-रयणणेहिं

कह-कहमवि विण्णविवि आससेणु नरनाहु वालिवि ।
 सिरि-सूर-निवंगरुहु चलिउ कुमर-दिसि-सुह निहालिवि ॥
 कमिण असेसि वि सेस-जणि निय-निय-ठाणि पहुत्ति ।
 भमइ स-वाहु-विइज्जु महि सूर-नरिंद-सुओ ति ॥

[५३७]

विसइ सरवर-कूव-विवरेसु

गिरि-सिहरिहि आरुहइ नयरि पविसेइ पुणु पुणु ।
 अणुधावइ काणणहं मणि धरंतु निय-सुहिहि गुण-गणु ॥
 कुणइ सरीर-ट्ठिइ वि फल-पत्त-कंद-कुसुमेहि ।
 न रमइ पइ-निवइहिं कइहिं गउरविहिं वि परमेहिं ॥

[५३८]

कमिण पुणु अणुदिणु वि परिगमिरु
 संपत्तु महाडविहिं कह वि कूर-सावय-रउहिहिं ।
 अह निमुणिवि गडयडिउ विडिउ विविह-सिंधुरिहिं भदिहिं ॥
 नणु किं सणतुकुमार-नर- रयण-गहिर-झुणि एउ ।
 इय चितिरु तमु संमुहउ धाइ मुट्ठि वंवेउ ॥

[५३९]

चमरि-केसरि-वग्ग-सहुल-
 वण-वारण-सरह-हरि- हरिण-नउल-कलहंस-संकुलि ।
 गुरु-तरुयर-गिरि-गहण- विउल-तडिणि-सरवर-समाउलि ॥
 हिंडंतह तमु तहिं मदिहिं पत्तु वसंतु दुरंतु ।
 जहिं विरहिउ पिय-माणुसह गुण सुमरइ झरंतु ॥

[५४०]

कमु व वर-तरु-कुसुम-मयरंद-
 आमोय-वहलिय-सयल- वसुह-वलय-गिरि-विवर-अंवरु ।
 सहयार-तरु-मंजरिहिं रेणु-पसर-पिंजरण-मणहरु ॥
 किंपाग-हुम-कुसुम-रय- भरिय-दियंतरु एउ ।
 वियलइ हियडुल्लउं जणहं मलयाणिल्लु मह-केउ ॥

[५४१]

तवहिं पडि-यणु भमर-अंकार
 परहुय-रव निडुहहिं जणहिं खेउ केमुय असोय वि ।
 वियइल्ल मालइ वउल कन्नियार दुह देति गरुय वि ॥
 नं चिट्ठइ रुट्ठिण विहिण पडियहं मंडिउ पामु ।
 इय कमु मुहि ण अइक्कमइ एहु वसंतु हयामु ॥

[५४२]

गरुय-गिरिवर-महण-पजलंत-

दावाणल-संगमिण जणिय-झवण-संतावु निदठुरु ।
 परिसोसिय-महि-वल्लय- वावि-कूव-सरि-सरु सुदुद्धुरु ॥
 वायंतउ झंझा-पवणु कय-तरु-पत्तस्साडु ।
 कसु कसु न हवइ डाहयरु गिम्ह-यालि जिम्ब भाडु ॥

[५४३]

विगय-पत्तहिं दलिय-कमलाहिं

परिवियलिय-पाणियहिं दूर तसिय-सरि-नल्लिजि-तरुणिहि ।
 रवि-कुनिविण खर-करिहिं निहय-कंति-सयवत्त-वयणिहि ॥
 तह खर-पवणुद्धय-रइण उद्धुधुलिय-दिसेण ।
 कु न संताविउ महि-वल्लइ गिम्हिण काउरिसेण ॥

[५४४]

सजल-जलहर-धार-सर-सेणि

घण-गज्जि-हुंकार-रवु विज्जु-पुंज-कन्निय-भयंकरु ।
 महु-लुद्ध-धाविर-भमर- कुल्ल-कयंव-केसर-विसप्पिरु ॥
 निय-पिय-सहिय-सिंहंढि-कुल- परितइडविय-कलावु ।
 पाउस-पामरु विरहियह कसु न कुणइ संतावु ॥

[५४५]

नियवि सुरवइ-धणुहु गयण-यलि

कलहंस माणसि गमिर सरिय दो वि कूलइं निवाडिर ।
 सिजंत चायग महुरु जल-पवाह महियलु विहाडिर ॥
 केयइ-सिहरि-सिलिध-दुम- कुडय-विडवि-कुसुमाइं ।
 कसु पाउसि नहि विरहियह फुट्टइं हियडुलअइं ॥

५४२. २. क. दावाणल. ७. पत्तास्साडु.

५४३. १. क. ० कमलाइं ७. उद्धुधुलिय.

५४५. २. क. माणस. ५. पवाहु

[५४६]

विरल-जलहर-वरिसु पसरंत-

रयणीयर-किरण-भरु पिवक-सालि-परिमल-मणोहरु ।
 उज्जीविय-सरिय-सर- पउम-कमल-कलहार-सुंदरु ॥
 कुसुमिय-सत्तच्छय-विहिय- वंधुजीव-सिरि-सारु ।
 दुह वि पयासिय-उदय-पिय- रायहंस-पवियारु ॥

[५४७]

हरिय-कवलण-मुइय-गोवग्ग-

सिंगग-दारिय-धरणि जणिय-तरणि-किरणोलि-वित्थरु ।
 परिसोसिय-सयल-महि- वलय-पंकु कय-पहिय-संवरु ॥
 निय-निय-सामि-विओइयहं कय-असुइहं सत्ताहं ।
 किह अइगच्छइ सरय-रिउ महियलि जीवताहं ॥

[५४८]

मलिय-मालइ-वउल-वियइल्ल-

मंदार-तरुवर-विहवु विहिय-वयरि-तरु-कुसुम-फल-सिरि ।
 पवियंभिर-तुहिण-कण- पसर-गरिम-परितुलिय-हिमगिरि ॥
 तणुईकय-वासर-समउ दुगुणिय-रयणि-विभागु ।
 पयडिय-पहिय-दरिदि-यण- विग्गह-विसम-विवागु ॥

[५४९]

परम-कुंकुम-निविड-धवलहर-

बहु-सगडिय-वर-तरुणि- सुरहि-तेल्ल-सुहि-विहिय-आयरु ।
 पिय-पिययम-संग-सुहु गहिय-निविड-कंवल्लय-अंवरु ॥
 धण-रहियहं पहु-उज्झियहं मणुयहं दुह पयडंतु ।
 कालिहिं खड्डउ जाइसइ कइयहं इहु हेमंतु ॥

[५५०]

दुहय-ससहरु दइय-दिणइंदु
 फल-भार-भज्जिर-वइरि हरिय-वल्ल-वितागि-फल-भरु ।
 कप्पासिय-तूयरिहिं कुसुम-पसर-संहार-दुह-यरु ॥
 लोभ-पियंगु-पसुण-भर- रय-रंजविय-दसासु ।
 कुंद-कलिय-मालइ-कुसुम- हरिसु वियासिय-कासु ॥

[५५१]

सयय-निवडिर-तुहिण-कंपंत-
 षजंत-दंतावलिहिं विहिय-बाहु-संवंध-हिययहं ।
 मुहि-सज्जण-विरहियहं धण-समिद्धि-कंखियहं पहियहं ॥
 सिसिरु हयासु दहावणउ किह कुसलावहु होइ ।
 ठायहं ठाणंतरि मुहिउ जहिं संचरइ न कोइ ॥

[५५२]

इय विचित्तिरु फुरिय-संतावु
 सिरि-सूर-निवंगरुहु वसुह-वीढि आ-वरिसु हिंडिउ ।
 न य स-वयण-परिविहिय- निय-पइण-लोविण विहंडिउ ॥
 अह पुव्वज्जिय-सुकय-कय- दाहिण-नयण-प्फंदु ।
 कुमरु महिंदस्सीहु लहु पसरिय-गरुयाणंदु ॥

[५५३]

कमिण पुणरवि पत्ति जय-जंतु-
 तोस-यरि वसंत-महि- गहिय-विहवि सहयार-तरुवरि ।
 विप्फुरिइहिं परहुइहिं मलय-अणिलि उवलद्ध-अवसरि ॥
 अलि-उल-झंकारारविहिं वोहिज्जंति अणंगि ।
 दुगुणिय-पह-उच्छाह-गुणु हुयउ सूर-मुउ अंगि ॥

[५५४]

तयणु अग्गिम-मग्गि गच्छंतु
 आइण्णइ महुर झुणि रायहंस-सारसहं संतिय ।
 पेच्छेइ य कुसुम-फल- पत्त-रिद्धि वण-लय विचित्तिय ॥
 अंभोरुह-रय-पिंजरिय- मलयाणिल-संगेण ।
 षोणिउ नासा-संपुडिण तह अंगोबंगेण ॥

[५५५]

हंत निय-निय-विसय-उवलंभ-
 वावारिण इह वि मह तुट्ट एइ चत्तारि इंदिय ।
 रसणा उण थक्क एह एवमेव तण्हा-लुहदिय ॥
 इय चिंतंतु सलिल-फल- अहिकंस्खिरु तूरंतु ।
 तीर-पइट्ठिय-विविह-वणि माणस-सरि संपत्तु ॥

[५५६]

तयणु स-हरिसु वण-गइंदु व्व
 आलोडिवि सयलु सरु रुइ-पमाणु पाणिउ पिण्विणु ।
 जा झुंजइ कुसुम-फल तीर-सिहरि-सिहरहं गहेविणु ॥
 अहरिय-नहयर-सुर-असुर- किन्निर-गेय-निनाउ ।
 ता जिय-सारस-हंस-सिहि निमुणइ महुरालाउ ॥

[५५७]

अह — कहेरिसु गीय-उग्गारु
 निम्मणुय-महाडयहिं इय मणम्मि चिंतंतु सायरु ।
 जा गच्छइ कय-हरिसु अग्गिमम्मि मग्गम्मि तुरियरु ॥
 ता तियसामुर-खयर-नर- तरुणहं मणहरणीण ।
 नयण-निमेसिण सुर-वहुहुं वेहम्महं तरुणीण ॥

५५४. ५. क विचित्तिय.

५५५. २. क. तुट्ट. ४. क. इहु.

५५७. ५. क. तरुणह.

[५५८]

मज्झि संठिउ गरुय-संतोमु

विज्जाहर-वंदियण- पढिय-कित्ति सव्वंग-सुंदर ।
 गोसीस-चंदण-रसिण जणिय-दुगुण-तणु-कंति-वित्थरु ॥
 कुंडल-लिहिय-कबोल-यलु वर-मउडालंकार ।
 हार-विराड्य-वच्छ-यलु कय-निरुवम-सिंगारु ॥

[५५९]

मयण-भवणह दार-देसम्मि

कयली-हर-अंतरिउ कणय-रयण-आसणुवविहुउ ।
 कय-गीउगार-वर- पेच्छणीय-दंसणि पहिहुउ ॥
 अइर-पयासिय-पुव्व-भव- संचिय-मुह-पम्मारु ।
 पणय-लोय-आणंद-यरु पेच्छइ सणतुकुमारु ॥

[५६०]

तमु कहेरिस रिद्धि अइरेण

जाय त्ति चित्तिरु सणिउ सणिउ गहिवि पच्छिम वसुंधर ।
 चिट्ठंतु छायहं तरुहु सुणइ पढिर मगण फुडवखर ॥
 पिमुण-मरट्ट-यरट्टु निरु नमिर-गुरुष-सिरि-हेउ ।
 कउरव-वंसुज्जोय-गरु आससेण-कुल-केउ ॥

[५६१]

समर-निज्जिय-सयल-खयरिंदु

विज्जाहर-चक्कवइ नियय-तेय-अहरिय-दिवायरु ।
 असिधारहं वीसमिर- सत्तु-सेणि गुण-रयण-सायरु ॥
 नहयर-कामिणि-थण-सिहर- संगम-जणियाणंदु ।
 जयउ जयउ भुवणम्महिउ सणतुकुमारु नरिंदु ॥

५५८. ६. क. लिहिय, ख. हिय.

५६०. ४. क. छायह.

५६१. ४. वासमिर. ५. क. रयणि

[५६२]

अह विणिच्छिवि — नूण सो चेव
 इहु अम्ह कुल-कप्प-तरु आससेण-नरनाह-नंदणु ।
 आगंतु वि तसु पयई नमई सूर-निव-भवण-मंडणु ॥
 अह लहु उट्ठिवि सम्मुहिण आलिंणितु सव्वंगु ।
 सणतुकुमारिण सूर-मुउ हरिस-विराडय-अंगु ॥

[५६३]

तयणु महरिह-आसणुवविट्ठ
 अन्नोन्न-वियसिय-वयण जणिय-पणय-आणंद-कंदल ।
 विम्हारिय-पुव्व-दुह नियय-सयल-मुहि-सयण-वच्छल ॥
 पढमय-मेलावग-उचिय- कय-पडिवत्ति-विहाण ।
 चिद्धहि एगत्थ वि ति दु वि खणु सुगहिय-अभिहाण ॥

[५६४]

एत्थ-अंतरि विहिय-सक्कारु
 स-वयंसु नहयर-धुयहि निय-पियाहि कारेवि भोयणु ।
 चिर-दंसण-उल्लसिय- वाह-सलिल-संपुण्ण-लोयणु ॥
 सणतुकुमारु भणइ—कहसु कह तुहु अखलिय-सत्तु ।
 बाहु-विइज्जु महाडविहि इह वयंस संपत्तु ॥

[५६५]

कह वि चिद्धहि मह विओयम्मि
 दद-नेह जणणी-जणय तह ति मंति-सामंत-सज्जण ।
 मह निमुणिवि अरहरणु कह व पिउहु बट्ठति दुज्जण ॥
 अह कर-संपुडु सिरि धरिवि सूर-नराहिव-पुत्तु ।
 साहिवि नीसेसु वि खणिण निय-वइयरु पुव्वुत्तु ॥

[५६६]

भणइ—पसियह मज्झ तुम्हे वि

निय-वइयर-पयडणिण तुरय-रयण-अवहार-पमुहिण ।
 ता कुमरु अ-सत्तु तसु कहिउ निबय-बुत्तंतु स-मुहिण ॥
 स-दइय विज्जा-वल-मुणिय- तत्त-विसेस-समिद्ध ।
 अणुजाणइ पत्थुय-विसइ विमलमइ त्ति पसिद्ध ॥

[५६७]

गुरु-परिस्सम-वसिण निहाए

घुम्मंति मह लोयणइं वीसमेमि ता इह वि कु वि खणु ।
 इय जंपिवि उट्ठिउण मोत्तु तत्थ सयलो वि परियणु ॥
 मज्झि गंतु कयली-हरह पुळ्व-विहिय-सयणम्मि ।
 निसियइ कुमरु स-वइयरह सवणि निविट्ठि मणम्मि ॥

[५६८]

तयणु निम्मल-दसण-किरणोलि-

परिधवलिय-सयल-दिसि चंद-वयण विमलमइ जंपइ ।
 जह-निमुणसु कुमर तुहुं नियय-मित्त-बुत्तंतु संपइ ॥
 किल तइयहं तुम्हह पुरउ तिण तुरंग-रयणेण ।
 अज्ज-उत्तु इहु अवहरिवि परिखेवियउ खणेण ॥

[५६९]

तसिय-मय-कुलि भीय-सइलि

परितुट्ठिर-गिरि-सिहरि भमिर-तुरइ नासंत-कुंजरि ।
 विलवंत-पुलिंद-यणि गलिय-विहव-निवडंत-तरुवरि ।
 फुट्ठिर-वंस-सहस्सि हय- कायर-जण-वेयणि ।
 जलिर-दवानलि जम-भवण- सरिसइ गरुय-अरणिण ॥

[५७०]

ता किमिच्छु वि तुरउ जाहि चि
 विंतेवि विमुक्कु सिरि- आससेण-कुल-गयण-चंदिण ।
 अह दीहर-सास-भर भरिउ तहिं जि सो ठिउ खणद्धिण ॥
 नणु धिसि धिसि मइं एहु तुरउ विवरिय-सिक्खु न नाउ ।
 इय चिंतंतु कुमार-वरु पयडिय-गरुय-विसाउ ॥

[५७१]

जा स-हत्थिण सिद्धिल-पत्ताहु
 हय-रयणु करेह लहु ता भमेवि महि-यलि तुरंगमु ।
 बहु-सास-स्सम-हयउ पडिवि हुयउ जम-भवण-संगमु ॥
 अह बहुयर-दुह-तविय-तणु आससेण-निव-जाउ ।
 तण्हा-छुहहिं किलंतु कह कहमवि फुरिय-विसाउ ॥

[५७२]

पत्तु पत्तल-साह-सहसस्सु
 सत्तच्छय-पायवह तल-पएसि जा ता खणद्धिण ।
 अनिरिक्खिय-पुव्व-रवि- ताव-दुक्खु देव्वह निओइण ।
 तइयहं मुच्छ-विलंघलिउ निव्रडिउ निस्साहारु ।
 अह तक्खणिण वि पेक्खिउण तारिमु सणतुकुमारु ॥

[५७३]

भुवण-समदिय-रूव-विहवेण
 पसरंत-जोव्वण-भरिण विडिय-चारु-सिंगार-अंगिण ।
 उचिय-गणु-चूडामणिण अमय-महुर-मिउ-वयण-चंगिण ॥
 अज्जउत्त-पुण्णोवचय- आयइदिइण नरेण ।
 केण वि माणस-सरवरह जल्लु आणिवि स-करेण ॥

[५७४]

कुमरु सायरु सितु सव्वंगु
 ता पाविय-वेयणिण पीय-जलिण जंपिउ कुमारिण ।
 जह— भइ कुभो सि तुहुं को व कह व कय-परुवयारिण ॥
 तइं एहु ससहर-कर-धवलु अमय-महुरु आणीउ ।
 जीवाविउ हउं सत्पुसि पाएविणु पाणीउ ॥

[५७५]

अह पयंपइ इयरु — निमुणेसु
 मह वइयरु नर-रयण रम्मि पहिय-अवहरिय-आहिबि ।
 कमलक्ख-नामिण पयडु जक्खु बसहुं हउं एत्थ पायवि ॥
 ता पेक्खिबि भुवणुत्तिमह तुह एह विसम अवत्थ ।
 आणिवि मइं माणस-सलिलु तुम्भि विहिय बीसत्थ ॥

[५७६]

तयणु पुणरवि भणिउ कुमरेण—
 पलयाणल-डाह-समु मह सरीरि संतावु पसरिउ ।
 तह जह इहु उवसमइ ताम जाम सव्वंगु वियरिउ ॥
 सलिलंजलि सारीरियहं संतावहं एयस्सु ।
 माणस-सरवर-सलिलु लहु अवगाहेवि अवस्सु ॥

[५७७]

तयणु जक्खिण अकय-विकखेवु
 परिकीलिर-खयर-वहु- चक्कवाय-कलहंस-कुंजरि ।
 कर-संपुडि कुमर-वरु करिवि नीउ माणस-सरोवरि ॥
 अह संपीणिय-नयण-मणु सणतुकुमारु सरम्मि ।
 पविसइ तियसामुर-तिरिय- तणु-संताव-हरम्मि ।

५७५. ३. क. The letter between भा and वि is unclear due to correction. ख. आहि° missing.

[५७८]

समय-मज्जिर-खयर-तरुणि-यण-

यण-अंगरागारुणिउ कमल-रेणु-परिविहिय-सोहलु ।
 वण-कुंजर-गंड-यल- दाण-वारि-परिमलिण मंसलु ॥
 तीर-द्विय-पत्तल-वहल- साह-सिहरि-सच्छाउ ।
 अवगाहइ माणस-सल्लि अविहिय-अमय-विभाउ ॥

[५७९]

तयणु ववगय-अंग-संतावु

जा लगाउ नीहरिउ सरह गाढ-कय-चरण-संदणु ।
 निय-पुण्ण-संचिय-कवउ आससेण-नरनाह-नंदणु ॥
 ता मोडिय-तीर-दुमिण तोडिय-गिरि-सिहरेण ।
 धंधोलिय-वण-चारणिण उक्खय-रय-पसरणे ॥

[५८०]

निहय-विहङ्ग दलिय-मय-कुलिण

बेलविय-पुलिंदइण जणिय-दरिण अइ-उग्ग पवणिण ।
 संछाइय दिसि भरिय कुमार-नयण पुण रेणु-पसरिण ॥
 तह वि कुमारु सु तियस-गिरि- चूला अविचल-चित्तु ।
 परिचिट्ठइ अक्खुहिय-मणु किं एहु इय चिंतंतु ॥

[५८१]

तयणु पसरिय-घोर-फुक्कार

रोसारुण-नयण-जुय दीह-काय अलि-गवल-सामल ।
 जम-दूयहं संनिहय जमल-जीह विस-वेग-पिच्छल ॥
 कुविय असेसस्स वि जयह कवलण-विहिहिं अ-चुक्क ।
 केण वि वहलिय-गयण-यल विसहर-निवह विमुक्क ॥

[५८२]

वद्ध तेहिं वि नाग-पासेहिं

सव्वंगु कुमार-वरु तयणु जलहि-अक्खुहिय-हियइण ।
 उद्धणिय स-भुय-लइण अहिअ-संधि तोडिय कुमारिण ॥
 अह गल-कंदल-लुलिय नर- रुंड-माल-वम्वालु ।
 वयण-निवेसिय-पुरिस-सवु करयल-कलिय-कवालु ॥

[५८३]

घोर-विसहर-वद्ध-जड-मउडु

दद-दइह-घरिसण-फुरिय- रव-रउडु तडि सरिस-लोयणु ।
 अणुगच्छिर-कडकडिर- दसण-सेणि-वेयाल-भीसणु ॥
 अरि अरि सरि सरि इट्ठु कु वि इय साडोवु भणंतु ।
 दिट्ठु कयंत-कराल-तणु रक्खसु इगु आवंतु ॥

[५८४]

ता वि तुद्धिर-तुंग-सिंगगु

उभंत-सत्ताउलिउ विहिय-गहिर-बुक्कार-वानरु ।
 दद-सिलयल-दलिय-पडिवक्खु खुहिय-विरसंत-कुंजरु ॥
 गुरु-गिरि-वरु करयलि धरिवि खिविउ कुमर-उत्तरिम्मि ।
 मुर-नहयर-कामिणि-नयण- जल-परिसित्त-सिरम्मि ॥

[५८५]

तयणु विसरिस-दंत-पंतीहिं

निम्मंस-सोणिय-तणुहिं चिविड-नहिहिं निरु सारि-कुच्छिहिं
 दुमुहिहिं तिमुहिहिं चउमुहिहिं पण-मुहेहिं सिय-गहिर-अच्छिहिं ॥
 वेयालिहिं पमुइय-मणिहिं जय-जय-रवु उग्घुट्ठु ।
 अह उद्धणिय-तणु खणिण पास-खिविय-गिरि-वट्ठु ॥

[५८६]

अहह पेच्छह सयल-जय-हरण-

रोसारुण-लोयणिण रक्खसेण जो मुक्कु गिरिवरु ।
 सो लीलइं कंदुगु व खिविवि दूरि विप्फुरिय-मच्छरु ॥
 धावइ को वि जयब्भहिउ सुहइ किं पि जंपंतु ।
 इय तियसामुर-नहयरहं वयणइं कुमरु सुणंतु ॥

[५८७]

पीण-मह-भुय-जंत-निप्पिट्टु

सरसिच्छु-लट्ठि व गलिय- सयल-धाउ-रस-पसर-दाणिण ।
 अरि रक्खस पाव तुहुं कुणमु तोमु दिय-गणहं अइरिण ॥
 मइं जीवंति स-तेय-भर- विजिय-सेस-तेयसि ।
 निव्वलज्जिण किण घोसियइ जय-जय-रवु इयरेसि ॥

[५८८]

इय पयंपिह तुरिउ पसरंत-

कुप्पेच्छ-मच्छर-वसिण अरुण-नयणु धाविवि खणद्धिण ।
 आवीइइ रक्खसह देहु निविड-भुय-दंड-जंतिण ॥
 तह जह परिवियलिर-नयणु गरुय-मुक्क-पुक्कारु ।
 रक्खस-अहमु मही-चलइ पडियउ नीसाहारु ॥

[५८९]

अह कहिंचि वि लद्ध-चेयन्नु

लहु पुणरवि उट्ठिउण फुरिय-कोवु सो रक्खसाहमु ।
 जिण निहणिय-महिहरहं सिरइं पलउ पावंति निरुवमु ॥
 तसिय-सुरासुर-नहयरिहि पेक्खिज्जंतु — सु एउ ।
 मुग्गरु वच्छ-त्थलि पडउ पाव तुह कखय-हेउ ॥

[५९०]

इय भणेविणु गुरु-निहाएण

संभंत-सुर-कामिणिहिं निहय-वच्छ-तुटंत-हारहं ।
 मुत्तावलि-संवलिय- गलिर-नयण-दल-नीर-धारहं ॥
 नीसासिहिं सह परिमुयइ मुग्गु भीरु करालु ।
 उवरि कुमार-सिरोमणिहिं निरु अप्पह खय-कालु ॥

[५९१]

तयणु मुग्गर-घाय-विहरंगु

धरणी-यलि निवडियउ कुमरु खयर-सुर-तरुणि-दुह-यरु ।
 ता रक्खस-तणउं वलु किंचि फुरिय-संतोस-सुंदरु ।
 धावइ वग्गइ उप्पयइ घोसइ जय-जय-सद्दु ।
 अह आगय-चेयन्न-भरु कुमरु विभाविय-भद्दु ॥

[५९२]

गुरु-मडप्परु फुरिय-भुय-मूलु

उम्मूलिवि वड-विडवि गरुय-कोव-कंपंत-खंधरु ।
 भू-भंगिण भीम-मुहु चल्ण-भरिण चालिय-वसुंधरु ॥
 अरिरि पिसाय-अहम्म तुह वड-विडविण दलियंगु ।
 कुणउ हरिसु वायस-कुलहं गलिय-जीय-सल्वंगु ॥

[५९३]

इय पयंपिरु समर-सरंभ-

अवल्लोयण-वाउलिय- खयर-तरुणि-दंसण-कयायरु ।
 मूलग्गइ वड-तरुहु दलिवि करिण गुण-रयण-सायरु ॥
 आससेण-निव-अंगरुहु कर-कय-वड-दंडेण ।
 एग-पहारिण रिउ हणइ तह जह उदंडेण ॥

[५९४]

गहिउ तक्खणि खुहिय-खोणिंद-
 खयरहिब-हुस्सहिण जीवियंत-पीडा-विसेसिण ।
 अह वेविर-देहु भय- भीउ चत्तु लहु पुरिस-यारिण ॥
 मेल्लिवि गुरु-पुक्कार-रवु वेयण-विहुरिय-पाणु ।
 वज्जिय-लज्जु त्रिमुक्क-मउ रक्खस-अहमु पलाणु ॥

[५९५]

अह कुमारह उवरि मुर-अमुर-
 खयरहिब-कामिणिहि हरिस-पुलय-विलसंत-अंगिहि ।
 वर-परिमल्लु मुक्क सिय- कुमुम-बुट्ठि गयण-यल-संगिहि ॥
 जय-जय-रवु उग्घोसियउ हुंदुहि पदय स-तोमु ।
 सणतुकुमारु विनिहलिय- जक्ख-पयासिय-रोमु ॥

[५९६]

सरय-ससहर-सरिस-जस-पसर-
 परिधवलिय-धुवण-यल्लु मणि धरंतु पुव्वुत्त कामिणि ।
 जा गच्छइ कित्तिउ वि मग्गु ताव मुरवहु-स धम्मिणि ।
 पाविय तियसामुर-तरुणि- मज्झि महिम-अइरेम ।
 नियइ स-संगुह आगमिर पवर नियंविणि एग ॥

[५९७]

तयणु विम्भिय-मणिणि कुमरेण
 गच्छंतिण तस्समुहु दिट्ठ सत्त तस्सरिस वालिय ।
 नंदण-वण-मज्झ-गय पवर-रुव-गुण-विणय-कुसलिय ॥
 पुव्व-दिट्ठ-तरुणिहि पुरउ तयणु मणिउ-नण मुद्धि ।
 काउ इमाउ णियंविणिउ इय मह साहसु सुद्धि ॥

५९४. ७. क. वेहुरिय.

५९५. ७. क. पद सेतोमु. ५९६. ४. क. कित्तिओ. ५९७. ५. गुरुविणय; ९. क. साहस.

[५९८]

ईसि विहसिर किंचि नमिरंग
 चलणंगुलि-लिहिय-महि पाणि-यउम-संवरीय-अंवर ।
 चलियाहर-पल्लविय फुरिय-नयण-आणंद-जल-भर ॥
 खलिरवखर-गगगर-गिरिहि किंचि वियासिय-अत्थ ।
 मुद्ध पयंपइ सिर-उवरि परिसज्जिय नेवत्थ ॥

[५९९]

मुहय संपइ पसिय मह उवरि
 एत्तो च्चिय चुय-वणह नाइदूर-देसोवसंठिउ ।
 मुर-किन्नर-नर-महिय- मलय-निलय-देउल-गरिठिउ ॥
 पिय संगम-अहिलास इय नामिण पत्त-पसिदि ।
 चिट्ठइ विज्जाहर-नयर पसरिय-गरुय-समिदि

[६००]

तहिं कियंतु वि कालु आगंतु
 वोसमिउण निय-तणुहु अवहरेह गरुयर परिस्समु ।
 ता सयमवि होइसइ तुम्ह एय-वुत्तंत-अवगमु ॥
 अह तारिं चिय कामिणिहिं कंचुगि-दंसिय-मग्गु ।
 निव-धवलहरि कुमरु गयउ अइ-विमिहय-सव्वंगु ॥

[६०१]

तयणु तप्पुर-सामि-नरवरिण
 सिरि-भाणुवेगाभिहिण उट्ठिऊण अभिमुह-कयायर ।
 सीहासणि निय-करिण ठविउ कुमरु गुण-रयण-सायर ॥
 अह सिरि कय-करयंजलिण गुरु पडिवत्ति करेवि ।
 मणिउ-कुणसु संतोसु मह धूय अट्ठ परिणेवि ॥

५९८. ६. क. गिरिहि, ख. गिरिहि. ६००. ६ क. कामिणिहि.

६०१. ८. क. कुण.

[६०२]

जमिह अभहं नियय दुहियाहं
 विसयम्मि चिताउरहं विहिय-विणय-पणमिर-सुरिदिण ।
 परिसाहिउ आसि सिरि- अच्चिमालि-नामिण मुणिदिण ॥
 जो अवहरिहइ दप्प-भरु जक्खइ असियक्खस्सु ।
 सो तुह धूयहं अट्ठहं वि हविहइ दइउ अवस्सु ॥

[६०३]

ता कुमारिण गरुय-विहवेण
 तत्थेव य तक्खणि वि अट्ठ ताउ तरुणिण-सारिय ।
 पसरंत-अणुराय-रस- सोहमाण परिणिय कुमारिय ॥
 अह कय-नव-परिणीय-विहि विरइय-क्कण-बंधु ।
 पविसइ रइ-मंदिरि कुमरु ह्यय-नव-वहु-संबंधु ॥

[६०४]

गुरु-परिस्सम-वसिण पुणु तस्सु
 अइरेण वि रइ-भवणि धरणि-नाह-लीलइं पमुत्तह ।
 समुवागय निद वहु तयणु सयण-सुहियण-विउत्तह ॥
 गोसि विहंगम-कुल-रविण पयडिय-पडिवोहस्सु ।
 तं पुरु सु परियणु ताउ नव पिययम अ-नियंतस्सु ॥

[६०५]

सिविणु किं एहु किं व मइ-मोहु
 किं व जायउं सच्चवउं इंदयालु किं व किण-वि दरिसिउ ।
 जं पुव्व-सपुर-सयण- दइय-विरह-दुहिओ वि हरिसिउ ॥
 आसि किंचि इउं अट्ठहिं वि दइयहिं सह संबंधि ।
 परि मह सिरि कुमुमिय-तरुहु डालि व भग्ग अ-संधि ॥

[६०६]

इय कुमारह विगय-नीसेस-

घर-परियण-पिययमह सुद्ध-धरणि-तल-संनिसन्नह ।
 अवियक्किय झुणि सवणि पडिय एह गयण-यल-मग्गह ॥
 हा सहि हा पिय हा जणणि हा भाविय-भत्तार ।
 आससेण-नरवड-तणय रक्खहि सणतुकुमार ॥

[६०७]

तह — सुलोयणि किमिह ताएण

किं जणणिहिं किं सहिहिं किं व नियय-देवय-विसेसिण ।
 कि व तिण महि-गोयरिण आससेण-निव-मुय-कुपुरिसिण ॥
 तियसामुर-नर-मय-महणु मइं मुमरसु पसयच्छि ।
 कामाउर-मण जेण तुह तत्ति करावइ लच्छि ॥

[६०८]

तयणु पाविण केण परिकुविय-

जमद्यालोइएण दसण-गणण-उच्छट्ठिय-चित्तिण ।
 परिखित्तउ नियय-करु वयणि सोह-पोयह कु-मंतिण ॥
 अवहरमाणिण किं पि एहु मह अणुरत्तु कलत्तु ।
 कुमरु पलोयइ नह-यलह संमुहु इय चित्तंतु ॥

[६०९]

किंतु न नियइ किं पि गयण-यलि

ता — एहु वि पुव्वु जिम्भ इंदियालु किंचि वि मुणंतउ ।
 ढंडुल्लइ जाव वणि स ज्जि तरुणि हियइण वटंतउ ॥
 ता सुर-भवणह निवडिउ व महरिह-सिरि-अवतारु ।
 इगु धवलहरु महाडइहिं नियइ तिलोयह सारु ॥

६०६. ७. and रक्खहि in ८ lost in क. ८, जो ण,

६०८. ३. क. "गणण."

[६१०]

*अहं सु विम्बित — जत्थं सउ तत्थ
 पंचास वि इयं सुणिरु सणिउ सणिउ धवलहरि पविसइ ।
 ता निमुणइ मिउ-महुर- रविण लविर तिय इग महासइ ॥
 जइ — जय पणय-मणिच्छियरि कमल-गम्भ-गोरंगि ।
 नमिरामर-नर-नायगहं रिउ-नासण-सव्वंगि ॥

[६११]

हुं खु दुरियहं हरणि ओं ह्रीं हि
 संपाइय-इह-फलिं खम्मा-गुलिय-अंजणुवसाहणि ।
 फट्कारिण हणिय-रिउ- सेणि पणय-आणंद-कारिणि ॥
 जे तुह भत्तिहि पय नमहिं जोगेसरि तुहुं तेसि ।
 विहिहि अगोयरु सिविणहं वि फलु असरिसु वियरेसि ॥

[६१२]

इयं पसीयसि किं न पणइ-यण-
 चिंतामणि देवि महं गरुय-विणय-पणमंत-अंगह ।
 तसु दइयहं सुह-कमल- दंसणेण दुल्लभ-संगह ॥
 नियय-अवत्थहं सम-गुणहं निच्चु वि विणय-पराहं ।
 किं जुज्जइ अंतर-करणु निय-जणणी-जणयाहं ॥

[६१३]

अहं विसेसिण कुमरु सुमरंतु *
 हिययंतर-उल्लसिय पुब्ब-दिट्ठ हरिणच्छि सु-चरिय ।
 हुं हुं एस वि क वि तरुणि फुरिय-गरुय-अणुराय-विहुरिय ॥
 मग्गइ गोरिहि पय-पुरउ पत्त-दसम-दस-काल ।
 अइ-दुल्लभउ को वि पिउ एण्हि मइं व सा वाल ॥

* The text of stanzas 610, 611, 612, 613, 614, 615, and 616 in क is mostly blurred and illegible.

[६१४]

इय विचिन्तिरु जाव अग्गम्मि

चउ पंच वि पय खिवइ कुमरु ताव सुह-सील-सुद्धइ ।
 जय-पायड-गुण-गणइ पुरउ सु-गुरु-भत्तीए सुद्धइ ॥
 गोरिहिं देविहिं भणिउ इहु पयडेविणु अप्पाणु ।
 एहु ससि-मुहि पिउ आइयउ सो तुह गुणहं निहाणु ॥

[६१५]

सावमाण व तयणु तणुयंगि

जंपेइ गोरिहि पुरउ अजु वि देवि केत्तिउ पयारसि ।
 कर-सेठिउ साहिउण मज्झ दइउ जं नेय पयडसि ॥
 जइ पुणु कुरु-कुल-गयण-ससि पेक्खउं सणतुकुमार ।
 ता जाणहि भगवइ करउं कु-वि कु-वि तसु उवयारु ॥

[६१६]

इय सुणंतु वि हरिस-वियसंत-

सव्वंग-पुलयंकुरिय- वयण कमलु कुरु-वंस-मंडणु ।
 एहु ससि-मुहि निय-दइउ पेक्खिपेक्खि पडिक्ख-खंडणु ॥
 कुणसु सु मणिण जि कप्पियउ चिट्ठइ तसु उवयारु ।
 जं एहु हउं जि सु आइयउ पयडिय-मयण-वियारु ॥

[६१७]

अहव साहसु पसिय तुहुं कवण

कुरु-वंसह जस-कलसु को व सुयणु पइं दइउ मग्गिउ ।
 ता कन्नय भणइ अणुसरिवि लज्ज अज्जवु निसग्गिउ ॥
 जह साकेय-पुराहिबह समरसीइ-निवइस्सु ।
 अविताह-रूवह चंद-जस- अभिहाणह दइयस्सु ॥

[६१८]

धुय सुनंदा नाम हउं अन्न-

दियहम्मि उमह जणय- पयहं पुरउ संपत्त-मेत्तिण ।
 एगयणिण दूयणिण नमिर-सिरिण विण्णत्तु जत्तिण ॥
 जह — गयउर-नयर-प्पहुहु आससेण-निवइस्सु ।
 निज्जिय-भुवण-नियंविणिहि सहदेविहि दइयस्सु ॥

[६१९]

अत्थि नंदणु भवण-अब्भहिय-

चक्काहिव-सिरि-तरुणि- रमणु अतणु-गुण-रयण-सायरु ।
 सोहग्गिय-सिरि-तिलउ रिउ-मरट्ट-घट्टण-कयायरु ॥
 पुण्णिम-ससि व समग्गहं वि विमल-कलाहं निहाणु ।
 रुविण जसिण जयब्भहिउ सणत्तुकुमारभिहाणु ॥

[६२०]

इय सुणंदह जइ न संवंधु

नर-रयणिण तेण सह हवइ विहिण ता नूण हारिउ ।
 मह जणण तयणु नणु जुत्तु एहु इय संपभारिउ ॥
 आससेण-नरवइ-पुरउ स-वल्लिण गच्छंतेण ।
 निय हउं सिरि-गयउर-नयरि हरिसु पयासंतेण ॥

[६२१]

अन्न-अवसरि सहिहि परियरिय

कंदप्प-पूयण-विहिण गइय आसि हउं नयर-काणणि ।
 ता मयणह पयडह जि विहिय पूय मइं हसिरि सहियणि ॥
 तयणंतुरु निय-परि गइय केण-वि विहिहि वसेण ।
 अइव-दुरंतिण उप्परिण हउं गहोय दोसेण ॥

[६२२]

तयणु अविहिय-तणु-परिचाण

वहु-मंत-तंत णुइहिं कह कहिंचि अइगमिय जामिणि ।
 गोसम्मि उ तहिं जि गय मयण-भवणि हिययाहिरामिणि ॥
 न उण सु तारिसु सच्चविउ पयडीहुयउ अणंगु ।
 तो सविसेसिय-दुहिहिं हउं विहुरीहुय सव्वंगु ॥

[६२३]

किंतु पयडीहुय-कंदुप्प-

नेवत्थिण सहिहिं तहिं तहं कहिंचि-तंइयइं विणोइय ।
 जह अइरिण पुव्व-दिण- संभवाइं दोसहं वि मोइय ॥
 तयणंतरु-पुणु अवहरिउ आससेण-निव-पुत्तु ।
 दुट्ठ-तुरंगिण ता खणिण भुवणु वि हुयउं दुहत्तु ॥

[६२४]

हउं विसेसिण मुणिय-वुत्तंत

पसरंत दुह-विहुर-तणु पत्त मुच्छ सहि-यणिण कहमवि ।
 निय निय-घरि अह परु जु किंवि तं तु न मुणेमि सयमवि ॥
 किं पुण केण-वि नइयरिण विलविर हरिवि विमुक्क ।
 इह इय चिट्ठउं मंक्कडि व नियह पलंवह जुक्क ॥

[६२५]

सो उ संपइ कह वि अन्नत्थ

खयराहमु गयउ इय गोरि-देवि-पय-पउम-पणमिर ।
 इह चिट्ठउं हउं जणय जणणि दिणु निय-दइउ मम्मिर ॥
 अह विहसेवि स-ताल-रवु भणइ कुमरु - पसयच्छि ।
 इहु सु मयणु हउं किं न नियसि समरसीह-निव-वच्छि ॥

[६२६]

अह सया-वि हु विसम-पगईए
 कंदप्पह तह तसु वि ससि-मुहीए लज्जाउलसिण ।
 बिग्हारिय-तस्समय- उचिय-विहिहि रायाउरसिण ॥
 मह मणहरणिय स ज्जि एह इय परिचितंतेण ।
 सा कुमरिण कामिणि भणिय विम्बिय-मण-पसरेण ॥

[६२७]

चइवि संभसु मुइवि अवमाणु
 बिहिऊण पसाउ अणु सरिवि राउ सो पुव्व-इंसिउ ।
 जो तइयहं पयडियउ उदिसेवि तइं निय-वयंसिउ ॥
 पसरिय-अणुरायाणलिण उवताविय-अंगस्सु ।
 किं न वियरसि पसयच्छि तुहुं मह नेहह सव्वस्सु ॥

[६२८]

किं न सुमरसि सुयणु जं नयर-
 उज्जाणि कीलण-गयह मज्झ कंठि तइं मयण-वुद्धिण ।
 निक्खेविय कमल-वर- माल पूय कय भाव-सुद्धिण ॥
 मह नेवत्थिण सहिहिं सहुं आरंभिय-कीलाए ।
 तह तह परिरंभणु विहिउ मह जि सु-वीसंभाए ॥

[६२९]

इय भणंतिण कुमर-रयणेण
 तसु लज्ज-अहोमुहिहि वयण-कमलु दाहिणिण हत्थिण ।
 उक्खेविणु भणिउ - नणु सुयणु लद्ध तुहुं मइं कयत्थिण ॥
 चिंतामणि व अहन्न-घरि दुलह इमम्मि वणम्मि ।
 ता पसियसु अवलोयणिण धरिवि सु जेहु मणम्मि ॥

[६३०]

अह वियासिय-वयण जा किंचि

सा मुद्ध समुल्लवइ ताव दिट्ठ हय-विहि-विसेसिण ।
 रोसारुण-लोयणिण गयण-ठिइण तिण खयर-पुरिसिण ॥
 अहह जियंतह फणिवइहि चूडामणि कु छिवेइ ।
 कु व केसर पंचाणणह जग्गंतह वि गहेइ ॥

[६३१]

इय भणंतिण विरसु रसिरस्सु

परिकंपिर-तणु-लयह संनिहीउ तसु तरुणि-रयणह ।
 अवहरिउ कुमार लहु अह मुणमि मुर-सिहरि-सिहरह ॥
 तह जह पर-पिय-मण-जणिय- पावह फलु पेक्खेवि ।
 निहणु उवेइ हयामु इहु सय-सक्करउ हवेवि ॥

[६३२]

इय विंचित्तिरु तुरिउ अलि-गवल-

दल-नीलिण नह-यलिण लग्गु गंतु सो पाव-नहयर ।
 जा ताव निरिक्खिउण कुमर-वरिण सरि सिहरि पुरवर ॥
 गुरु लहु लहुयरु लहुयतमु उद्ध उद्ध गमिरेण ।
 कह भई दिट्ठउ जाइसइ एहु इय चिंततेण ॥

[६३३]

हणिउ मुट्ठिण कुलिस-कहिणेण

निस्संकु कवाल-तलि तयणु गलिर-रुहिर-च्छडाविलु ।
 अवकंदिय-पडिरविण भरिय-गयण-गिरि-भरणि-मंडलु ॥
 मुह-कंदरह विणिस्सरिय- दीहर-रसणा-सप्पु ।
 कसु सोहग्गु न हुयउ लहु सो नहयरु गय-दप्पु ॥

[६३४]

अह विइज्जह कुमर-घायस्सु

वीहंतु व तक्खणिण खयर-अहम-जिउ नट्ठु वेगेण ।
 ता नहयर-सवह तस्स वयणु अ-नियमाणिण व तरणिण ॥
 अत्थ-सिहरि-सिहरह परइ गंतु विहिउ आवासु ।
 हय-रिउ कुमरु वि तस्सु पियह सुमरंतउ संभासु ॥

[६३५]

निसिय-ससहर-किरण-सर-भरिण

कर-कलिय-कराल-तणु कुमुय-कंति-कोदंड-लट्ठिण ।
 नहयर-वह-वइपरिण तविय-मणिण इव मयण-धट्ठिण ॥
 रयणि-समागमि तह कह वि परिसल्लिउ सच्चंगु ।
 असुहिण सुहिण व पत्थियउं जह न मुणइ निय-अंगु ॥

[६३६]

नणु हयासु सु सत्तु निहल्लिउ

लीलाए वि एहु पुणु किह णु भुवण-दुज्जउ जियव्वउ ।
 हुं हुं अत्थि उवाउ मइं जिणणि रिउहु एयह बि लद्धउ ॥
 जइ जीवंतु स-नयणुलिहिं हरिण-नयणि पेक्खेसु ।
 ता एयह मयणह रिउहु तुरिउ जलंजलि देसु ॥

[६३७]

इय विचित्तिरु कुमरु अट्ठईए

दंडोल्लिवि को-वि खणु गयउ कह वि धवलहरि तम्मि वि ।
 ता ससि-मुहि संभमिण उत्तरीउ संवरिवि विहसिवि ॥
 उट्ठिवि संमुह हरिस-भर-खल्लिरक्खर-वयणेहिं ।
 पुच्छइ पच्छिम कह मुइर वाह-सल्लिउ नयणेहिं ॥

[६३८]

अह समासिण निविड-नेहाए

तहि सारय-ससि-मुट्टिहि पुच्च-उत्त कह सयल साहिय ।
 ता पसरिय-हरिस-भर सा मयच्छि कुमरिण विवाहिय ॥
 अह पाविय-चविक-स्सरि व पुरिय-हरिस-वावार ।
 तीए सुनंदह कामिणिहि सविहि वइदु कुमार ॥

[६३९]

अरिरि ससहर तवहि तुहुं अज्जु

मलयाणिल तुहुं पुरहि छेहि पसर सहयार तं पि हु ।
 हलि कोइलि लवि तुहुं वि तुमि वि भमर झंकार पयडहु ॥
 अरि अरि धट्टय कुसुम-सर पुरिसु होहि तुहुं अज्जु ।
 एह पाडेसइ सयलहं वि तुम्हहं मत्थइ वज्जु ॥

[६४०]

तह सुलोयणि एहि जह तुज्जु

क-वि अक्खउं वत्तडी इय भणंतु पविसेइ अंगह ।
 जा ताव समुल्लसिय- रोस-पसर गयणयल-मगाह ॥
 तसु खयरह कुमरिण हयह आयणिय-वुत्तंत ।
 संझावलि-नामिय लहुय भइणि तत्थ संपत्त ॥

[६४१]

किंतु कुमरह वयण-हरिणंक-

अवलोयण-अमय-रस- मित्त झीण-तणु-कोह-यवह ।
 मयणाणल-तविय-तणु हूय स जिज सच्चंग-दुस्सह ॥
 ता गंधर्व-विवाह-विहि अणुसरेवि परिणीय ।
 कुमरिण संझावलि वि निय- वसूकय-सिण उवणीय ॥

[६४२]

अह कुमारह सुकय-सयलभ-

हिय-इच्छिय-अस्थ-कर पदिय-सिद्ध गुरु-कमुवणामिय ।
 संभावलि-कामिणिहि दिण्ण विज्ज पण्णत्ति-नामिय ॥
 तेण वि साहिय अइरिण वि उवणसिय-विहि-पुव्वु ।
 विज्ज स पयडंतिण नियय- मणि उच्छाहु अउव्वु ॥

[६४३]

एत्थ अंतरि पडिण गयणरमु

सासाउल खुहिय-मण खयर-कुमर दो तत्थ आगय ।
 पणमंति य आयरिण कुमर-वरह तसु पाय-पंकय ॥
 तयणु कुमारिण भणिउ— किं एहु इय चिंततेण ।
 नणु के कत्तु व कह व तुमि इह आगय वेगेण ॥

[६४४]

अह पयंपहि खयर—नर-रयण

वेयइदह गिरि-वरह विहिय-सिरिहि गंधव्व-नयरिहि ।
 नाहेहि खयराहिबिहि चंडवेग-सिरिभाणुवेगिहि ॥
 पेसिय अम्हि नियंगरुह एहु रह-रयणु गहेउ ।
 चंदसेण-हरिचंद इय- नामय तुम्हहं हेउ ॥

[६४५]

सुणिय-निदणिय-तणय-वुत्तंतु

रोसारुण-नयण-दल्लु खयर-वल्लिण संलन्न-नह यल्लु ।
 नाणाविह-समर-धर- पत्त कित्ति जिय-पिसुण-मंडल्लु ॥
 असणिवेग-अभिहाणु खयराहिवु गरुय-मरदुदु ।
 आगच्छंतु सुणेवि कय- नहयर-मण-संघदुदु ॥

६४२. ३. क. सिद्ध गुरुकमुणामिय.

६४४. ५. क. भाणुविगिहि.

[६४६]

ता पसीउण तुम्हि नर-रयण

रह-रयणि इहारुहह तुरिउ एत्थ-अंतरि पहुत्तय ।
 खयरिद ति बहु-बलिण चंडवेग-सिरिमाणुवेगय ॥
 जाव य तिं वि कुमरेण सह सुह-दुह-कह अविस्वत ।
 अइवाइं तहिं कालु कु-वि रण-रस-पुलइज्जंत ॥

[६४७]

ताव निमुणिवि तणय-वुत्तंतु

साडोवु समुल्लसिय- रोसु जमु व तिहुयण-भयंकरु ।
 सदाविवि मंडलिय- सचिव-नियरु निय-रज्ज-सुंदरु ॥
 असणिवेगु पभणेइ - लहु चल्लहं संवहिऊण ।
 अज्जु जिम्बेसहुं सुय-वहय- कुमरह बलु मल्लिऊण ॥

[६४८]

ता पयंपिउ पवर-मंतीहिं

नणु नाह न सत्तु लहु इय मुणेवि अवगणियव्वउ ।
 कु व एगु महावळह मह इमो त्ति न उवेहियव्वउ ॥
 वद्धंतिण हुयवह-कणिण डज्जइ सयलु वि लोउ ।
 किज्जइ सीहिण एणिण वि करि-घड-इणणि विणोउ ॥

[६४९]

धरणि-गोयरु एहु अहयं तु

विज्जाहर-चक्क-पहु इय मुणेवि रिउ मावहीलह ।
 कि न रामिण रावणु सु हरिण कंसु सु न नीउ पलयह ॥
 इय बलवंतिहिं थिर-मणिहिं दिहु-सत्तु-सत्तेहिं ।
 सु वियारेवि विहेउ खमु रण-संरंभु निवेहिं ॥

[६५०]

इय विचित्तिहि वयण-रयणाहिं

जंपंत वि मंति-वर अवगणेवि सो खयर-सामिउ ।
 चउरंगिण वल-भरिण चलिउ कुविय-विहि-रज्जु-दामिउ ॥
 समग-समाहय-विष्फुरिय- समर-तूर-निग्योसु ।
 पुव्व-पयट्ठ-अणेग-रण- सत्तु-विजय-संतोसु ॥

[६५१]

फुरिय-गरुयर-विविह-अवसउण-

पडिसिद्धु वि सुय-मरण- असुह-तिमिर-आवरिय-लोयणु ।
 लहु पत्तु महाडइहिं तीए उवरि तोरविय-संदणु ॥
 अह जा खयराहिव-सहिउ कुमरु उद्धु जोएइ ।
 भुवण-भयंकरु ता गयणि कोलाइलु निमुणेइ ॥

[६५२]

तयणु किं एहु फुट्ठु वंभंडु

वेयालु व कु-वि कुविउ जलनिहि व्व खुहियउ अयंडि वि ।
 जं सुम्मइ पलय-घण- गहिरु सहु ठिउ भुवणु भंडिवि ॥
 इय-चित्तिर-खयराहिविहिं सहिउ सु सणत्तुकुमारु ।
 जा चिट्ठइ ता खणिण तहिं पत्तु सु नहयर-सारु ॥

[६५३]

अह खणद्धिण विहिय-संनाह

विज्जाहर-पहु ति दु वि चंडवेग-सिरिभाणुवेगय ।
 खयरिदिण तेण सह दुक्क नियय-सेग्नेण संगय ॥
 किंतु खणेण वि दो वि तिण असणिवेग-खयरेण ।
 हय-विप्पहय विहिय घण व झंझाणिल-पसरण ॥

[६५४]

तयणु नासिर-सेन्न भज्जंत

ते दो वि निरिक्खिउण कुमर-वरिण अखलंत-पसरिण ।
 मा भायह नियह खणु दलिमु दप्पु इमह त्ति भणिरिण ॥
 पण्णत्तिहि विज्जह वसिण कय-चउरंग-वलेण ॥
 खग्ग-खणक्खण-रव-खुहिय- पडिक्खिक्खय-खयरेण ।

[६५५]

निसिय-करयल-कलिय-करवाल-

लय-निहय-निदलिय- सत्तु-कुंभि-कुंभयड-लक्खिण ॥
 धणु-जंत-विमुक्क-सर- निहय-भडिण रण-मग्ग-दक्खिण ॥
 छुरिय-घाय-पसरिय-रुहिर- छड-अरुणिय-गयणेण ।
 मुग्गर-पहर-विणिदलिय- उत्तिमंग-मुहडेण ॥

[६५६]

सत्ति-भल्लय-सेल्ल-वावल्ल-

नाराय-मुसुंढि-गय- वज्ज-चक्क-कत्तरिय-कुंत्तिहि ।
 निहणंतिण करि-तुरय- मुहउ-सत्थ बहु-विह-विभत्तिहि ॥
 उवसाहिउ खण-मेत्तिण वि असणिवेग-खयरिंदु ।
 तयणु सु परिविप्फुरिय-कुरु- वंस-गयण-रयणिंदु ॥

[६५७]

खयर-वियरिय-रहवरारुहु

सुर-नहयर-तरुणियण- मुक्क-पंचविह-कुसुम-वुट्ठिउ ।
 स-परिक्कम-सुर-असुर- खयर-मुहड-मण-जणिय-तुट्ठिउ ॥
 भ्रुवणम्मंतर-वित्थरिय- निरुवम-कित्ति-कलावु ।
 पत्तु तहिं चिय धवल्लहरि पसरिय-महुरालावु ॥

[६५८]

तयणु तक्खणि विणय-पणयाहं ।

गुरु-हरिसिण पुलइयहं धम्म-कम्म-निम्मल-विवेगहं ।

दुण्हं पि खयर-एवहुहं चंडवेग-सिरिभाणुवेगहं ॥

वयणिण निय-इइयउ दुवि वि वेप्पिणु सणतुकुमारु ।

सिरि-गंधव्व-पुरम्मि गउ कय-रिउ-कुल-संहारु ॥

[६५९]

अह अणुक्कम-गहिय-नीसेस-

विज्जाहर-रज्ज-सिरि फुरिय-गरुय-खयराहिवत्तणु ।

उवसाहिय-विज्ज-सय- सहसु पणय-इच्छिय-पयच्छणु ॥

चंडवेग-खयराहिविण भणिउ इयर-दियहम्मि ।

पहु भुवणस्सु वि इच्छियइं पूरसि तुहुं हिययम्मि ॥

[६६०]

ता पसीउण मह वि एयाउ

सय-संखउ कन्नयउ समगमेव परिणेउ सामिउ ।

तह गेण्डउ रज्जु इहु हउं हवेमि जह मोक्ख-गामिउ ॥

जम्हा एत्तिउ कालु इह ठिउ तुह मग्गु नियंतु ।

रज्ज-धुरंधरु को-वि निय- नंदणु अ-निरिक्खंतु ॥

[६६१]

जमिह पत्तउ आसि अइसइय-

निय-नाणिण मुणिय-जग्गु अच्चिमालि-अभिहाणु मुणि-वरु

तिण अक्खिउ — चक्कवइ आससेण-कुल-नायण-ससहरु ।

तुह कन्नहं सय-संखहं वि होहिइ पिउ जय-सारु ।

भाणुवेग-धूयहं वि सु जि पिययमु सणतुकुमारु ॥

[६६२]

तसु पसाइण तुहुं वि निच्चित्तु

स-कु'व-रज्जहं विसइ होउ होसि सद्धम्म-साहणु ।
 ता जंपिउ मइं — कहसु साहु-वसह तसु मुणण-कारणु ॥
 ता आहट्ठउं मुणि-वरिण जो तुरइण हरिऊण ।
 पाडिज्जिहिहि महाडइहि तत्तु वि आणेऊण ॥

[६६३]

चिर-समज्जिय-सुकय-माहप्प-

आयइह-उत्तिम-वरिय- विजिय-जगिण उचियत्त-दक्खिण ।
 माणस-सरि मुच्चिसइ करयलेण कमलवख-जक्खिण ॥
 असियक्खह जक्खह नियय- रिउहु जु इणिहइ दप्पु ।
 सो जाणिज्जसु निय-दुहिय- हियय-प्पिउ अवियप्पु ॥

[६६४]

भणिउ मइं — अह किह णु मुणि-नाह

नर-रयणह तसु वि असियक्ख-जक्खु सो हुयउ वइरिउ ।
 ता सूरिण भणिउ — नणु अप्पु वेव सुह-असुह-पेरिउ ॥
 जायइ सयलस्सु वि जयह सुहि सत्तु व जिय-लोइ ।
 एत्थ वि खयरहिइवइ तुहुं हेउ इमो च्चिय जोइ ॥

तहाहि —

[६६५]

दीवि एत्थ वि कणयपुर-नयरि

निय-तेय-निज्जिय-तरणि फुरिय-कित्ति पडिववस्स-खंडणु ।
 पणय-प्पिउ दाण-रुइ धीर-वरिउ दुन्नय-विहंडणु ॥
 सारय-रयणीयर-सरिस- बहु-गुण-रयण-निहाणु ।
 आसि नराहिवु जय-पयडु विक्कमजस-अभिहाणु ॥

[६६६]

तसु विसप्पिर-कुल-पसयाहं

सरइंदु-उज्जल-जसहं कुंद-कलिय-सम-दंत-पंतिहिं ।
 वियसंत-मुह-पंकयहं उत्तसंत-सिसु-हरिण-नेत्तिहिं ॥
 अंतोउरियहं रइ-समहं चिट्ठइं पंच सयाईं ।
 तार्हिं य सह भुंजंतु निवु चिट्ठइ विसय-सुहाईं ॥

[६६७]

तर्हिं वि धण-कण-रयण-कलहोय-

समुवहसिय-वेसमण- विहवु नयर-नर-पवर-बुद्धिउ ।
 ससि-निम्मल-नियय-गुण- वसुवल्द-जस-कित्ति-रिद्धिउ ॥
 निरुवम-रुवु थिर-प्पगइ इगु सत्थाहह पुत्तु ।
 आसि पसिद्धउ धरणिर्याळिं नामिण नागदत्तु ॥

[६६८]

तसु वसुंधर-पवर-सिंगार

असवण्ण-लायण-निहि महिय-देव-गुरु-पाय-पंकय ।
 नव-जोवण तरुण-मण- रयण-हरण-विहि-विगय-संकय ॥
 मिउ-भासिर थिर-चंकमिर गुरु-गुण-रयण-समिद्ध ।
 हियय-प्पिय पिय आसि जगि विण्हुसिरिं चि पसिद्ध ॥

[६६९]

इयर-वासरि रायवाडियहं

गच्छंतउ धरणिवइ विहिय-चारु-सिंगारु मग्गिण ।
 अबलोयइ विण्हुसिरि विजिय-तियस-मुंदरि निसग्गिण ।
 अह तइंसणि तक्खणिण पसरिय-गुरु-कंदप्पु ।
 विहुरिय-अंगोवंगु परिचितइ विविह-वियप्पु ॥

[६७०]

जइ न भुज्जइ विसय-सुहु अज्जु
 सह ससहर-वयणियए जिय-रइए तरुणीए एइए ।
 ता मण्णउं अप्पु मय- निव्विसेसु संगहिउ अरइए ॥
 दूरि वसंतइ वल्लहइ न हवइ मणि संतोसु ।
 चक्कु दुहिज्जइ रवि-विरहि तहिं कु-त्रि अन्नु कि दोसु ॥

[६७१]

अह निउत्तिहिं नरिहिं सा वाल
 नेयाविणु निय-भवणि निविण विविह पड्वित्ति कारिवि ।
 अंतोउरि परिखिविय जय-पहाण एह इय वियारिवि ॥
 पत्तावसरि पवत्तिउण विणहुस्सिरि उवभुत्त ।
 तह जह मयण-हुयासणह समियह कह संवुत्त ॥

[६७२]

अह निसामिय-निवइ-वुत्तंतु
 अ-लहंतु मगंतउ वि नागदत्तु निय-पियहि विरहिण ।
 सुहि-सयणिहिं पूरिउ वि स-घरु मुणिरु उव्वसिउ भूइण ॥
 सोइज्जंतउ सज्जणिहिं खलिहिं खलीकिज्जंतु ।
 निरु परिचिट्ठइ कह कह न नयरि असेसि भमंतु ॥

[६७३]

गलिय-परियणु चइय-सुहि-सयणु
 संपीणिय-पिसुण-मणु दलिय-माणु परितविय-सज्जणु ।
 संपिडिय-डिभ-यणु चत्त-पाण-भोयण-विलेवणु ॥
 विणहुस्सिरि तुहुं कहिं गइय चइउ ममं ति भणंतु ।
 दिट्ठउ विणहुस्सिरि-जुइण निवइण कह-बि भमंतु ॥

६७०. ३. क. एइय.

६७२. ८-९. क. कह कह नयरि.

६७३. १. क. परिहणु.

[६७४]

न उण कढमवि निविड-नेहेण

परिमुक्किय विण्हुस्सिरि अह कयावि हय-विहि-निओइण ।
 निव-दइयहिं सेसियहिं अमरिसेण ओसह-पओइण ॥
 सज्जण-गरहिय-विहिण परिउज्झिय-भोगुवभोय ।
 सा पत्तिय पंचत्तु लहु विहलिय-इह-पर-लोय ॥

[६७५]

अह नराहिवु तीए विरहेण

परिमुन्नउं तिहुयणु वि मन्नमाणु तक्खणि वि मुच्छिउ ।
 तयवत्थ-विण्हुस्सिरि उवरि पडिउ परिमउल्लियच्छिउ ॥
 अह हाहाविरु मंति-यणु विल्लविरु नयर-पडाणु ।
 कुणइ चिगिच्छ नराहिवह पसरिय-सोय-निहाणु ॥

[६७६]

निवु वि किंचि वि पत्त-वेयन्नु

उवल्ल-वहुयर-अमुहु फुरिय-गरुय-वियलत्त-वइयर ।
 खणु उट्ठइ खणु सुयइ खणु हसेइ खणु रुयइ दुहयर ॥
 दइयए पुणु अ-कुणंतियए न कुणइ भोयणु किंपि ।
 न वि य विमुंचइ पिययमहि तमु संनिहि ईसिं पि ॥

[६७७]

न वि य छिविउ वि देइ इयरस्सु

ता सचिविहिं मंतिउण कह वि दिट्ठि वंचिवि नरिंदह ।
 उण्पाडिवि विण्हुसिरि खिविय नेउ मज्झम्मि विविणह ॥
 ता अ-नियंतउ निय-दइय भोयणु जलु वि न लेइ ।
 अंसु-जलाविल-नयणु निवु विक्कमजसु विल्लवेइ ॥

[६७८]

अह नराहिवु स-पिय अनियंतु

मा मरिहइ इय समगु सचिव-जणिण सयलेण मंतिवि ।
 कायव्वउं जह कह वि सत्थु हियउ पहुहु त्ति चित्तिवि ॥
 भणिउ नमेविणु नरवरह पुरउ — देव पसिऊण ।
 भोयणु कुणसु पसन्न-मणु निय-पिययम दट्ठण ॥

[६७९]

तयणु — कहि कहि कत्थ कत्थत्थि

सा ससि-मुहि विण्हुसिरि इय भणंतु उट्ठेवि नरवरु ।
 वयणेण सचिवहं चडिवि तुरइ गहिय-निय-सार-परियरु ॥
 पत्तु तइज्जह लंघणह अंति चउत्थ-दिणम्मि ।
 जत्थ स्त्रिवाविय विण्हुसिरि चिट्ठइ तत्थ वणम्मि ॥

[६८०]

ता निरंतरु पूइ-पम्भार-

किमि-संकुल-सयल-तणु काय-सहस-भावट्ट-लोयण ।
 वहु-गिद्ध-सिगाल-सय- सुणय-सहस-परिविहिय-भोयण ॥
 विगलिय-दसण कराल-मुह पूइ-गंध-वीभच्छ ।
 दिट्ठ नरिदिण विण्हुसिरि विहय-सहस-पडिहत्थ ॥

[६८१]

अह नराहिवु फुरिय-वेरगु

धिसि जीए निमित्तु मइ सील-रयणु लीलइं कलंकित ।
 परिचत्तु कुल-क्कमु वि सुयण-वग्गु सयलु वि धवक्किउ ॥
 अब्भुवगय पागय-किरिय वित्थारिय अवक्कित्ति ।
 भुवणि वि अप्पु विगोइयउ तसु एरिस मुत्ति त्ति ॥

६७८. २. क. मरिहइ य. ८. क. मण.

६८०. ९. पडिहच्छ.

६८१. ८. क. भुवण.

[६८२]

इय विचितिरु रज्जु पंजरु व

मुहि-सयण वि वंधण व विसय-मुहु वि विस-विडवि-फलु इव ।
 तारुणु वि जल-लघु व जीवियं पि करि-कलह-सवणु व ॥
 तरुणिउ दुग्गइ-सरणिउ व हियउ वि सुर-धणुहु न्व ।
 विग्गहु सयलावह-गिहु व पिय-संगु वि असुहु न्व ॥

[६८३]

धरिवि हियइण मुणिय-परमत्थु

नीसेसु वि परिहरवि भणिय-वत्थु-वित्थरु खणद्धिण ।
 स-कुटुंबह सयलह वि करिवि सुत्थु सह रज्ज-रिद्धिण ॥
 गंतु तहा-विह-मुणि-वरहं पुरउ फुरिय-रोमंचु ।
 गेण्हइ चरणु नराहिवइ अवगय-पाव-पवंचु ॥

[६८४]

तयणु निंदइ पाव-कम्माइ

पड्विज्जइ गुरु-भणिउ पायल्लित्तु तव-चरणु सेवइ ।
 अणुसीलइ मुणि-किरिय मुणइ सयल-सत्थत्थु केवइ ॥
 तह जह जायउ अइरिण वि दुविह-समहिगय-सिक्खु ।
 अणुचरियंतिम-सयल-विहि सहलीकय-निय- दिक्खु ॥

[६८५]

खवित्रि गुरुयह पाव-पम्भारु

उवसंचिवि मुकय-भरु परिहरेवि तणु इहु उरालिउ ।
 तइयम्मि सुर-घरि गयउ नागदत्तु पुणु दुह-करालिउ ॥
 समुवज्जिय-गुरु-पाव-भरु पसरिय-दुह-पम्भारि ।
 मरिवि चउ-म्माइ-भव-गहणि निवडिउ भव-कंतारि ॥

[६८६]

अह ठिइ-क्खइ सुकय-कय-रक्खु
 सो तस्सु सुरालयह चविवि पवर-वासर-मुहुत्तिण ।
 सिरि-विक्कमजस-तियसु नयरि रयण-पुरि मुप्पवित्तिण ॥
 सिविण-सइण उवस्सइयउ कसु वि महिब्भह पुत्तु ।
 जायउ कय-मुहि-सयण-मुहु वहु-लक्खण-संजुत्तु ॥

[६८७]

तयणु जणइण सिविण-अणुक्खु
 जिणधम्म इय नंदणह दिणु नामु गरुयरिण रिद्धिण ।
 कम-जोगिण वालु वि सहिउ सरय-ससि-मुद्ध-बुद्धिण ॥
 गुरुहु पसाइण पत्तु लहु सयल-कलोयहि-पारि ।
 तह संपाविय-जस-पसरु जिण-सासणह वियारि ॥

[६८८]

काल-जोगिण कित्ति-सेसत्ति
 संपन्नइ तप्पियरि मिक्खिवि सयल-सज्जणिण सो च्चिय ।
 तम्मंदिरि पहु विहिउ तयणु तेण उवलद्ध जच्चिय ॥
 गुरु-गुण-धम्म-समज्जिणिय महियल-पयड-पयास ।
 निरुवम-कित्ति-पुरंधि निय- पद-पंडुरिय-दसास ॥

[६८९]

एत्थ अंतरि भमिवि संसारि
 सिरि-सीहउरम्म पुरि नागदत्त-जीवु वि स-कम्मिण ।
 उववन्नु तहा-विहह कसु वि दियह गिहि पुत्त-भाविण ॥
 कोहण-पगइ स-मच्छरिउ अ-विहिय-स-कुलायारु ।
 अगिसम्म-नामिण पयडु अमुणिय-वेय-वियारु ॥

[६९०]

अह तहाविह-गुरुहु पय-मूलि
 परिवायग-वउ गहिवि परियडंतु वसुहहं समग्गहं ।
 निय-धम्मिण पत्त-जमु मज्झि वाल-तवसिहि उदग्गहं ॥
 विहिहि निओइण रयणउर-निव-भवणम्मि पहुत्तु ।
 अह नरवाइण-नरवरिण निमुणिवि तव-वुत्तु ॥

[६९१]

भणिउ - महारिसि कुणमु तुहं अज्जु
 मह मंदिरि पारणउ तयणु तेण वालय-तवस्सिण ।
 जिणधम्मु तहिं गयउ दट्ठु फुरिय-रोसिण हयासिण ॥
 भणिउ - नराहिव पारणउं तुहं यरि करिमु अवस्सु ।
 महियल-गयह अहो-मुहह वणियइ जइ एयस्सु ॥

[६९२]

ठविवि पट्ठिहिं कंस-पत्तीए
 उण्हुण्हु पायस-असणु देसि जमिह मइं अज्जु एरिमु ।
 गोसम्मि वि आयरिण गहिउ नियमु चिट्ठेइ असरिमु ॥
 अह नरनाहिण विहि-वसिण निव्वंधिण जिणधम्मु ।
 भणिवि अणिच्छंतु वि कह-वि काराविउ तं कम्म ॥

[६९३]

तयणु अगहिय-नामु सु हयामु
 उण्हुण्हु पायस-असणु सणिउ सणिउ भुंजइ पट्ठउ ।
 जिणधम्मु वि तम्मणिय- विहिण सुद्ध-महियलि निसिद्धउ ॥
 पट्ठि निविट्ठुण्हुण्हयर- कंस-पत्ति-दाहत्तु ।
 भावइ भव-उच्चिग्ग-मणु विमल-विवेय-पवित्तु ॥

[६९४]

अहह अरि जिय करिसि म म रोमु
 इयरस्सु करसु वि उवरि विहि-वसेण कु व कु व न पावइ ।
 भव-विविणि दुहावणइ मण-अगोयर वि विविह आवइ ॥
 निय-सुह-असुहइ पुव्व-भव- समुवज्जियइं चएवि ।
 को गिण्हइ जसु अवजसु व भहु अभहु व देवि ॥

[६९५]

जलिर-मंदिर-सरिसु संसारु
 निरुवइवु मोवख-पुरु दुइय विसय सुह-हेउ सिव-पहु ।
 तणु चंचल धम्म थिरु सुहउ सुगुरु खलयणु दुहावहु ॥
 अप्पु वि अनियंतिउ पिमुणु सु-नियंतिउ सु जि मित्तु ।
 ता जिय बट्टसु इयरवरि राय दोस चइत्तु ॥

[६९६]

जलहि-सुरगिरि-गहिर थिर-मणह
 इय तस्सु विचिंतिरइ सो इयामु बालय-तवस्सिउ ।
 ञइ-मंथरु भुंजिउण उण्ह-उण्हु परमन्नु हरिसिउ ॥
 सेट्ठिहि पट्ठिहि कह कह वि जा उप्पाडइ पत्ति ।
 ता उक्खिडिय स रुहिर-वस- मंस-न्हारु-जुय त्ति ॥

[६९७]

अहह धिसि धिसि पाव-तवसिण
 किह एइण धम्म-निहि पुरिस-रयणु एरिसु विडंविउ ।
 निक्कारणि निवइण वि किह अ-कज्जु एहु एहु कराविउ ॥
 नहि पर-लोइ वि निय-कयहं सुह-असुहहं संसारि ।
 छुट्ठिज्जइ गुरु-गुरुएहि वि विसम-विवागि अ-सारि ॥

६९४. ४. क. विगिवि. ५. विविहिह.

६९६. ५. क. उण्हउण्ह. ६. पिट्ठिहि.

[६९८]

इय निसामिरु देव-गुरु-वयण-

परमामय-सित्त-तणु राय-दोस-परिहरिय-माणसु ।
 आगंतुण निय-भवणि बहु-दुहत्तु निय-कज्ज-अणलसु ॥
 मेलिवि संपु चउव्विहु वि तह सुहि-सज्जण-लोउ ।
 विट्ठिउण पुय-सक्कारु तमु सो निय-कुल-उज्जोउ ॥

[६९९]

करिवि निय-घर-मुत्थु मुहि-सयण-

धण-धन्नु परिच्चइवि धरिवि हियइ जिणनाह-सासणु ।
 पट्टिवज्जिवि वर-वरणु गंतु गिरिहिं गेण्हेवि अणसणु ॥
 पुच्च-दिसिहिं उस्सग्गि ठिउ गमइ पणरस दिणाणि ।
 इय सेसामु वि तिसु दिसिमु पिहु पिहु पन्नरसाणि ॥

[७००]

इय दु-मासिउ उग्गु तव-कम्म

अइ-दुक्करतरु करिवि ढंक्-कंक्-वग-उलुग-कागिहिं ।
 सिंचाण-सिगाल-विग-वण-विराल-भल्लुंकि-मुणगिहिं ॥
 खज्जिर-पट्टि-पएसु सुर-सिहरि-सिहर-धिर-चित्तु ।
 मरिवि सु हुयउ सुराहिवइ सोहम्मम्मि पवित्तु ॥

[७०१]

सु वि तहाविह-नियय-दुच्चरिय-

परिखेइय-सुहि-सयणु वाल-किरिय-परिसीलणुज्जउ ।
 बुह-वग्गिण अवगणिउ मरिवि नियय-दुक्कय-विइज्जउ ॥
 अग्गिसम्म सुहम्म-सुर-मंदिरि तियसिंदस्सु ।
 परावणु वाहणु हुयउ वसिण स-कय-कम्मस्सु ॥

[७०२]

पत्त-भवसरु विहिय-सिगारु

अभिओगिय-सुर-गणिण नीउ पुरउ तियसाहिरायह ।
 तहंसणि करिवरु वि अणुसरंतु गरुयर-विसायह ॥
 चिक्कारारव-भरिय-दिसि तसिउ पयट्टउ जाव ।
 वज्जंकुस-करु तियस-पहु तहिं आरुदउ ताव ॥

[७०३]

तयणु दुगुणीहुयउ करि-राउ

तियसिंदु वि दुगुण-तणु चउ-सरीरु अह दत्थि-नाहु वि ।
 सुर-सामि वि चउ-गुणिउ तयणु अट्ट-गुण हूय ते दु-वि ॥
 किं बहुइण तह तह सुइरु खेइवि गरुय-विसाइ ।
 आरुदउ तियसाहिवइ तदयहं तहिं करि-राइ ॥

[७०४]

इय निरंतरु तेसि दोण्हं पि

तियसेसर-गयरायहं फुरिय-गरुय-सुह-दुह-विसेसहं ।
 सुइरज्जिय-निय-नियय- कम्म-वसिण गरुलंत-दिवसहं ॥
 पुच्चयरु वि करिवरु चइवि पडियउ भवि चउरंगि ।
 धम्मिय-जण-उक्कंप-यरि पसरिय-दुह-सव्वंगि ॥

[७०५]

तियस-सामि वि चविवि ठिइ-खइण

सिरि-इत्थिणाग-प्पुरिहिं आससेण-मेइणि-मयंकह ।
 सहदेविहि पिययमह कुच्छि-कमलि अणहुव-कलंकह ॥
 चउदह-सिबिणुवसइयउ हुउ गुण-रयण-निहाणु ।
 नंदणु भुवणाणंद-यरु सणतुकुमारभिहाणु ॥

७०२. १. क. आरुदउ.

७०४. ३. क. दुहं. ७०५. ६. अणहुय.

[७०६]

भमिवि चउ-गइ-भव-अरणम्मि

बहु-भेय-परिप्पुरिय- जम्म-मरण-सहसिहिं कयत्थिउ ।
 विल्लवंतउ पर-वसिउ दास-पेस-अधणत्त-दुत्थिउ ॥
 तारिस-निय-कम्मह वसिण अभिहाणिण असियक्कु ।
 हुउ वेयइह-महागिरिहिं एरावण-जिउ जक्कु ॥

[७०७]

इय समासिण कहिवि वुत्तंतु

तुह संतिउ मुणि-वसहु अच्चिमालि अन्नत्थ विहरिउ ।
 तुह अंतर-वास-कइ भाणुवेगु पुणु गहिवि कुमरिउ ॥
 मह वयणिण माणस-सरह सविह-देमि गंतूण ।
 ठिउ पिय-संगम-नामु पुरु सुर-पुर-समु रइऊण ॥

[७०८]

तयणु तइयहं तह तुमं तेण

परिणाविउ अट्ट निय- दुहिय किं तु तुह पाय-जुयलह ।
 पत्थाविण सेव हउं करिमु धरिवि इहु मज्झि हिययह ॥
 तइं मिल्लेविणु एक्कलउ भाणुवेगु निय-ठाणि ।
 गउ ता पहु मरिसिज्ज तुहं इहि अवराह-पयाणि ॥

[७०९]

चंडवेगिण भणिवि इय कुमरु

परिणाविउ वित्थरिण कन्नयाहं तहं सउ अणुणउं ।
 ता भुंजइ विसय-सुहु गरुय-खयर-रज्जिण सम्भाणउं ॥
 चंडवेग-खयरिंदु पुणु स-कुडुंवि वि निय-रिद्धि ।
 सणतुकुमारह देइ लहु सारय-ससि-सम-वुद्धि ॥

[७१०]

अह तहाविह-गुरुहुं पय-मूलि
 विज्जाहर-चक्कवइ एहु गंतु चारित्तु सेवइ ।
 इय गच्छइ कालु कु-वि कुमर-वरिण पुणु अज्जु केम्बइ ॥
 अम्हहं पुरउ समग्गहं वि संलत्तउ एगंति ।
 जह कीलण-कइ एह लहु मानस-सर-सामंति ॥

[७११]

ता सुनंदा-पमुह-दइयाहिं
 सारेण य परियरिण विहिय-सेवु इह अज्जउत्तउ ।
 जावागउ ताव नर- रयण एत्थ तं पि हु पट्टत्तउ ॥
 एत्थंतरी कयलीहरह वियसिय-मुह-अरविंदु ।
 उट्टेविणु नीहरइ कुरु- वंस-गयण-रयणिंदु ॥

[७१२]

तयणु दो वि हु विहिय-तक्काल-
 पाउग्ग-विहाण लहु जणिय-सयण-आणंद-विन्धर ।
 पुब्बज्जिय-तियस-गिरि- तुंग-पुण्ण-पम्भार-सुंदर ॥
 भुवणम्भंतर-विन्धरिय- निम्मल-कित्ति-कलाव ।
 सिरि-वेयइह-महागिरिहिं गया ति सरल-सहाव ॥

[७१३]

ता विसेसिण खयर-सेणीसु
 दोसुं पि सव्वायरिण नियय आण अइरिण पयारिवि ।
 पणमंतहं नहयरहं उचिउ रज्ज-अहिसेउ कारिवि ॥
 परिणेविणु नाणा-विहउ विज्जाहर-कुमरीउ ।
 अह अप्पिण वियसिय-मुहिउ वेप्पिणु अंतेउरीउ ॥

[७१४]

सूर-नरवड-तणय-वयणेण

निसुणेविणु जह जणय- जणणि-सयण चिट्ठंति दुक्खिण ।
 आऊरिय-गयण-यलु विविह-खयर-खोणिद-लक्खिण ॥
 निय-माहप्पु समग्गह वि जयह मज्झि पयडंतु ।
 सणतुकुमारु कुमार-वरु हत्थिणाग-पुरि पत्तु ॥

[७१५]

तयण स-हरिभु जणणि-जणयाहं

अहिणंदइ पय-कमल कुणइ गरुय-पडिवत्ति सयणहं ।
 संभूमइ पणइ-यण जणइ तोसु जय-जंतु-वयणहं ॥
 सविह-निवेसिय-सूर-सुय- वयणिण निय-घुत्तंतु ।
 जणणी-जणयाडय-जणहं कइइ साइ-पज्जंतु ॥

[७१६]

अह निहित्तु व अमय-कुंडम्मि

संपाविय-सुरतरु व गिह-पसुय-वर-कामभेणु व ।
 उवलद्ध-चित्तमणि व चक्कवट्ठि-रज्जहासित्तु व ॥
 आससेण-वसुद्धाहिवइ निय-सुद्धि-सयण-समेउ ।
 चित्तइ पसरिय-हरिस-भरु विलसिर-गरुय-विवेउ ॥

[७१७]

अह धीरिहिं सुकुल-उत्पत्ति

अच्चच्चुय-रुव-सिरि जीवियव्वु उवसग्ग-वज्जिउ ।
 पंडिच्चु जयन्महिउ विउल-भोग-धणु स-भुय-अज्जिउ ॥
 रज्जु जयस्स चमक्क-यरु कित्ति परक्कम-सार ।
 लब्भइ धम्म-वसिण भुवणि विलसिर-गुरु-वित्थार ॥

[७१८]

इय-विचित्तिरु गरुय-वडयणि

कारेवि वट्ठावणउं निय-पुरम्मि सयलम्मि निवइण ।
 निय-रज्जि निवेसिउण कुमर-रयणु पसरंत-रिद्धिण ॥
 अणुजाणाविवि सुहि-सयण गुरुयण-भत्ति करेवि ।
 चारय-बंध विमोइउण जिणवर सक्कारेवि ॥

[७१९]

कसु वि तारिम-गुरुहु पय-मूलि

वहु-नरवइ-सुय-सहिउ स-दइओ वि विस्संमराहिबु ।
 निसुणेविणु धम्म-कह हियइ धरिवि जिण-वयणु कय-सिबु ॥
 संसारिय-सुह-विरय-मणु पडिवज्जिवि चारित्तु ।
 आससेणु सो राय-रिसि सु-गइहि गयउ पविच्चु ॥

[७२०]

काल-जोगिण पुण सउण्णेहिं

भरहेसर-चक्कवइ- विहिण सुहिण छक्खंड-वसुमइ
 उवसाहिय अणुकमिण वरिस-सहस-कालम्मि अइगइ ॥
 वहुविह-समर-वसुंधरहं पसरिय-कित्ति-लएण ।
 सणत्तुकुमारिण स-भुय-वल- पाविय-अब्भुदएण ॥

[७२१]

अह सुनंदा-नाम-थी-रयण-

पमुहाण जयब्भहिय- पिययमाण चउसट्ठि-सहसहं ।
 अच्चब्भुय-भुय-वलहं नरवइण वत्तीस-सहसहं ॥
 सिंधुर-तुरय-रहाहं पिहु पिहु चउरासी लक्ख ।
 नव निहि चउदह रयण मण-इच्छिय-वियरण-दक्ख ॥

[७२२]

मुइर-संचिय-मुकय-जोगेण

इयरो वि भरहाहिवइ- उचिउ विहउ अइरिण समज्जिवि ।
 संपत्तउ निय-नयरि कित्ति-दइय दह-दिहि विसज्जिवि ॥
 पत्थंतरि सोहम्मिण सुर-राइण साणंदु ।
 दिददु तहाविह-सिरि-मुहउ सणतुकुमारु नरिंदु ॥

[७२३]

तयणु सायरु भणिउ वेसमणु

मह वयणिण भइ लहु पुरउ गंतु सहदेवि-तणयह ।
 चक्किम्मु चउत्थयह सोल-सहस-वर-जक्ख-पणयह ॥
 सणतुकुमारह एहु मह कोसल्लिउ वियरेज्ज ।
 तह तुहुं तमु चक्काहिवइ- रज्जहिसेउ करेज्ज ॥

[७२४]

ता कयन्थउ अपु मन्नंतु

आयसिण निय-पट्टहु तुरिउ तुरिउ सहरिमु नमिप्पिणु ।
 सीहासण-छत्त-वर- मउड-हार-रयणाइं वेप्पिणु ॥
 कुंडल-चामर-पाउयहं जुयलइं तह वर-माल ।
 पायवीह-रयणिण सहिय विल्लसिर-सिरिहि वम्भाल ॥

[७२५]

गंतु गयउग-नयरि कुरु-वंस-

जस-कलसह पय-पुरउ विणय-नमिरु वेसमणु जंपइ ।
 सोहम्मिय-सुर-वरिण पेसिउ म्हि तुह पुरउ संपइ ॥
 तह कोसल्लिउ दिव्वु एहु पेसिउ तुम्हं जोगु ।
 काराविउ पुणु चक्कवइ- रज्जहिसेउ उदग्गु ॥

[७२६]

जेण पच्छिम-जम्मि किल जत्थ

सुर-मंदिरि आसि तुहुं गरुय-रिद्धि-वित्थरु पुरंदरु ।
 सोहम्मि तहिं पि इहुं द्रुयउ एहिं सुर-नियर-मुंदरु ॥
 इय तुह गुरु-वंधव-मइहिं कारावइ पडिवत्ति ।
 तह मह मुहिण महायरिण तुम्ह पयासइ भत्ति ॥

[७२७]

इय सुणेविणु चक्कि परिओस-

त्रियसंत-वयणंवरुहु कोसलीउ सयलु वि पडिच्छइ ।
 वेसमणइ पुणु पवरु स-सविहम्मि आसणु पयच्छइ ॥
 एत्थंनरि सुरु वेसमणु अभिओगिय-तियसेहिं ।
 जोयण-महिहिं समुद्धरिय- रय-ऊयवर-तणएहिं ॥

[७२८]

वइर-मरगय-पुलय-वेरुलिय-

ससि-धूरकंत-प्पमुह पंच-वन्न-रयणिहिं विणिम्मिउ ।
 निय-किरणिहिं अवहरिय- तिमिरु रयण-पेदुउं कराविउ ।
 तदुवरि निरुवम-निय-महिम- निज्जिय-तियस-विमाणु ।
 अहिसेयइ मंडवु विहिउ तिहुयण-सिरिहि निहाणु ॥

[७२९]

तस्सु अंतरि पुव्व-दिसि-समुहु

सीहासणु संठविवि पायवीहु तहि पुरउ ठाविवि ।
 सु-मुहुत्तिण नर-रयणु पणय-पुव्वु आसणि निवेसिवि ॥
 अह खीरोय-महोयहिहि मणि-कंचण-कलसेहिं ।
 आणेविवि निम्मलु सलिलु अभिओगिय-तियसेहिं ॥

[७३०]

तयणु मागह-गंग-वरदाम-

पद्महुत्तिम-तित्थ-जल कुसुम-गंध-ओसहि गहेविणु ।
 जय जय चिरु नर-रयण महियलि त्ति पुणु पुणु भणेविणु ॥
 विज्जाहर-नर सुर-गणिहि मंगलि पयडिज्जंति ।
 मग्गण-सयण-किमिच्छियहं इच्छिइ वियरिज्जंति ॥

[७३१]

पडह-मदल-तिलिम-ढक्काहिं

कंसालय-ताल-वर वंस-वेणि-काहलिय-वुक्कहिं ।
 वज्जतिहिं पटु-रविण करडि-भंभ-भेरिय-हुडुक्कहिं ॥
 नट्टारंभि पयट्टियहिं तहिं आगंतु खणेण ।
 रंभ-तिलोत्तिम-उव्वसिहिं सुर-सामिहि वयणेण ॥

[७३२]

अइ-महंतिण विहव-जोषण

चक्काहिव-रज्ज-अहिसेय-महिम वेसमणु विरइवि ।
 उवसाइ सुरवइहि पुरउ पुव्व-वुत्तंतु सयलु वि ॥
 सणतुकुमारु वि नर-रयणु पाविय-चक्कवइत्तु ।
 उवभुंजइ छक्खंड महि असम-सुहामय-सित्तु ॥

[७३३]

अवर-वासरि स-परिवारम्म

सोयामिणि-नाडयह रंग-मज्झि सहरिसुवविट्ठह ।
 कय-भूसण-सयल-तणु तियमु एगु ईसाण-कप्पह ॥
 नियय-पहा-पेसरुवहसिय-सेस-तियस-तणु-कंति ।
 कज्ज-वसिण संपत्तु सुर-सामिहि सविहम्मि त्ति ॥

[७३४]

अह सुरिदिण विहिय-सक्कारु

परिसाहिय-कज्ज-विहि नियय-ट्ठाणि सो तियसु पत्तउ ।
 स-वियक्कु सोहम्मिइहि सुरिहि तयणु तियसिंदु वुत्तउ ॥
 जह पहु एइण सुरवरिण पसरिय-तेय-भराहं ।
 निय-तणु कंतिण पह हरिय सव्वेसिं पि सुराहं ॥

[७३५]

तयणु पभणिउ तियस-नाहेण

नणु एइण पुव्व-भवि विउल्ल-भाव-मुद्धिण पविच्छिण ।
 संचिणु आयंभिलय- वद्धमाणु तवु एग-चित्तिण ॥
 इय तव-तेइण तेण इहु असरिस-कंति-कलावु ।
 हुयउ तियसु ईसाण- सुर-पहु-सम-सिरि-सम्भावु ॥

[७३६]

पुण वि पणमिवि भणिउ तियसेहिं

पहु पसिय कहेसु नणु भुवण-मज्झि किं कसु वि अन्नह ।
 एयारिस-तेय-सिरि अत्थि एत्थ चिर-विघ्न-पुन्नह ॥
 ईसि हसेविणु सुर-वइण तयणु भणिउ — नणु हंत ।
 एयह पुण्णइं काइं क व तेय-स्सिरि विलसंत ॥

[७३७]

का व अवरह ति-जय-रंगम्मि

विलसंतह खयर-सुर- असुर-पहुहु सयलह वि मिलियह ।
 पुव्वज्जिय-तव-सिरि व देह-पह व जा मणुय-मित्तह ॥
 आससेण-कुल-कमल-सर- मंडण-कलहंसस्सु ।
 सणतुकुमार-नराहिवह ससहर-विमल-जसस्सु ॥

७३६. ६. क. चित्त. ८. क. कांइ.

७३७. ७. संवसा. ९. क. ससह.

[७३८]

एत्थ-अंतरि तियस-पहु-सहइ

मज्झग्मि वि सूर-कुमर दोण्णि किंचि संजाय-मच्छर ।
 नणु माणव-मेत्तयइ इहु घडेइ कह इय विचिंतिर ॥
 तियसराय-वयण-स्सवण- समणंतरु पसरंत ।
 कुणहिं संक पत्थुय-विसइ तयणंतरु तूरंत ॥

[७३९]

तियस-सत्तिण वडुय-रूवेण

सिरि-गयउर-नयरि लहु पत्त तयणु दोवार-पालिण ।
 संभाल्लिय दो वि तमु चक्कवइहि ते अइर-कालिण ॥
 तयणु पवेसाविय लहु वि जवणिय-अंतरिण ।
 तवस्सणु सणतुकुमारिण वि कारिय-मज्जणण ॥

[७४०]

भणिउ — साइह केण कज्जेण

इह आगय तुम्हि अह भणहिं हरिस-वियसंत-छोयण
 लहु जवणिय-अंतरिण दिट्ठ-चल्लण-अंगुट्ठ वंभण ॥
 जइ — पहु तुह रूव-स्सिरिहि अवलोयण-कज्जेण ।
 दूरह आगय अम्हि अह जंपिउ चक्कहरेण ॥

[७४१]

एहु जइ ता तुम्हि अवरणिह

आगच्छइ मह पुरउ दो वि भइ अत्थाण-मंडवि ।
 जिह पेच्छइ मइं विहिय- सव्व-अंग-सिंकारु पुणरवि ॥
 इय चक्काहिव-भासियउं सुणिवि तियस ते ताव ।
 गमहिं कहिं चि वि चक्कवइ सहइं वईसइ जाव ॥

७३८. १. क. पहुह.

७४१. ४. क. मह; ५. क. पुणरवि; ८. क. गमइहि.

[७४२]

अह पदंतिण बंदि-विंदेण

गायंतिहिं गायणिहिं नच्चिरेहिं नड-नट्ट-जल्लिहिं ।
 किज्जंतिहिं मंगलिहिं अकय-सुकय-जण-हियय-सल्लिहिं ॥
 मग्गण-सयहं मणिच्छियइ वियरिउजंतइ दाणि ।
 चक्क-प्पहुहु नियड्डियइ इय मज्जणय-विहाणि ॥

[७४३]

संख-सहिण मुणिय-मउल्लण्ह-

भंकारि भेरि-रविण वार-तरुणि-कहियम्मि अवसरि ।
 वीसंतइ तूर-रवि सेवगम्मि गच्छंति निय-परि ॥
 नच्चणि-नड-नट्टारइहिं निय-निय-ठाण-गएहिं ।
 सयछेहिं य अहिगारिइहिं खेय-विणोय-रण्हिं ॥

[७४४]

लहु मिलंतिहिं धावमाणेहिं

पडिसवणिय-माणविहिं वज्जिरेहिं अवसरिय-संखिहिं ।
 परिसोहिउजंतियहिं अतिहि-सत्तसालहिं असंखिहिं ॥
 अग्गासणियग-वंभणिहिं सउजीकिज्जंतेहिं ।
 किविणाणाह-वणीमगहं भत्तिहिं दिज्जंतेहिं ॥

[७४५]

वार-तरुणिहिं सारविज्जंति

निव-भोयण-वेइयए वेज्ज-मंत-वाइएहिं पट्टुत्तिहिं ।
 भुंजय-जणि आगयइ वइसदेव-आहुइहिं हुंतिहिं ॥
 तुरिउ चकोरय-पंजरिहिं संचारिज्जंतेहिं ।
 वायस-पिडिहिं तरु-सिहर- फलगि खिविज्जंतेहिं ॥

७४२. २. क. गातिहि.; ४. क. किज्जंतिहि. ९. इमय.

७४४. २. क. माणविहि. ९. क. भत्तिहि. ख. मात्तिहि.

[७४६]

सालि-सिहरिणि-सूत्र-पक्कन्न

महु-सप्पि-तीमण-दहिय- दुद्ध-पउर-पाणय सु-वंजण ।
 लहु महुर-कसाय-कहु- तित्त-लवण-हिय भुवण-रंजण ॥
 निवइ-निउत्तय-माणविहिं रसवइ सुह-सय-लब्भ ।
 निष्फाइय अइरिण-जणिय- बुद्धि-धाउ-संदग्ग ॥

[७४७]

तयणु सक्कर-दक्ख-खउज्जर-

अक्खोड-दाडिम-कलम- सालि-दालि-वंजण-सुसविकय ।
 घय-उण्ह लवण-स्सिरिय सुट्ठि-सेव-मोयग-सुरुविकय ॥
 वर मुकुमारिय सक्कुलिय मंडिय भुडुहुडिया य ।
 वेज्ज-विहिण भुंजय-जुइण चक्कवइण भुत्ता य ॥

[७४८]

अह लवंगय-एल-घणसार-

जंवीरिय-जाइफल- तय-तमाल-दल-जाइवत्तिय ।
 कक्कोलय-पूगिफल- नागवल्लि-कप्पूर-वत्तिय ॥
 जहरिहु वियरिय सेवयहं नमिरुत्तिम-अंगाहं ।
 तयणंतरु तिण गहिय-रस इय-सयलहं भोगाहं ॥

[७४९]

तयणु मिगमय-परिमल्लुगार-

हरियंदण-सुसिण-सिरिखंड-अगुरु-कप्पूर-पंकिण ।
 सयवत्ति-चंपय-करुणि- जाइ-कुसुम-दल-परिमलंकिण ॥
 सुकय-विवाग-सहस्स-भवु करिवि विलेवणु अंगि ।
 ओलग्गाविवि आहरण मुर-विइण सव्वंगि ॥

[७५०]

अह सहाविय-कंति-पम्भार-

अवहत्थिय-सुर-असुर- तारयालि-ससहर-दिवायरु ।
 निम्माणय-कम्म-कय- संधि-बंध-सव्वंग-मुंदरु ॥
 कय-असरिस-सिगार-विहि परिहिय-देव-दुगुल्लु ।
 वंदि-विंद-उग्घुट्ट-जमु निय-परियण-सोहिह्लु ॥

[७५१]

सव्व-अवसरि विउल-अत्थाण-

वर-भंडवि उवविसिवि निय-निउत्त-पुरिसेहिं स-हरिसु ।
 सहावइ चक्कवइ वडुय ते वि तहिं एंति असरिसु ॥
 हरिसु वढंता निय-मणिण किं पुण चक्कवइम्मि ।
 सच्चवियम्मि विसेसयर विरइय-सिगारम्मि ॥

[७५२]

अह धिसि धिसि वि-रमु संसारु

जमिमस्सु वि नरवरह एत्तिण वि अंतरि इयेरिस ।
 संजायइ विसम दस जणिय-सुयण-मुहि-ताव-पगरिस ॥
 इय परिचिंतिर तियस दु-वि लहु विहलिय-मुह-छाय ।
 भणिय नरिदिण - तुम्हि किइ दीसह इय-मुह-राय ॥

[७५३]

अह पर्यपहिं तियस - चर्विकद

किं न निबहि निबय-त्तणु जमिह आसि जो कंति-वित्थरु ।
 तुह मज्जण-कालि सु न एणिह तयणु-सहस-त्ति नरवरु ॥
 नणु किं एइ भणंति इय चित्तिरु निय-त्तणु जाव ।
 नियइ निरिक्खइ मसि-रसिण ओहलियं पि व ताव ॥

[७५४]

तयणु तक्खणु मणु समुक्खिविवि
 छक्खंड-खोणीयलहं नवहं निहिहिं चउदहहं रयणहं ।
 वत्तीस-सहसहं गरुय - मउड-वद्ध-नरवइहिं अणहहं ॥
 जक्खहं सोलस-सहस-परिसंखहं आण-कराहं ।
 चउसट्ठि य सहसहं सुकुल - विलयहं भत्ति-पराहं ॥

[७५५]

अ-थिरु जोव्वणु धणु अ-साहीणु
 सुहि-सयणु स-अत्थ-रुइ सलिल-विंदु-चंचलु सरीरु वि ।
 इय दुहयरि भव-गहणि रमइ किह णु इह पुरिसु धीरु वि ॥
 इय चित्तिरु उच्चिग्ग-मणु गहिउ-कामु चारित्तु ।
 सणतुकुमारु समुल्लवइ भव-कंतार-विरत्तु ॥

[७५६]

अहह अहमिह भइ तुम्हेहिं
 नित्थारिउ भवु जत्तिहिं वितह-रूव-अहिमाण-घत्थउ ।
 बुइडंतु महन्नवहं मज्झि देवि निय दो-वि हत्थ उ ॥
 तयणु तियस वज्जरहिं मणु चक्क-प्पहुहु मुणेवि ।
 धन्नु महायस तुहुं जि पर जो एत्तियमेत्ते वि ॥

[७५७]

विलिय-कारणि चइवि चक्कित्तु
 चारित्त-गहणुसुयउ हुयउ जमिह तुह अज्ज दुज्जय ।
 संकंत य संति तणु- मज्झि रोग ओसह-अ-सज्जय ॥
 नणु कह जाणह तुम्भि इय चक्कवइण पुट्ठम्मि ।
 पयडिय-रूविहि सुरिहि सुरपहु-वइयरि सिट्ठम्मि ॥

[७५८]

अहह धिसि धिसि कम्म-परिणाधु

कु-वि दारुणु भुवणह वि अइव तुच्छ संपय समग्ग वि ।
 चलु परियणु मणु अथिरु सरय-अब्भ-सम दइय-संग वि ॥
 तणु पुणु एहु अणत्थ-फलु सयलामुइहि निहाणु ।
 अ-बुह-जणिय-पडिकम्म-विहि वितह-रूव-अभिमाणु ॥

[७५९]

जमिह एयह पढम-उप्पत्ति-

हेऊ वि विवेइ-जण- गरहणिज्जु उव्वेय-कारणु ।
 पगईए वि निग्गुणउं नवहिं असुइ-विवरिहिं दुहावणु ॥
 कप्पूरागरु-मिगमयहं बहु-भोगुवभोगाहं ।
 एहु सरीरु विणास-यरु दुह-यरु निस्संगाहं ॥

[७६०]

सुक्क-सोणिय-रुहिर-वस-मंस-

मज्झामुइ-पूइ-रस- मुत्त-अंत-पित्त-प्पलाविउ ।
 नव-छिहु मलाविलउं विहिण असुइ-दलिएहि घडाविउ ॥
 इय जह जह परिचित्थियइ तणुहु सुइत्तणु किंपि ।
 तह तह दीसइ असुइमउ सयलु वि विवुहेहिं पि ॥

[७६१]

जाव अज्ज वि सयण साहीण

जा लच्छि न परिहरइ जाव भियग वट्टंति वस-गय ।
 जा पिययम पिय-करिय जाव आण खंडहिं न अंगय ॥
 जाव न जायइ विहुर-यरु तणु परिणाम-असारु ।
 ता कु-वि किज्जउ धम्म-विहि पर-भव-कय-साहारु ॥

[७६२]

इय त्रिचितिरु मेरु-थिर-चित्तु

कुरु-वंसह जस-कलसु आससेण-नरनाह-नंदणु ।
 उज्जेविणु धण-रयण- सयण-मुहड-करि-तुरय-संदणु ॥
 बहु-वित्थरिण पहाविउण जिण-वर-तित्थु पवित्तु ।
 उसहदत्त-स्सरिहि पुरउ पडिवज्जइ चारित्तु ॥

[७६३]

अहह नरवर चरिउ अणुसरिउ

तइ भरह-नराहिवह वसुह सयल लीलइं चइंतिण ।
 आराहिउ जिणवरहं गुरुहं वयणु इय उज्जमंतिण ॥
 इय उववूहिर पय नमिर सणतुकुमार-मुणिस्सु ।
 तियस गंतु वइयरु सयलु साहइं तियसिंदस्सु ॥

[७६४]

किं तु सज्जण ते जि ति जि दइय

ति जि नरवर ते जिज सुहि ति जिज तणय ति जि निय-सहोयर ।
 ति जि संदण ति जि भड ति जि तुरंग ति जि गंध-सिधुर ॥
 ते जि चउहह रयण ति जि जक्खहं सोल सहस्स ।
 पुट्ठि न छड्ढिं निय-पहुहु सणतुकुमार-मुणिस्स ॥

[७६५]

अहह सामिय पणय-कारुणिय

त्रिलवंतउ भिच्च-यणु सयलु एहु किह किह वि उज्जसि ।
 परिवालसु कित्तिय वि दियह वल्लिवि एमेव मुज्जसि ॥
 पुत्ठि पि हु भरहाहिवह उसह-जिणिंद-मुयस्सु ।
 जायउं केवल-नाण-धणु निय पय-पालंतस्सु ॥

७६२. २. क. कुरुवंसह.

७६४. ६. क. ति जि चउं

[७६६]

कह व भुय-वल-दलिय-रिउ-कुलह

तुह नाह विरहिण भुवणु विविह-सुह-विदविउ हविहइ ।
 कु व अ-सरणु विलविरह एहिं तम्मु उवयारु करिहइ ॥
 इय विलवंत परिभमिय सयल ति जा छम्मास ।
 विगय-त्ताण अणाह परिमिल्लिर-गुरु-नीसास ॥

[७६७]

राय-रिसिण वि तियस-गिरि-सिहर-

थिर-चित्तिण सीह-अवल्लोइएण वि हु ति न निरिक्खिय ।
 तयणंतरु निय-नियय- ठाणि पत्त अच्चंत-दुक्खिय ॥
 राय-रिसी वि हु पुव्व-कय- भोग-दलिय-कम्मंति ।
 एगागी उज्जय-हियउ चरणि जणिय-जम्मंति ॥

[७६८]

विहिय-छट्ठह तवह पज्जंति

गुरु-वयणिण अन्नयरि ठाणि गंतु विहरंतु मह-रिसि ।
 पुव्वज्जिय-अमुह-निय- कम्म-सेस-उदयम्मि असरिसि ॥
 गोयर-चरियहं परिभमिरु कत्थ वि भवणि लहेइ ।
 छेलिय तक्किण उल्लियउ बीणाउरु भुंजेइ ॥

[७६९]

तयणु वेयण सीसि तणु-दाहु

उक्कोउ पुणु लोयणहं कुच्छि-सूल पाउम्मि अरिसय ।
 वच्छ-त्थलि तोहु करि कंपु पाय-मूलेमु रण्णय ॥
 पुट्टि जलोयरु कंधरहं गंड-माल खय-काल ।
 पाउब्भुय सव्वंगि पुणु कुट्ट-व्वाहि कराल ॥

[७७०]

इय दुरंतिहिं जीय-पञ्जंत-

समयावह-दुहयरिहिं दुयहिं वहुहिं अन्निहिं वि वाहिहिं ।
 सयलस्सु वि भुवण-यल- जणहुं जणिय-गुरु-दियय-दाहिहिं ॥
 मुरगिरि-चल व अविचलिर-माणसु सणतुकुमारु ।
 चिट्ठइ अहियासंतु निरु सुमरंतउ नवकारु ॥

[७७१]

अह निरिक्खिय सु-मुणि-चरिएण

अइ-विम्भिय-माणसिण भणिउ सहं सोहम्म-इंदिण ।
 जह — पेक्खहुं मुर-गणहुं चरिउ चक्क-पद्-मुणिहि भाविण ॥
 जो छट्ठट्ठ-दुवाल्लसम- पमुह-तविण विविहेण ।
 सोमइ धम्म-सरीरु भव- भावुच्चिग्ग-मणेण ॥

[७७२]

न उण वाहिहिं विहर-जय-जंतु-

ववरोवण-कारिहिं वि वहु-विहाहिं पीडिज्जमाणु वि ।
 सिक्खारु वि मुयइ न य उवयरेइ तणु भणमाणु वि ॥
 भुवणस्सु वि सागीग्गिहिं वाहिं विसेम-हराहिं ।
 उपेन्नाहिं वि ओसहिं आमोमहि-पमुहाहिं ॥

[७७३]

इय भणंतह नियमनाहस्सु

मणि विम्भिय सयल सह गृण सुणेइ तसु निव-मुणिंदह ।
 भुवणुत्तर-सुत्तरियह आससेण-कुल-गयण-चंदह ॥
 किं पुण ति जि पुव्वुत्तमुर दो-वि अ-मदहमाण ।
 आगय राय-रिसिहिं पुरउ वेज्ज-रुवु धरमाण ॥

[७७४]

समुहु खासह जरह अरुईए

कर-कंपह रप्फयहं गंडमाल-वाहीए सोसह ।
 अरुईए भगंदरह खल-रुजह अन्नह वि दोसह ॥
 विहिउ विगिच्छ खणद्धिण वि करहुं देहु निरवज्जु ।
 एहु सु-विणिच्छि वि मुणि-वसह अम्ह वयणु पडिबज्जु ॥

[७७५]

इय पर्यपिर तियस पुणुरुत्तु

पक्खंतरी परिभमिर भणिय साहु-वसहिण ति - साहह ।
 किं वाहिर रोग अह अंतरा वि तुम्हे विसोहह ॥
 ता स-वियक्किय भणहिं सुर - नणु मुणि वाहिर रोग ।
 फेडिवि अम्ह करहुं खणिण सयलि वि सज्जा लोग ॥

[७७६]

तयणु दाहिण-करिण परिमुसिवि

निय-वामह करह नव- तरणि-किरण-दिप्पंत अंगुलि ।
 उवदंसिवि तहं सुरहं पुरउ भणिउ मह-रिसिण - नणु सलि ॥
 मह अंतर-रोगहं तणी एहि पुणु केत्तिय-मेत्तु ।
 किं तु सहेवा पच्छह वि अज्जु ति सहउं निरुत्तु ॥

[७७७]

अह - महा-मुणि नूण जइ तुहुं जि

इह अंतर-रोग-हरु इय भणंत चलणेमु निवडिवि ।
 दु-वि साहहिं तियस सुर- पहु-पसंस अप्पाणु पयडिवि ॥
 सणतुकुमार-महारिसिहि आसिन्वाउ गहेवि ।
 सुर घरि गंतु सुर-प्पहुहु तब्बुत्तंतु कहेवि ॥

[७७८]

वपु रि धीरिम कट रि सरलत्तु
 अरि उवससु ह्रुं ह्रुं वयण- मण-निरोदु निउंछणउं खंतिहि ।
 बलिकिज्जहं संजमह तवह तह य तसु इ-कंतिहि ॥
 इय पुणु पुणरवि सुर-सहं दु-वि ति तियस जपंत ।
 सणतुकुमार-महारिसिहि चिट्ठहि गुण गायंत ॥

[७७९]

राय-रिसि वि ह्नु निय-गहीरत्त-
 अवहत्थिय-दुधुयहि मयल-रोग निरु सम्म-करणिण ।
 अहियासइ जिणवरिण भणिय-विहिण भावइ य हियइण ॥
 एंतु खल्लिज्जइ जल्लनिहि वि लइरि-भिन्न-कुलसेलु ।
 न उ पुव्वज्जिय-असुह-निय-कम्म-विवागह मेलु ॥

[७८०]

जिय अयाणुय विहिउ सयमेव
 तइं पच्छिम-जम्मि इहु पावु कम्म-पक्खारु गरुयउ ।
 तिण दुक्कहि एउ तुह दुसह दुक्ख-दंदोलि बहुयउ ॥
 नासंतिहि वि न छट्ठियइ निय-दुक्कय-कम्माहं ।
 ता बलिकिज्जहं हउं रिउहुं समइ समुहु पत्ताहं ॥

[७८१]

इय पमाइण राग-दोसेहि
 मिच्छत्तिण अवरिइहि विहिउ जमिह हय-मोह-प्रत्थिण ।
 तसु पाव-महदुसह फलइं लेमु जिय तुहुं स-हत्थिण ॥
 नहि लब्धंतइ स-कय-फलं पुरिस परम्मुह हंति ।
 सह-धाविर निय-छाय नहि के-वि ह्नु छइडिवि जंति ॥

७७८. ५. क. कंतिहि.

७८०. २. क. ख. जंमि. ३. पाव. ४. दुक्कह.

७८१. ५. क. सुहुं; ख. तुहु.

[७८२]

इय विचिंतिरु चरणु अणुचरिवि
 अहियासिवि पुव्व-निय- कम्म-जणिय-गुरु-वाहि-वेयण ।
 परिसीलिवि सयल-जिण- कहिय किरिय चिर-पाव-भेयण ॥
 उसह-भरह-पमुहुत्तिमहं पुरिसहं चरिय सरंतु ।
 जिणवर-वयण-महोसहं निच्चु वि हियइ धरंतु ॥

[७८३]

मुट्ठिण कुमरहं भावि मंडलिय-
 निव-रज्जि वि अइगमिवि वरिस-सहस पन्नासपिटु पिटु ।
 चक्कित्ति समणत्तणि वि लक्खु लक्खु इय सन्वओ वि हु ॥
 परिवालेवि अहक्कमिण तिणिण वरिस-लक्खाइं ।
 आउय-अंति खविवि अमुह- कम्म-रोग-दुक्खाइं ॥

[७८४]

समय-नोइण गंतु सम्पेय-
 गिरि-रायह सिहर-तलि मासिएण तव-कम्म-जोगिण ।
 निय-पावइं विट्ठडिउण विहिय-मुद्धि निम्मल-विवेगिण ॥
 सणतुकुमार-मुरालयइ गयउ सु सणतुकुमार ।
 मह-रिसि गुरु-गुण-रत्त-मणु पाविय-जीविय-सारु ॥

[७८५]

तत्थ महरिह-विसय-सुक्खाइं
 सुरनाह-सामाणियहं सुरहं उचिय चिर-कालु सेविवि ।
 कम-जोगिण पुणु तउ वि निय-ठिईए पज्जंतु पाविवि ॥
 होउ विदेहि निबंधरुहु सेविय-चरणायारु ।
 सुगहिय-नामु सु सिज्झिहइ खविय-पाव-पम्मारु ॥

७८३. १ क. सु and कु mixed in कुमरहं.

७८४. ७. क. सु missing.

[७८६]

इय निरंतरु मणिण जिणचंद-

मुणिनाह-सोमुत्तिमह सुयण-इय-गुण-रयण-भूरिहि ।
 मुमरंतिण अणुदिणु वि नाम-मंतु सिरिचंद-सूरिहि ॥
 सिरि-हरिभद-मुणीसरिण विरइउ लेमिण एहु ।
 सणत्तुकुमार-नराहिवह चरितु सुकय-कुल-गेहु ॥

इति श्रीश्रीचंद्रसूरि-क्रम-कमल-भमल-
 श्रीहरिभद्रसूरि-विरचित-श्रीमदरिष्टनेमि-चरिते
 श्रीसन्तकुमारचक्राधिराज-चरितं समाप्तमिति* ॥

* * *

[७८७]

इय तुहविस्वय मई समासेण

जा चारण-मुणि-रयण- पुरउ आसि निस्सुय पहाणिय ।
 कुरु-वंस-सिरोमणिहि चउथ-चक्कवट्टिहि कहाणिय ॥
 अह निम्मुणिवि मागह-मुहिण गुरु-विम्हय-लय-कंद ।
 सणत्तुकुमार-महानिवह कह कय-भुवणाणंद ॥

[७८८]

पुव्व-नरवर-चारु-चारित्त-

आयण्णण-उल्लसिय- हरिस-भरिण धर-पवर-चरिइण ।
 सिरि सूरतेयंगइण तेण चित्तगइ-नाम-पयडिण ॥
 वियरेविणु तसु मागहह बहु-परिओसिउ दाणु ।
 गुरु-भत्तिण नहयर-सहं ललइ सु सु-गुण-निहाणु ॥

[७८९]*

*

*

*

[७९०]

तयणु तं चिय चरिउ सुमरंतु

गिज्जंतु खयरंगणहि वड्ढमाण-वंछिय-समिद्धिउ ।
 पणमंत-परिपंथि-कुल्लु उल्लसंत-वहु-विज्ज-सिद्धिउ ॥
 मणगइ-चव्वलगइहि जुयउ सहियउ रयणवईण ।
 कुमर-रयणु सिरि-चित्तगइ तूसिउ विमलमईण ॥

[७९१]

विसय सेवइ दल्लइ रिउ-दत्तु

सुस्ससइ गुरु-चलण ललइ मुहिहि नमणिज्ज पणमइ ।
 अणुसासइ पणइ-यणु जणइ सुत्थु सयल्लमि जणवइ ॥
 वंदइ सासय-चेइयइ केवलि-वयणु सुणेइ ।
 नमइ मुणिहि साहम्मियहं पुणु सम्माणु कुणेइ ॥

७८७, ८, क. सणत्तुकुमार.

*७८९. is missing in क. and ख.

[७९२]

भुवण-भंदिरु कित्ति-सुह-रसिण

गुण-मालिय-सिंगियइ विमल-वुद्धि-कामिणिहि हत्थिण ।
 धवलाविवि सज्जवइ चारु-चरिय-कुच्चिण पमन्थिण ॥
 अहव समत्थु कु वण्णणिण अप्पडिदय-पसरस्सु ।
 गुण-कंचण-कसवट्टयह चिन्नाइहि कुमरस्सु ॥

[७९३]

अन्न-वासरि वयह परिणामि

निमुणेविणु धम्म-रुह पुग्गउ कसु वि केवलि-मुणिदह ।
 निय-नंदणु चित्तगइ तिलउ मज्झि तमु खयर-विंदह ॥
 रज्जि निवेसिवि विन्थरिण सर्पउ वि वेत्तु चरित्तु ।
 सूरतेउ सो राय-रिसि सिव पुरि पत्तु पवित्तु ॥

[७९४]

ता विसेमिण फुरिय-माहप्पु

विज्जाहर-चक्कवइ दलिय-मयल-गिउ-कुल-मडप्परु ।
 सव्वायरु चित्तगइ जणिय-सुयण-आणंद-वित्थरु ॥
 सव्वत्थ वि जिण-सासणह कुणइ पहावण लोइ ।
 कट्ठमवि तह जह समइ तहिं इयरह सरइ न कोइ ॥

[७९५]

दूर-देसि वि गंतु विहरंतु

तिट्थाहिव-धम्मकह मुणइ थुणइ मामय-गिह-द्विय ।
 जिण-विंवइ धम्मि-यण थिरिकरेइ सम्मग्ग-संठिय ॥
 जिण-जम्मण-वय-नाण-सिव-गमण-प्पमुह-महेसु ।
 सयल्लारंभिण उज्जमइ आयइ-जय-सुहप्पसु ॥

[७९६]

वयइ जिय-बहु-वयइ न अलीउ
 आसंसइ न पर-घणु इयर-रमणि जणणि व्व पेक्खइ ।
 निय-परिगहि अदिरमइ सवि-वि सेस गुण-गण भिकंखइ ॥
 सयलंतेउर-उत्तिमइ सम-सुह-दुह-हिययाए ।
 सुइरु कालु अइगमइ सह रयणवईए पियाए ॥

इओ य—

[७९७]

तम्मि चेव य सिहरि-तिलयम्मि
 सोमणस-नामगि नयरि संति अट्ट खयरिंद-नंदण ।
 उवसाहिय-विविह-वर- विज्ज नियय-गुण-भुवण-रंजण ॥
 ससिगइ-रतिगइ-ललियगइ मणगइ-पवणगइ त्ति ।
 तडिगइ-उट्टगइ-तुरियगइ इय विस्सुय-नाम त्ति ॥

[७९८]

सिरि-सरस्सइ-लच्छि-कित्ति त्ति
 मइ-कंति-मयणस्सिरिय- चंदरेह इय पत्त-नामय ।
 निय-रुविण विजिय-रइ- रंभ-महिम तह आसि कन्नय ॥
 सम-गुण सम-वय सम-सिरिय सम-लायण-विलास ।
 सम-अहिगय-ससि-विमल-कल सम-सुंदर-संभास ॥

[७९९]

कमिण पाविय-जोव्वणारंभ
 नउ रज्जहि विसय-सुहि ललहिं धम्म-कम्मम्मि निच्चल ।
 अन्नम्मि उ दिणि विरह- भीय भणहिं भणियव्व-पच्चल ॥
 मिलिवि परोप्पक कह विरहि जह — पिय सहि कु-वि एगु ।
 मग्गिज्जउ निय-निय-जणय- पुरउ पहाण-विवेशु ॥

[८००]

तयणु पिहु पिहु विहिय-आयरहं
 बीबाह-विहि उहिसिवि नियय-जणणि-जणयाहं विहिहिं ।
 सव्वाहिं वि वज्जरित तत्थ ताव इहु भणिउ पढमहिं ॥
 कु जियइ कु सुहिउ सव्वगु कु जगह वि सुहु कु जणेइ ।
 इय जो जाणइ नर-रयणु जणय सु मई परिणेइ ॥

[८०१]

अह सरस्सइ भणइ नीसेस-
 पासंडिय-समय-विहि- छंद-सद-साहिच्च-सत्थहं ।
 परमत्थु जु वज्जरइ तुम्ह सहहं एयहं पसत्थहं ॥
 धुवु निज्जिय-सुर-असुर-गुरु- मइ-माहप्प-विसेसु ।
 सो पर होसइ पुरिसु पइ मह इह जम्मि न सेसु ॥

[८०२]

रूव-जोवण-विणय-लायण-
 विलसंत समुल्लसिय- वंस-जाइ-सिंघार-मुंदरु ।
 ससि-विमल-कलाहं निहि सिंह-रि-गरुय-गुण-रयण-मणहरु ॥
 जो मई जिणिहइ निय-गुणिहिं कु-वि विज्जाहर-नाहु ।—
 लच्छि पयंपइ-जणय मह तिण सहुं करिह विवाहु ॥

[८०३]

कित्ति जंपइ — जणय-जणणीण
 जिण-नाहहं गुरुयणहं विणय-कम्म-कोसल्ल-मुंदरु ।
 सरणागय-वच्छलउ स-भुय-दंड-निज्जिय-पुरंदरु ॥
 सरल-सहावु उदारु थिरु दुत्थिय-जण-साहारु ।
 मज्झ चिरेण वि जणय तुहुं इहु घडिज्ज भत्तारु ।:

८०२. ४. क जिहि.

८०३. १. क. जणय repeated.

[८०४]

मइ पर्यपइ - दक्खु सु-विवेउ

परिविलसिर-गुरु-विणउ जणिय-सुयण-भाणंद-चित्थरु ।

भव-काणण-भीरु-मणु मग्ग-गामि अणहुंत-मच्छरु ॥

जइ परि मइं निज्जिणिवि कु-वि खयरहिबह कुमार ।

परिणेतइ पायडिय-निय- गुरुय-सुकय-पब्भारु ॥

[८०५]

कंति पभणइ - मुणिय-भव-भावु

जिण-जंपिय-तत्त-रुइ धम्म-कम्म-उज्जुत्त-माणसु ।

अ-क्खोहिउ कामिणिहिं खयर-कुमार को-वि हु वियाणसु ॥

सुमणस-सुहयर-गुण-जडिय सिजिर-भमर-वम्भाल ।

जिम्ब वच्छ-त्थलि पिययमह तसु घत्तहुं वर-माल ॥

[८०६]

मयणसिरि पुणु भणइ - नणु जणय

इह वीणा-वायणिण जोव्वणेण वरु रूव-रिद्धिण ।

लायणिण तरुणियण- छंद-रुइण ससि-विमल-बुद्धिण ॥

सिगारिण पेसल-झुणिण तुम्ह पयडु जिणिहेइ ।

खयर-कुमार जु को-वि मइं सो मह पाणि गहेइ ॥

[८०७]

जो विउव्विय-सत्ति-जोगेण

स-समाण-रूविण भरइ धरणि-गयण-अंतरु खणद्धिण ।

नीसेस-खयरव्वहिउ चारु-चरिय-वर-कित्ति-लद्धिण ॥

सो अप्पट्टमयह वि मह पुरिसु गहेसइ पाणि ।

इय परिभावि वि कु-वि जणय वरु घडि मन करि काणि ॥

[८०८]

इय सुणेचिणु वयणु कन्नयहं

सन्वासि विसेसयरु चंद-मुहिहि तसु चंदरेहह ।
 उक्कंठिय खयर-वर वरहि-कुल व उन्नयहं मेहहं ।
 आगय तिहिं खयरहिचिहिं कुमरि-विवाहह जोमि ।
 कयइ सयंवर-मंडवइ निय-सिरि-अहरिय-सग्गि ॥

[८०९]

न उण को-वि हु खयरु एगह वि

कुमरीए पइण्णयह गयउ पारि ता सयण कुमरिहि ।
 सविसेस-समुल्लसिय- हियय-सल्ल संगहिय अरइहि ॥
 विज्जाहर-चक्काहिवह गुरु-गुण-मणि-भवणस्सु ।
 गच्छहिं चित्तगइहि पुरउ भणहिं य—पहु निमृणस्सु ॥

[८१०]

जो महीयलि गयउ गेण्हेइ

मय-लंछणु करयलिण धरइ जो व भुय-दंडि मुर-गिरि ।
 जु व भुवणि वि उल्लसिउ गसइ पलय-हुयवाहु गुरु सिरि ॥
 जो स-धराधरु रयण-निहि पियइ पाणि-पुडण्ण ।
 कुमरि-पइण्णहं पारि सु चि जाइ न तुह विरहेण ॥

[८११]

इय पसीउण पणय-कारुणिय

सिरि-मूरतेयंगरुहु भुवण-पयड-गुण-रयण-मंडण ।
 सारय-ससि-विमल-जस महि-ललंत पडिक्ख-खंडण ॥
 तुम्हि सयंवर-मंडवह सविहिहिं आगच्छेह ।
 कन्नय-विहिय-पइण्णहं चि पारु जणह दरिसेह ॥

८०८. २. क. विसेसयरु. ४. क. वर missing

८०९. २. क. पयण्णयह. ३. सुयण.

[८१२]

तयणु किंचि वि पगइ-विलसंत-
 उवरोह-सीलत्तणिण किंचि फुरिय-कोऊहलत्तिण ।
 चक्काहिबु चित्तगइ गहिय-सार-परियणु पयत्तिण ॥
 गंतु सयंवर-मंडवह तलि उवविदटु पहिट्टु ।
 अह अट्ठहिं वि नियंविणिहि मयणाउरिहिं सु दिदटु ॥

[८१३]

निय-वियप्पिउ पुच्छमाणीए
 सार-तरुणिहि पुरउ अह भणइ — सुयणु निमुणेसु अवहिय ।
 जह जीवइ सो जिज जगि जसु रमेइ मइ धम्मि पर-हिय ॥
 सुडिउ सु जो संतोस-रुइ सव्व-गु पुणु आगासु ।
 सुह-कारणु जिण-धम्मु पर जगह वि पूरिय-आसु ॥

[८१४]

इय पिहुप्पिहु ताहं तरुणीण
 अट्ठणह वि तहि सहह मज्झि पारु दरिसइ पइण्ह ।
 ता खयरहिबह तसु विप्फुरंत-बहु-साहु-वन्नह ॥
 वियरिय निय-निय धूय वियसिय-मुह-अरविदेहिं ।
 हरिस्सिय-पुलयंचिइहिं सयलिहिं खयरिदेहिं ॥

[८१५]

अह महा-मह-पुव्वु परिणीय
 खयरिदिण चित्तगइ- नामगेण तरुणीउ अट्ठ वि ।
 तियसासुर-नहयरहं मज्झि जाउ इयरिण न दिट्ठ वि ॥
 तयणतरु सिरि-चित्तगइ विज्जाहर-चक्किंदु ।
 संतेउरु गुरु-खयर-निब- सेविय-पय-अरविंदु ॥

[८१६]

गयण-मंडलि धरणि वलयम्मि ।

परिकीळिरु सर-सरिय- तियस-सिहरि-नंदण-वणाइसु ।

अणुरायाउर-हियय- खयर-तरुणि-गिज्जंत मिय-जसु ॥

नंदीसर-वरि सासयहं जिण-विंवहं पूयत्थु ।

गच्छइ मन्तंतउ नियय- जम्मु जिउ वि स-कयत्थु ॥

[८१७]

तयणु केयइ-करुणि-वियइल्ल-

मंदार मालइ-वउल- पारियाय-पाडल-कयंवहं ।

हरियंदण-कुंद-ल्लय- जइहियाहं सव्वत्तु-पहवहं ॥

चंपय-सयवत्तिय-पमुह- तरु-लइयहं कुमुमेहिं ।

चीणंसुय-पटंसुइहिं तह रयणाहरणेहिं ॥

[८१८]

पूय विरइवि नियय-इत्थेहिं

सव्वेसि वि निच्च-जिण- भवण-वासि जिण-इंद-विंवहं ।

अह वंदिवि भणिवि तह थोत्त-जणिय-भाणंद-संतहं ॥

नट्टारंशु पयासिउण स-परियणु वि जह-जोगु ।

पणमइ पय-पंकय जिणहं पुलइय-अंगोवंगु ॥

[८१९]

तयणु सुरगिरि-दीव-कुलसेल-

पउमइह-काणणिहि वंदमाणु जिण-नाह-विंवइं ।

जोयंतउ सर-सरिय- साहि-सिहरि-नयराइं सव्वइं ॥

सिरि-वेयइह-महागिरिहिं जा सविहम्मि समेइं ।

ता एगत्थ महाडइहिं एगु धवल्लहरु निणइं ॥

८१६. १. क. धरलि; ७. क. विंवह.

८१९. ६. गिरिहि.

[८२०]

तयणु - किं इहु सरय-घण-खंडु

कि व चंद-विमाण-दलु गयण-गमिर-सुर-कंति-पसरु व ।
 वण-देवय-मंदिरु व वणि रमत-हरि-दइय-निलउ व ॥
 दीसइ किंपि जयन्महिउ इय पुणु पुणु चितंतु ।
 जा सम्मुहु तमु संचलिउ विम्वय-हीरिज्जंतु ॥

[८२१]

ताव लोयण-सलिल-परिसित्त-

मुह कमल-थणावरणु करुण-राव-पूरिय-दियंतरु ।
 सासाणल-परितविय - अहर-विंघु मुहि-सयण-दुहयरु ॥
 उप्पाडिय-दाहिण चरणु तरुणि-जुयलु पेक्खेइ ।
 चियह जलंतह सविहि गउ न य निमित्तु लक्खेइ ॥

[८२२]

अह तुरंतउ उत्तरेऊण

गयणयलह चित्तगइ पुरउ गंतु तमु तरुणि-जुयलह ।
 मिउ महुरिहि अक्खरिहि भणइ - तुम्ह को हेउ अ-सुहह ॥
 कि व एहु दीसइ धवलहरु कु व एहु चिय-वुत्तंतु ।
 इय साहह जइ पुणु तयणु हउं वि करउं दुह-अंतु ॥

[८२३]

ता पयंपइ दीह-नीसास-

परिसोसिय-अहर-दल वाल एग जह - किमिह साहउं ।
 निय-मंदिर-बुच्चरिय- पयडणेण लज्जेमि तुह हउं ॥
 तह वि हु आयाणि कहिय भुवण-रयण नर-नाह ।
 निमुणमु जिण तुह कहउं हउं निय-वुत्तंतु अणाह ॥

तहा हि ॥

[८२४]

अत्थि एत्थ वि दीवि हिमवंत-

कुलसेलहं सन्निहिहि धणय-जक्ख-पुरि-रिद्धि-तक्करु ।
 बहु-विज्जा-वल-कलिय- खयर-राय-निउरंव-सुंदरु ।
 नयरु धणंजय-नामु तहि पसरिय-कित्ति-कलावु ।
 खयराहिवु सिरि-अमियगइ चिद्धइ महरालावु ॥

[८२५]

तस्सु पुणु मण-मत्त-मायंग-

आणालय-खंभ-सम विमल-सयल गुण-मणि-निहाणिय ।
 अंतेउर-पवर-पिय अग-महिसि भदाभिहाणिय ॥
 ताहं तहा-विहपुव्व-सुह- वसिण अणंगरइ त्ति ।
 अबितह नामिण विस्सुयउ जायउ अंगरुहु त्ति ॥

[८२६]

तह महोदय-सिविण-उवइह

दो जाय विलासवइ- कंतिवइउ नामियउ कन्नउ ।
 सयणेहिं य अणुसरिस- वरह विरहि नउ कसु वि दिण्णउ ॥
 चिट्ठंति य नहयर-उच्चिय कल-अब्भामु कुणंत ।
 दो-वि ति कन्नय गुरु-सविहि गउ वि कालु अ-मुणंत ॥

[८२७]

अवर-अवसरि गुरु-दुरायार-

जणयत्तिण जोव्वणह विहि-वसेण सयलम्मि तहिं पुरि ।
 पर-तरुणिउ भोगवह वलिण हठिण अवहरइ पर-सिरि ॥
 दुल्लल्लियहं गोट्टिहि रमइ अवलोयइ स-वियारु ।
 जण-मण तवइ अणंगरइ- नामु सु खयर-कुमारु ॥

[८२८]

ता समग्गु वि छोगु विलवंतु

संपत्तु खयर प्पहुहु पुरउ कहइ कुमरावरद्धइ ।
 सयलस्सु वि नायरह जणह तस्सु घरि घरि पसिद्धइ ॥
 ता विज्जाहर-चक्कवइ नंदणु सदावेवि ।
 रोसारुण लोयण-जुयलु भणइ करुण उब्भेवि ॥

[८२९]

अररि हय हय तुहुं मह मुक्ख

किह एयहि निय-पयहि भइणि-माइ-साडिय-समाणहि ।
 एवं-विह विसम दस जणिय-सुयण-संताव आणहि ॥
 अह व किमन्निहि बहु-विहिहिं डंड-राडि-रडिएहिं ।
 अम्भिहि तुह अ-विणय सहिय गरुय-नेह-नडिएहिं ॥

[८३०]

कालु एत्तिउ एण्हि पुणु हंत

मह लोयण गोयरह अवकमेसु तूरंतु अन्नह ।
 निय-इत्थिहि सिक्ख हउं करिसु तुज्झ पसरिय-अवन्नह ॥
 जो निय-भवणु न सारवइ न कुणइ वसि अप्पाणु ।
 सो किह सयल-महीयलह करिहइ सिक्ख अयाणु ॥

[८३१]

तयणु सयलह जणह मज्झमि

किह जणइण धरिसियउ धिसि धिसि चि हउं इय विचिंतितु ।
 निय-पुरह अणंगरइ नीहरेइ परिभविण खिज्जिरु ॥
 वंधु-सिणेहिण विहि-वसिण ताउ वि तम्भइणीउ ।
 नोहरियाउ अणुप्पहिण गुरु-दुह तरु धरणीउ ॥

[८३२]

अह महाडवि-मज्झि हिमवंत-

गिरि-खंडु व धवलहरु एहु विहिउ विज्जाणुहाविण ।
 कुमरेण अणंगरइ- नामगेण ता काम-जोगिण ॥
 भोग-हलिय-कम्मोदइण जगि परियडमाणेण ।
 पूरिय पंच-सयाइं वर- तरुणिहिं आणिवि तेण ।

[८३३]

अन्न-दिणि पुणु तियस-गिरि-समुहु

गच्छंतु असोय-तलि नियइ महिहिं गुरु खेय-दुम्मुह ।
 तियसिदिण उच्चसि व रइ व विसम-वाणिण परम्मुह ॥
 निरु रोयंत दुमुक्कएहिं वाह-जलाविल-नित्त ।
 किण वि सु-पुरिसिण क वि तरुणि धणिउ पसाइज्जंत ॥

[८३४]

तयणु - कट कट अहह वपु वपु

कु वि एहु महा-पुरिमु पुव्व-जम्म-कय-मुकय-संचउ ।
 जाइ नह-नियंविणिहि लहिवि संगु फेडिहइ उवचउ ॥
 जगडिय-भुवण-महाभडह विसम-वाण मुहडस्सु ।
 इय एसो च्चिय नर-रयणु तिलउ सयल भुवणस्सु ॥

[८३५]

कह-वि जइ पुणु बाल-हरिणच्छि

संपज्जइ मज्झ इह निय-सरुव-जिय-तिजय-कामिणि ।
 ता मन्नइं हउं वि कय- किच्चु गमिरु निय-दिणु स-जासिणि ॥
 इय चितंतु अणंगरइ निय-विज्जा-सत्तीए ।
 बरहि-रुवु मणहरु करिवि पुरउ पहुत्त झत्तीए ॥

[८३६]

तार-पम्हल-तरल-नयणेहिं

स-विलासु ससहर-मुहिहिं अह सिहंदि सच्चविउ पुणु पुणु ।
 तयणंतरु तप्पिण्ण भणिउ ईसि हियण्ण हसेविणु ॥
 मइं मेल्लिवि कसु संमुहउं जोइज्जइ दइयाए ।
 जइ वरहिण पुणु कज्जु ता इउं अप्पउं सु पियाए ॥

[८३७]

इय स-दइयइ वयणु निमुणेवि

वाहाविल-लोयण वि पणय-फोह-परमुहि वि तरुणिय ।
 ईसी-सि विहसिर भणइ — अप्पि अप्पि मह वरहि आणिय ॥
 ता मन्नंतु अणुग्गाहु व वयणु त निय-दइयाए ।
 सणिउ सणिउ मंजुलु लविरु मेल्लिरु चप्पुडियाए ॥

[८३८]

चलिर-चूलइ तिकख-तुंडस्सु

अइमहुर-कैकारवइ भुवण-मुहय-सुविचित्त-अंसइ ।
 अलि-हरगल-गवल-दल- नीलकंठ-नामइ सुवंसइ ॥
 पंच-वण सुखइ-धणुह- सरिस-कलाव-भरस्सु ।
 चलिउ सु गहणुसुय-हियउ नच्चंतइ वरहिस्सु ॥

[८३९]

नीलकंठु वि मत्त-कलहंस-

सम-गइण परंमुहउ दिट्ठि-विसउ अम्वयंतु चत्थिलउ ।
 समयंतरि उप्पइउ नह-यलेण धरणि-यल्लु मेल्लिलउ ॥
 अह इयरु वि तुरियर-गइहिं चत्थिलउ तप्पिट्ठीए ।
 ता जा खण-मेत्तिण वरहि अविसइ हुउ दिट्ठीए ॥

८३७. ८. क. मंजुल

८३८. ८. क. हियउं.

८३८. २. क. म गहण.

[८४०]

एत्थ-अंतरि-दइय नर-रयण

निक्कारण-कारुणिय सुहड-वग्ग-मुह-वन्न पसिउण ।
 लहु रक्खहि नाह मई निज्जमाण एएण हरिउण ॥
 इय निमुणंतु वि-नणु अहह एहु मह पियह रओ त्ति ।
 परिचितंतु पहावियउ करुण-रवह समुहो त्ति ॥

[८४१]

एत्थ-अंतरि वाम-अंगेण

नामेण य लोयणिण तह फुरंत-पडिक्कल-पवणिण ।
 कंटय-तरु-सिर-गइण दाहिणेण बाहरिउ रिद्धिण ॥
 अवसव्विहिं सयलिहिं वि अहि- पमुहिहिं असुह-जिएहिं ।
 झइय-भावि-अणत्थ-फलु जीवियंत-कहएहिं ॥

[८४२]

तह वि धाविरु तंमि गहणंमि

सव्वत्तु वि करुण-रवु विलवमाणु परियडिबि तत्थ वि ।
 संपत्तु असोय-तरु- वरह मूलि मु वराउ कहमवि ॥
 अनियंतउ पुणु निय-दइय मुच्छ-निमीलिय-अच्छु ।
 विहलंघल-सव्वंगु लहु पडिउ महीयलि हच्छु ॥

[८४३]

अह कहं-चि वि पत्त-चेयण्णु

हुय गरुयर-दुह-विहुरु सरिवि सरिवि निय-दइय-गुण-गणु ।
 वियलंत-विवेय-भरु भणइ-अहह ससि-वयणि तुह विणु ॥
 सुन्न-वसुंधर-गिरियडिहिं मई न सहारइ कोइ ।
 इय एक्कसि पच्छिम-दसहं आविवि मह मुहु जोइ ॥

[८४४]

सुयणु नीहरि कयलि-भुवणाउ

परिहासह न खमु हउं एयमित्तु वक्करु न सुंदरु ।
 सम-सुह-दुहि तुह विरहि सरणु मज्झ होइहइ जमहरु ॥
 इय विळवंतउ सरवरहं तडिहिं स-विबु नियंतु ।
 एहि एहि ससि-वयणि इय भणइ जलंमि विसंतु ॥

[८४५]

इय निरंतरु विविह-चेट्ठाहिं

वण-देवय-खयर-कुल- देवयाहं नामइं सरंतउ ।
 अइवाहइ सत्त दिण तत्थ तत्थ एहु परियडंतउ ॥
 तइयहं सो वि अणंगरइ वरहिहि रूवु चएवि ।
 तह तह विळवंतिय इदिण सा पसयच्छि हरेवि ॥

[८४६]

एत्तु गयणिण एत्थ धवलहरि

ता वियसिय-मुह-कमल उवविसेवि एगंति जंपइ ।
 मिग-लोयणि ससि-चयणि मज्झ समुहु विहि हुयउ संपह ॥
 करयलि चडिय ज मुहिण तुहुं कज्जि पयत्तह सज्जि ।
 ता दुइयसु कुदंतु हउं अच्छिसु भुवणइ मज्झि ॥

[८४७]

इय अणंगिण तविउ मह अंगु

निय-अंग-संगामइण निव्ववेसु पसयच्छि पसिउण ।
 इयरी वि सु-सील-रुइ सगसगंतु वाउ व सु गणिउण ॥
 निय-पिययसु गुण-रयण-निहि इियय-द्विउ सुमरंत ।
 चिद्धइ अविरल-परिगलिर- नयण-सलिल झूरंत ॥

[८४९]

तयणु कुमरिण भणिय भइणीउ

जह-कह-मवि तह जयह जेण एय मई तरुणि मन्नइ ।
 उवरोहिण वंधवह तयणु ताहिं सा बाल भणइ ॥
 सुंदरि वयसु विसाय-भरु भुंजसु विसय-सुहइ ।
 जं जोव्वण-लायण-वर- रूवइं जगि दुलहाइं ॥

[८५०]

अह थुडुं किय-वयण-कमलाए

इयरीए समुल्लविउ - हल्लि हल्लि किं एम्ब जंपह ।
 जय-गरुयउ खरउ खरु ता कि उचिउ सीहिणिहि संगह ॥
 अहवा नहयर-राय-कुल- गरुय-कलंक-करस्सु ।
 जणणि य भइणि य मई सरिस कि न चिट्ठहिं एयस्सु ॥

[८५१]

अवि य ॥

सुइर-संचिय-सील-वयणस्सु

जइ भंगु करेमि इउं कय-कलंक-सुगुरुवएसह ।
 ता अयल-पुर-प्पहुहु पिउहु मज्झ ससिषेम-नामह ॥
 तह नहयर-कुल-मंडणह समुरह रविवेगस्सु ।
 खयर-कुमार-सिरोमणिहि पुणरवि पढह पियस्सु ॥

[८५२]

नूण वियरहुं वयणि मसि-कुच्चु

तह सीलवइ चि निय- नामु नेउ पायालि बोलउं ।
 ता एरिसु मह पुरउ मन भणेह पुणु वयणु भोलउं ।
 तयणु ति दो वि अणंगरइ- पुरउ भणहिं स-विसाय ।
 एइण जलिण न वप्फहइं एहि मृग कहमवि भाय ॥

८४८. is missing in K. ख.

८४९. १. क. भइणीओ.

[८५३]

ता विमुंचसु एहु असग्गाहु

पच्चक्ख-अणत्थ-फलु उभय-लोय-संहार-कारणु ।
 अह भणइ अणंगरइ-- इउं जि इमह दुव्विणय-वारणु ।
 ता अवसरिउण कंचि खणु दो वि हु तुळिभ रहेह ।
 जेण सुसिक्खिय एह चिय भाउज्जाय निएह ॥

[८५४]

अह तह च्चिय ताहि विहियंमि

कुमरेण हवेउ रहि कहवि वाल करयलि धरेप्पिणु ।
 अणुकूल-चाहुय-पणय- निट्टुरेहिं वयणिहि भणिप्पिणु ॥
 पत्थुय-अत्थ-पडुच्चरणि थुक्कंति पुणरुत्तु ।
 समुहु वि अनियंतीहदिण तिण पारदिय भोत्तु ॥

[८५५]

एत्थ-अंतरि विहि-निओण

निरु अट्ठम-दियहि परि- भमिरु नयर-गिरि-काणणाइसु ।
 सो चेव य सीलवइ- दइउ पत्तु उवरिमए एसिसु ॥
 तयणु हयासिण तेण तह हदिण वि उव्वुज्जेत ।
 अवलोइय रविपहिण निय- दइय करुणु विलवंत ॥

[८५६]

तयणु फिहु फिहु अरि दुरायार

किह गच्छसि दिट्ठु मइ उट्ठि उट्ठि करवाल्लु गेण्हसु ।
 मः जंपसिं किं मन मह कहिउ किं-पि पुव्वं पि एरिसु ॥
 इउं पुणु वहु-दुन्नय-परह चिर-संचिय-पावस्सु ।
 तुक्कम सरीरिण विसिहि बलि अज्जु करेसु अवस्सु ॥

[८५७]

इय पर्यपिवि केस-पासेण
 आयद्दिवि हठिण तसु वयण-कुहरि गुरु-धूलि-वच्चकु ।
 परिखित्तउ रविपहिण अह अणंगरइ अप्प-वंचकु ॥
 बहु-अवसउण-निवारिउ वि रोसारुण-नयणिल्लु ।
 करयल-कय-करवालु परि- कंपिर-अहर-दलिल्लु ॥

[८५८]

हुयउ संमुहु तयणु ते दो वि
 विज्जाहर-पहु-तणय दो वि समर-संरंभ-हरिसिय ।
 दु वि कामिणि-विसय-गुरु वइर दो वि पर-इणण-तरिसिय ॥
 दोणिण वि फुरियामरिस-भर दोणिण वि गरुय-पहार ।
 दोणिण वि कंपाविय-सुहड दोणिण वि रिउ-संहार ॥

[८५९]

दो वि दीहर-दोस सिसिर व्व
 गुरु-तेय दु वि दिणयर व फुरिय-धम्म-गुण दो वि मुणिणु व ।
 दु वि करिणु व दाण-पिय कुडिल-गमण-रुइ दो वि अहिणु व ॥
 दु वि गल्लगज्जहिं कुंजर व दु वि वग्गहिं तुरय व्व ।
 दु वि फुक्कारहिं विसहर व दु वि धडहडहिं रह व्व ॥

[८६०]

दु वि विउव्विय-वाण परिमुयहिं
 अन्ननुनु दु वि वाहरहिं नियडि-रूव पयडंति दोणिण वि ।
 दु वि वडिजय-करुण दु वि य परहं वयणु न धरंति कन्नि वि ॥
 चिरु दु वि कोलहिं रण-महिहिं अह रविपहिण सदप्पु ।
 मुक्कउ को वि पहारु जिण खण-मेत्तिण अ-वियप्पु ॥

[८६१]

गल्ल-विवरहं मल्लि-रुहिरोद्दु

मुह-कुहरह नीहरिक- जीह-दीह-काइय-विहीसणु ।
 फुटंत-कवाल-तल- गल्लि-कीकस-दुहावणु ॥
 अवलोइय-निय-दुब्बिणय- पायव-फल-पम्भारु ।
 हुयउ हयासु अणंगरइ पयडिय-जमहर-सारु ॥

[८६२]

अह सहोयर-मरण-पसरंत-

रोसारुण-लोयणहिं एगिहोउ भइणिहिं दुवेहिं वि ।
 निय-विज्जा-वलिण तसु उवरि गरुउ गिरि-खंडु खेविक्कि ॥
 खयर-कुमारु रविप्पहु सु तह किउ जह अइरेण ।
 गरुय-पहारिण जज्जरिउ परिचत्तउ जीएण ॥

[८६३]

तयणु पिययसु काउ उच्छंगि

कुल-वालिय सीलमइ लहु पविट्ट चिय-मज्झि एयह ।
 इयरो वि विलासवइ- कंतिमइहिं भइणीहिं इयरहं ॥
 चियहं निहित्तउ ताउ पुणु पुरिस-रयण एदि अम्हि ।
 अनियंतिउ गइ अन्नइहिं चियहं पडिउकामम्हि ॥

[८६४]

इय सुणेविणु अहह संसारि

विसयाउर-माणसहं जियहं कम्म-परिणामु दारुणु ।
 जं एरिसु मरणु तहं तारिसहं वि भक्क-भमण-कारणु ॥
 अह वा कम्म-वसेण जिय सय-सइस्स-संखाई ।
 असरण सहहिं सरीर-मण- वयणु-भव-दुक्खाई ॥

८६२. This stanza is added marginally in K. in M. this and the following stanza bear the same number.

८६२. ३. K. एगिहोइ उइणिहिं दुवेहि; P. K. गरु; ६. K. कुमार.

८६३. P. K. सइणिहिं

[८६५]

इहु मुणेविणु सयलु परमरथु

सु-विवेयालंक्रियहं दाउ न खमु अवयासु सोयह ।
 न य भवियहं अवसरु वि उभय-लोय-दुह-वाल-मरणह ॥
 ता उज्जेवि विसाय-भरु गच्छह निय-निय-ठाणि ।
 इय जंपंतइ चितगइ- खयरहिबइ-पहाणि ॥

[८६६]

अहह जोवणु वपु रि लायणु

कट वयण-निवेसु हूं हूं भुवण-अहिय-तणु-तेय-चंगिम ।
 वपु उच्चिय-पवित्ति जय- जंतु-सुहय अरि का वि तुंगिम ॥
 मरहुं मरहुं मुचरियहं वलि वलि सील-मिरिस्सु ।
 इय जइ पांवहुं इहु जि वरु ता फलु लिहुं स-जियस्सु ॥

[८६७]

इय विचित्तिर किंचि-परिगल्लिर-

स-सहोयर-मरण-दुह फुरिय-गरुय-अणुराय-विहुरिय ।
 परिजंपहिं खयर-पहु- पुरउ हु वि ति खयरिइ-कुमरिय ॥
 जइ तुहुं पणय-प्पिय सुहय अम्ह अणाहहं नाहु ।
 हवहि मुयहुं ता अम्हि इहु मरण-विहिहिं असगाहु ॥

[८६८]

तह इमंमि वि धवल-हरयंमि

चिटंतिहि जिय-रइहि ति-जय-तरुण-मण-रयण-हरणिहिं ।
 संपाविय वि स-विसम- दसहं सयहं पंचण्ह तरुणिहिं ॥
 निय-वयणामय-वियरणिण जइ कुणसि परिताणु ।
 ता मन्नहिं ति वि वप्पुडिय कय-क्किच्चउं अप्पाणु ॥

[८६९]

तयणु नहयर-नाहु निव्वंधि

सह तार्हि वि धवलहरि पविसमाणु वियसंत-लोयणु ।
 अवलोयइ सरय-ससि- मुहिउ ताउ परिविम्हियाणणु ॥
 अह नणु अछिवंतेण इव करिहिं विहिण घडियाउ ।
 इहि तरुणिउ अन्नह किह णु एयारिस-सोहाउ ॥

[८७०]

रुव-जोव्वण-विणय-विण्णाण-

सिंगार-विलास-रइ- हाव-भाव-विभम कहेरिस ।
 संजायहिं सुर-असुर- कामिणिहिं वि एईण जारिस ॥
 इय किह पुण्णहं विणु घडहिं एरिस तिय जिय-लोइ ।
 ता सो चेव कयस्थु जगि जो एयहं पिउ होइ ॥

[८७१]

इय विचित्तिरु चित्तगइ खयर-

चक्काहिवु नह-यलहं उत्तरंतु सच्चविउ तार्हि वि ।
 सहस-त्ति य फुरिय-अणु राय-विहुर-हिययहिं सवाहिं वि ॥
 एत्थंतरी चक्काहिवह परिवारिण संलत्तु ।
 तह तह पक्खहं दुहिं वि परियाणिवि मण-वुत्तंतु ॥

[८७२]

सरिय-सलिलहं ठाणु जह जलहि

जह जुण्हह रयणि-यरु जेम्ब गयणु तारय-समूहह ।
 जह माणसु कमलिणिहिं पउम-संडु जह भमर-नियरह ॥
 तह पहु दइयत्तिण उचिउ गुरु-गुण-रयण-महीण ॥
 सव्वांसि पि नियंविणिहिं एयहं पउम-मुहोण ॥

८७२. ४. क. कमलिणिहि

८६९. क. ७. घडियाओ; ८. क. तरुणिओ. ९. क. सोहाओ,

८७१. २. क. नहयल.

[८७३]

एत्थ-अंतरि ईसि विहसेवि

खयरहिबु सच्चहं वि पुरउ ताहं तरुणीण जंपइ ।
 जह साहह मुंदरिउ काउ कत्थ मुच्चंति संपइ ॥
 जम्हा एत्थ महाडविहिं तुम्हहं जुत्तु न ठाउ ।
 ता मेल्लहुं निय-निय-भवणि चल्लह चइवि विसाउ ॥

[८७४]

ता मुएविणु दीह नीसास

जोएवि विलासवइ- कंतिवइहिं वयणाइं सायरु ।
 तरुणीउ समुल्लवहिं खयर-नाह गुण-रयण-सायरु ॥
 जइ न हवहि तुहुं अम्ह पिउ पसरिय-गुरु कारुण्णु ।
 तो पडिक्कजेयवु लहु अम्हिहिं जलणु सरण्णु ॥

[८७५]

जमिह अम्हहं हरिय-मेत्तहं वि

अ-पयट्ट-विवाहहं वि अणवलुत्त-निय-सील-मणिहिं वि ।
 इह आगय-मेत्तहं वि मय-अणंगरइ-दुक्ख-हयहं वि ॥
 गच्छंतहं निय-निय-भवणि धुवु फिट्ठइ न कलंकु ।
 अणवण-तिलउ ता तुहुं जि पर पिउ अम्हहं नीसंकु ॥

[८७६]

तयणु झल्लरि-भेरि-सारंगि-

कंसाल-ताल-तिरि- करडि-ठक्क-तंवक्क-बुक्कहिं ।
 पडु-पडह-मुसंख-वर- वंग-वेणु-मदल-हुडुक्कहिं ।
 वज्जंतिहिं तूरिहिं बहुहिं वहिरिय-मज्झ-दसासु ।
 गायंतिहिं गंधव्वइहिं पूरिय-तरुण-जणासु ॥

८७३. ३. क. नाह.

८७४. ४, क. तरुणीओ.

८७५. ५. क. अणंगरय

८७६. ९. क. जआस; ख. जणेसु.

[८७७]

सयल-महि-यल-अहि-सोदणु

गंधल्व-विमहिष वि ताड तलवि परिणेइ सल्व वि ।
 तयणंतरु सल्लि सह कुणइ धं-विह-विसय-सेव वि ॥
 जिम्ब तियसाहिवु सुह-अविणि अल्लार-नियर-सहाउ ।
 तिम्ब तहं दइयहं मल्लि ठिउ सहइ सु नहवर-राउ ॥

[८७८]

तयणु परियणु सयलु साणंदु

अभोन्नइं सुह-कमल सच्चर्वतु पुणु पुणु पयंपइ ।
 अरि पेक्खइ पेक्खइ य तुम्भि धरिवि मणु ठाणि संपइ ॥
 दिदु जु रामिण सिबिणुलउं तं फलियउं भरइस्सु ।
 एहु जु जंपइ सयलु जणु तं फुडु हुयउं अवस्सु ॥

[८७९]

अह गहेविणु ताउ तरुणीउ

पुव्वज्जिय-सुकय वसु - उल्लसंव-सविसेस-जय-सिरि ।
 सिरि-सूरतेयंगरुहु पच्चु खणिम वेयइह-गिरि-चरि ॥
 इय जु जु कु वि महियल-बल्लइ जायइ रयण-विसेसु ।
 सु सु तसु अ-प्पत्तिष्ठ वि खहु लहु संपइइ असेसु ॥

[८८०]

अज-अवसरि गिम्ह-समवमि

निय-सार-परियण-सहिउ बहि-रणवइ-पसुह-पियवसु ।
 सल्वंगु वि करिवि लहु समव-उविउ सिंगारु मिल्हसु ॥
 नंदण-वणि खणु कील्लिअ मिम्हापव-संतपु ।
 नहयर-पहु सिरि-विचल्लइ माणस-सरि संपत्तु ॥

[८८१]

जं च तरुवर-सिहर-गाय-विहय-
 कुल-कोलाहल-रविण पहिय-नियरु निरु वाहरेइ व ।
 कलहंस-सारस-सहस- कूजिएहिं फुट्टु गायए इव ॥
 आलिंणइ इव उल्लसिय- लहरि-वाहु-लइयारिं ।
 हसइ व वियसिय-मुह-सरिस- सरस कमल-मालाहिं ॥

[८८२]

भमिर-महुयर-महुर-झंकार-
 पसरेण संसइइ व नच्चइ व्व वण-लय-करगिहिं ।
 जोयइ इव मिउ-पवण- निहय-कमल-दल-नयण-भंगिहिं ॥
 पढइ व सुय-सारिस-रविण रमइ व सह मीणेहिं ।
 तुसइ इव मज्जंत-सुर- खयर-मयच्छि-थणेहिं ॥

[८८३]

अवि य पसरिय-पउर-कल्लोलु
 विरसंत-सारस-सहसु चक्कवाय-कलहंस-मुंदरु ।
 परिवियसिय-कमल-वणु भमिर-भमर झंकार-मणहरु ॥
 तिर-द्विय-तरु नियर-फल- कुसुम-भार-मुंदेरु ।
 मज्जिर-हरि-करि-हरिण-सुर- खयरिहिं कहिय-अमेरु ॥

[८८४]

तंमि जलनिहि-पत्त विन्थारि
 सिरि-माणस-सरि खयर- चक्कवट्टि चित्तगड स-हरिसु ।
 निय-अंतेउरिहिं सह मज्जमाणु मुट्टु लहइ असरिसु ॥
 अवगूढउ सामंगियए तरुणिहि कंचण-वणु ।
 नं पाउस घण-मालियए सुर गिरि-कय-लायणु ॥

[८८५]

गोत्त-खलणिण किंचि स-विलक्खु
 अणुणेइ जावेग पिय तावराए ढंढरिण नडियइ ।
 वाहुल्लइं लोयणइं परिमुसंतु इयराए धरियइ ॥
 सा वि हु तिण उप्पलिण इय उर-यलि तमु वि पडेइ ।
 हुं हुं मइं मेल्लिवि रमसि एह इय अन्नयर भणेइ ॥

[८८६]

अरिरि पिययम जाइ एहु मीणु
 इय जंपिर का वि तमु वाह धरइ उर-यलिण भीडिवि ।
 क वि सुहय किमेउ इय भणिर बलग्ग तमु अंगि धाविवि ॥
 इयरु वि निद्ध-निरिक्खणिहिं इग संभावइ जाव ।
 ईसा-उइहुं-इर-मुहिहिं बहुहिं तविज्जइ ताव ॥

[८८७]

सलिल-कीलहिं एण्हि पज्जत्तु
 अरि भाउय चल्हु जिह नियय-ठाणि गम्मइ य जंपिरु ।
 खयरहिं चित्तगइ जिह सणिउ सणिउ पच्छहु विसप्पिरु ॥
 सारिउ जूयारु व करिण कइढइ क वि तरुणीउ ।
 जा ता मु जि गंभीर-जलि लुहहिं पोढ-रमणीउ ॥

[८८८]

सलिल-कीलहं सुइरु इय ललिवि
 कुल-वालिय-सइहिं सहं लहिवि हियम-संतोमु अ-सरिमु ।
 नणु सासय-जिण धुणिवि एण्हि करहुं निय-पुण्ण-पगरिमु ॥
 इय चित्तंतउ चित्तगइ निय-परिवार-समेउ ।
 पसरिय-परिमल-महरिहइं कुसुम-फलाइं गहेउ ॥

[८९१]

तसु वि माणस-सरह सविहंमि
 जिण-सासय-चेइयहं भुवण-नाह-साहिय-विहाणिण ।
 अहिणंदण-पूयणहं हेउ गहिय सक्कारु पाणिण ॥
 सासय-जिण-मंदिरि गयउ पसरिय-गुरु-रोमंचु
 तिन्नि निसीहय पमुह दह तियगिहि विहिय-सुसंचु ॥

[८९२]

तयणु भत्तिण जणिय-सक्कारु
 काराविय-नट-विहि विहिय-पडिम मज्जन-महसवु ।
 वियसंत-मुहंवरुहु गहिवि कुसुम-भरु पसरियसवु ॥
 सव्वासि पि हु सासयहं जिण-सामिहि पडिमाहं ।
 पूय करेविणु थुइ करइ सयणहं निमुणंताहं ॥

[८९३]

भुवण-सामिय उसह-जिण-इंद
 चंदाणण चंद-सम- कित्ति-पसर-धवलिय-दियतर ।
 असरण-तिहुयण-सरण वारिसेण जय-नाह जिण-वर ॥
 परिवइदिर-नीसेस-गुण वद्धमाण जिण-नाह ।
 नियरमु पसिउण मज्झ सिरि का वि हु विगवाक्कह ॥

[८९४]

इय थुणेविणु भुवण-दिणइंद
 ते सासय जिण-वसह हरिस-फुरिय-वियसंत-लोयणु ।
 उचियासणि उवविसिवि कुणइ पंच नवकार-सुमरणु ॥
 तयणंतरु जिण-मंदिरह पुरउ असोय-तरुसु ।
 तलि उवविसिवि निवइ कुणइ सुद्धि स-परिवारसु ॥

ccc. Between stanzas 888 and 891 there is a lacuna of two stanzas in k. and ख.

[८९५]

एत्थ-अंतरि सोय-विहुरेण

बाहुल्ल-लोयण-जुइण फुरिय-गरुय-संताव-पसरिण ।
 विण्णत्तउ चित्तगइ चक्कवट्ठि एगेण खयरिण ॥
 जह पद्दु जो तुह सेव-करु मणिण वि अविट्ठिय-कूडु ।
 आसि पसिद्धउ खयर-वइ अभिहाणिण मणिचूडु ॥

[८९६]

दइय-संगह चंचलत्तेण

अ-थिरत्तिण जोव्वणह सिरिहि सरय-यण-संनिहत्तिण ।
 दुड्ढियत्तिण परियणह निगह सल्लि-लव-चवल-गत्तिण ॥
 अग्रडिय-ग्रडण-सरूवयह सुग्रडण-विग्रडणयस्सु ।
 विट्ठिहि निओइण सो हुयउ अतिहि कयंत घरस्सु ॥

[८९७]

संति तस्स पुणु खर-ससि-नाम

दो नंदण अ-सुय-गुरु- जगय-वयण सु-विवेय-वज्जिय ।
 अह मह-मिगयाए पिउ- रज्ज-गहण-मण जुज्झ-सज्जिय ॥
 सन्नाहिय-निय-निय-कडय रण-रंगमि पविट्ठ ।
 चिट्ठिहि एत्तो च्चिय सविहि मइ एण्हि चिय दिट्ठ ॥

[८९८]

तयणु धिसि धिसि विसय-लुद्धाहं

जीवाहं वि चिट्ठियइं हइय हइय इय कम्म-परिणइ ।
 तक्खणि वि जं पिउ-मरणि हुय ताह एरिसय दुम्मइ ॥
 इय चित्तंतउ चित्तगइ निष्ठुणिवि तहं वुत्तंतु ।
 तस्सु ठागइ दु वि बाहरइ अप्पुणु पुरउ तुरंतु ॥

[८९९]

ता वि भइउण रज्जु विथरेवि

तहं दोण्ड वि नहयरहं कमिण देइ अणुसट्ठि बहु-बिह ।
 नणु जीविउ अथिरु तह पत्त केण सह रज्ज-सिरि इह ॥
 इय चितिवि निय-निय-गिहिहि पण्डुहय-मण चिट्ठेह ।
 किण किण पुरिसिण पंच-दिण पण्हि न महि घट्ठेह ॥

[९००]

खयर-पहु अह गयउ स-ट्ठाणि

ससि-सूर वि दो वि गय निय-निण्णु ठाणेसु उट्ठिवि ।
 परमंतर-ट्ठ-पहु गिहिवि गय य न मेलहिं दिट्ठि वि ॥
 विहिहि वसेण उ इयर-दिणि इग-रज्ज-ट्ठिय दो वि ।
 तिव जुज्झिवि मय जेम्ब तहं सार वि करइ न को वि ॥

[९०१]

धणु विलुत्तउं सयलु पुणु ताहं

पर-पक्खिय-नरवइहिं तयणु चित्तगइ एहु वइयर ।
 निमुणेविणु झत्ति भव-भाव-विमुह हुय हियय-गोयर ॥
 चित्तइ-धिसि धिसि भुवण-गिउ-मोह-निहय-हिययाहं ।
 चरियं सुयण दुहावइहं भव-निवडंत-जियाहं ॥

[९०२]

केण सह गय रज्ज-सिरि एह

सह केण समागय व कमु व भवणि जा-जीवु थिरिहुय ।
 जसु कज्जिण कुणहिं नर पाव-किरिय अ-विवेय-संभुय ॥
 वंचहिं पहु निहणहिं जणउ आणहिं कुलह कलंकु ।
 चिणहिं पावु अविहिण मरहिं भमहिं भवंमि अ-संकु ॥

[९०३]

चयहिं के वि हु कमिण पत्ता वि
 रज्ज-स्सरि तिण-लहु व के-वि परहं संतिय वि पत्थई ।
 अ-लहंतय भव-गहणि भमहिं सहहिं बहु-विहई दुत्थई ॥
 छद्ध वि अ-सइ महेल इव परिकीलइ इयरंमि ।
 इय घड-दासि-सरिच्छियहिं रमइ कु रज्ज-सिरिम्मि ॥

[९०४]

माण-धणु नरु वयण-पेत्ते वि
 निय-दइयइ पर-पुरिसि भीम-भिउडि ईसाइ तक्खणि ।
 एसा उण रज्ज-सिरि नर-सहस्स-सेविय नि-लक्खणि ॥
 रयणायरु वि परिच्चइवि लोह-ट्टाणि वसेइ ।
 इय कु स-कण्णु अणत्थ-यर मणिण वि एहहि लसेइ ॥

[९०५]

इय विचित्तिवि सुइरु खयरिंदु
 संसार-विरत्त-मण- पसरु रयणवइ-देवि-नंदणु ।
 नीसेस-कला-निलउ सयल-सयण-सुहि-हियय-रंजणु ॥
 संपाविय-तारुण-भरु गुरु-गुण-गण-मणि-धाम्मु ।
 ठवियउ गरुयर-चित्थरिण रज्जि पुरंदर-नाम्मु ॥

[९०६]

तयणु विरइवि गरुय-सक्कारु
 जिण-सासन-चेइयहं वसुह-वलइ सयलहं वि भत्तिण ।
 संमाणु करेवि सह सयल-समण-संगह स-सत्तिण ॥
 अणुजाणाविवि सुहि-सयण परियणु संभासेवि ।
 निम्मल्लु निय-जस-पसरुजमि सयलंमि वि पयडेवि ॥

[९०७]

तेहिं मणगइ-चवलगइ-नाम-

निय-वंधुहिं परियरिउ सठिउ रयणवइ पट्टदेविहिं ।
 इयरेहि वि बहु-विहिहिं खयर-राय-सामंत-सचिविहिं ॥
 परिवारिउ गरुयर-सिरिण बहु-गुण-मणि-भूरीण ।
 सिरि-दमवर-अभिहाणयहं पत्तु पुरउ सूरीण ॥

[९०८]

अह जिणिदह भणिय-नीईण

वंदेविणु मुणि-वरह पाय-पउम रोमंच-अंविउ ।
 उचियासणि उवचिसइ पाणि पुडउ भाल-यलि मंठिउ ॥
 तयणु मुणिदिण धम्म-कह भव-निवेय-पटाण ।
 पारदिय तहं चित्तगउ- खयरहिउ-पमुहाण ॥

[९०९]

ता विसेसिण जाय भव-विरइ

खयरहिउ चित्तगइ भणइ पुरउ मुणिवरहं पायहं ।
 जह वियरसु चरणु मह तह द्रुवेणमवि मज्झ भायहं ॥
 नित्थारसु एए वि मह पिययम-सुहि-सयणोह ।
 चरण-रयण-वियरणिण पट्ट पयडिय-सिउ-सुह-वोह ॥

[९१०]

अहह सुंदर जुत्तु जुत्तु ति

मा कुणसु विलंबु इय भणिवि नेण मुणि-वरिण तक्खणि ।
 चारित्तु विइणु तहं तयणु चित्तगइ मुणि वियक्खणु ॥
 आराहइ गुरु-पय-पउम चरण-करण सेवेइ ।
 अवगाहइ सुय-रयण-निहि मणि भावण भावेइ ॥

[९११]

किं व बहुङ्ग वयण-वित्थरिण

नीसेस वि समण-जण- उचिय-किरिय चिरु कालु पालिवि ।
 पुव्वज्जिउ सुह-मणिण पाव-कम्मु लहु निरुवलेविवि ॥
 पज्जंति य कय-सयल-विहि आउ-कम्म-अवसाणि ।
 उप्पन्नउ माहिंद-सुर- मंदिरि पवर-विमाणि ॥

[९१२]

तियस-भाविण इंद सम-रिद्धि

कम-जोगिण कय-मुकय रयणवइ वि ति वि दो वि वंधव ।
 उप्पन्न तियसत्तणिण धणिउ भमर-हिय-सुरद्धि गंध व ॥
 तयणु ति तत्थ वि पुव्व-भव- संचिय-दह-पडिवंध ।
 चिद्धहिं परिकीलिर सुइरु अकय-विओय-निबंध ॥

॥छ॥ इति श्रीश्रीचंद्रसूरि-कम-कमल-भसल-श्रीहरिभद्र-सूरि-
 विरचित-श्रीनेमिनाथचरिते श्रीमन्नेमिजिनराजिमत्यो-
 श्रित्रगति-रत्नवती-वक्तव्यनानुगतो द्वितीयो मनुज-
 भवः सुरभवः चतुर्थः समाप्त इति ॥

[९१३]

तियस-गिरिवर-दिसिहिं पच्छिमहं

जिण-केवलि-पय-पउम रयण-मुहय-सुमहाविदेहह ।
 तिलयम्मि सुपम्ह इय नामि विजइ चुज्ज-यरि भुवणह ॥
 सिहरि व पसरिय-गय-कलहु विणहु व सिरिहिं समिद्धु ।
 आसि नयरु इंदउर-समु सीहउरु ति पसिद्धु ॥

[९१४]

चंद-सेहरु जो अम्वली वि

मय-रहिउ वि अ-जल-निहि परमहेल-मुहउ वि मु सीलउ ।
 हय-दोमु वि सिसिर-करु दार-विणु वि स-कलत्त-लीलउ ॥
 सुत्तालंकारो वि कय- सव्वंगिय-सिंगारु ।
 हरिनंदि ति नरिंदु तहिं आसि वसुंवर-सारु ॥

[९१५]

चित्त-मंगल वि बुह-कइ-जेट्ठ

सवणाविह सोम-गुण मित्त-मुहय सु-विसाह-इत्थिय ।
 सु-स्सवण सु-तार-वर- कित्ति गयण-लच्छि व पसत्थिय ॥
 दइय आसि तमु नरवइहि गुरु-गुण-रयण-निहाण ।
 जय-समहिंय-सिंगार-धर पियदंसण-अभिहाण ॥

[९१६]

तेसि असरिस-विसय-मुह-सित्त-

सव्वंगह चंग-चउ रंग-सेन्न-साहिय-विक्खखं ।
 दोगुंदुग-तियसहं व जाइ कालु पसरंत-मुक्खहं ॥
 अन्नम्मि उ अवसरि निसिहिं मुह-सयणम्मि पमुत्त ।
 सिविणंतरि नरवइ-दइय निरुवम-मुह-संजुत्त ॥

९१३. ५. क. परि.

९१४. २. क. मयरहउ. ४ क. विरिह. ५. क. दारु.

९१६. ९. क. संजुत्त.

[९१७]

दलिवि पर-वलु तुरय गंजेवि
 भंजेविणु करडि-घड हणिवि सुहड रह-रयण विहडिनि ।
 परिगेणिवि घन्थु-सिरि कित्ति-कंत दह-दिहि भमाडिनि ॥
 वियसिय-लोयण-कमल-दलु पुलइय-अंगोवंगु ।
 नियइ पुरिसु इगु सुर-सरिसु समहिदिय-उच्छंगु ॥

[९१८]

तयणु उट्टिवि विहिय-कर-कोसु
 पियदंसण निय-पियह पुरउ होउ निय-सिविणु स-हरिसु ।
 परिसाहइ निविण अह पयडिऊण संतोस-पगरिसु ॥
 भणिउ-देवि तुह सुय-रयणु कु-वि रिउ-कुल-सिर-सलु ।
 होसइ वसुह-सिरो-रयणु विमल-गुणावलि-मूलु ॥

[९१९]

सिविण-दंसण-समय-सम-कालु
 पुणु देविहि चित्तगइ सुरु महिंद-समाह चवेविणु ।
 अवइणुउ तणु-कमलि सुइर-विहिय-सुकयाणि लेविणु ॥
 ता स-विसेसिण तुह-मण दो वि ति निय-देवीउ ।
 चिट्ठहि धम्मिय-कम्म-कह-कहण-निवद्ध-रईउ ॥

[९२०]

अह पहाउय-तूर-निग्वोस
 पडिवोहिउ धरणिवइ विहिय-गोस-कायव्व-वित्थरु ।
 अत्थाण-मंडवि कमिण उवविसेवि गुरु-हरिस-मुंदरु ॥
 सुविण-वियाणय पुरिस तहि सदावइ तूरंतु ।
 ति वि उच्चियासणि उवविसहि स-हलहत्य आमंतु ॥

[९२१]

अह नराहिवु देवि-सच्चवित्तु

उवसाहइ तहं सिविणु ते वि सिविण-सच्चत्थु चित्तिवि ।
 उवसाहहिं सु ज्जि पर निवु वइदट्ठ सुविणत्थु मंतिवि ॥
 तयणु पट्ठिट्ठिण नरवरिण ते सक्कारिय संत ।
 निय-निय-ठाणि पट्ठत्त गुरु हरिस-भरिण रेहंत ॥

[९२२]

ता नरिदिण कहिय-वुत्तंत

पियदंसण गुरु-हरिस रोमराइ-रेहंत-अंगिय ।
 परिवाळइ गच्छु सविसेस-फुरिय-तणु-कंति-वंगिय ॥
 कम-जोगेण यससि-जुयळ-विमळ-कवोळ-मऊह ।
 नं निय-जस-कप्पूर-रय-परिवसर मुह-सोह ॥

[९२३]

वयणि पसरहि वडल-जिंभाउ

उयर-ट्ठिय-सुय-रयण दंसणत्थु नं विहि त्रियासिय ।
 सिट्ठिलायहिं अंग पय नं विण्ण लज्जावयासिय ॥
 उयर-नियं-व-त्थल वयहिं वुड्ढिहिं अणु-दियडं पि ।
 इय ईसाइय इव ति-वलि एग पत्त विलयं पि ॥

[९२४]

जच्च-कंचण-कलस-सरिसा वि

हुय फालिह-कुंभ-सम नं सु-पुत्त-मुह-अमय-धवलिय ।
 वर-वारण-कुंभ-थिर-थोर-तुंगतर-सिद्धिण-जुयलिय ॥
 ता स निरंतरु परिहरइ दूरिण गव्वायामु ।
 धम्मिय-कम्म-विसेसं वि निरु वियरइ अवयामु ॥

९२१. ३. क. सच्चत्थु ९. क. तरिण

९२३. ४. क. विवायहिं.

[९२५]

गन्ध-जोगिण धरणि-वलयम्मि
 सव्वत्थ वि अक्खलिय- कित्ति-पसरु दिप्पंत-पोरिस्सु ।
 हरिनंदि-धरणिप्पहु वि हुयउ तम्मि समयम्मि असरिस्सु ॥
 अह सु विचित्तइ - नणु जु मह होसइ गुण-मणि-धाम्म ।
 नंदणु वियरेयवु मइ तस्सु अवराजिय-नाम्म ॥

[९२६]

इय विचित्तिरु कुणइ नरनाहु
 पियदंसण-दोहलय- पूरणाइ-कायव्व-वित्थरु ।
 देवी वि अ-विग्घ निय- सुकय-वसिण संपत्त-अवसरु ॥
 पुव्व-दिसि व्व दिणाहिबइ वित्थरंत-गुरु-तेउ ।
 उप्पायइ नंदण-रयणु सयल-धरह सिरि-हेउ ॥

[९२७]

अह पियंवय-नाम निव-दासि
 गुरु-हरिस-लहसिय-निय- उत्तरीय-वावडय-करयल ।
 परिकंपिर-थोर-थण- वेग-गलिय-निय-सणय-अंचल ॥
 गरुयाणंदिण परिखलिर- अक्खर-वयण-निवेस ।
 पुरउ गंतु वसुहाहिबइ सिर-विरइय-कर-कोस ॥

[९२८]

भणइ जह - पहु पढम-दियहे वि
 सव्वंग-समुत्तलसिय- तेय-पसर-परिविजिय-तरणिण ।
 निय-वंस-मुत्तामणिण सु-प्पसत्थ-लक्खण-निहाणिण ॥
 अहुणुप्पन्निण धरणि-यल- जण-आणंद-यरेण ।
 वद्धाविज्जसि देव तुहं निय-नंदण-रयणेण ॥

तओ य-

[१२९]

कल्प-विडवि व अमय-संसितु

सरयागम-जणिय-गुरु- तेय-पसरु छण-रयणि-रमणु व ।
ससि-उदइण लहरि-भर- विहिय-सोहु रयणायरो विव ॥
तणय-रयण-जम्मिण मुणिरु कय-किच्चउं अप्पाणु ।
देइ पियंवय-दासियहि सत्त-वेणि पिइ-दाणु ॥

[१३०]

तयणु सज्जण-जणिय-संतोसु

आणंदिय-भिच्चयणु नयर-नारि-नर-नियर-रंजणु ।
आराहिय-देव-गुरु- पाय-पउम्मु पडिक्ख-गंजणु ॥
उवरोहिय-नर-कारविय- संति-विहिण विहवेण ।
काराविउ वद्धावणउं सयलहं महिहिं निवेण ॥

[१३१]

अह अणुक्कमु कीरमाणेहिं

सयलेहिं वि पढम-सुय- रयण-जम्म-उचिएहिं कम्मिहिं ।
संपत्ति एक्कारसमि दियहि समणु मुहि-सयण-सम्मिहिं ॥
अवराजिय इय विस्सुयउं अणुमुमरिय-सिविणेहिं ।
नामु विइणु महा-महिण सुयह जणणि-जणगेहिं ॥

[१३२]

तयणु पण्डुइय सयल-धरणि-यल-

मुहि-सज्जण भिच्चयण कुमर-रयण-अभिहाणु निमुणिवि ।
अवल्लोइवि रूव-वर- लक्खणइहु पुलइयउ पिमुणु वि ॥
अवराजिय-कुमरो वि जह- भणिय-गुणोलि-सहीहिं ।
लालिज्जंतउ उत्तिमहिं पंचहिं कुल-भाईहिं ॥

#[९३३]

सिहरि-कंदरि कप्प-विडविच्च

सिय-पक्खि कुमुदणि-पहु व अहरिणावि विगिण विवज्जिउ ।

मुहि-सयण-मणोरहिहिं समगु विमल-गुण-रयण-सज्जिउ ॥

दिट्ठउ पणयहं छियरु (?) [लच्छियरु] तम-पब्भारु हरंतु ।

xx

xx

xx

xx ॥

[९३४]

xx

xx

xx

xx विहिं निलीणउ ।

पउमासणु जस्सु गुण- गहस-मणु व हुउ कउर-वयणउ ॥

जसु तणु-रुवु निरिक्खिउ व सहस-नयणु तियसिहु ।

हुउ जसु गुण-जंण-मणु व सहस-जीहु नागिहु ॥

[९३५]

जस्सु जोल्लण-भर-कुटारेण

सव्वंगु वि ताडिय उ अवल हूय कामिणि वराइय ।

जसु विक्कम-निज्जिय व हरि-किसोर काणणि भमाडिय ॥

जसु गंभीरिम-अहरिउ व जलहि जडु पवन्नु ।

तसु तरुणत्तणि धरणि-मल-तिलयह तुलइ कु अन्नु ॥

[९३६]

इय समग्गहं गुणह आहारु

परियाणिवि कुमर-वरु तुट्ठ-मणिण मेइणि-मयंकिण ।

जुव-रज्जि निवेसियउ सु-प्पसत्थि वासरि अ-संकिण ॥

अह अवराजिय-जुव-निवइ पसरिय-मुक्कय-सहावु ।

पायडिहूयउ महि-वलइ दुमुणिय-नियय-वयावु ॥

* The first line of the इहा of 933 is partly readable, but the last line of 933 and the first three lines of 934 are blurred and illegible in क. Except the final इहा of 934, the portion blurred in क is not found at all in म. Thus the text of the portion from 933 to 937 is mostly blurred and illegible in क.

[९३७]

तयणु पमुइय सुयण नीसेस
 सुहडा वि कय-किच्च हुय बुह कयत्थु मझहि स-जीविउ ।
 पडिवक्खिय उत्तसिय सयण वसहिं महियल्लु सुहाविउ ॥
 वग्गहिं मागह जियहिं नड विलसहिं वेस स-तोस ।
 रिउ-तरुणि वि गायहिं तसु जि गुण-गणु ववगय-रोस ॥

[९३८]

जम्मि चलयइ चारु-चउरंग-
 वल-पूरिय-धरणियलि त्रिहिय-अंग-सिंगार-मणहरि ।
 मयणाउर-हियय लहु कुणइ सयल-पुर-पवर-मुंदरि ॥
 मंडणु भाल-यलहं तणउं का-वि कवोल-पएसि ।
 क-वि कुंडलु कझह करिण गेण्हइ चलणह रेसि ॥

[९३९]

खिवइ नेउरु का-वि सवणम्मि
 क-वि हारु कवरिहिं भँवइ का-वि देइ अंजणु उर-त्थलि ।
 क-वि नियसणु पावरिवि उत्तरीउ परिहइ स-भिंभलि ॥
 क-वि अंवोढउ भाल-यलि विणिवेसेइ विसालु ।
 क-वि कूवह तडि घडुमुइवि मज्झि निवोलइ वालु ॥

[९४०]

का-वि कामिणि तणय-बुद्धीए
 मज्जारु कडि-यडि करिवि समुह एंत भुवणु वि हसावइ ।
 क-वि कुमर-मुहंवरुहु निरु नियंत अणुराउ दावइ ॥
 जिंभायइ क-वि का-वि पुणु छोडइ केस-कळावु ।
 मोडइ अंगई का-वि क-वि पयडइ महुरालावु ॥

[९४१]

अवि य-

हृद-कुट्टिम-विवणि-पासाय-

वायायण-तल-मिलिय राय-विहुर कुल-विलय जंपहिं ।
 हलि पेक्खहु पेक्खहु-न एहि अंगु किमलीउ कंपहिं ॥
 आवइ आइउ जाइ गउ इहु इहु इहु एहु त्ति ।
 तरुणी-पण-मण-बल्लहउ अवराजिय-कुमरु त्ति ॥

[९४२]

इयर पभणइ-तुह पसाएण

मइं दिट्ठउ भइणि इहु विजिय-कुसुम-कम्पुय-मडप्फरु ।
 परिवण्णउं तमु जि पर- सुंदरीए सोहमा-वित्थरु ॥
 जा एरिसि वच्छयलि गुरु- नयर-पउलि-विसालि ।
 विवरिय-रय-परिसंत-त्तणु खणु वीसमइ पियालि ॥

[९४३]

ईसि विहसिवि भणइ अह अन्न

जइ पिय-सहि एहु तुह मेलावमि ता किं पयच्छहि ।
 अह कर-यल-ताल-रव- पुव्वु भणइ सवि तुहुं ज मग्गहि ॥
 इय तुहुं कहमवि एहु महा- सोहगिउ संपाडि ।
 परमम्हं कह एरिसइं सहि लक्खणइं निलाडि ॥

[९४४]

इय समुज्झिय-निय-निय-सेस-

वावारइं सयलहं वि तिक्क-राय-विहुरिय-सरीरइं ।
 पुर-तरुणिहिं विविह-मण- वयण-काय-गय-किरिय-पसरइं ॥
 पेक्खंतउ परिचेट्ठियइं विम्भिय-मण-वावार ।
 विविह-विणोइहिं ललइ पुरि सिरि-हरिनंदि-कुमारु ॥

[९४५]

तसु जि कुमरह आसि सह-जाउ

सह-पंसु-कीलियउ सह-गहीय-निम्मल-कळालउ ।
 सम-संचिय-कित्ति-भरु समुवलद-गुण-मणि-विसालउ ॥
 सम-तणु सम-मणु सम-किरिउ सरिस-सील-सन्माउ ।
 मइधण-मंतिहि अंगरुहु विमलबोहु सुहि जाउ ॥

[९४६]

इयर-वासरि अहिणवुवलदि

निरु निरुवम-रुव-गुणि तुरय-रयण-जुयलम्मि दोणि वि ।
 आरुहिउण विहि-वसिण सेसु सयलु वलु समवगणिवि ॥
 जा संचलित्तय कित्तिउ वि पहु ता बुहि वि इएहि ।
 अवहरिऊण महाडइहि निष-विवरिय-सिक्खेहि ॥

[९४७]

अह पढ-स्सम-स्सिन्न-देहेहि

दोहि पि तुरंगमिहि परिविमुक्क-निय-जीवियासिहि ।
 संपत्तइ सिर-उवरि रविहि तेय-पूरिय-दसासिहि ॥
 कुमरु तुरंगह उत्तरिवि निय-मिप्पिण वि समेउ ।
 निविसिवि सहसासह तरुहु छायहं निय-कुल-केउ ॥

[९४८]

लहु वि अ-विहिय-हियस-संतावु

रयणायर-गहिर-मणु तियस-सिहरि-सिहरोक्कि-अविक्कु ।
 निय-मित्तु समुदिसिवि भणइ — वयणु मह सुण्णसु निक्खलु ॥
 पुरिसु जु कोऊल-कलिय सयल वसुंधर पढ ।
 न नियइ नूण सु लहु अवड-तड-मंडुक्कु सुणेह ॥

[९४९]

अवि व मं गुणइ लीय-आवाकं

न वियाणइ कञ्ज-विहि वैस-हास परिहरइ दंरिण ।
 हीलिज्जइ दुज्जणिहिं धुत्त-सण्हि वंचियइ अइरिण ॥
 तइ स-ट्ठाणि निविट्ठ मिण- मसग-कागं-काउरिस ।
 मरहिं अ-पाविय-स-जिय-फल न उण एव सण्णुरिस ॥

[९५०]

तावहारु वि अइह अणुकुल

इहु हूयउ इहरइ उ निविट्ठ-नेह न वि जणय-जणणिय ।
 अणुमन्नहिं कह-वि इय इच्छ-माणि परियडहुं घरणिय ॥
 अणुण्णायहं सु-पुरिसहं पुणु जणणी-जणणहिं ।
 न गुणावडउ वि एस गमु मणियउ नय-निउणेहिं ॥

[९५१]

तयणु पसरिय-हरिस-रोमंउ

भणियव्व-वियक्खणउ विमलवोहु पभणइ - महा-यस ।
 गुण-दोस वि सयल तइं कहिय सम्मु सु-विवेय-माणस ॥
 ता सच्चत्थ वि नर-रयण तुब्भि जि मज्झ पमाण ।
 इय अकमह समग्ग अर रयणायर-अवसाण ॥

[९५२]

इय परंपिर गल्लि-परिखेय

खणु एगु अइक्कमिवि चलिय कलिय-निम्मल-विवेइण ।
 गच्छंत य पत्त पुर- विवणि कइ-वि स-क्खणुइविण्ण ॥
 तत्थ य पउम-सरोवरइ एगइ तीरि पडिइ ।
 आळोडिय-सरवर-सलिल चिट्ठहिं जाव निविट्ठ ॥

[९५३]

ताव दिसि दिसि नयण निक्खिविरु

परिकंपिर-कर-चरण वयण-कुहर-विणिवेसियंगुलि ।
 पट्टु रक्खहु पसिय मइं तुम्ह पुरउ एह वद्ध अंजलि ॥
 इय विलविरु दूरह पहह नियय-कम्म-आइदट्टु ।
 धाविप्पिणु नरु एगु तसु कुमरह सरणि पविदट्टु ॥

[९५४]

अह पयंपइ कुमरु - अरि भइ

मा भाहि कयंतह वि वेल मज्झ धुवु तुज्झ संतिय ।
 एत्थंतरि धुणिय-सिरु विमलवोहु पमणइ-असंतिय ॥
 मा करि कुमर पइण्ण इह ज न नज्जइ कु-वि एहु ।
 कत्तु वि कह वि समागयउ नयहं कु-नयहं व गेहु ॥

[९५५]

ईसि विहसिवि कुमरु वज्जरइ

मा जंपसु मित्त एहु जं सयं पि नयवंत रक्खिय ।
 सरणम्मि उ सु-पुरिसहं विसहिं ते उज्ज जे कु-नय-दुक्खिय ॥
 इय दुहियहं सरणागयहं विहलिय-माण-धणाहं ।
 कज्जि जि न तुलहिं नित्तुलउं ते गणि मज्झि मुयाहं ॥

[९५६]

इय भणंतहं तेसि तिण्हं पि

उक्खाय-खग्गुग्ग-कर भीम-भीउडि-भासुर-निडालय ।
 परिधाविर सेस-नर अरुण-नेत्त नं अंत-कालय ॥
 अरि अरि हण हण गहि-न गहि केसिहिं इय जंपंत ।
 सिरि-कोसल-पुर-नरइहि बहु-विह मुहड पट्टुत्त ॥

[९५७]

अह कुमारिण भणिउ - नणु जेम्ब

चविज्जहिं चणय जणि तिम्व न किण वि चव्वियहिं मिरियई ।
 जिम्ब चेप्पहिं सुणय करि तिम्व न पंचवयणहं वि पोयई ॥
 जिम्ब कलियइ कंदुगु करिण तिम्व न कणय-गिरि-नाहु ।
 जेम्ब तरिज्जइ गाम-सरु तिम्व न सु-जलहि-पवाहु ॥

[९५८]

जिम्ब विहीसिय विविह एरिसय

पयडेविणु इयर-जणु भेसाविवि तुम्भेहिं चेप्पइ ।
 तिम्व अम्ह सरणावडिउ मुहिण एहु निय-करि न खिप्पइ ॥
 ता उम्भिवि एय-माहण- मणु माणु वि घरि जाउ ।
 मा उण सीह-किसोर-मुहु धरिसिवि करिह विसाउ ॥

[९५९]

अह पयंपहिं किंचि सासंक

आरक्खिय-मुहड - नणु राय-उत्त किं तुम्भ खेइण ।
 जं अम्हं सयल-पुर- घरइं मुसिय पावेण एइण ॥
 इय दुन्नय-सय-करण-रुइ एहु समप्पसु एण्हि ।
 नूण पराइय एह कलि मुहिइण मुहड म गेण्हि ॥

[९६०]

तयणु मुर-गिरि-सिहर-थिरु कुमरु

विहसेवि समुल्लवइ अहह तुम्ह विण्णाण-पगरिसु ।
 जं दुन्नय-परु जि पर- सरणु लेइ नरु विसमि एरिसु ॥
 चेप्पइ कलि वि पराइय जि मुहिइण न उ मुल्लेण ।
 इय जुत्ति-क्खसु निच्छिउण निय-मइ-कोसल्लेण ॥

[९६१]

कुणह किं पुण मरिह सखे वि

इहु मग्गिर मह पुरउ हदिण नूण ता वय्ह निय-परि ।
 ढक्केविणु कन्न एहु रक्खियव्वु तक्करु वि मई परि ॥
 जं निय-कज्ज-परम्मुह वि सम्मुह पर-कज्जम्मि ।
 होति सहाविण सप्पुरिस निय-वलि निरवज्जम्मि ॥

[९६२]

इय पयंपिरु कुमरु साडोवु

आरक्खिय-माणविहिं गहिय-असिहिं चउ-दिसिहिं वेढिउ ।
 ता विरुइण पमु-गणु वं रिउ-समूहु तक्खणि विहंडिउ ॥
 एगेण वि कुमरेण कर- कय-तरवारि-लएण ।
 तयणु सु कोसल-पुर-निविण निमुणिय-वुत्तंतेण ॥

[९६३]

फुरिय-कोविण विविह-करि-तुरय-

रह-सुहडाइण-धर- विवरु पउरु निय-सेन्नु पेसिउ ।
 खण-मेत्तिण तं पि तिण करि-यड व्व सीहिण पणासिउ ॥
 तयणु नराहिवु मागहिण एगयरिण विण्णत्तु ।
 जह पहु को वि अउव्वु भड्ड नयरज्जाणि पहुत्तु ॥

[९६४]

एण्हि एगह पुरिस-मेत्तस्सु

सरणम्मि समागयह कज्जि गरुय-पसरंत-मच्छरु ।
 आभिट्ठइ गय-यडहं हणइ सुहड विहडेइ रह-भरु ॥
 फोडइ उरइं तुरंगमहं माणु मलइ रहियाहं ।
 एगो च्चिय सय-सहस-गुणु दीसइ मज्झि भडाहं ॥

[९६५]

इय मुरारि ब जलहि-लीलाए

आलोडइ स-भुय-वल- वसिण सयल पडिवक्खु अइरिण ।
 ता अप्पह रक्ख करि देव एहि पज्जनु चोरिण ॥
 इय निमुणेवि नराहिबइ बंदिहि वयणु अउवु ।
 परिचितइ धिसि धिसि पडिउ इमिण किमेरिमु कवु ॥

[९६६]

एत्थ-अंतरि वि मय-गाय-कलह

परिगलिय-पक्खर-तुरय हय-मरट्ट भड भग-संदण ।
 समुवागय नरवइहि पयहं पुरउ हुय-माण-खंडण ॥
 ता निव-पवरिहि भणिउ - तिण नर-रयणेण अ-संकु ।
 लीलइं दलिय-मडप्परहं अइइं कयउ कलंकु ॥

[९६७]

ता विसेसिण फुरिय-गुरु-रोमु

वमुहाहिवु तक्खणिण पउर-चारु-चउरंग-सेन्निण ।
 आऊरिय-धर-वित्रु चलिउ तयणु हरिनेदि-तणइण ॥
 अइह नियच्छइ पेच्छणउं मह आवडिउ मुहाए ।
 इय चितिवि धवलेवि धर-वलउ स-कित्ति-मुहाए ॥

[९६८]

दइ पर-वलु अ-मिय-पसरंत-

भय वेविर-तणु-लइउ विमलवोडु एगम्मि ठाविवि ।
 निय-कर-यलि धरिवि करबल-लइय स-पयावु दाविवि ॥
 जुज्झंतिण तिण बहु-चिहिहि निहणिष-आरोहस्सु ।
 करण-विसेसिण आरुहिवि करिहि खंधि एगस्सु ॥

[९६९]

जा मुकोसल-निवह स-बलस्सु

सविहम्मि समागयह असिण दळिउ बहु-बलु खणद्धिण ।
 ता सचिविण विमलमइ- नामगेण परिकलिय-तत्तिण ॥
 भणिउ मुकोसल-नरवइहि सवण-पएसि हवेउ ।
 जह - पहु सिरि-हरिनंदि-बमुहाहिराय-कुल-केउ ॥

[९७०]

तुम्ह कज्जिण गइण सीहउरि

हरिनंदि-निवइहि पुरउ मइं कुमारु एहु बहु-निरिक्खिउ ।
 अवराजिय-नाम-फुहु सयल-कलहं गोयरि सु-सिक्खिउ ॥
 तयणु स्वणद्धिण नर-वरिण हुय-पच्छुत्तावेण ।
 आण फिराविय सयलि वलि नियय-पवर-पुरिसेण ॥

[९७१]

अह कुमारह हत्थि निय-करिण

संजोइवि साणुणउ कुमार-रयणु उच्छंगि घेप्पिणु ।
 संलत्तु नराहिविण जह - अ-कज्जु केरिमु करिप्पिणु ॥
 धिसि धिसि अ-जसु विहत्तु मइं चंद-महीयल जाम्ब ।
 जं हरिनंदि-नराहिवइ बंधु-सरिमु एगु ताम्ब ॥

[९७२]

अन्नु तसु कुल-गयण-हरिणंजु

नीसेस-कला-निलउ असम-विरिय-परिविजिय-पर-बलु ।
 ससि-निम्मल-गुण-रयण- सरिय-रमणु असरण-वच्छलु ॥
 एगागि च्चिय विहि-वसिण पत्तउ स-पुरुज्जाणि ।
 तुहुं तसु मइं पडिवत्ति कय एह एरिसय-नियाणि ॥

९६९. ७. क. हवेउ.

९७०. १. क. गयण; ख. इगण.

[९७३]

इय पुणु-पुणु निवु विस्तरंतु

बाहुल्ल-लोयण-जुयल्ल पिक्खिऊण तिण कुमर-रयणिण ।
 सिरि विरइय-करयलिण विणय-पुव्वु पप्फुल्ल-वयणिण ॥
 भणिउ - कु तुम्हं दोसु इह अ-मुणिय-परमत्थाहं ।
 फुडु अवरद्धउं महिं जि एहु तुम्ह महासत्ताहं ॥

[९७४]

जं सुणंतिण दोस-यारि सि

सो तक्करु परिगहिवि तुम्ह कु-नय-उद्धरण-धीरहं ।
 निय-पिउहु सरिच्छहं वि मइ वरद्धु वसुहेक्क-वीरहं ॥
 तं निय-नंदण-समह महु पसिउण खमह समग्गु ।
 हुइ दुविया उ दुमाय नउ इय सुम्मइ जण-मग्गु ॥

[९७५]

एत्थ-अंतरि कुमर-रयणस्सु

वयणेण रंजिउ निवइ सुहड धुणहिं भुय-दंड-चड्डिम ।
 परिकित्तिहिं विउस गुण सुयण-वग्ग वण्णंति चड्डिम ॥
 चाउ पसंसहिं बंदि-यण तरुणि रूवु सल्लहंति ।
 निव सवि वाइ-पहाण जण-वालिय सो जिज वरंति ॥

[९७६]

अह नरिंदह वयणु आसज्ज

परिमोइय-तक्करिण सचिव-सुइण सह विमलवोहिण ।
 निव-कारिय-वित्थरिण विहिय-सयल-परमग्ग-सोहिण ॥
 जयकुंजर-खंधर-गायउ मागह-गण-गिज्जंतु ।
 नयरि पविट्ठु कुमारुजय-लोइण सल्लहिज्जंतु ॥

[१७७]

तयणु नरवइ-विहिय-सक्कार

वियराविय-भवलहर पदम-दियहु अइगमहिं ते दु-बि ।
 वीयम्मि उ दियहि दिण- उदइ निवइ-सचिविंदु आविवि ॥
 भणइ- महा-यस नर-वरिण पहियउ हउं तुह पासि ।
 तयणु पयंपइ कुमरु- सचिवाहिव कज्जु पयासि ॥

[१७८]

किमिह किंचि वि दुग्गु साहेमि

सीमाल व के-वि निव अ-पणमंत पहु-पइहि पाडउं ।
 पडिहंयहं रिउ-वल्लु व समुहु एंतु वइरु व निहोडउं ॥
 अह व किमन्निण पहु-पयहं जायउं किंपि जु कज्जु ।
 तं माहमु सचिविंद लहु जह करेमि हउं अज्जु ॥

[१७९]

अह वियासिय-वयण-कमलेण

सचिविंदिण वज्जरिउ कुमर-रयण तुहुं एत्थ जइयहं ।
 संपत्तउ सयल-गुण- रयण-रासि मह पहुहु तइयहं ॥
 सिद्धइं दुह-सज्जइं वि लहु नीसेसइं कज्जाइं ।
 तह वि हु निसुणमु जाइं तुह चिट्ठहिं कइयव्वाइं ॥

[१८०]

तहा हि -

अत्थि निवइहि पवर-देवीए

कणयावलि-नामियहि विमल-सयल-गुण-रयण-मंडिय ।
 संपिडिय-सयल-कल सविह-ट्टिइण गुरु-यणिण-वइहिय ॥
 जणणी-जणय-सबंधु-सहि- सयणहं हियय-निहाण ।
 चिट्ठइं कन्न स-उण्ण-सिरि कणयस्तिरि-अभिहाण ॥

१७७. Lines 2 to 7 are missing in B.

१७८. ७. क. ज.

१७९. ८. पुट्ट.

[९८१]

तस्य पसीयन्तु पति-नहजेन

तयणंतरं कुमर-वरं नियमं वयं सुहि-विमलवोदह ।
 ता मित्तं समुल्लवइ कुमर-रयणं तुह जणय-सरिस्सह ॥
 एयह विस्संभर-पहुहु वयं न लंघिउं जुत्तु ।
 ता पढिवज्जसु दुक्कहं वि सच्चिवाहिणिं जं वुत्तु ॥

[९८२]

ननु वियाणसि उचिउं तुहं मित्तं

किम्प पत्थुय-अत्थि हउं सच्चि-पुरउ उत्तरं पयच्छउं ।
 ता कुमरहं मुणिविं मणुं भणिउं सुहिणं - ननु सच्चि इह हउं ॥
 कुमरहं अणिच्छंतुं वि कहं-वि भणिविं पयट्ठावेसु ।
 इयं वंछिय-सिद्धिणं वसुहं-पहुं तुहं वट्ठावेसु ॥

[९८३]

तयणं दु-गुणिय-हरिस-पन्भारु

सच्चिवाहिवुं निव-पुरउं विण्णवेइ जइ-भणिय-वइयरु ।
 नर-नाहुं वि अइ-मारुय-वित्थरेण संपत्त-अवसरु ॥
 सिरि-अवराजिय-कुमर-वर-कणयस्सिरि-कन्नाहं ।
 कारावइ पाणिग्गहणुं उदिओदिय-पुन्नाहं ॥

[९८४]

देस-वंसण-विसय-पसरंत-

कोउहल-तरलिओ वि धरणि-नाह-कय-गुरु-निवंधिण ।
 परिथक्कउं किच्चियं वि दियहं तर्हि वि सहं तिणं पुरंभिण ॥
 अन्नम्मि उ अवसरि निशिर्हि परिवंचिय-परिवारु ।
 मित्तं वि इक्कं वि नीहरिउं सो नरनाह-कुमारु ॥

[९८५]

तयणु गिरि-सर-सरिय-उज्जाण-

नयराइं अइकमिरु कमिण कुमरु दिव्वाणुहाविण ।
 एगत्य सुसाण-वण- मज्झि पत्तु अह विहि-निओइण ॥
 अहह अयंडि वि हूय महि मह सप्पुरिस-विहीण ।
 अकय-पडिक्कय जमिह हउं अच्छउं विलविर दीण ॥

[९८६]

इय सुणेविणु - अहह विलवंत-

महिला-यण-सहु इहु ता मए वि जीविरि वसुंधर ।
 कह हूय अणाह इय चित्तयंत अ-क्खुहिय-पय-भर ॥
 जाव ति गच्छहिं नर-रयण अग्गिम-मग्गि तुरंत ।
 ता चाउंड-भडारियह पुरउ करुणु विलवंत ॥

[९८७]

रत्तयंदण-लित्त-सव्वंग-

चच्चिक्कय-मसि-रसिण खडिय-पंक-कय-रेह-भालय ।
 गल-कंदल-परिलुहिर- वहल-रत्त-कणवीर-मालय ॥
 इदुत्तु सरेसु हयासि कु-वि अज्जु मरेसि अ-संधि ।
 इय भणिरिण एगिण नरिण पगहिय-वीणा-वंधि ॥

[९८८]

नियय-जोव्वण-रुव-लायण-

परिणिज्जिय-जय-तरुणि मन्नु-भरिण परिगल्लिर-लोयण ।
 अवलोयहिं वाल इग भुवण-तरुण-नर-हियय-खोहण ॥
 तयणु कुमारिण भणिउ - अरि अरि नर-अहम हयास ।
 कि न पेक्खसि इहि मंडिया तणा कयंतह पास ॥

९८६. क. ख. जीविर.

९८८. ३. क. परिगल्लिण.

[९८९]

सरितु ससहर-चारु-वयणां

निय-इदु-एईए लहु आगओ य तुहुं पुणु पवत्तिण ।
 मुरु खयरु व नरवइ व अत्थि को वि जइ सहिउ सत्तिण ॥
 ता सुमरमु सन्वप्पण वि न उण विट्ठसि अज्जु ।
 धुवु मत्थइ पडिहइ तुह जि इहु निय-दुक्कय-वज्जु ॥

[९९०]

अहव संपइ होउ मह सुमुहु

तरवारि कर-यलि कलिवि किंपि किंपि माहप्पु पयडिवि ।
 अप्पाणु पयासि मह पुरउ रमणि-वहि चित्तु विडिवि ।
 ता इयरिण वज्जरितु - नणु एज्ज एज्ज एमेव ।
 दलिवि मडप्फरु सयलु जिह तहिं जि करावउं सेव ॥

[९९१]

इय-पयंपिर दो-वि साडोवु

आयइडिवि असि-लइय भिडहिं मुहड दद-दद-उद्वय ।
 खणु वग्गहिं अ-क्खुहिय खणु पहारु सज्जंति दुद्वय ॥
 नउ अक्कमहिं परुप्परिण वंचिय-खग्ग-पहार ।
 ता बाहुहुं जुज्झिण भिडहिं दु-वि ति परक्कम-सार ॥

[९९२]

तयणु टालहि उवहिं संगहहिं

आवीडहिं निदलहिं संधि-बंध सव्वंगुवंगह ।
 अह केण-वि विहि-वसिण बाहु-जुयलु तमु कुमर-चंगह ॥
 सयल-स्सरीर-दुहावहिण नाग-पास-बंधेण ।
 निविडु निवडु विवक्खिण तिण अ-सच्च-संधेण ॥

[९९३]

किं तु दुज्जण-नेह-बंधं व

हरिनंदि-नरवइ-सुइण नाग-पास तोडिय खणद्धिण ।
 ता वरिसइ आयरिण कुमर-उवरि रिउ वाण-वरिसिण ॥
 कुमर वि पावं पिव तविण खंडइ खग्गिण वाण ।
 इय चिर जुज्झहि बहु-विहिहिं दु-वि गुरु-कोह-निहाण ॥

[९९४]

एत्थ-अंतरि तेसिं सूरारं

दोणं पि हु समर-भर- जणिय-गरुय-कोऊहलं पिव ।
 अवलोइउकामु रवि उदिउ तयणु तणुयंगि-दुहमिव ॥
 गलिउ समग्गु वि तिमिर-भरु फुरिउ दिणिंद-पयाउ ।
 ता करवालिण अरिहि उरि कुमरु पयच्छइ घाउ ॥

[९९५]

कह-वि तह जह गलिय-चेयन्नु

रिउ महि-यलि पडिउ अह निय-करेहिं तिण कुमर-रयणिण ।
 उवयरिउण बहु-विहिहिं विहिउ झत्ति पच्चलु सरीरिण ॥
 तयणु पयंपिउ — अरि सुहड गिण्हसु असि हत्थेहिं ।
 म म मई दिहउ उट्ठिउण वयसि तिहिं जि वत्थेहिं ॥

[९९६]

अवि य न सुयहिं सुहड रिउ-भइण

सोडीरिम पहरिय वि जाव जीवु निवसइ सरीरि वि ।
 इय निम्भुणिवि तह तरुणि- विसय-विहिय अवराह सुमरिवि ॥
 पच्छुत्ताव-दवानलिण परिडज्झर-सब्बंशु ।
 भणइ वि थक्किउ नर-रयणु हउं कय-पाव-पसंगु ॥

[९९७]

तह महा-यस तहं स-चरिर्हि
 पढमं पि हु विजिउ हउं इय कु इत्य जुज्झह विहायगु ।
 तउं अवरह रक्ख-यरु हउं हयामु अवलह वि घायगु ॥
 इय तुहुं पुहइ-अलंकरणं तुहुं जि पुरिस-सिरि-केउ ।
 मज्झ वि सरणु तुहुं जि तिय- वह-पाव-क्खलणे उ ॥

[९९८]

इय पसीउण गहिवि मणि एग
 संरोहण-ओसहिहिं सहिय मज्झ वत्थेगदेसह ।
 ता घरिसिय ओसहिहिं रसिण जलिण ओहलिय-रयणह ॥
 खग्ग-पहारु स-करयलिण सुंदर परिसिचेसु ।
 ता सज्जीकय-विग्गहह महु पुट्ठिहिं करु देसु ॥

[९९९]

तयणु पत्थण-भंग-भय-भीरु
 सरणागय-जियहं निरवज्ज-वज्ज-पंजरु सहाविण ।
 मणि-ओसहि-जुयलु करि धरिवि कुणइ तह तसु खणद्धिण ॥
 तयणु अ-लग्ग-पहारह व सज्जीहुय-देहस्सु ।
 अभउ पयच्छिवि कुमरु गय- वइयरु पुच्छइ तस्सु ॥

[१०००]

अह पयंपइ इयरु - नर-रयण
 नय-वच्छल तुह पुरउ अ-कहियवु नत्थित्थ किंचि-वि ।
 ता निमुणसु पसिय निय- हियय-पसरु इग-ठाणि संचिवि ॥
 जह वेयइह-महागिरिहिं उत्तर-सेदिहिं रम्मि ।
 पयड-नामि रहनेउरय- चक्कवाल-नयरम्मि ॥

९९७. ७. क. वि जि; ९. क. लक्खलणे.

९९९. ७. क. देहुस्सु.

१०००. ७. क. नामि.

[१००१]

विविह-विज्जाएवि-कय-सेवु

चउरंगिण निय-वल्लिण भविय-सयल-गयण-यल-मंडलु ।
 निय-गहिरिम-परितुल्लिर- रयण-रासि भुय-बल-अखंडलु ॥
 चिट्ठइ रयणीयर-विमल- वहु-गुण-रयण-निहाणु ।
 विज्जाहर-चक्काटिवइ अमियसेण-अभिहाणु ॥

[१००२]

तस्सु निरुवम-सील-सिंमार

संसार-उत्तर-चरिय जणिय-सुयण-आणंद-मुंदर ।
 सव्वंग-मुलक्खणिय विष्फुरंत-गुरु-गुण-मणोहर ॥
 दइय जह-द्विय-नाम परिचिट्ठइ किच्चिमइ चि ।
 तेसिं पुण एह धूय जह- नाम रयणमाल चि ।

[१००३]

अन्न-अवसरि निवइ-देवीण

नेमिच्चिय-माणविण कहिउ - सामि तुम्हाण धूयह ।
 निय-सुकय-विवाग-परिविजिय-तिजय-वट्टंत-विलयह ॥
 सिरि-हरिनदि-नरिंद-कुल- नहयल-सरय-दिणिंदु ।
 पिययमु अवराजिय-कुमरु हविहइ विमल-कल्लिंदु ॥

[१००४]

तयणु तसु सुह-चरिय-सरिसस्सु

नर-रयणह विमल-गुण- गिज्जमाण-खयरिंद-तरुणिहिं ।
 निमृणेषिणु फुरिय-अणुराय-रसहिं छण-इंदु-वयणिहिं ॥
 एकह मणु न रमइ इयरि सूरवइ-समि वि नरम्मि ।
 अह विहि-वसिण समागयइ अवसरि अन्नयरम्मि ॥

[१००५]

गयणवल्लह-नयर-नाहस्सु

सिरिसेण-खयराहिवह सुइण खरकंताभिहाणिण ।
 अवलोइय तयणु परिविप्फुरंत-अणुराय-पसरिण ॥
 अप्पिण परिणवि बहु-विहिहिं मग्गिय परिणयणत्थु ।
 न-उण कहं-चि अश्रुवगमइ भणिय वि पत्थुय-अत्थु ॥

[१००६]

कुणइ पुणु निय-जणणि-जणयाहं

पच्चवस्तु पइण्ण जह जइ न होइ हरिनंदि-नंदणु ।
 अवराजिउ दइउ मह ता सरीरि लग्गइ हुयासणु ॥
 इय निमुणिवि सिरिसेण-सुउ दद-वद्धाहिनिवेसु ।
 एह मइं परिणयच्च इय कुणइ पइण्ण-विसेसु ॥

[१००७]

तयणु साहइ विविह-विज्जाउ

कुलएवि-चलणहं नमइ भमइ कइण ओसहि-विसेसहं ।
 तसु परियणु उवयरइ देहं दाणु दइहिं अ-सेसहं ॥
 न-उण कहं-चि-वि संघइइ रयणमाल तणुयंगि ।
 अह खयराहिव-अंगरुहु हरिवि करिवि उच्छंगि ॥

[१००८]

मयण-सवरिण हणिय-सच्चंगु

समसाण-मज्झ-द्वियहि पुरउ पत्तु चामुंड-देविहि ।
 तयणंतरु निय-मुहिण पुणु वि पुणु वि बहु-भेय-वयणिहिं ॥
 पयडिवि चाडुय-सय-सहस संगम-सुहु मग्गेइ ।
 तरुणि भणइ - मह तसु विरहि जइ हुयवहु लग्गेइ ॥

१००५. ८. अनुवगमइ

१००७. १. क. विज्जाओ.

१००८. १. हरिय.

[१००९]

अंगि लग्गाउ अग्नि पईए

निभग्निहि इय मणिण चित्तिऊण सामरिसु पाविण ।
 इय एय विडंविउण एत्थ चेव तिण सूरकंतिण ॥
 मई अग्निज्झय-नामणिण उवहणेउमारद्ध ।
 जा ता तई असरण-सरण- तिलइण रक्खिय मुद्ध ॥

[१०१०]

तयणु पयडिय-लज्जु हरिनंदि-

अंगुष्ठभु मदि-वलय- समुह-निसिय-निय-वयण-ससहरु ।
 जा चिट्ठइ ता सचिव- सुउ कहेइ तसु मिच्च-वइयरु ॥
 तेसि दुवेण्ह-वि हूय अह वहल-हरिस-रोमंच ।
 तयणंतरु ससिमुहि फुरिय- गुरु-अणुराय-पवंच ॥

[१०११]

एस असरिस-गुण-समूहो त्ति

मा मं न पवज्जिहिइ इय फुरंत-भय-वेविरंगिय ।
 किह तस्सु इहागमणु इय विसाय-विहुरंग-चंगिय ॥
 नत्थि अहव भवियव्वयह भुवणि अ-गोयरु किं-पि ।
 इय कह-कहमवि संठविर विरह-विहुरु-हिययं पि ॥

[१०१२]

मलय-मारय-निहय-सयवत्त-

दल-चवलिहिं विप्फुरिय- राय-अरुण-निद्धेहिं नयणिहिं ।
 मई एसु वि नियइ इय हरिस-भरिण न समाइ धरणिहिं ॥
 इय चित्ता-भर-हरिय-मण रयणमाल हरिणच्छि ।
 जा चिट्ठइ खणु एगु तहिं ता - किं किं इहु वच्छि ॥

१००९. ६. मई, क अग्निज्झय.

१०१०. ३. क. निमिय.

१०११. ५. क. ख. विहुरय.

[१०१३]

इय पयंपिर पउर-चउरंग-

वल-पूरिय-गयणयल जणणि-जणय वालह कुढावइ ।
 समुवागय तयणु तहं ससि-मुहीए निय कहिय आवइ ॥
 संपय वि हु हरिनंदि-निव-नंदण-वस-उवलड ।
 तयणंतरु खयरहिविण स-पिययमिण सा मुड ॥

[१०१४]

पुव्व-परिचिय-कुमर-रयणस्सु

अवराजिय-नामयह दिण्ण तयणु तत्थ वि विवाहिय ।
 हरिनंदिहि नंदणिण तयणु हत्थु पुट्टिहि दुवाविय ॥
 मोयाविउ सिरिसेण-मुउ खामिय-निय-अवराहु ।
 ता कुमरिण स-विसेसयरु अमियसेण-नरनाहु ॥

[१०१५]

पत्ति अवसरि तुग्गि निय-धूय

अप्पेज्जह मज्झ निय- ठाणि गयह संतह समाणिवि ।
 इय भणिवि स-परियण वि रयणमाल-सहिउ वि विसज्जिवि ॥
 विमलवोह-मित्तिण कलिउ जा संचलिउ कुमार ।
 ता खयरिण तिण निय-रयणु ओसहि-जुउ जय-सारु ॥

[१०१६]

तस्सु अणिच्छंतह वि कुमारस्सु

कह-कहमवि बंधिउण विमलवोह-अंवरह अंचलि ।
 अवराजिय-पय नमिवि सूरकंतु उप्पइवि नहयलि ।
 विहलिय-सयल-मणोरहु वि गयउ नियय-नयरम्मि ।
 सिरि-अवराजिय-कुमरु पुणु मुहि-सहिउ वि अवरम्मि ॥

[१०१७]

गमिरु कथ वि पुर-विसेसम्मि

संपत्तु महाडविहिं तयणु तण्ह-लुह-विहुर-विग्गह ।

कय-पत्तल साह-सय- सुहय-चूय-तरु-तल-परिग्गह ॥

सुहि-कय-किसलय-सत्थरइ निवडिउ नोसाहार ।

ता सचिवादिव-अंगरुहु परिविमुक्क-सिक्कारु ॥

[१०१८]

कुमर धीरउ होसु खणु एगु

एहु हउं वि समागयउ गहिवि अन्न-पाणाइं तक्खणि ।

इय पभणिवि धाविउण गंतु सविह-गोउलिय-वासणि ॥

वेत्तु तहाविह-तस्समय- उचियाहार-जलाइं ।

जाव पटुत्तउ ठाणि तहिं ता ति जि विडवि-दलाइं ॥

[१०१९]

नियइ निय-करयलिण खिवियाइं

निय-मित्तह सत्थरइ न-उण कह-वि हरिनेदि-नंदणु ।

तयणंतरु - अहह कह गयउ मज्झ सुहि सत्तु-ग्वंडणु ॥

अहव कि ठाणह भोळविउ केण-वि विहिहि वसेण ।

नासेविणु व इहत्थि मह उवरि पणय-रोसेण ॥

[१०२०]

किं व को-वि हु मज्झ मइ-मोहु

इहु अहव सु मज्झ सुहि हरिउ पुच्च-भव-रिउण केण-वि ।

परि एहु न सक्कियइ हरिउ किण-वि खयरिण सुरेण वि ॥

इय वण-देविउ कि न कहहु तस्यु मह मित्तह सुद्धि ।

दिसि-वालहु परमेसरहु तुम्हि वि किमिह कु-बुद्धि ॥

[१०२१]

जं न साहसु मह अणाहस्तु

विलवंतह सुहि-विरह- हरिय-मणह क-वि सुद्धि कुमारह ।
 इय विलविरु सचिव-सुउ पडइ भत्ति उच्छंगि बसुहह ॥
 कह-वि-हु चेयण-लवु लहिवि सिरि-हरिनंदि-कुमार ।
 सुमरिवि सुमरिवि बिहुर-मणु वियलिय-मण-भावह ॥

[१०२२]

पडइ उट्टइ हसइ गाणइ

अक्कंदइ दलइ उरु उद्ध-वाहु नच्छइ पहावइ ।
 अप्फालइ वक्करिय मिलिउ रिउण रणि बीरु नावइ ॥
 इय वियलिय-चेयन्न-भरु ह-कह न वि चिट्ठेइ ।
 सचिव-तणूरुहु दुम्सहइ जायइ मित्त-बिओइ ॥

[१०२३]

अह कहं-चि-वि पत्त-चेयन्नु

निय-मित्त-निरिक्खणह हेउ सयल धर परियडंतउ ।
 बिहि-जोइण नंदिउर- नयर-वाहि उज्जाणि पत्तउ ॥
 तत्थ य चिंताउर-मणह दह दिहि जोवंतस्सु ।
 पत्तु पुरउ नहयर-जुयलु सचिवाहिव-तणयस्सु ॥

[१०२४]

तयणु पमणिउ स्वर-जुयलेण

सचिवाहिव-सुय-रयण तुज्झ पुरउ पेसिय कुमारिण ।
 अवराजिय-नामणि धरणिमाह-हरिणंदि-तणइण ॥
 ता पसिउण अम्हेहिं सहं चल्लसु तसु सविहम्मि ।
 इय निम्भुणिवि हरिसिण सचिव-सुउ न माइ अंगम्मि ॥

[१०२५]

तयणु ससहर-उदइ जलहि व्व
 तरणिग्गि कमलायरु व महु-महम्मि सहयार-साहि व ।
 सिहि-कुलु व घणागमणि चक्कवट्टि धरणियल-लाहि व ॥
 पसरिय-हरिस-विसेस-वस- संपाविय-वित्थारु ।
 भणइ सचिव-मुउ - अत्थि कर्हि सिरि-हरिणंदि-कुमारु ॥

[१०२६]

तयणु नहयर-जुयलु साहेइ
 जह अम्भिहिं अन्न-जल- हेउ तुरिउ तह तइं पउत्थइ ।
 अवराजिय-कुमर-वरु हरिवि रविहिं आरुहि मत्थइ ॥
 तण्हा-लुह-अभिभूय-तणु निय तोसिय-भुवणस्सु ।
 विज्जाहर-चक्काहिवह पुरउ भुवणभाणुस्सु ॥

[१०२७]

नणु न मह मुहि तियस-पट्टणा वि
 हीरिज्जइ हट्ठिण इय हरिउ इमिण किह खयर-जुयलिण ।
 इय चित्तिरि-सचिव-मुइ भणइ इयरु - तिण खयर-नाहिण ॥
 सिरि-वेयड्ढ-महा-गिरिहि सिरिपुर-नयरि ठिण्ण ।
 सुउ-सन्निह नहयर-सहह निययह मज्झ-गएण ॥

[१०२८]

भुवण-निरुवम-रुवलंकार
 वर-लक्खण-सय-कलिय जाय-पढम-तारुण-मुंदर ।
 समदीय-ससंक-सम- गुण-कलाव धरणियल-मणहर ॥
 कमलिणि-कुमुइणि-नामिउ य निय-धूयउ पेक्खेवि ।
 नणु एयहं परिणयण-विहि- अवसरु त्ति लक्खेवि ॥

[१०२९]

निय-निउत्तय-नरिहिं आयरिण

नेमिउत्त वाहरिवि करिवि गरुय-सवकारु स हरिमु ।
 विज्जाहर-पहु भणइ भइ कहमु दुहियाइं केरिमु ॥
 को व इविस्सइ कंतु अह नेमिउत्तण स-तोमु ।
 सम्मु निहालिवि भणिउ पहु तरणि व वियलिय-दोमु ॥

[१०३०]

नियय-भुय-वल-दलिय पडिवक्खु

पणमंत चिंता-रयणु ऋव-रिद्धि-हरिणच्छि-मणहरु ।
 संपीणिय-मुट्ठि-सयणु असम-विमल-कल-नियर-ससहरु ॥
 सिरि-हरिनदि-नराहिवइ- कुल-मंदिर-सिरि-केउ ।
 सिरि-पियदंसण देवि-तणु- संभवु मदि-मुह देउ ॥

[१०३१]

दइउ हविहइ तु-अ धूयाहं

एत्थंतरि खयर पहु भणइ - भइ पुणरवि निवेयमु ।
 अवराजिय-कुमरु किह पेक्खियव्वु अम्हेहिं सु-पुरिसु ॥
 ता जंपिउ नेमिउत्तण पयडिय-पुरिसायारु ।
 अत्थि पत्तु विस्साडइहिं सिरि-हरिनदि-कुमारु ॥

[१०३२]

तयणु नहयर-नाहु अ-विलंबु

निय-दुहियउ दु-वि गहिवि गंतु विंअ-अडइहिं तहि-चि-वि ।
 वेउव्विवि भवल-हरु संभवेइ जि न जगि कहिं चि-वि ॥
 तिण तयणंतरु पत्थुयहं कज्ज-विहिहिं कय-लक्ख ।
 पेसिय दु-वि सुय अम्हि रविकिरण-चंदकिरणक्ख ॥

[१०३३]

ता नयेविणु धल्लण-कमलाणि
 गिण्हेविणु सिक्ख बहु- भेय उत्तिमंगेण जणयह ।
 छुह-तण्हाउर-तणुहु पुरउ गंतु हरिनंदि-तणयह ॥
 निप-कर-पुडइण तस्समय-उच्चि करिवि पडिवत्ति ।
 अम्भिहि अवराजित निपउ भुवणभाणु पुरओ च्चि ॥

[१०३४]

तयणु पिक्खिवि तस्सु तणु-कंति
 परिभाविवि रुव-सिरि मुणिवि पवर-लक्खण-समिद्धि वि ।
 काराविवि देह-ठिइ कह-वि को-वि पत्थावु चित्तिवि ॥
 जंपिउ खयरहिण जह हउं तइ किं-पि भणेसु ।
 काउ अणुग्गाहु मज्झ इहु दुहिय-जुयलु परिणेसु ॥

[१०३५]

किंतु महियल-निसिय-नयणेण
 दीहुण्हुस्सासस-वस- भुसिय अहर-पल्लविण कुमरिण ।
 पडिउत्तरु किं पि न विइणु तयणु खयरहिण ॥
 नणु सु-कुलीणु वि गुण-निहि वि सयल-नीइ-निउणो वि ।
 वियरइ पडिउत्तरु किह न इय चित्तिरिण पुणो वि ॥

[१०३६]

भणिउ - नंदण किं विस्सरेसि
 निय-जणयहं नयरह व रज्ज-सिरिहि सुहि-सज्जणाण व ।
 दूरयर-पहागमिण विरह-दुहिण निय-जणयगाण व ॥
 इय निय-दुह-कारणु तणय मज्झ पयाससु सिग्धु ।
 दुह सज्जु जिम्ब कज्जु हउं तुह साहेमि अ-विग्धु ॥

[१०३७]

ता कुमारिण मणिउ कह-कह-वि
 नणु साहउं किमिह इउं जेण सरिस-सुह-दुख-माणसु ।
 विच्छोहिउ अणु महु नहयरिंद इय कह-वि आणसु ॥
 सारय-रयणीयर-विमल- गुरु-गुण-रयण-निहाणु ।
 सचिव-तणुरुहु मज्झ सुहि विमलवोह-अभिहाणु ॥

[१०३८]

अह तुरंतिण खयर-नाहेण
 आणत्त तुहाणयण- हेउ अम्हि सचिविंद-नंदण ।
 ता हरिसुम्भव-जलिण भरिय सचिव-नंदणह लोयण ॥
 ता नहयर-जुयलिण कुमर- मित्तु गहेविणु सिग्धु ।
 अवराजिय कुमरह पुरउ निउ गयणिण निव्विग्धु ॥

[१०३९]

ता परुप्पर विहिय-संलाव-
 परिवियलिय-विरह-दुह- फुरिय-हरिस-रोमंच-अंबिय ।
 खयरिंद-निउत्तइहिं तेसि दोणिण आसणइं संचिय ॥
 तयणंतरु खयरहिंविण करिवि विविह-पडिच्चि ।
 कुमरह कमलिण-कुमुइणिउ वियरिय दु-वि दुहिय च्चि ॥

[१०४०]

तयणु कहवय दियह तहिं ठाउ
 उवहुंजिरु विसय-सुह ताहिं दुहिं-वि सह खयर-तरुणिहिं ।
 पुव्वं व विमोइउण अप्पु मित्त-परियरिउ धरणिहिं ॥
 परियडमाणु अणुक्कमिण भुवणम्भिय-सिरिम्मि ।
 पत्तउ अवराजिय-कुमर सिरिमंदिर-नयरम्मि ॥

[१०४१]

सूरकंतिण दिण्ण-अहिळसिय-

संपायग-वर-रयण- वसिण सयल-जायंत-वंछिउ ।
 सयलम्मि वि तम्मि पुरि ललइ कुमरु स-पुहि वि जहिळ्छिउ ॥
 अवरम्मि उ कम्मि वि दियहि जक्खाययणि निविट्ठ ।
 नट्टारंभु नियंत दु-वि चिट्ठहि जाव पडिट्ठ ॥

[१०४२]

ता समग्गि वि पुरि समुच्छलिउ

कोलाहल-तुमुलु-रवु तरुणि-नियर गुरु-खेउ दावहि ।
 परिसोयहि संत-जण गहिय-खग्ग भड-निवह धावहि ॥
 कि-वि पीडिय-तूणीर-गुणि आरोविय-कोदंड ।
 गहिय-सेल्ल-वावल्ल कि-वि अच्चुब्भुय-भुय-इंड ॥

[१०४३]

के-वि पुणु तणु-विहिय-सन्नाह

कि-वि तुरयारूढ भड के-वि गुडिय-करि-खंधरा-गय ।
 रह-रयणारूढ कि-वि के-वि नियय-पय-गमण-संगय ॥
 कि-वि पुक्कारतु परिम्वयहि कि-वि उरयलु कुट्टंति ।
 कि-वि मांडहि निय-चाव-लय कि-वि करयलु परिसंति ॥

[१०४४]

अविय ढंक्कहि घर-दुवाराइं

लहु इड्डं सारवहि निय-कुडुंव इयरहं भलावहि ।
 गय-लक्खु वि नायरय सयल-नयर-मग्गेसु धावहि ॥
 तयणु कुमारिण थिर-मणिण विमलवोहु संलत्तु ।
 नणु किह इम्ब इल्लुफलिउ सयलु लोउ संवुत्तु ॥

१०४१. ५. क. जह्छिउ.

१०४२. ३. क. तरुनियर. ५. क. धावहि. ९. क. अच्चुब्भुय, ख. अचुब्भुय.

[१०४५]

इय करेविणु सुद्धि परमत्थु
 मह साहसु तुरिउ तुहुं तयणु विमलबोहिण स-बुद्धिण ।
 परियड्डिउण पुर-पडिहि पणिहि सयलु बुद्धिगवि खणद्धिण ॥
 अवराजिय-कुमरह पुरउ कहिउ भत्ति आगंतु ।
 जह - अवहिय-मणु खणु हविवि निमुणसु पहु बुचंतु ॥

[१०४६]

इह हि निहणिय-सयल-पडिक्खु
 विलसंत-कित्ति-प्पसरु फुरिय-गरुय-सामत्थ-वित्थरु ।
 पसरंत-दुन्नय-दलणु नमिर-सरणु सव्वंग सुंदरु ॥
 अहव किमन्निण सयल-गुण-रण-समूह-निहाणु ।
 आसि वमुंधर-सिरि-तिलउ निबु मुप्पह-अभिहाणु ॥

[१०४७]

सो उ केण-वि विहि-निओगेण
 पडिहारिहि वाउलिहि रिउ-निउत्त-घायगिण पुरिसिण ।
 असि-धेणुहुं आहयउ मम्म-ठाणि ता विज्ज-सहसिण ॥
 मिलिण वि सविह-ट्टिण अ-पयासिय-परिताणु ।
 चिट्ठइ मुक्कु वमुंधरह कंठ-पइट्ठिय-पाणु ॥

[१०४८]

महल-गुंदलिहउ पुर-लोउ
 तिण महियलि परियड्डइ निवइ-तणय-विरहे य सयलि वि ।
 परिचिट्ठहि हय-हियय रज्ज-धरह विणु दुहिय सचिव वि ॥
 एत्थंतारि धिसि धिसि विहिहि वलिउ वि न वि छुट्ठेइ ।
 ता विहलु च्चिय जणु स-वल-अभिमाणिण बट्ठेइ ॥

[१०४९]

जं च जइयहं जेम्ब भविष्यन्नु
 तं तइयहं तिम्ब इवइ नत्थि एत्थ पडिमल्लु पाइण ।
 इय चित्तिरि कुमर-वरि विहिय-सेवि मित्तेण नियइण ॥
 वार-पुरंभिहिं विलविरहं अप्पणहा-पिय-रेसि ।
 कामलयहं पभणिउ कह-वि स-विहिहिं सचिवहं तेसि ॥

[१०५०]

सम्भु न सुणउं किंतु इह के-वि
 निय-पुण्ण-पगरिस-विजिय- भुवण-तरुण सव्वंग-सुंदर ।
 दो चिट्ठहिं नर-रयण भुंजमाण-विसय-सुह मणहर ॥
 ओसहि-सिद्ध व नहयर व तियसामुर-कुमर व्व ।
 इय ति जि सदावह तुरिउ मा चिट्ठह सुन्न व्व ॥

[१०५१]

तयणु नणु एहु जुत्तु जुत्तु ति
 परिजंपिर सचिव लहु पुरउ गंतु तसु कुमर-रयणह ।
 अइ-करुणु समुल्लवहिं कुणसु कुणसु लहु दीण-वयणह ॥
 एत्तिय-मेत्तह सयलह वि लोयह जीविय-रवस्स ।
 नर-नायग-जीवावणिण तुहुं नर-रयण सु-दक्ख ॥

[१०५२]

विमलवोहिण सहिउ कुमरो वि
 सचिविद-अणुव्वइउ गयउ सविहि सुप्पह-नरिदह ।
 तयणंतरु पुरउ निव- सचिव-सेट्ठि-सामंत-विदह ॥
 नणु मा तुम्हि अ-सुहु कुणहु निवइ वेळ एह मज्झ ।
 जम्हा एह मज्झ वि निवइ- पीड अच्छि सुह-सज्झ ॥

[१०५३]

अहह एत्ति-मेत्तु जणु एउ

तुमए च्चिय नर-रयण दद पइण्ण एरिस कुणंतिण ।

जीवाविउ अज्जु धुवु भुवण-अहिय-सामस्थ-जुत्तिण ॥

इय जंपंतइ निव-पवर- वग्गि समग्गि वि सिग्गु ।

ओहळिउण चिंता-रयणु बंछिय-विहि-निव्विग्गु ॥

[१०५४]

तेण सल्लिलिण झत्ति निव-घाउ

अहिसिचिवि निय-करिहिं घरिसिऊण ओसहिं वि सन्वि य ।

असिधेणु-घायह उवरि देइ तयणु निवु तक्खण च्चिय ॥

सुत्त-विउद्ध व उट्ठिउण मोडेविणु अंगाणि ।

अकय-च्छुरिय-पहारुं इव जंपइ - नणु किमिमाणि ॥

[१०५५]

विविह दीसहिं वलि-विहाणाणि

कह-वेत्तिउ जणु मिलिउ किह कलत्त रोयहिं हुसक्कइं ।

कु व एहु महा-पुरिसु कह-व वेज्ज मेलिय झवक्कइं ॥

इय जंपिरी नर-वरि खणिण फुरिय-विसाय-पमोय ।

विरइय-कर-संपुड कहहिं नरवइ उत्तिम लोय ॥

[१०५६]

पुव्व-वइयरु सयलु जाविमिण

नर-रयणिण देव तुहुं विहिउ सज्जु अन्नह असेसहं ।

अत्यमिउ हुंतु जणु पहुहु विरहि एत्तियहं पुरिसहं ॥

एत्थंतरी नर-नायगह पुरउ हविवि एगेण ।

वियसिय-वयण-सरोरुहिण विण्णत्तउं सचिवेण ॥

[१०५७]

नाह नणु इहु धरणि-हरिणंक-

हरिनंदि-नरवइ-तणउ भुवण-पयडु गुण-रयण-मंडणु ।
 अवराजिय-नामु जुव-राउ मुइय-पडिवक्ख-खंडणु ॥
 तहिं मइं तुम्ह पओयणिण गइण सु दिट्ठु निरुत्तु ।
 दिव्व-पओइण किण-वि इह नूण इयाणि पटुत्तु ॥

[१०५८]

ता विसेसिण फुरिय-संतोस-

पुलयंचिय-तणु-लयह वसुह-पहुहु तहिं पुरुळमाणह ।
 लहु वइयरु परिकट्टिउ विन्थरेण हरिनंदि-तणयह ॥
 मित्तिण सविह-ट्टिइण तिण विमलवोह-नामेण ।
 तयणु ईसि परितम्मिउण भणिउ धरणि-नाहेण ॥

[१०५९]

अहह पेच्छहु हय-पमायस्सु

दुव्विलसिउ जमिह मह वंधु-अट्टिउ हरिनंदि-नरवरु ।
 तसु नंदणु तुडि-वसिण पत्तु एत्थ जय-जंतु-मणहरु ॥
 मइं पुणु अतिहि-सिरोमणिहि स-गिहागयह इमस्सु ।
 संभासिण वि न विट्ठिय क-वि पडिवत्ति वि कुमरस्सु ॥

[१०६०]

ता कुमारिण धरणि-विणिट्ठित्त-

मुह-कमलिण भणिउ - नणु देव तुम्हि मह जणय-सन्निह ।
 पडिवत्ति तुम्हहं तणिय नूण गेळ्ळ ता माणसिय इह ॥
 बुज्झहिं लुक्ख विहंग परि नेह-रहिय-दाणाउ ।
 छेयहं वंधणु नत्तु पुणु सन्भाविय-वयणाउ ॥

[१०६१]

अहह सुंदरु भणिउ तइं वच्छ

को अन्तु एरिसु चवइ इय वयंतु निवु सु-गुण-आयरु ।
 सयलंगालिंगणिण चुंविऊण मुद्धम्मि सायरु ॥
 उववेसेवि स-करयलिहिं निय-सीहासण-अद्धि ।
 रंभ-नाम निय-धूय तसु वियरइ लग्गि विसुद्धि ॥

[१०६२]

विमलवोहह पुणु महामच्चु

मइसुंदर-नामु निय- धूय देइ ससिकंत-नामिय ।
 ता निवइ-अमच्च-उवरोह-वसिण गुण-रयण-सामिय ॥
 कित्तिय-मेत्त वि दियह तहिं थक्क ति दो-वि कुमार ।
 इयरम्मि उ अवसरि निवह पुरउ भणण-विहि-सार ॥

[१०६३]

पाणि-संठिय-मंजु-सिजंत-

भमरावलि-सामलिय- चलिय-कुमुम-सहयार-मंजरि ।
 पसरंत-हरिमुल्लसिय- पुलय-भरिण रेहंत सिरुवरि ॥
 विरइवि कर-संपुडु भणहिं उज्जाणिय आगंतु ।
 जह - पहु हरिसिय-धुवण-जणु संपइ पत्तु वसंतु ॥

[१०६४]

जमिह पसरिउ दइय-संगु व्व

मलयानिलु अंग-सुहु पत्त-विहवु पुणु कुसुम-परिमलु ।
 वारिज्जय-तूर-रव- रम्मू फुरिउ कलयंठि-कळयलु ॥
 पउमारुण-कंकिल्लि-तरु कुसुमइ नयण-सुहाइ ।
 तवणिज्जुज्जल-कुसुम-भर हूय कोरिट-वणाइ ॥

[१०६५]

जत्य माहवि-लइय तोमरिय

सेहालिय कुंतलिय जालइय लहु मुरहि-लइय वि ।
 चूय-हुम-मंजरिय बहु-गुलुंछ पायव-असोय वि ॥
 आलिगिज्जहि पूग-फलि तरु-कामुय सव्वंगु ।
 नागवल्लि-तरुणिहि जणहं उज्जीविरिहि अणंगु ॥

[१०६६]

जहि पवालंकुरिहि कथ-सोह

डिभाई व तिलय-कय- गरुय-महिम कामिणि-मुहाई व ।
 बहु-लक्खण-चित्त-सय- मणहराई नरवइ-गिहाई व ॥
 उत्तिम-जाइ-प्पसव-कय- महि-मंडणई वणाई ।
 विलसहि भुवणाणंद-यर नं नरनाह-कुलाई ॥

[१०६७]

जहि य वियसिय-कुसुम कणियार-

वण-राइ कंचण-मय व कुणइ पहिय-हिययाण विवभसु ।
 अहिकंखहि भुवण-यलि सयल-मिहुण निय-दइय-संगसु ॥
 गिज्जहि रासहि चच्चरिउ पिज्जहि वर-मडराउ ।
 माणिज्जहि तुंग-स्थणिउ किज्जहि जल-कीलाउ ॥

[१०६८]

एत्थ-अंतरि ताल-रव-पुव्वु

नर-नाहिण संनिहिय- निय-पियाए उर-यलि निवेसिवि ।
 कर-पल्लवु दाहिणउ भणिउ एउ पुणरुत्तु विवसिवि ॥
 कटकट उज्जाणिय चिरह अइ-मुंदरु विण्णत्तु ।
 ता उज्जाणि स-परियणु वि माणिमु अज्जु वसंतु ॥

१०६६. ३. क. महिन, ख. महि.

१०६७. ६. राघय; ७. क. पज्जहि, ख. पेज्जहि. ९. क. कीलाओ.

१०६८. ५. क. पुणरुत्तु; ६. क. ख. विरह.

[१०६९]

तयणु विहसिरि निव-सहा-लोइ
 परितुद्धइ वंदि-यणि ईसि लज्जमाणए दइयए ।
 उज्जाणिय-माणविहिं हरिसिएहिं सुहि-वग्गि सुहियइ ॥
 तुरिउ निउत्तिहि माणुसिहि निय-नयरम्मि असेसि ।
 घोसाविउ नर-नायगिण जइ - महु-ऊसव-रेसि ॥

[१०७०]

सयल-लोगिण सयल-रिद्धीए
 सयलेण वि निय-वलिण महुविलाम-अभिहाणि काणणि ।
 आहरण-विहसिउण सयल-भुवण-आणंद-कारणि ॥
 गोस-समइ सव्वायरिण आगतवु अवस्सु ।
 जयकुंजरु पुणु पेसियउ अवराजिय-कुमरस्सु ॥

[१०७१]

तयणु विरइय-असम-सिंगारु
 सिरि संठिय-वर-मउडु नियय-तेय-उवहसिय-दिणयरु ।
 निय-मित्तिण परियरिउ सुह-विसेस-निज्जिय-पुरंदरु ॥
 मागह-निवहुग्घुद्ध-जसु भत्त-विसेसिअ-मूहु ।
 सिरि-अवराजिय-कुमर-वरु जयकुंजरि आरुहु ॥

[१०७२]

चल्लिउ निवइण सहिउ उज्जाण-
 वण-सम्मूहु नयर-जण- जणिय-असम-संतोस-पगरिसु ।
 वियरंतउ वंदियहं दाणु सुहिहिं सम्माणु अ-सरिसु ॥
 मंगल-तूरिहि पसरियहि संखिहि वज्जंतेहिं ।
 सुप्पह-निव-अवराजियहं जसिहि य गिज्जंतेहिं ॥

[१०७३]

अमर-नहयर-तरुणि-नियरेण

गयणंगण-संठिइण साहिलासु निय-नयण-पुडइहिं ।
 पिज्जंत-लवणिम-सलिलु हम्ममाणु पणइणिहिं कुमुमिहिं ॥
 हय-गय-रह-भड-वल-भरिण जणिय-वसुह-संसहु ।
 चिंध-ज्झय-किंकिणि-रविण दु-गुणिय-मंगल-सहु ॥

[१०७४]

स्वयर-सुरवर-तरुण-नयणाण

निय-रुविण हरिय-मउ दाण-विजिय-वण-मत्त-वारणु ।
 अइरेण य तरुणि-यण- हियय-गरुय-संताव-कारणु ॥
 सिरि-अवराजिय-कुमर-वरु संपत्तउ उज्जाणि ।
 तयणु कुणइ परमायरिण जणु निय-निय-कज्जाणि ॥

[१०७५]

के-वि मिगमय-अगुरु-घणसार-

सिरिखंड-पंकिण धरणिनाह-कुमर-रयणाण अंगइं ।
 आलिंपहिं के-वि पुणु देंति विविह-तरु-फलइं चंगइं ॥
 कि-वि चंपय-मालइ-वउल- विचइल्लहं कुसुमाइं ।
 वियरहिं पयडहिं पण-तरुणि पुणु नट्टइं परमाइं ॥

[१०७६]

महुर-चच्चरि-गीय-अंकार-

परिओसिय-किन्नरइं आलवंति गंधव्व-गीयइं ।
 परिविलसहिं बहु विहिहिं ठाणि ठाणि पुणु तरुण-मिहुणइं ॥
 पेक्खइ खणु निवइ वि विहिय- सोहुज्जाण-विभाग ।
 ताल-तमाल-असोय-चूय- वउल-नाग-पुन्नाग ॥

[१०७७]

खणु नियच्छइ विविह-नट्टाई
 खणु निमुणइ गेय-झुणि खणु पियाउ आलवइ स-हरिसु ।
 खणु कुमरिण सहं ललइ देइ दाणु मागहहं अ-सरिसु ॥
 खणु खणु आवाणय-महिहिं आसव-पाणु करेइ ।
 खणु सह निय-अंतेउरिहिं अंदोलइण ललेइ ॥

[१०७८]

अइ परिस्सम-खिन्नु दिण-इंद-
 संताव-विणोय-कइ धरणि-नाहु पणइणि-समन्निउ ।
 जल-कीलह करण-कइ सरि विसेइ वंदिण-वन्निउ ॥
 तह बहु-विहिहिं तहिं जि वणि परियण-जणियाणंदु ।
 सिरि-हरिनंदि-नराहिवइ- कुल-गयणंगण-चंदु ॥

[१०७९]

सुइरु कीलिवि स-मय-तरुणियण-
 मण-महुयर-कुल-कमलु दलिय-सयल-माणिणि-महप्फरु ।
 वियइल्ल-चंपय-कुसुम- दाम-रइय-सिंगार-सुंदरु ॥
 वार-विलासिणि-सय-सहिउ अन्नयरम्मि सरम्मि ।
 परिकीलिवि मज्जिर-तरुणि- अंगराय-सुहयम्मि ॥

[१०८०]

कय-विलेवणु गहिय-तंबोलु
 बहु-मागह-घुट्ट-जमु असम-दाण-तूसविय-मग्गणु ।
 सारय-ससि-कर-पसर- चारु-चरिय-रंजविय-सज्जणु ॥
 कुसुमाहरण-विहूसियउ कय-असरिस-सिंगारु ।
 खणु कयली-हरि वीसमइ सिरि-हरिनंदि-कुमारु ॥

[१०८१]

तयणु रइ-सुह-खेय-वस-पत्त-

निहा-भर-परवसित त्रिमलबोह-कय-पाडिहेरु वि ।
 अवराजित नहयरिण वाउवेग-नामेण हरित वि ॥
 सिरि-वेयइह-महागिरिहिं निरुवम-सिरिहि निहाणि ।
 अमरावइ-सञ्चिहि नयरि केउमाल-अभिहाणि ॥

[१०८२]

सयल-नहयर-राय-तिलयस्सु

सोमत्तण-जिय-ससिहि निय-पयाव-अहरिय-दिणिदह ।
 दद-विज्जा-वल-जुयह अंसुमालि-नामह खगिंदह ॥
 नाणा-विह-मणि-निम्मियइ धवलहरम्मि विमुक्कु ।
 निदावगमित मंकहु व नियय-पलंवहु चुक्कु ॥

[१०८३]

अहह किं इहु सग्गु मुर-गिरि व

सिन्निणो इव विव्वमसु व इंदियालु इव किण-वि पयडित ।
 जं तियसहं हरइ सिरि लोउ भवणु रयणेहिं मु-यडित ॥
 कह तं नयरु सु धरणि-वइ मिलु मु तं उज्जाणु ।
 इय परिचितिरु कुमर-वरु पत्थुय-विहिहिं अ-याणु ॥

[१०८४]

अंसुमालिण खयर-नाहेण

काराविय-सागइण महरिहम्मि आसणि निवेसित ।
 ता पणमिवि महयरिण नहयरेण एगिण सुहासित ॥
 जंपित जह-हरिर्नदि-सुय वियसिय-कमल-दलच्छ ।
 हउं किंचि-वि विण्णविमु तइं इय अच्छल्लित पयच्छ ॥

[१०८५]

ता विसेसिण विम्हयावण

अवराजिय-अणुमइण परिकहेइ सो बुद्ध-नहयरु ।
 संयलो वि हु पत्थुयउ कुमर-रयण-अवहरण-वइयरु ॥
 जह-सारय-ससि-विमल-जस धवलिय-दिसि-विवरस्सु ।
 अंसुमालि-अभिहाणयह एयह खयर वरस्सु ॥

[१०८६]

मुहय-सीलिण चारु-चरिण

सल हिज्ज-उज्जल-जसिण विहिय-सोह शुण-रयण-हारिण ।
 सु-सिलिद्ध-तणु-संचइण पत्त-कित्ति गुरुयण-वसाइण ॥
 सयलंतेउर-पवर-पथ- पात्रिय-गरुय-पइद्ध ।
 दइय पहावइ नाम तहि पुणु निय-गुणिहिं गरिह ॥

[१०८७]

विमल-लक्खण पवर-तारुण

अ-सवण-गुण-मणि-जलहि कणय माल-अभिहाण-पयडिय ।
 हर-हास-समुल्लसिय- धम्म-कम्म-वांवार-विनडिय ॥
 भण्णंती विहु परिणयण- कारणि वि मुहारंभ ।
 चिट्ठइ वहुयहं नंदणहं उवरि धूय गय-डंभ ॥

[१०८८]

इय स-धूयइ विसय-मुह-कह वि

अकुणंतिइ तहि जणणि- जणय चित्तमावडिय चिट्ठइं ।
 जा ताव नहंग मिण किण-वि मणिउ किंकुणह कट्ठइं ॥
 चिट्ठइ कंचणपुर-नयर- उज्जाणम्मि पट्टु ।
 अमियगइ त्ति पसिद्ध इगु चारण-समणु पवित्तु ॥

[१०८९]

तमु नमंसिवि पाय-पउमाणि

निमुणेविणु धम्म-कह विजिवि अप्पु कय-किच्चु इत्थ वि ।
 आराहिवि धम्म-विहि करिवि मु-ल्लहु वंछिउ परत्थु वि ॥
 पुच्छिवि कारणु विसय-मुह- विमुहत्तह दुहियाए ।
 वट्ठिज्जह तुम्हे वि पहु तयणु रुव-किरियाए ॥

[१०९०]

तयणु कटकट चारु भणियं ति

जंपंतउ खयर-वइ विट्ठिय-अंग-सिगार-पगरिमु ।
 निय-दइय-दुहियहिं सहिउ तहिं पट्ठु तवस्वणिण स-हरिमु ॥
 चारण-मुणिवर-पय-कमल- जुयत्तु नमेउ स-तोमु ।
 अह चारण-मुणि तहं कहउ मिव-पट्टु ववगय-दोमु ॥

[१०९१]

पत्त-अवसरु विट्ठिय-कर-तोमु

खयराहिवु विण्णवइ पस्सिय कहगु पट्टु मज्झ मुणि-वर ।
 किं खयरह कमु वि पिय जणयमाण होउहउ मण-हर ॥
 ता मुणि-सीहु समुल्लवइ तुह कुल-नह-ससि-लेह ।
 सूर-सरिसस्सु वि नहयरह दइय न दविहउ एह ॥

[१०९२]

अह धवविक्रय-दियउ खयविदु

पुणुरुत्तु समुल्लवइ किं न डमोए परिणयणु दविहइ ।
 ता चारण-मुणि भणइ खयर-गाः एईए धुवु पउ ॥
 सिरि-हरिनंदि-नराहिवह कुल-ययणंगण-चंदु ।
 हविहइ अवराजिउ भुवण- जणिय-हरिस-नीसंदु ॥

[१०९३]

तयणु वियसिय-वयणु खयरिंदु

साणंदु समुल्लवइ किह मुणिंद सो जाणियव्वउ ।
 अह पमणइ अमियगइ गयल-सयण-सुहि-सेवियव्वउ ॥
 सिरिपुर-नयरुज्जाण-वणि विमलवोह-सुहि-जुत्तु ।
 रय-सम-खिन्नउ कयलि-हरि चिट्ठइ सुहिण पमुत्तु ॥

[१०९४]

परि तुह-चवय खयर-कुमारेण

एगयरिण अवहरि वि निह-विवमु निय-मित्त-सहिउ-वि ।
 आणेप्पिण धवलहरि तुज्झ पुरउ मुच्चिहइ एणि वि ॥
 तहंमणिण ममुल्लमिय अणुगयाउर-देह ।
 पडिवज्जिगइ विवाह-विहि नयमवि तुह धुय एह ॥

[१०९५]

तयणु जइ-वि हु तरणि पच्छिमहं

उग्गच्छइ जइ जलहि मुयइ निय-मज्जाय अइरिण ।
 जइ छत्तु हवेइ धर नियम-मिहरि पुणु डंड-रूविण ॥
 तह वि न मुणि-पर-भासियउ विनह-मरुवु हवेइ ।
 इय चित्तिरु खयरिंदु मुणि- पय हरिसिण पणमेह ॥

[१०९६]

अह गहेविणु गुरुहु आसीम

खयराहिबु निय-नयरि गयउ जाव ता मुकय-जोगिण ।
 आयणिणवि अमियगइ- समण-वयणु लहु वाउवेगिण ॥
 विज्जाहरिण हरेवि तुहुं इह आणित जय-सार ।
 इय अवराहु खमिज्ज इहु सिरि-हरिर्नंदि-कुमार ॥

[१०९७]

ता वियासिय-वयण-तामरसु

अणुमन्निवि तन्वयणु अंसुमालि-खयरिद-दिन्नइ ।
 बहु-नहयर-परियरिउ ठियउ गंतु धवलहरि भिन्नइ ॥
 अह भोयण-ठिइ चित्थरिण पत्तावसरु करेवि ।
 विमलबोह-नहयर-कुमर- परियणु सारु गहेवि ॥

[१०९८]

खयर-पुरवर-सरिय-गिरि-सिहर-

सर-काणण-जिण-भवण- विहवु सयलु साणंदु पेच्छिरु ।
 पफुल्ल-लोयण-कमलु कुमर-रयणु वेयइदि हिडिरु ॥
 कत्थ-वि बहु-सहियण-सहिय विहिय-चारु-सिगार ।
 तिवख-कडक्ख-सर-प्पहर- दारिय खयर-कुमार ॥

[१०९९]

पढम-जोवण असम-सोइग्ग

ससि-वयणिय गय-गवण चारु-चरिय सव्वंग-मुंदर ।
 ससि-विमल-कला-निलय अमय-महूर-वयणेण मण-हर ॥
 अनणु-रणिर-मणि-मेइलय परिसिजिर-मंजीर ।
 वर-अक्खय-फल-कुसुम-कर परिहिय-असरिस-चीर ॥

[११००]

खयर-तरुणिय एग मयणस्सु

पडिबिबह पूय-विहि- करण-निरय कुमरेण दिट्ठिय ।
 ता जंपिउ नयहरहं पुरउ - हंत पेच्छइ पुर-ट्ठिय ॥
 किं परमेसरि एह रइ कुणइ पूय एयस्सु ।
 छेप्पमयह कुसुमाउहह नउ सक्खं चिय तस्सु ॥

१०९८. ४. क. पफुल्ल, ख. पपकल्ल.

१०९९. २. क. सविचयणिय.

[११०१]

तयणु एगिण खयर-कुमरेण

ललियप्पिय-नामगिण भणिउ ईसि विहसिवि - सुहगिय ।
 परमेसरि रइ दइय एह तुज्ज होइहइ चंगिय ॥
 ईसि वियासिय-मुह-कमलु कुमरु भणइ - जइ एउ ।
 ता कि न गुरु-भत्तिहिं महिं जि नाराहइ पूएउ ॥

[११०२]

तयणु विहसिवि ताल-रव-पुव्वु

ललियप्पिउ वज्जरइ मन कुमार उत्तालु हविहसि ।
 गुरु-भत्ति कुणंत रइ इह तुमं पि सयमेव पेक्खसि ॥
 जमिह न भुक्खालुय-वसिण उंवर-तरु पच्चंति ।
 न-वि हु लुहा-भर-पीडिय वि दुहिं हत्थिहिं जेमंति ॥

[११०३]

एत्थ-अंतरि अंव-धाईए

सा बाल समुल्लविय एहि एहि तुहुं वच्छि वेगिण ।
 हउं देविण पेसविय तुरिउ तुज्ज वाहरण-कज्जिण ॥
 तुह संतियउ कलायरिउ चिह्णइ भवणि पट्टुत्तु ।
 वीणा-वायणु अज्जु तइं काराविसइ निरुत्तु ॥

[११०४]

अह अणंगह विहिय वर-पूय

सा बाल गिहाभिमुहु चलिय जाव ता विहि-निओइण ।
 चउराणण-नामियहिं सहिहिं कुमरु सह मित्त-विदिण ॥
 दिट्ठउ अणिमिस-लोयणिहिं कुमरिहि समुहु नियंतु ।
 पेक्ख पेक्ख पट्टु सामि इय तयणंतु विण्णत्तु ॥

[११०५]

तयणु तग्गय-मण व सा नाल

कुमुमाउह-सवरणिण निहय अंगुयंगेसु तह जह ।
 हुय इयरहं ओसहिहिं लहु असज्ज इय कुमर रयणह ॥
 कुमुमचाव-भट्ट-पडिक्किहिं समुदीहोउण मुद्ध ।
 स-कडक्खिहिं नयणिहिं नियइ असम-सेणेह-सिणिद्ध ॥

[११०६]

भणइ पुणु अणवगय-तत्त व्य

जह - पिय-सहि किमिह इहु कुमुम-चाणु रइ-रहिउ चिट्ठइ ।
 चउराणण वयइ - नणु इह रई वि काणणि विमिद्धइ ॥
 चिट्ठइ परिकीलंत जिह एहु अणंगु तह नि ।
 ईसि ईसि विहसंत पुणु कणयमान्ध निय-चित्ति ॥

[११०७]

किमिहु सूर-रिउ न न न सो कण्ह

किमु ईसरु न न न सु वि नग्गु इहु पुणु अणिमिसिच्छणु ।
 त्रिस-दूसिय-वयणु परणिहु वंगु चउ-वयण-दूमणु ॥
 मयणु अणंगु तावइ रवि रयणीयरु स-कलंकु ।
 इहु पुणु दोस-विवज्जियउ कु-वि नर-रयणु अ-संकु ॥

[११०८]

इय विचित्तिर भणइ नणु मामि

चउराणणि इह वि लहु विसम-वाणु इहु वाहरिज्जउ ।
 तयणंतरु निय-करिहिं इमह पूय-मक्कार किज्जउ ॥
 अह चउराणण विहसिउण भणइ - मयणु विसमस्सु ।
 आणयणिण सक्कारिण त्रि किमिह विसम-चाणस्सु ॥

[११०९]

तह-वि मइं पिय-सहिहिं आइहु

कायव्वउं इय भणिर पुरउ गंतु वियसंत-वयणह ।

सविह-द्विय-नहयरह धरणिनाह-हरिनेदि-तणयह ॥

भणइ - अणंग लया-हरह इमह मज्झि तूरंतु ।

आगच्छसु अह खयर-गणु-ईसि ईसि विहसंतु ॥

[१११०]

जच्च-कंचण-पह-सरीरो वि

किमणंगु भणीउ इहु अह सरीर-कारणु किमेयह ।

परिचिहइ किं-पि इय सुयणु तुरिउ त्हं लइय-हरयह ॥

अभंतारि परिखिवसि इहु वाहरिउण अतिहि त्ति ।

तयणु स-लज्जु समुल्लवइ चउराणण तरुणि त्ति ॥

[११११]

क-वि नवल्लिय एण्हि इय जाय

सु-वियइदिम तुम्ह इय कणयमाल-कुमरीए वरयह ।

भयवंतह मयणह वि कुणह एम्ब उवहासु एयह ॥

अहवा किं एएहिं सह मह कवोल-वाएण ।

इय सिरिनेदण कयलि-हर-मज्झि एह अइरेण ॥

[१११२]

सु-कय-जोगिण पयडिहूयस्सु

सक्कारु करेवि तुह कणयमाल इह मह वसंसिय ।

मग्गिस्सइ इच्छियह कसु-वि सिद्धि निय-हियय-दंसिय ॥

तुह अणु-पहिण इ नेवि लहु चल्लहुं खयर-कुमार ।

सुयण-समीहिउ कुणहिं कय- गरुयायर-सक्कार ॥

[१११३]

इह सु सत्तुय-मज्झि यय-खंडु

साहामिणु सु ज्जि इहु फलिय-विडवि साहहं निवद्धउ ।
 जं महियल-मिहि-तिलउ पुरिस-रयणु इहु इहुवलद्धउ ॥
 इय चित्तिवि सदाविउण लइय-भवणि सुहयम्मि ।
 तीए सु निउ मिचिहिं सहिउ कणयमाल-सविहम्मि ॥

[१११४]

ता खणद्धिण ताल-१३-पुण्डु

विहसंतिहि नहयरिहि सहिउ कुमरु माहविय-लइयह ।
 अब्भंतरी गयउ अह कणयमाल-कुमरीए सुहयह ॥
 स-करिहिं पवरासणु रइउ तहिं ठाणह पाउग्गु ।
 इयरहं आसण सहियणिण लहु वियरिय जह-जोगु ॥

[१११५]

तयणु नियण चारु-चरिण

सम्माणिण जोव्वणिण गुण-गणेण वर-रूव-रिद्धिण ।
 तह कुमरीए गहिउ मणु तगु कुमार-रयणह स-वुद्धिण ॥
 जह आराहइ स ज्जि पर सुत्तउ जग्गंतु व्व ।
 सिरि-अवराजिय-कुमर-वरु निय-मणु मग्गंतु व्व ॥

[१११६]

एत्थ-अंतरि करुणु विलवंतु

दह-रज्जु-निर्जंतियउ विसम-तूरि वज्जंति अग्गइ ।
 अणुमग्गागमिर-वहु- संख-खंथरु निरु अभउ मग्गइ ॥
 आगच्छंतउ तिण पहिण कुमरह सविहिं निलीणु ।
 पढमेल्लुय-जोव्वणु पुरिसु इगु दीसंतउ दीणु ॥

[१११७]

तयणु माहवि-लयह नीहरिचि
 असिधेणुहुं बंध तसु छिदिकुण जंपिउ कुमारिण ।
 अरि भइय दिणु तुह अभउ एत्थ-अंतरि वि अहरिण ॥
 आगय खयर-नरिंद-मड करयल-कय-करवाल ।
 भणहिं य साहिकखेधु जह सविहागय-खय-काल ॥

[१११८]

अरिरि मेल्लहि इहु दुरायारु
 परखुट्टइ म-न मरहि दुलह पुण-वि एरिस-समिद्धि ।
 अहवा इह गरुयहं वि अंतयालि जायहिं कु-बुद्धि ॥
 तयणंतरु फुरियाहरिण कुमरिण भणिउ स-रोसु ।
 सीहह सुहु म-न खंडुहिवि दइवह देज्जहु दोसु ॥

[१११९]

दलिमु हउं पुणु दप्पु तुम्हाहं
 सयलाहं वि न-उण इहु सरण-पत्तु अप्पेसि कहमवि ।
 ता कन्न पिहेवि लहु तुम्भि जाह निय-ठाणि सयमवि ॥
 अम्हे बहुया एहु इगु इय म-न हियइ धरेज्ज ।
 इहु तुम्भहं वल्लु दलिमु हउं तुम्भि वि पुरिस हवेज्ज ॥

[११२०]

एत्थ-अंतरि अंसुमाली वि
 विण्णाय-वइयरु खणिण पत्तु सविहि हरिनंदि-तणयह ।
 तयणंतरु नहयरिहिं भणिउ पुरउ तसु खयर-नाहह ॥
 जह - पहुनहवल्लह-नयर- सामिहि रवितेयस्सु ।
 किरणावलि अभिहाणियह देविहि पाण-पियस्सु ॥

[११२१]

विज्जुवेगय-नामु इहु चोरु

घरि पविसिवि आहरण गहिउ तुरिउ वहि नीहरंतउ ।
 आयणिय-वइयरिहि अणु-पहेण धाविरिहि पत्तउ ॥
 इहु अम्हिहि इय निय-पहुहु आएसेण निवद्धु ।
 वज्झ-घरहं निज्जंतु पुणु चिट्ठइ मुहड-निरुद्धु ॥

[११२२]

किंतु संपइ लद्धिण एण

कंकखल्लिउ एहु इय देइ अम्ह नामु वि न पाडिउ ।
 समुवागय इह तुमि वि तुडि-वसेण ता एहु वियारिउ ॥
 एयह मुहडह सन्निहिहि दोसारिहु अम्हाण ।
 अप्पावसु खयरिंद तुहुं पसिउण मग्गंताण ॥

[११२३]

एत्थ-अंतरि ईसि विहसेवि

अवराजिउ वज्जरइ होतु जइ न एहु दोसवंतउ ।
 ता विलविरु करुण-रवु किह-णु मज्झ सरणम्मि एंतउ ॥
 सामिण भेइण दंडिण वि इय लुट्टेइ निरुत्तु ।
 एहुइह अ-खलिय-माण-धणु मह सरणम्मि पहुत्तु ॥

[११२४]

ता जहिच्छिउ खयर-भड तुग्भि

सर-धोरणि-परिमुयह अहव चोर-मग्गणि असग्गहु ।
 इउं एणु वि अज्जु लहु खयर-पहुहु एयहु निर्यंतहु ॥
 भंजिस्सु तुम्ह समग्गहं वि चिर-पसरिउ वि मरट्टु ।
 तिप्पउ तुम्ह तणुहि जम्भु वि बहु-जिय-दलण-घरट्टु ॥

[११२५]

तयणु नहयर रोस-रत्तच्छ

आरोविय-धणुह लहु मुयहिं वाण सम्मूह कुमारह ।
 रयणायर-गहिर-मण- वयण-तणुहु सुर-सिहरि-सारह ॥
 अह लहु कुमरु निवारिउण हय-गय-मुहड-सणाहु ।
 अंमुमालि-खयराहिवह सेन्नु विहिय-सन्नाहु ॥

[११२६]

नियय-भुय-वल-दलिय-दुहंत-

पडिवक्खु खयरहं समुहु होउ लग्गु तह कह-वि जुज्झिउ ।
 जह नहयर सयल लहु विमुहिहूय सव्वंगु खुम्भिउ ॥
 जंपंति य जह - नर-रयण खममु अम्ह अवरद्धु ।
 सरणागय-वच्छल्लु हवइ सुयणु सुकय-उवलद्धु ॥

[११२७]

एहु न मुणिउ तुज्झ माहप्पु

न य दिट्ठउ भुवणयलि तुज्झ सरिसु अम्हेहिं सु-पुरिसु ।
 ता अ-विणय-विस-तरुहु फल-विवागु हुउ अम्ह एरिसु ॥
 तयणु कुमारिण परिहरिय- समरारंभिण हत्थु ।
 पुट्ठिहिं दिन्नउ नहयरहं अभय-पयाण-पसत्थु ॥

[११२८]

इय निरिक्खिवि कुमर-माहप्पु

सिरि-अंमुमालि-प्पमुहु खयर-निवहु हियइ पहिट्ठउ ।
 पडिवक्खिय-वग्गु पुणु पत्त-सामु दिसि-मुहिहि नट्ठउ ॥
 दाविज्जंतउ अंगुलिहिं तरुणिहिं कामिज्जंतु ।
 पिज्जंतउ नयणंजलिहिं मुयणिहिं सलहिज्जंतु ॥

[११२९]

खयर-पहु-कय-गरुय-वित्थरिण

मुहि-सज्जन-परियरित जणिय-भुवण-आणंद-वित्थरु ।
 परिपठिर-मागइ-निवहु दिण्ण-अभय-मोयविय-तक्करु ॥
 कुमरु पहुत्तउ धवल-हरि इयरि वि खयर-कुमार ।
 परिचिद्धहि तसु सन्निहिहि चइय-नियय वावार ॥

[११३०]

ता विसज्जिय-सेस-परिवार

निय-सार-परियण-सहिउ धवलहरय-अवल्लोयण-ट्टिउ ।
 परिचितइ कुमर-वरु बहु-वियप्पु अणिमेस-दिट्ठिउ ॥
 किं जीवंतइ आविहइ कह-वि पुणु-वि सो कालु ।
 जहि पिच्छेस्सहुं वालियइ तहि मुह-कमलु विसालु ॥

[११३१]

एत्थ-अंतरि अत्थ-सिहरिम्मि

अवइण्णउ सहस-करु सह कुमार-सुक्खाणुवंधेण ।
 अणुरत्त य अवर दिसि हरिण-नयणि सह कुमर-बुद्धिण ॥
 उच्छलियउ पुणु तम-नियरु सह तसु संतावेण ।
 पत्तावसरु समुग्गयउ ससि सह रणरणण ॥

[११३२]

तयणु अवगय-कुमर-भावेहि

वियसंत-मुह-पंकइहि भणिउ सविह-गय-खयर-कुमरिहि ।
 किमु श्रायसि जोगिउ व पुरिस-रयण अणिमिसिहि नयणिहि ॥
 कुमरु पर्यपइ - सिद्धि इउं श्रायहुं निय-कज्जस्सु ।
 अह अ-मुणिय-तत्त व खयर जंपहि - केरिस तस्सु ॥

[११३३]

कुमरु पमणइ - कणयमाल्लसु

अह खयरिण क्किण-वि निय रयण-माल कंठइ गहिप्पिणु ।
 इह समहिय नणु कणय- मालयइ वि धुवु इय भणेप्पिणु ॥
 वियरिय करि अवराजियइ तयणु तेण संलत्तु ।
 नणु हविइइ जइ इयर-भवि एह तसु सरिस निरुत्तु ॥

[११३४]

तयणु खयरेण कणय-माला वि

आणेप्पिणु भणिउ - नणु नियइ नियइ केवइडु-अंतरु ।
 मणि-कंचण-मालयइ अवगणेइ जइ धरणि-गोयरु ॥
 मह मणि-माल अ-मुल्ल एह लुद्ध कणय-मालाए ।
 ता टिविडंकि-य-मुहु कुमरु भणइ आल-जालाए ॥

[११३५]

किमिह कीरइ इंत एईए

जं सुवण-सुहावहिय अवर का-वि सा कणयमालिय ।
 अह नहयर भणहिं - नणु कत्य अत्थि सा गुण-विसालिय ॥
 कुमरु पयंपइ - मह हियइ इयर भणहिं - जइ एउ ।
 ता किह उरयलि तुम्ह नियहुं अम्हि स जय-सुह-हेउ ॥

[११३६]

दइय-विरहिण विहुर-हियओ वि

अह ईसि विहसिवि कुमरु भणइ - तुम्हि धुवु इंत अंधल ।
 तिण न नियइ मह हियय- ठिय वि एह सुह-दाण-पच्चल ॥
 इय अवराजिय-कुमर-वरु कणयमाल-विसयाहिं ।
 सुहु पावंतउ गमइ निसि नाणा-विहहिं कडाहिं ॥

इओ य ।

[११३७]

दिद्व-निमुणिय-कुमर-माहप्प-

सविसेस-समुल्लसिय- गरुय-राय-सव्वंग-विहुरिय ।
 कह-काहमवि कण गह गइय नियय-धवलहरि कुमरिय ॥
 ता अत्थमियइ सहस-करि रयणि-रमणि उदियम्मि ।
 सव्वविक्हि विरहाउरिहि निसियर-कुलि मुइयम्मि ॥

[११३८]

अह कइयहं पुणु-वि पेक्खेसु

तमु मुहयइ मुह-कमलु कह-व सुइरु तमु हियइ विलसिमु ।
 किह पांविमु सु जिज वरु किह-णु किह-णु तमु चित्तु रंजिमु ॥
 कइयइ रमिहइ समगु मइ पिउ पयडिय-अणुराउ ।
 अहव अहन्नह मह किह-णु इहु सु-कयहं अणुहाउ ॥

[११३९]

अरि निमग्गिय हउं जि संसारि

जं पत्तु वि तुडि-वसिण भुवण-अहिय-निय-पुण्ण-पगरिमु ।
 तिण तारिस-वह्यरिण उत्तरीउ हत्थइ सु तारिमु ॥
 अहव अकारण-वच्छलिण विहिण अहन्न-घरम्मि ।
 चिंतामणि पट्टविओ वि वच्चइ अन्नयरम्मि ॥

[११४०]

इय पर्यपिर वियल-वावार

खणु उट्ठइ खणु सुयइ लुलइ महिहिं खणु खणु पणच्चइ ।
 गायइ खणु खणु हसइ खणु वहिम्मि अ-निमित्तु वच्चइ ॥
 इय दुल्लंभह माणुसह तमु रेसिहिं सा वाल ।
 कह कह नडइ न अप्पु लहु नं सविहिय-खय-काल ॥

[११४१]

इय वियाणिय-उभय-वुत्तु .

खयराहिवु तुट्ट-मणु वित्थरेण धरणियल-सारह ।
 हरिनंदि-नरिंद-कुल- गयण-ससिहि स-हरिमु कुमारह ॥
 कणयमाल वियरइ तयणु केत्तियइं वि दियहाणि ।
 तीण सह सेवइ कुमरु निरुवम-विसय-मुहाणि ॥

[११४२]

तहुवसाइ विविह-विज्जाउ

मुहि-सज्जण तूसवइ ललइ सयल-गिरि-काणणाइसु ।
 मुस्सुसइ सु-गुरु-पय जयइ सययमवि इयर-अत्थिसु ॥
 उच्चिय-किरिय-पवित्ति-परु पगइ-अदीण-सहावु ।
 अ-ददाणुसउ कयण्णुयउ अ-विहिय-पर-संतावु ॥

[११४३]

देव-मुणिवर-विहिय-वहु-माणु

रयणायर-गहिर-मण- पसरु सहल-आरंभु मुहयरु ।
 वंदंतउ जिण-वरहं विव हरिस-रोमंच-मणहरु ॥
 निय-जस-धवलिय-सयल-दिसि सुयण-मणेसु वसंतु ।
 चिट्ठइ दोगुंदुग-सुरु व गउ वि कालु अ-मुणंतु ॥

[११४४]

अवर-अवसरि विहि-निओएण

आकंपिय सयल महि विरस-सरिण धट्टहडिउ गिरि-वरु ।
 अंधारिउ गयणयलु जलिउ लग्गु दह-दिहिहिं अंतरु ॥
 दियहि वि पविसहि वसिमि वण- सावय परिधावेउ ।
 भग्ग-मुक्क-तरु-सिहर-ठिय वायस विरमु रसेउ ॥

[११४३]

जलिर-पुच्छय गलिर-उच्छाह

हुय सिंधुर वसह हय रुहिर-वरिसु गयणह निवडियउ ।
 सिव-सह समुल्लसहिं केउ-सहसु गयणम्मि फुरियउ ॥
 निसियर नच्चहिं किलकिलहिं भुय साइणि वेयाल ।
 नहयर-वग्ग [विवग्गहिं य ?] परिसुइय-खय-काल ॥

[११४६]

तयणु पसरिय-गरुय-आयंकु

नीसेसु वि खयर-जणु दुष्मिन्नि-कारणु निहालइ ।
 अह चारण-समणु इणु अंसुमालि-सविहम्मि साइइ ॥
 विज्जा-साहण-वाउलह फुरिय-कित्ति-पसरस्सु ।
 सीलालंकि-तणु दइय खयरह रवितेयस्सु ॥

[११४७]

हरिय विलविर रुव-लुद्धेण

मयणाउर-भाणसिण कामरुवि-नामेण खयरिण ।
 ता मुद्ध अणिच्छिर वि हट्ठिण भोत्तु आहत्त पाविण ॥
 अवहि-ण्णाणिण मुणिवि इहु सयलु वि धरणिदेण ।
 नणु अइरिण लंघिय किह-णु मह मज्जाय इमेण ॥

[११४८]

जमिह खयरहं सिद्धि-कालम्मि

नमि-विणमिहिं पुरउ मइं आसि विहिय मज्जाय स-मुट्ठिण ।
 जह हरिय वि पर-रमणि हट्ठिण नेव भोत्तव्व खयरिण ॥
 ता सच्चेसि वि नहयरहं करिसु समणु संहारु ।
 इय चित्तंतिण सयलु इहु किउ अ-निमित्त-पयारु ॥

११४५. Line v is missing in K. The reading नहयरवग्गह वि. in K is defective.

[११४९]

ता खणदिण सुद्धिं खयरिंदु

विज्जाहर निरु डरिय नियहिं वयण अन्नुत्तु खण्णिउ ।
 एत्थंतरि सुर-सिद्धरि- थिर-भणेण कुमरेण पण्णिउ ॥
 नणु भय-वेविर तुब्धि इह किह च्छिद्धह सज्जे वि ।
 कि न उवसामह इहु अ-स्सितु जिण-विंवहं भूषवि ॥

[११५०]

जमिह जिज्जहिं समल उवसमा

परिच्छिज्जहिं विग्घ-लय हवहिं हियय-वंछिय-समिद्धिउ ।
 उवल-भहिं सयल सुह उल्लसंति ससि-विमल-बुद्धिउ ॥
 तियसामुर-नर-खयर-गण- धुणिय-चलण-जुयल्लिहिं ।
 पुज्जिज्जंतिहिं जिण-वरिहिं निक्कारण-सरणेहिं ॥

[११५१]

अहह सुंदरु भणिउ नर-रयण

तइ अवहु क्ख परिउं अमय-अहुरु जंपेइ ज्ञाणइ ।
 इय जंपिरु अहयरहं वग्गु सयल्लु सहस-त्ति आणइ ॥
 कुसुमाहरण-विलेवणइं जिण-विंवहं पाउग्गु ।
 सिद्धाययणि स-परियणु वि तयणंतुरु जह-जोग्गु ॥

[११५२]

पूय विरइवि जिणवरिंदाण

तक्कालामइण सह अमियगइण चारण-मुग्गिदिण ।
 धरणिंदु अणम्मि धरि खयर-वग्गु ठिउ काउसग्गिण ॥
 सु-विसेसिण जिण-मुग्गिवरहं पय-पउमइं सुमरेवि ।
 अवराजिउ उस्सग्गि ठिउ मणि धरणिंदु धरेवि ॥

[११५३]

चलिय-आसणु तयणु धरणिदु

संपत्तु सिद्धाययणि मणइ पुरउ संग्रह नमेविणु ।
 भयवंतिण अणुगहिउ हउं किमित्थ संघिण सरेविणु ॥
 अह अवराजिय-कुमर-सिरि-अंमुमालि-पमुहेण ।
 धरणिदह सम्मुहु भणिउ भयवंतिण संघेण ॥

[११५४]

कामरूविण खयर-अहमेण

अम्हाण समायरिउ एगु एहु अवराहु मरिसिवि ।
 उवसामसु असिव-भरु खयर-उवरि कारुणु दंसिवि ॥
 पाइण दु-वियायउं हवइ सव्वत्थ-वि न दु-माय ।
 हवहिं सहाविण पणय-पिय अहवुत्तिम सुर-राय ॥

[११५५]

इय सुणेविणु संघ-वयणाइं

उवसामिवि असिव-भरु नमिवि अमियगइ-साहु-चलणिहिं ।
 अवराजिय-कुमरह वि गुण धुणेवि साणंद-वयणिहिं ॥
 संपु वि सयलु धुणेवि निय- ठाणि गयउ धरणिदु ।
 ता सयलु वि नइयर-निवहु विम्विय-मुह-अरविदु ॥

[११५६]

भणइ पणमिवि अमियगइ-साहु-

पय-पंकय भत्ति-भरु जह - मुणिंद साहसु पसोउण ।
 धरणिदणि किह इयरु खयर-वग्गु सयलु वि विमुत्तण ॥
 धुणिउ स-तोसिण गुण-निवहु अवराजिय-कुमरस्सु ।
 तयणु मुणिदिण भणिय - नणु गुरु-वइयरु पयस्सु ॥

[११५७]

जमिह एत्य वि भरह-खेत्तम्मि

सिरि-वारवइहि पुरिहिं समुदविजय-नरनाह-नंदणु ।
 हरि-वंसह जस-कलसु ति-जय-ओय-आणंद-संदणु ॥
 वावीसइसु जिणाहिवइ उसह-वउव्वीसाए ।
 हविहइ सामिउ नेमि-जिणु महिहि सु-कय-आसाए ॥

[११५८]

विमलवोहु वि सच्चिव-अंगरुहु

सिरि-नेमिनाह जिणह तणउ सोसु गण-हारि हविहइ ।
 तयणंतरु स-परियणु अंसुमालि नहयरहं अहिहइ ॥
 पुणु पुणु अवराजिय-कुमर- गुण-गणु मणि सुमरंतु ।
 भणइ रइय-कर-कोसु कय- किच्चु अप्पु मन्नंतु ॥

[११५९]

भयवमसरिस-सुकय-रासिस्सु

हरिनंदि-नरवइ-सुयह उभय-ओय-जय-जंतु-सुहयह ।
 अवराजिय-नामयह इमह सयल-गुण-पुरिस-रयणह ॥
 रज्ज-धुरंधरु अंगरुहु किमिह कणयमालस्सु ।
 हविहइ कु-वि अहवन्नयह सुकयवइहि दइयस्सु ॥

[११६०]

तयणु चारण-मुणि भणइ - नेय

खयरिंद तुह कन्नयह न-वि य इयरह वि खयर-दुहियह ।
 हविहइ कु-वि रज्ज-धरु तणउ किंतु सोहग्ग-निलयह ॥
 पुब्ब-जम्म-संतइ-निविड- सुप्रडिय-पडिबंधस्सु ।
 तरुणी-रयणह पीइमइ- अभिहाणिण पयडस्सु ॥

[११६१]

अह बिसेसिण भणइ खयरिंदु

नणु मुणिवर मह कहसु तीए पीइमइ-वाम-नयणह ।
 बुचंतु लेसिण तयणु मुणि भणेइ जह - वसुह-वलयह ॥
 मंडणि तिन्त्र-पयाव-निव- पयडिय-सोह-समिद्धि ।
 सिरि-आणंदपुरु त्ति अ-वितह-अभिहाण-पसिद्धि ॥

[११६२]

साहु-वसहु व गय-अलंकार

धण-संदणु पाउसु व दुसह-सूरु सारइय-कालु व ।
 मुर-सरि व पवाह-सिरि रायहंस-कय-सेवु गयणु व ॥
 इय बहु-इय-गय-मुहड-रह- चउविह-सेन्न-समिद्धु ।
 आसि वसुंधर-नाहु सिरि-जियसत्तु त्ति पसिद्धु ॥

[११६३]

तस्सु हिमगिरि-धर व परम्भहिम

ससि-रेह व विमल-पह रयण-निहि व बहु-संख-सुत्तिय ।
 रोहण-गिरि-वसुमइ व विमल-रयण-गुरु-देव-भत्तिय ॥
 सारय-रयणीयर-किरण- निम्मल-गुणहं निहाण ।
 धारिणि-नामिय आसि पिय अंतेउरह पहाण ॥

[११६४]

तेसि अणहुय-पुच्च-विरहाहं

झुंजंतहं विसय-सुहु असम-सुमिण-छइय-समाणिय ।
 चविऊणं रयणवइ- तियसु धूय हुय बुह-वखाणिय ॥
 तयणंतरु पत्तावसरु निवइण दिण-सुद्धीए ।
 पीइमइ त्ति विइणु तसु नामु गरुय-रिद्धिण ॥

[११६५]

तत्पणु मंदार-कल्प-क्षय च

निव्विग्गिण अहरिण वि पंच-विहहिं धाईहिं लल्लिय ।

सह अ-सरिस-गुण-गणिण पत्त पढमि तारुणि वाळिय ॥

न-उण समाण-वयहिं सहिहिं भणिय वि भव सुहयस्सु ।

अणुसज्जइ सा पीइमइ कहमवि विसय-कहासु ॥

[११६६]

अवर-अवसरि धरणि-हरिणकु

रहि धारिणि-पिययमहं भणिउ - देव नणु पत्त-कालिय ।

वीवाइ-महूसवइ उचिय-वरिण सह तुम्ह वाळिय ॥

जं मन्नहुं तियस वि कुमरि- संग-तण्ड-अभिभूय ।

अवलोयण-परमोसहिण अणिमिस-लोयण हूय ॥

[११६७]

अवि य वुज्झइ रयणमाल च

सा द्वियइण सज्जणिहि जणइ हरिसु मंदार-लइय व ।

परिवड्डइ कलहिं सिय- पक्खि निच्चु रयणियर-रेइ व ॥

जसु सव्वंगिय-रुव-सिरि- अवलोयण-तल्लिच्छ ।

अणिमिस-लोयण-कमल-हुय मणुय वि तियस-सरिच्छ ॥

[११६८]

इय स-दइयइ वयणु निमुणेवि

वसुहाडिबु पीइमइ- कुमरि-पुरउ वज्जरइ सत्थक्क ।

जह - वच्छि वरेसु वरु को-वि तयणु कुमरि वि अ-कायर ॥

अ-छइलु पिउ पोढंगणहं सामिउ मुत्तु बुहाण ।

चाईण य दारि इय तिन्नि वि मूळ बुहाण ॥

[११६९]

इय विचिंतिर भणइ - नणु ताय
 परिवाग-दारुण विसय भवि इवन्ति जीवहं सहाविण ।
 अवियद्धिण माणुसिण सह उ दुहइं वियरवि विसेसिण ॥
 इय अ-दिहु विस-कंटगु व गरुय-दुहउ विसयइहु ।
 सिंग-विशज्जिउ दु-पउ पमु चइयव्वउ अवियइहु ॥

[११७०]

इय वहत्तरि-कल-वियारेण
 जो तुम्हहं पयहु मइं जिणइ मज्झ सु जि देज्ज पिययमु ।
 इयरह किमणत्थ-फल- विसय-मुहिण ता छेसु संजमु ॥
 इय निमुणिवि धूयह वयणु निवु परितुट्ठु मणेण ।
 सहावइ सचिव-प्पवरु स-निउत्तेहिं खणेण ॥

[११७१]

ता नराहिबु धूय-वुत्तंतु
 सचिविंदह कइइ अह तेण भणिउ - नणु देव जइ इहु ।
 ता गरुयर-वित्थरिण विजिय-तियस-गिह-सोहु इह लहु ॥
 काउ सयंवर-मंडवउ सहावहु जय-सार ।
 निरुवम-कित्ति-पयाव-भर सयलि वि निवइ-कुमार ॥

[११७२]

अह सयंवर-मंडवु करेवि
 स-निउत्तय-माणविहिं उचिय-उचिय-निय-लेह पेसिवि ।
 सन्वेसि वि निव-मुवहं पीइमइहि वइयरु पयासिवि ॥
 सहाविय जियसत्तु-नरनाहिण तियस-विसेसु ।
 परिसीलिवि ससि-निम्मलहं कलहं कलावु अ-सेसु ॥

[११७३]

अमिय-संख्य-चारु-चउरंग

बल-पूरिय-धर तरुण विहिय-अंग-सिंगार सुंदर ।
 आणंदपुरि पत्त अह निविण तेसि आवास मणहर ॥
 नियय-निउत्तय-माणविहिं वियराविय जह-जोगु ।
 कमिण पहुत्तउ पीइमई- कुमरि-बिवाहह लगु ॥

[११७४]

अह अणुक्कमु वियरियादेसु

सव्वेसि वि निव-सुयहं आसणेसु वसुहाहिराइण ।
 उवविट्ठ नरिंद-सुय सव्वि तयणु अविलंव-जोइण ॥
 नाणा-विह-सहियण-सहिय करयल-कय-वरमाल ।
 कय-असरिस-सिंगार जियसत्तु-नरिंदइ बाल ॥

[११७५]

लहु सयंवर-मंडवह मज्झि

निय-दंसण-मेत्तिण वि निवइ-सुयहं सयलहं वि हिययइं ।
 खोईती पत्त अह अंव-धाइ तह नाम-गोयइं ॥
 कमिण निवेयइ कुमरियहि न-उण कहिं-चि वि एय ।
 दिट्ठि वि खिवइ निवंगरुहि मुर-गिरि-गरुय-विवेय ॥

[११७६]

तयणु कंजुगि भणइ - नणु कुमरि

सव्वे वि निवंगरुह संति एत्थ मिलिऊण आगय ।
 इय फेडसु पुच्छिऊण कलहं विसइ निय-हियय-संसय ॥
 एत्थंतरि महुक्खरिहिं कुमरिहिं ईसि हसेवि ।
 लज्ज-वसिण मुहु महियलहं सम्मुहु विणिवेसेवि ॥

[११७७]

तक्क-लक्खण-गणिय-साहिक्क-

सिद्धंतं सयलहं वि कलहं विसइ परमत्थु पुच्छिय ।
 सच्चे वि अ-मुणंत पुणु गुरु-विसाय-विणिमीलियच्छिय ॥
 सयलंगुम्भव-सेय-जल- धारुल्लिय-नेवत्थ ।
 चिट्ठहिं भगवगिय-हियय गरुय-खेय-पडिहत्थ ॥

[११७८]

एत्थ-अंतरि गुरु-विसायस्सु

जियसत्तु-नराहिक्क पुरउ सार-परियण-समेयह ।
 कुलएवि जंपइ - अहह कोवयासु निवु तुह-विसायह ॥
 जम्हा सिरि-हरिनेदि-निव- कुल-मंदिर-सिरि-केउ ॥
 हविहइ अवराजिउ दइउ तुह धूयह सुह-हेउ ॥

[११७९]

तयणु निवइण अ-कय-विक्खेवु

तहिं पेसिय पवर-नर ते वि नयरि हरिनेदि-रायह ।
 जा गच्छंहिं ता नियहिं नयर-लोउ गउ गुरु-विसायह ॥
 तयणंतरु विक्खुहिय-मण किं इहु इय चिंतंत ।
 मुणहिं कुमर-अवहार-विहि निवइ-पुरउ पुच्छंत ॥

[११८०]

ता विसेसिण कुरिय-संताव

जियसत्तु-नराहिवह पुरउ गंतु कइ-कइ-वि साहहिं ।
 जह - नाह हरिनेदि-भिषु स-गुर-जणु वि अइ-गरुय-वाहहिं ॥
 विहुरिय-भण-तणु-जीम्विउ वि चिट्ठइ कइ-वि धरंतु ।
 गिरि-अवराजिय-कुमरभय- निरुवम-गुण सुमरंतु ॥

[११८१]

जओ—

महु-महूसव-समइ चउरंग-

वल-पूरिय-धरणियल नियय-गरिम-परिविजिय-सुर-गिरि ।
 अवराजिय-कुमरु किल आसि गयउ वणि तयणु महु-सिरि ॥
 पेक्खंतो वि तुरंगमिहि हरिउण भित्त-समेउ ।
 खिविउ कह-वि हरिनंदि-निव-कुल-मंदिर-सिरि-केउ ॥

[११८२]

अह नराहिवु मंति-सामंत-

सत्थाह-सेट्ठिहि सहिउ कह कहं न परियडिउ वसुहहं ।
 अ-लहंतउ पुणु सुयह सुद्धि-मेत्तमवि अज्जु स-सहहं ॥
 निमुयउ अम्हिहि स-दइउ वि निवु मंतणउं कुणंतु ।
 जइ - अवराजिय-कुमर-विणु अम्ह जिण पज्जत्तु ॥

[११८३]

इय न जइ लहु कुमर कत्तो वि

आगंतुण ताहं मणु संठवेइ ता अज्जु नित्तुलु ।
 हरिनंद स-दइउ गुरु-जणिण सहिउ स-पइण-पच्चलु ॥
 कय-अंतिम-कायव्व-विहि निवडेविणु वि हवविक ।
 अतिहि कयंतह होइसइ देव म अवरु वियविक ॥

[११८४]

तयणु - धिसि धिसि किमु अ-संवद्धु

इहि जंपहिं इय मणिण चितयंत पीइमइ बालिय ।
 लहु निवडिय धरणियल गरुय-दुक्ख-हुयवह-करालिय ॥
 सिरि-जियसत्तु-नराहिवु वि सयल-सार-परिवारु ।
 अवराजिय-वइयरु सुणिवि हुउ परिगलिय-वियारु ॥

[११८५]

एत्थ-अंतरि - अहह मह जम्मु

धिसि विलसिउ इइय सिरि किमु इमेण गरुइण पयाविण ।
 जं चिट्ठहिं मह जणणि- जणय गहिय-सव्वंग-ताविण ॥
 इय चित्तिरु चारण-मुणिहिं पय-पउमइं पणमेवि ।
 अंसुमालि-खयरहिबु, वि लहु अणुजाणावेवि ॥

[११८६]

विविह-नहयर-विहिय-पय-सेबु

नव-परिणिय-गहिय-पिउ समग-चलिय-बहु-खयर-परियणु ।
 फुडु गहिर-पढंत-बहु- वंदि-सइ-पूरिय-नहंगणु ॥
 स-निउत्तय-नहयर-रइय- पवर-विमाणि चडेउ ।
 अवराजिउ आणंदपुर- उवरि नियय-कुल-केउ ॥

[११८७]

पत्तु ता जियसत्तु-नामेण

नीसेस-नायर-जुइण गरुय-चोउज-विम्हइय-हियइण ।
 नणु सुर-गणु को-वि इहु इय स-तोमु पप्फुल्ल-नयणिण ॥
 धूव-कडच्छुय-करयलिण परिहिय-सिय-वत्थेण ।
 उप्पाडिय-कुसुमंजलिण स-इरिसु भणिउ निवेण ॥

[११८८]

जक्खु किन्नरु सिद्ध गंधवु

सुरु असुरु व नहयरु व नियय-पउर-परिवार-कलियउ ।
 जो कु-वि सु स-परियणह मज्झ अग्ग-सिण्हणिण पसियउ ॥
 तइ अवराजिय-कुमर-वर- संपायणिण तुरंतु ।
 मह धूयहं तसु जणयहं वि कुणउ पसाउ महंतु ॥

[११८९]

तयणु जणणी-जणय-वुत्तंत-

आयण्णिण दुक्खिउ वि ईसि हसिरु हरिनंदि-नंदणु ।
 गयणयल्लह अवयरिउ मागहेण ता निवइ-रंजणु ॥
 पढिउ फुडक्खरु जह - जयउ गरुय-परक्कम-सारु ।
 अवराजिय-नामिण पयडु इहु हरिनंदि-कुमारु ॥

[११९०]

तयणु अ-सरिस-हरिस-पसरंत-

पुलयंचिय-सयल-तणु नियय-सार-परियण-समञ्जिउ ।
 तं मागह-जण-वयणु परम-तत्तु एहु त्ति मन्निउ ॥
 ज ज्जि गवेसहं वेल्लडो स ज्जि विलग्गी पाइ ।
 इय चिंतंतु नराहिवइ कह-वि न माइ न ठाइ ॥

[११९१]

तह विसप्पिर गरुय-मुच्छा वि

अवराजिय-नर-रयण- नाम-सवण-अमएण सत्तिथ ।
 परिवियलिय-मुच्छ-दुह कुमरि पीइमइ झत्ति उट्ठिय ॥
 जाव निरिक्खइ विहसिरह कुमरह मुहु ससि-चंगु ।
 ता दढयरु कुसुमाउहिण सा विहुरिय सव्वंगु ॥

[११९२]

तयणु सचिविण सुमइ-नामेण

निय-कुमरिहि मणु मुणिवि वंदि-वयण-विण्णाय-तत्तिण ।
 अवराजिय-कुमर-वर- पुरउ भणिउ निय-वयण-सत्तिण ॥
 जह - नर-रयण कुमारियह कल-कोसल्लु निएवि ।
 करिसु पसाउ महायरिण पाणि-ग्गहणु करेवि ॥

[११९३]

अह — तियहं सहं कल-वियारेण
 का गरिम महायसहं नहि लछेइ हरिणीहिं सह करि ।
 परि पगइहिं तुच्छ तिय इय इमीए ष्यम्मि अवसरि ॥
 जइ हउं दएणु न उद्धरहुं ता नहवइयह (अ)वस्सु ।
 बज्जेइ य अवजस-पडहु सयल-पुरिस-वग्गस्सु ॥

[११९४]

इय विचितिरु सयल-निव-सुइहिं
 परियरियह नरवइहि पयइ पीइमइ सविह-संठिय ।
 अवराजिय-नर-मणिण पढमु सह-विसयम्मि पुट्टिय ॥
 ता विसमाउह-धीवरह सर-सल्लिय-सवंग ।
 पडिउत्तर अ-मुणंत ठिय मोणिण चवल-अवंग ॥

[११९५]

अह कुमारिण अन्न-अन्नम्मि
 विसयम्मि पुच्छिय कुमारि न-उण किं-पि उत्तर पयच्छइ ।
 ता स-सहिहिं बहु-विहिहिं इसिय संत पीइमइ जंपइ ॥
 अज्जउत्त हउं तुह पुरउ ताव न किं-पि मुणेमि ।
 तह-वि हु पुच्छेऊण किं-वि तुह गुण उवजोवेमि ॥

जहा —

[११९६]

विणहु सेउ वि जिण-विसेसो वि
 आभासइ नणु धरणिनाहु रुदु किं देइ चोरहं ।
 निय-गरिमहं कुव मलिवि माणुस-सुर-नर-खयर-कुमरहं ॥
 सिजिर-भमरावलि-कुसुम कंठि खिवाविवि माल ।
 परिणेतइ नर-नायगह सिरि-जियसत्तुहु वाल ॥

११९४. ९. क. दवल.

११९५. ७. क. मुणेमि

[११९७]

ईसि बिहसिवि नियय-अभिहाणु

पडिउत्तरु कुमरियहि कहिवि भणइ साणंदु कुमरु वि ।
 नणु ससि-मुहि पीइमइ मह वि पणहु फोडसु अ-सारु वि ॥
 जं निमुणिउ मई आसि तुह सयल-कलहं कोसल्लु ।
 इय दायवु अवस्सु तई मह पुच्छइ पडिबुल्ल ॥

[११९८]

तहा हि --

धन्नु को वि हु रिउ वि कीलणु वि
 परिपुच्छइ रमइ कहि लोउ का व कामिणिहि सुंदर ।
 आयाणु परितप्पणु वि के व निमुय धाऊ पर्यपिर ॥
 तुट्ठि स्सिरि पडिसेहयर भणहि क जणु वि निपइ ।
 मयणु भणइ केरिसिय क व तरुणहं हियउं हरेइ ॥

[११९९]

तयणु खणु इगु कुमर-संभासु

खणु तस्सु सरीर-सिरि खणु कलाहं सयलहं वियइदिम ।
 खणु चंगिम मुह-ससिहि खणु कुमार-चरियाहं वइदिम ॥
 खणु गहिरिम पणहुत्तरइ तसु वालिय चितंत ।
 थक्क पसारिय-नयण न य कस्सु वि पारि पहुत्त ॥

[१२००]

खलिर-मुललिय-धोव-सविल्लास-

महुरक्खर-मालियहि किं-पि किं-पि अह कह-वि जंपइ ।
 तियसामुर-खयर-बुह- रयण-जाइ उत्तरु वि संपइ ॥
 पयडसु निय-पणहुत्तरइ अह विहसंतु कुमार ।
 साइइ सिखल-जाइ तह निय-पणहुत्तर-सार ॥

‘परमेहला पीडमइ’ चि ॥

[१२०१]

इय विचित्तिहि वयण-रयणहिं

आणांदिवि निवइ-मणु माणु दलिवि पडिवविस्-कुमरहं ।
परिणिज्जिवि पीडमइ जणिवि चोज्जु निरु विवुह-विसरहं ॥
धवलिवि महि-मंडलु जसिण सविहि पटुत्तइ लगि ।
किज्जंतइ हिय-इच्छियइ पणइयणहं जह-जोगि ॥

[१२०२]

कुमर-रयणिण पीडमइ-कन्न

वीवाहिय वित्थरिण तह कहं-चि जह लहु अ-सेसहं ।
वद्धावण-तूर-रवु हरिस-भरु वि पसरियउ वमुहहं ॥
गरुयाणंदिण वित्थरिय कुमरि-जणय-जणणीउ ।
असरिस-पसरिय-तोस-भर विलसहिं पुर-तरुणीउ ॥

[१२०३]

तयणु चच्चरि तिगि चउक्कम्मि

पुर-रच्छहिं क्व-सर- सरिय-तीर-धरणियल-सिहरिहि ।
उद्धीकय-कट्ट-लहु- कय-निवेस-वहु-मंच-विवरिहिं ॥
घर-अवलोयण-जिणभवण- पायारुवरि निविट्ट ।
नयण-पहागइ नव-मिहुणि तहिं तरुणियण पहिट्ट ॥

[१२०४]

भइणि अगलु सुयसु जिह हउं वि

नव-परिणिय-पीडमइ- पियह असम-सोहग्ग-मारह ।
अवलोयहुं मुह-कमलु अकय-तवहं दुलहह कुमारह ॥
अवर भणइ - हलि हेल्लडी किं तुह एत्तिउ सोडु ।
एयह मिहुणह जोयणइ अम्हाहं वि किं न कोडु ॥

[१२०५]

अवर पेच्छिर कुमर-लायणु

कुमुमाउह-हय-हियय खिवइ गहिवि कन्नम्मि नेउरु ।
 सुय-वुद्धिहिं करयलिण कडियडम्मि संठवइ वानरु ॥
 अगहिय-कंचुग-उत्तरियं क-वि पुणु नीवी-हत्य ।
 नियइ कुमार-मुहंवरुहु जुव-चुज्जयर-अवत्य ॥

[१२०६]

का-वि कन्नहं कुणइ कंडुयणु

पयडीहुय-सिहिण-जुय अवर उत्तरिय-मित्त-अंवर ।
 धावंत सबडंमुहिय हासवेइ सयल वि वसुंधर ॥
 कुमरु वि अणुरायाउरहं तरुणिहिं चरिय नियंतु ।
 ससहर-उदइ स-भारिउ वि वास-भवणि संपत्तु ॥

[१२०७]

तयणु आइम-जम्म-संवंध-

पसरंत-रायाउरिण समगु पीइमइ-तरुणि-रयणिण ।
 परिकीलिवि बहु-विहिहिं पत्त-कालु सह स-परिवारिण ॥
 अणुजाणाविवि कह-कह-वि सिरि-जियसत्तु-महिंदु ।
 निय-पुर-गमणिण तोसवइ सिरि-हरिनंदि-नरिंदु ॥

[१२०८]

ता नरिंदिण सुणिय-वइयरिण

वद्धावणु आयरिण जणिय-चुज्जु कारविउ वसुहहं ।
 अह गरुयर वित्थरिउ हियइ हरिसु मुहि-सयण-विजुहहं ॥
 अह तहिं कोसल-निव-दुहिय कणयस्सिरि संपत्त ।
 रंभ वि सिरिमंदिर-नयर- पहु-निव-धूव पहुत्त ॥

[१२०९]

कमिण चविउण तियस-भवणाउ

मार्हिदह चवलगइ- मणगइ त्ति ते पुव्व-सोयर ।
 तसु वंभव इह वि हुय सूर-सोम-अभिहाण मणहर ॥
 अवरम्मि उ अवसरि निवह अत्थाणुवविट्ठस्सु ।
 पुरउ भणिउ उज्जाणिइण उदाविय-हिअवस्सु ॥

[१२१०]

जमिह सामिय अज्जु उज्जाणि

मुणि-महुयर-विहिय-पय- पउम-सेव वर-नाण-दिणयरु ।
 मुसुमूरिय-तम-तिमिरु भविय-जंतु-संताण-सुहयरु ॥
 दस-पयार-मुणिवर-किरिय- परिवालण-गय-चित्तु ।
 विमलवोह-अभिहाणु गुरु आइउ चारु-चरित्तु ॥

[१२११]

अह समुस्सिय-वहल-रोमंचु

अवराजिय-जुव-निवइ सूर-सोम-सुय-रयण-पमुहिण ।
 सामंत-अमच्च-वणि- वरिण जणिय-निय-निय-समिद्धिण ॥
 सयलंतेउर-परियरिउ निय-परिवार-समेउ ।
 आगंतु वि वंदइ गुरुहुं पय-पउमइं पणमेउ ॥

[१२१२]

अह जहारिहु धरणि-नाहम्मि

उचियासणि संठियइ विमलवोह-मुणिवरु स-वित्थरु ।
 परिसाहइ जह — अहह भवु पलित्त-गेहु व अ सुंदरु ॥
 काइय-वाइय-माणसिय- दुह-लक्खहं य निहाणु ।
 न खमउ खणु वि विवेइयइं एत्थ पमाय-विहाणु ॥

[१२१३]

दुल्लभु माणुस-जम्मु वर-लोय-

परिसादणु तर्हि पवरु विसय-सुक्ख परिणाम-दारुण ।
 परि चंचलु जीविउ वि दइय-संग-सुह विरह-कारण ॥
 ता संसार-पलीवणय- विज्झावणि जइयवु ।
 तं पुणु जइ परि धम्म-वर- मेहिण उवसमियवु ॥

[१२१४]

तत्थ अहिगमियवु सिद्धंतु

निसियव्वउ मणि सु-गुरु झाइयव्व असरणय-भावण ।
 चइयव्व य संत-जण- संगई वि दुक्खय-निवारण ॥
 भवियव्वउं आणा-परिहिं कायव्वउं पणिहाणु ।
 रक्खेयव्वउं आयरिण जिण-पवयण-अवमाणु ॥

[१२१५]

तं तु भवियणु कुणइ विहिवंतु

ता व यवु विहि- परिण सुत्त-मग्गाणुसारिण ।
 मुणियव्वउं अप्पु अणु- समउ कलिउ गुण-दोस-भाविण ॥
 जइयव्वउं अणु-वासरु वि अ-सवन्निहिं जोगेहिं ।
 रक्खेयव्वइं इंदियइं गच्छिर-विस्सोएहिं ॥

[१२१६]

इय जयंतह भविय-सत्ताहं

सोवक्कम-कम्म-खउ निरुवक्कमहं अणुबंध-ववगमु ।
 संजायइ कमिण पुणु हवइ सग-अपवग्ग-संगमु ॥
 ता संसार-पलीवणउं विज्झायइ नीसेमु ।
 इय परिसीलहि वसुह-पहु इहु तुहुं कम्म-विसेमु ॥

[१२१७]

इय सुणेविणु वयणु मुणि-वरहं

संसार-विरत्त-मणु सिव-मुहिच्छु हरिनंदि-नरवइ ।
 सामंत-अमच्च-वणि- वग्ग-सहिउ निय-भवणि आवइ ॥
 अह अवराजिउ वित्थरिण विणिवेसिउण स-रज्जि ।
 गहिवि चरणु हरिनंदि-निवु जयइ सिद्धि-मुह-कज्जि ॥

[१२१८]

कमिण बहु-विह-तव-विसेसेहिं

परिसोसिय-कम्म-मल्ल विमल-नाण-सच्चविय-तिहुयणु ।
 पडिवोहिय-भविय-जणु परिविमुक्क-माणविय-भव-तणु ॥
 अ-प्पडिहय-वर-नाण-धणु गलिय-सयल-अवलेउ ।
 हुउ हरिनंदि सु राय-रिसि सिव-मंदिर-सिरि-केउ ॥

[१२१९]

सो वि पुणु तिण पीइमइ-पमुह-

बहु-भेय-अंतेउरिण समगु पंच-विह-विसय-मुक्खइं ।
 उवसुंजिरु पायडइ पुल्ल-जम्म-कय-मुकय-लक्खइं ॥
 देइ य दुण्ह वि बंधवहं पिहु पिहु देसु समिद्ध ।
 ठवइ सचिव-पइ मिउ पुणु विमलवोहु सु-पसिद्ध ॥

[१२२०]

अइर-कालिण महिहिं सयलाहं

परिसाहिवि सत्तु-गणु एग-छत्तु निय-रज्जु संठिवि ।
 नच्चाविवि कित्ति-बहु भुवण-रंगि तह आण फेरिवि ॥
 कारिवि नवइं जिणायणजि ण्ण समुद्धारेवि ।
 पवयण-भत्ति पयासिउण गुरुयणु सक्कारेवि ॥

[१२२१]

सुयण-विबुहं करिवि पडिवत्ति

सम्माणु साहम्मियहं मणि धरेवि उत्तिमहं नायहं ।
 परिसीलइ एग-मणु निच्च-कालु जिण-धम्म-कम्महं ॥
 एग-दिणं पिव अइगमइ बहुयइ वरिस-सयाइ ।
 दोगुंदुग-तियसु च्च उवञ्जिरु परम-सुहाइ ॥

[१२२२]

अवर-अवसरि निसिहिं सिविणम्मि

सुह-सयणिज्जम्मि गय नियइ पीइमइ सुह-पसुत्तिय ।
 अंक-द्विय-रयण-निहि पंच वन्न-मणि-पह-विचित्तिय ॥
 अह उट्टेविणु पीइमइ सिर-विरइय-कर-कोसु ।
 सिरि-अवराजिय-नरवइहि साहइ सिविणु स-तोसु ॥

[१२२३]

ता नरिदिण भणिउ - नणु अम्ह

कुल-कप्प-पायव-सरिसु तुज्झ देवि हविहइ तणुरुहु ।
 तयणंतरु पीइमइ तुट्ठ भणइ जह - होउ पहु इहु ॥
 अह धम्मइ धम्मियहं कह- जोगिण रयणि गमिति ।
 जा ता गोस-समागमणि मागह-निवह पढंति ॥

[१२२४]

देव चिर-कय-पुकय-जोगेण

पसरंत-तेयम्महिउ निहय-सयल-पडिवक्ख-वित्थरु ।
 उदयायल-सिहर-ठिउ नं जयस्सु साहेइ दिणयरु ॥
 हवइ उवरि उदयह उदउ गरुय-सुकय-वीयाहं ।
 उज्जमवंतहं सु-पुरिसहं उत्तिम-मग्ग-ठियाहं ॥

[१२२५]

तयणु कट कट सिविण-अणुरुवु
 वंदियणिण पढिउ इय चितयंतु निवु वंदि-विंदह ।
 वियराविवि दाणु बहु वियसमाण-वयणारविंदह ॥
 तयणु तुरंतु करेवि निय- पाओसिय-कम्माई ।
 सिविण-विसारय वाहरिवि पुच्छइ सिविण-फलाई ॥

[१२२६]

ता हवेविणु रहि मिछेऊण
 एगग-चित्तिण सयल विउस सिविण-सत्थत्थु भाविवि ।
 अवराजिय-नरवइहि पुरउ समगु सव्वे वि भाविवि ॥
 साहहिं जह - पढु तुम्ह कुल- गयणंगण-रयणिंदु ।
 सइस-करु व तेयन्महिउ हविहइ तणउ नरिंदु ॥

[१२२७]

अह स-हरिसिण निविड-पडिवत्ति
 पयडेविणु बहु-विहिहिं सिविण-विउस सयलि वि विसज्जिय ।
 देवी वि अ-विग्घ-मुय- रयण-लाह-विहि-कज्ज सज्जिय ॥
 आराहइ गुरु-देव-पय कुणइ त्रिविह-किरियाउ ।
 गमिउण अद्धम-दियह समहिय-नव-मासा उ ॥

[१२२८]

कप्प-पायवु भोग-भूमि न्व
 पणइयणाणंदयरु तणय-रयणु पीइमइ पसवइ ।
 तयणंतुरु महिहिं सुय- जम्म-महिम कारवइ नरवइ ॥
 पत्तावसरु विइणु तसु नामु पउमसारु त्ति ।
 अइरेण य वुइदिहिं गयउ गुणिहिं समगु कुमरु त्ति ॥

१२२६. ३. विउस विग.

१२२७. ७. क. किरियाओ. ९. क. मामाओ.

After 1227. क. ख. प्रपाप ३५००.

[१२२९]

अवर-अवसरि नियय-उज्जाणि

परिकीलण-उज्जयउ सहिउ पउर-चउरंग-सेन्निण ।
 गच्छंतउ विजिय-रइ- रमणु नियय-तणु-रुव-वन्निण ॥
 मयलंछण-सन्निह-वयणु तसिय-हरिण-नयणिल्लु ।
 कणय-सिला-वच्छयल्लु पुर- अम्माल-भुय-जुयलिल्लु ॥

[१२३०]

रत्त-उप्पल-गम्भ-कर-चरणु

उत्तत्त-कंचण-सरिस- अंगुवंगु सव्वंग-सुंदरु ।
 साहावि-कित्तिम-असम- भूसणेहिं कामिणि-मणोहरु ॥
 सरिस-रुव-वय-वेस-गुण- सुहि-निवहिण परिखिणु ।
 जिय-सुर-सुंदरि-तरुणियण- लास-पणासिय-चित्तु ॥

[१२३१]

निय-निउत्तिहिं पणय-ओयस्सु

मण-इच्छ-पमाणिण य अन्न-पाण-भूसणइं दाविरु ।
 घणसार-चंदण-अगुरु- हरिणनाहि-पंक वि पयच्छिरु ॥
 वियरंतउ निय-करयलिहिं कप्पूरिण तंवोलु ।
 निमुणंतउ फुट्ट परिपठिर- मग्गण-जण-हलवोलु ॥

[१२३२]

पुरउ पसरिय-मेरि-भंकार

सारंगि-मुइंग-वर- वेणु-पप्पुह-आउज्ज-सहिहिं ।
 गायंतिहिं कामिणिहिं नच्चिरेहिं पण-तरुणि-विदिहिं ॥
 पडिरव-वहिरिय-धरणियल्लु आणंदिय-जय-जंतु ।
 नियइ नराडिबु कसु वि पुर- इम्मह तणउ लल्लंतु ॥

[१२३३]

ता नरिदिण तुट्ट-हियएण

सविह-ट्टिउ पुट्टु नरु एगु - भइ को एहु दीसइ ।
 कीलंतउ विजिय-सुर- रूवु तयणु इयरु वि पयासइ ॥
 जह - एहु चिट्ठइ इह वि पुरि समुदवाल-सत्थाहु ।
 तस्स हु एहु अणंगरइ- नाम्मु स-मित्त-सणाहु ॥

[१२३४]

तयणु भणइ निवइ जह - अहइ

सलहिज्जउ हउं जि पर निय-समिद्धि-जिय-तियस-पगरिस ।
 वणि-मेत्त-तणुभव वि जसु पुरीए विलसंत एरिस ॥
 जं वणिणो च्चिय बहु-विहव निवहं लच्छि पच्चक्ख ।
 इय उववूहिंवि वणि-तणउ तह पीणिंवि सय-ळक्ख ॥

[१२३५]

गयउ नरवइ धवलहरयम्मि

वोयम्मि उ दियहि विहि वसिण राय-वाडीए गच्छिरु ।
 अबलोयइ मयगु इगु पुक्करंत-पुर-लोय-दुइयरु ॥
 पुरिसिहिं चउहिं समुक्खिविउ बहु-नायर-कय-खेउ ।
 विरस-विसम-तूरारविण सुहि-सयणहं दुह-हेउ ॥

[१२३६]

हरिण-नयणिय चंपय-च्छाय

ससि-सोम-वयणवुरुह कुंद-कलिय-सम-दंत-पंतिय ।
 परिदेविय-रव-भरिय- धरणि-गयण-अंतर मयच्छिय ॥
 कुट्ठहिं सिरु कर-मुग्गरिहिं पीडहिं उरु वाहाहिं ।
 ताडहिं वच्छोरुह वियड निय-निय-कर-साहाहिं ॥

[१२३७]

रुयहिं गायहिं ललहिं मुच्छहिं य
 सिक्कारहिं पुक्करहिं सहिं गहिय उरि हार तोडहिं ।
 उल्लूरहिं चिहुर-भर कणय-रयण-वल्यालि मोडहिं ॥
 सरिवि सरिवि निय-पिययमह गुण-गणु तहिं विलवंति ।
 जह सविह-ट्टिय-तरु-विहय- नियरु वि रोयावंति ॥

[१२३८]

वच्छ वंधव दइय सुहि-जणय
 पहु-सयण-सुहावणय पणय-लोय-कल्लाण-कारय ।
 निकारण-कारुणिय दुहिय-हियय-जण-दुह निवारय ॥
 विलसंतउ तुहुं दीसिहसि पुणु कइयहं सुह-हेउ ।
 जणय-बंधु-पिय-मित्त-सुय- भिन्न भणहिं पत्तेउ ॥

[१२३९]

इय निरिक्खिवि जणु अ-पज्जंतु
 विलवंतउ बहु-विहिहिं स-दुहु पुरिसु कु-वि निविण पुच्छिउ ।
 जह-साहसु कसु नरह मरणि सयलु जणु एहु दुत्थिउ ॥
 अह इयरिण जंपिउ - इह वि समुदवाल-नामस्सु ।
 पयडु अणंगरइ त्ति इहु नंदणु सत्थाइस्सु ॥

[१२४०]

आसि पच्छिम-दियहि उज्जाणि
 बहु-परियण-सहिउ गउ कीलणत्थु अह विहि-निओइण ।
 निय-भवणि समागयउ संतु निसिहिं आहार-दोसिण ॥
 मूल-व्वाहि-समागमिण बिहुरिय-अंगोवंगु ।
 हुउ सु कयंतह पाहुणउ सत्थवाह-कुल-चंगु ॥

[१२४१]

इय सुणेविणु निवइ सु विसन्नु

परिचितइ-अहह धिसि धिसि किमेहु मइ-मोहु सिविणु ब ।
 जं कल्लि जि दिट्ठु मइं एहु ललंतु तह तह सुरिंदु ब ॥
 एउ जि कल्लि जि सविहि तसु परियणु परिकीलंतु ।
 दिट्ठु जु सु जि संपइ अहह सुम्मइ करुणु रुयंतु ॥

[१२४२]

अरिरि धिसि धिसि हय-कयंतस्सु

अह-विरसइं विलसियइं अणवसरि वि दडवडउ निवडइ ।
 अइ-गरुयह इयरइ वि इहु हयामु जमणत्थु पयडइ ॥
 इहु गुणवंतउ इहु अ-गुणु इहु पहु एहु अ-सारु ।
 इहु बहु-परियणु एहु इगु इय न कुणेइ वियारु ॥

[१२४३]

किंतु काणणि जल्लिउ हुयवह व

अ-गणंतु सुहासुहइं इहु हयामु भुवणु वि दुहावइ ।
 जिय-लोणु वि हय-विहिणु हीरमाणु सयल्ल वि स-संपइ ॥
 अ-सरणु अ-वसु परिच्चयइ स वि भुज्जइ अन्नेहिं ।
 एत्तो च्चिय भड्ड उज्झियउ पुण्व-पुरिस-सोदेहिं ॥

[१२४४]

जं पि वालिण चिहुर-उक्खणण-

उर-पिट्ठण-रुयण पिय- पदम-विरहि दो-तिन्नि दियहइं ।
 पयडिज्जइ तं पि धुवु जाणियव्व अविवेय-ललियइं ॥
 सोय-विहिहिं बहुहिं बि कइहिं इवइ कु तसु उवयारु ।
 सु-गइहिं द-गइहिं वि वयइ जिउ स-सुहासुह-सारु ॥

१२४१. ४. क. इयर missing.

१२४३. ७. क. भुज्जइ. ११४४. १. क. उक्खणिण.

[१२४५]

इय कयंतह दूज जय-जंतु

सदाविरु धुवु कह-वि मह वि समुहु आविहइ तइयई ।
 न-वि सत्थु न संबलउं गहिउ तरिमु गच्छंतु जइयहं ॥
 ता मज्झ वि जुज्जइ न इम्ब वीसत्यह चिह्नेउ ।
 नहि मयरायरि रहइ नरु निय-पवहणु उग्गेउ ॥

[१२४६]

इय विभाविरु धरणि-हरिणंकु

अवराजिउ आयरिण कुणइ धम्म-कम्मई निरंतरु ।
 रह-जत्तउ कारवइ महइ विहिहिं तिक्कालु जिण-वरु ॥
 आराहइ सुह-गुरु-चलण नव-तत्तई भावेइ ।
 निच्चु वि भव-उव्विग्ग-मणु गुरु-संगमु इच्छेइ ॥

[१२४७]

अह मुणेविणु मणु नरिंदस्सु

पुव्वुत्तु जि सिरि-विमलवोह-सुरि केवल-दिवायरु ।
 तहिं नयरुज्जाण-वणि पत्तु विमल-गुण-रयण-सायरु ॥
 ता उज्जाणिय-माणविण सुह-गुरु-आगमणेण ।
 वद्धाविउ वसुहाहिवइ भविय-लोय-सुहएण ॥

[१२४८]

- (१) तयणु नीसेस-निय-सार-परियण-सहिउ ।
 मंति-सामंत-सत्थाह-लोगिण महिउ ॥
 चलिउ अइरेण पसरंत-गुण-भूसणो ।
 वियलिय-प्पाय-संसार-रिउ-दूसणो ॥१॥

[१२४९]

गंतु सिरि-विमलबोहह मुणिदह पुरो ।
 धुणिवि पय-पउम तसु हरिस-भर-बंधुरो ॥
 उच्चिय-ठाणम्मि निवसेइ वसुहाहिवो ।
 तयणु मुणि-नाहु सिव-सुक्ख-फल-पायवो ॥२॥

[१२५०]

भणइ - नणु जम्म-जर-मरण-जल-संकुलो ।
 जंतु अ-थिर-मण-गंभीरिमा-आउलो ॥
 कोह-मय-माय-पायाल-जय-भीसणो ।
 मोह-आवत्त-दुल्लंघया-दसणो ॥३॥

[१२५१]

राय-दोमुल्लसिय पवण-विकखोहिओ ।
 विविह-दुह-दुट्ठ-जल-जीव-संवाहिओ ॥
 विरह-संजोग-कल्लोल-भर-भंगुरा ।
 गरुय-पसरिय मणोहर-पवाहुद्धुरो ॥४॥

[१२५२]

एहु अइ-भीमु भव-जलहि भो भइया ।
 इय तहा जयइ जह हवइ निच्चिग्घया ॥
 निम्मल-ण्णाण-वर-कण्णधाराणुगं ।
 वारस-वियप्प-तव-पवर-निज्जामगं ॥५॥

[१२५३]

सत्तरस-भेय-संजम-पिहिय-छिहडयं ।
 दु-विह-चारित्त-संविय-पवर-मंचयं ॥
 अनणु-अल्लीण-तइलोय-जय-सत्थयं ।
 अणुसरइ भावओ संघ-बोहित्थयं ॥६॥

[१२५४]

तयणु स-विसेसु निवु गुरुहु पय-पंकयं ।
 नमिवि जंपइ-कयाणंदु निस्संकयं ॥
 कुणसु तह कह-वि मुणि-नाह जह सिव-पयं ।
 जायए अइर-काळेण मह संपयं ॥७॥

[१२५५]

ता मुणिदेण पर-हिय-निरय-वुद्धिणा ।
 भणित — निव चरणु अणुसरसु मण सुद्धिणा ॥
 जं न अन्नयरु सिव-सुक्ख-संपायणे ।
 धुवु उवाओ वि नर-नाह इह तिहुयणे ॥८॥

[१२५६]

मुणिवि इहु निवइ गुरु-हरिस-पुलयंकुरिउ ।
 गंतु गिहि भणइ सुय-पुरउ जह — हरिय-रिउ ॥
 रउजु पडिवज्जि नंदण जहा हउं चरणु ।
 गहिवि जिण-विहिण पउ जेमि अप्पणु सरणु ॥९॥

[१२५७]

एम्ब बहु-वयण-रयणाहि नंदणु भणिवि ।
 ठविवि रज्जम्मि निरु नियय-इंदिय जिणिवि ॥
 करिवि पवयणह सम्माणु सव्वायरिण ।
 गंतु पय-मूलि मुणि-वरह मण-पगरिसिण ॥१०॥

[१२५८]

चरणु नर-नाहु गिण्हेइ तयणंतरं ।
 पुव्व-मुकयाणुहावेण सु निरंतरं ॥
 पढइ मुत्तत्थु परिसीलइ य मुणि-किरिय ।
 अहव विहि सयल सेवइ जिणिण वज्जरिय ॥११॥

[१२५९]

लेंति चारित्तु कम्मरि-विच्छेइणो ।
 पीइमइ-विमलबोहा वि भव-विरइणो ॥
 सयण-पडिवक्ख-मणि-लेट्टु-सम-चित्तिणो ।
 सूर-सोमा वि पडिवन्न-चारित्तिणो ॥१२॥

[१२६०]

तयणु संसार-कंतार-तड-गामिणो ।
 भयहि परमप्प-बुद्धोए मुणि-सामिणो ॥
 सव्व-जीवेसु भव-वल्लि-निक्किंतणं ।
 कुणहि पंच वि ति सम-सत्तु-मित्तत्तणं ॥१३॥

[१२६१]

खंति मइविउ अज्जविउ मुत्तित्तणउं ।
 तवु वि संजमु वि सच्चत्त सोयत्तणउं ॥
 किंचणच्चाउ वंभत्तु दस-विह वि इहु ।
 धम्म सेवंति पंच वि ति सिव-मग्ग-रहु ॥१४॥

[१२६२]

नाण-दंसण-चरित्ताइं भव-सोसणइं ।
 सम्मु पालिति पंच वि ति सिव-लक्खणइं ॥
 अमुह-संसार-मयरायरुत्तारणउं ।
 भाव-पवहणु वि दहु लेति सिव-पावणउं ॥१५॥

[१२६३]

कमिण पंच वि ति गुरु-आण-आराहणं ।
 काउ सिव-नयरि-संपत्ति-मुह-साहणं ॥
 चइवि अ-पवित्तु अइ-अथिरु तणु माणविउ ।
 परम-अपवग्ग-मग्गम्मि मणु आणविउ ॥१६॥

[१२६४]

जयसिरि-गभि सुह-सय-लब्धि आरण-सुर-घरि गुरु-हरिसि ।
 स्वरिण सोमिण मिच्छिण कंतिण समगु वि गयउ मु राय-रिसि ॥१७॥

*

इति श्रीश्री-चन्द्रस्वरि-क्रम-कमल-भसल-श्री-हरिभद्रस्वरि-विरचित-श्रीमद-
 रिष्टनेमिचरिते श्रीमदपराजित-प्रीतिमती-वक्तव्यता-निबद्धः सुर-
 भवः षष्ठस्तृतीयो मनुज-भवः समाप्त इति ।

*

[१२६५]

इओ य —

- (२) जंबु-दीवम्मि वासम्मि सिरि-भारहे ।
 सरिय-सर-नयर-गिरि-सिहरि-पयडिय-महे ॥
 आसि पसरंत-जय-जंतु-संतोसओ ।
 गरुय-सिरि-निवड-इय-सत्तु कुरु-जणवओ ॥१॥

[१२६६]

तुंग-पायार-पडिवक्ख-दुल्लक्खयं ।
 उग्ग-नरनाह-माहण-वस-अक्खयं ॥
 धम्मियासेस-जण समिय-विहडेरयं ।
 गिह-विवणि-सेणि-जिण-भवण-सुंदेरयं ॥२॥

[१२६७]

स-मय-गार्यंत-नच्चंत-नायर-जणं ।
 निच्चु पडि-भवण-किज्जंत-वद्धावणं ॥
 तुरय-रह-गंध-सिंधुर-सुहड-वित्तयं ।
 आसि पुरु हत्थिणागु त्ति सु-पवित्तयं ॥३॥

[१२६८]

तत्थ सोमो वि न कलंकया-दूसिओ ।
 अ-कर-चंडो वि तेय-स्सिरी-भूसिओ ॥
 लच्छि-दइओ वि नो कवडया-भाविओ ।
 अ-जल-मुत्तो वि गंभीरिमा-गाचिओ ॥४॥

[१२६९]

बाहिणी-वल्लहो वि हु न जळयायरो ।
 दइय-चंदो वि न गहीय-दोसायरो ॥
 विगय-कलहो वि कइया वि न मयाउलो ।
 आसि सिरिसेण-अभिहाणु निवु गुरु-कुलो ॥५॥

[१२७०]

जा य महु-सिरि व विलसिर-तिलय-मणहरा ।
 पाउसिय-रिउ व घण-पीण-मु-पओहरा ॥
 सरिय-तड-विडवि-साइ व्व पत्तोसिया ।
 विसमवाणस्सु धणुहि व्व वर-वंसिया ॥६॥

[१२७१]

भरु-विसय-महि व पयडिय-तरुण-तणहया ।
 वीय-रयणिंद-रेह व्व वर-जुणहया ॥
 राय-मुत्ती वि न कया-वि मय-लंछणा ।
 मुहय-माणस वि जल-पडल-निम्भंछणा ॥७॥

[१२७२]

रइ व मयणस्सु रंभ व्व मुर-सामिणो ।
 मइ व मुर-गुरुहु कंति व्व खर-दित्तिणो ॥
 सिरि व मुर-रिउहु गोरि व्व ससि-सेहरह ।
 सिरिमई नाम पिय आसि तमु नर-वरह ॥८॥

१२६९. ४. क. सिरिसे.

१२७२. ४. क. ख. सिरिमई.

[१२७३]

तयणु अमृणंत सिविणे वि विरहिय-दुहई ।
 मुइरु भुंजंति ते असम-विसइय-मुहई ॥
 अवर-अवसरि पुणो निसिहिं मुह-मुत्तिया ।
 नियइ सिविणम्मि सिरिसेण-नरवइ-पिया ॥९॥

[१२७४]

सेउ चउ-दंतु सव्वंग-लक्खण-धरो ।
 वयणि पविसंतु वग्गंतु वर-कुंजरो ॥
 अह लहु वि मुद्ध पडिबुद्ध-नरवइ-पुरो ।
 रइय-कर-कोस साहइ सिविण-वइयरो ॥१०॥

[१२७५]

ता नरिंदेण तुट्ठेण उट्ठिवि लहुं ।
 हियइ धरिऊण गुरु-पयइं तह जिण-पहुं ॥
 भणिउ देवीए पुरओ जहा - नंदणो ।
 इमिण सिविणेण तुह कहिउ जय-रंजणो ॥११॥

[१२७६]

तयणु एवं इवेउ त्ति परिजंपिरी ।
 हरिस-वियसंत-मुह हूय स वि पणमिरी ॥
 अह चवेऊण आरण-अमर-मंदिरह ।
 तियसु अवराजिउ सु उयरि तसु गोरडह ॥१२॥

[१२७७]

अवयरिउ तयणु सा बाल गन्मह वसिण ।
 पंडु-गंडयल हुय धोय इव जस-रसिण ॥
 अवरिहिं वि कुच्छि-वटंत-गन्मह गुणिहिं ।
 सिरिमई देवि संगहिय जय-रंजणिहिं ॥१३॥

[१२७८]

दिणिहि किच्छिइहि अइगइहि पुणु सिरिमइहि ।
 हुयउ दोहलउ एरिसउ निरु मुह-मइहि ॥
 जह - जु जं किं-पि इच्छेइ तमु तं लहुं ।
 महिहिं वियरेमि मग्गिउ वि हउं निय-पहुं ॥१४॥

[१२७९]

तयणु विण्णाय-वइयरिण तमु नर-वरिण ।
 दोहलउ सयल्ल पूरियउ सम्वायरिण ॥
 कमिण पुण्णेसु दियहेसु देवि वि सुयं ।
 मुहिण उप्पायए तयणु मुहि-संमयं ॥१५॥

[१२८०]

महिहिं सयल्लहं वि सुय-जम्मु जाणावियउ ।
 जम्म-भवणे य सु-पयत्तु कारावियउ ॥
 रयण-चुन्नेण रंगावली दाविया ।
 घर-दुवारम्मि हल-मुसल उन्भाविया ॥१६॥

[१२८१]

खिविय-गुड-पिंड-पय-घार-मुकुमारिया ।
 चउमु पासेमु मणि-दीवया कारिया ॥
 गोउरोभय-दुवारेमु मणि-कलसया ।
 ठाविया दिण्ण तरुणीहिं मंगल-सया ॥१७॥

[१२८२]

पडिगिहं बद्ध तोरणइं उब्भिय झया ।
 दिण्ण दाणाइं सोहिय नयर-रच्छया ॥
 मुत्त गोत्तीओ सम्माणिओ सज्जणो ।
 महिय जिण-पडिम पडिलाहिओ मुणि-जणो ॥१८॥

अवि य -

[१२८३]

नच्चंत-विलासिणि-मणहरयं महु-पाण-निरय-वर-नायरयं ।
 अइ-सुंदर-गेय-वरायरयं विलसंत-निवइ-अंतेउरयं ॥१९॥

[१२८४]

पिज्जंत-पउर-रस-पेसलयं दीसंत-कणय-रयणुज्जलयं ।
 दिज्जंत-वत्थ-तंवोउ-फलं वज्जंत-तरुणि-नेउर-मुहलं ॥२०॥

[१२८५]

किज्जंत-निवइ-गिह-सोहलयं सुय-जम्मि निविण मुहि-नेहलयं ॥
 विलसंत-नराहिअ-परियणयं वित्थरिण विहिउ बद्धावणयं ॥२१॥

[१२८६]

तयणु एक्कारसमि बासरे अइगए ।
 तत्थ धर-सार-जणि सयलि समुवागए ॥
 दियहि बारसमि अणुकमिण संपत्तए ।
 सुयह संखो त्ति किउ नाम्मु सु-मुहुत्तए ॥२२॥

[१२८७]

अह इयर-निवइ-सामंत-सचिवाइणो ।
 कुणहिं तसु निवह पय-पूय गुरु-विणइणो ॥
 ते वि सिरिसेण-निव-विहिय-सक्कारया ।
 गया निय-नियय-ठाणेसु सुय-गुण-रया ॥२३॥

[१२८८]

तयणु थण-मज्जणालंकरण-मंडणय-
 अंक-वियरण-निउण तह य कीलावणय ।
 पंच-विह-अंव-धाईओ-सुय-कारणिण ॥
 निविण आणत्त उज्जुत्त तसु पालणिण ॥२४॥

[१२८९]

विमलवोहो वि चविउण सुर-मंदिरह ।
 संख-सम-कालु गुण-निहि महामइ-पियह ॥
 हुयउ मइपहु ति जह-अत्थ-अभिहाणओ ।
 नंदणो तयणु तिण सरिसु सु-पहाणओ ॥२५॥

[१२९०]

संखु गच्छंतु बुद्धीए निखुद्वं ।
 निबु कलायरिय-सविहम्मि कय-ऊसवं ॥
 सुयइ अह कुमरु निय-बुद्धि-निय-सुरगुरु ।
 हुयउ अइरेण छण-ससि-कला-भासुरु ॥२६॥

१२८७. ४ क. गया added marginally; ख. missing.

१२८८. ४. क. ओज्जुत्त.

१२८९. ४. missing in क.

१२९०. १. बुद्धीए २. क. निबु.

अवि य -

[१२९१]

छंद-वागरण-जोइस-निमित्तागमे ।
गणियऽलंकार-कह-मंत-तंत-वकमे ॥
कव्व-नाडय-पमाणत्थ-सत्थे फुढे ।
भरह-रामायण-स्सिप्प-धणु-गारुढे ॥२७॥

[१२९२]

तुरय-सिंधुर-वसह-उट्ट-सिक्खा-दिसिहिं ।
दंड-मुग्गर-छुरिय-चक्क-कत्तरि-असिहिं ॥
ल्लिविहिं चित्तम्मि लेप्पम्मि कट्ठोवळे ।
नट्टि गंधवि वाइत्ति ससि-निम्मळे ॥२८॥

[१२९३]

कलहं निम्मलहं अवरहं वि कसवट्ठओ ।
हुयउ सिरिसेण-सुउ फुरिय-सु-मरट्ठओ ॥
तयणु नर-वरिण सच्चविय-निम्मल-गुणिण ।
ठविउ जुव-रज्जि सो संखु हरिसिय-मणिण ॥२९॥

[१२९४]

अवर-दियहम्मि कर-गहिय-पिहु-साहुलो ।
पत्तु निवइहि पुरउ पउर-जणु आउलो ॥
तयणु पुट्टम्मि निवइण अ-सिव-कारणे ।
भणिउ इयरेण - धरणियल-भर-धारणे ॥३०॥

[१२९५]

चारु-चउरंग-वल-भरिय-भुवणोयरे ।
 नासियासेस-रिउ-वग्ग-कय-विहुरे ॥
 देव तुमए वि निवइम्मि बहु-लक्खणे ।
 अग्ग अ-पहु व्व हुय वसुह-परिरक्खणे ॥३१॥

[१२९६]

जमिह पण-तरुणि-नियरु व्व बहु-कूडओ ।
 कुल-पुरंधीए पाणि व्व गुरु-चूडओ ॥
 साहु-निवहु व्व विलसंत-गय-कलहओ ।
 विउळ-सिंगो त्ति नामोऽत्थि गुरु-सेळओ ॥३२॥

[१२९७]

नाइदूर-प्पएसे य पुणु तसु गिरिहि ।
 विणहु-मुत्ति व्व निहि असम-उदय-स्सिरिहि ॥
 निवइ-सेण व्व भूसिय पवाहहं सइण ।
 वेगवइ-नाम नइ वइइ पउरिण रइण ॥३३॥

[१२९८]

सिहरि-सरियाहं अंतरि भुवण-भीसणा ।
 नामिया भिल्ल-वल्ली वसइ दारुणा ॥
 तर्हि उ दढ-दुग्ग व स-सत्तु-विहडण-सहू ।
 अत्थि सिरि-समरकेउ त्ति पत्थि-प्पहु ॥३४॥

[१२९९]

तेण अम्हाण अ-पट्टण इव पइ-दिणं ।
 धिप्पण देव धण-धन्न-मणि-कंचणं ॥
 इय सुणेऊण लहु सयल-रिउ-घायगो ।
 ताडवइ ठक्क सिरिसेण-नर-नायगो ॥३५॥

[१३००]

संख-कुमरेण अह भणिउ पुरओ निवह ।
 ताय वियरेसु आपसु इहु पसिय मह ॥
 समर-सरंभु कवणु व्व हरि-मूसगहं ।
 कु व पयंगह उवरि कोवु वण-वारणह ॥३६॥

[१३०१]

तुह पयावेण तसु दप्पु भंजिसु हउं जि ।
 तयणु कारणिय-लोगिण भणिउ -- पहु एउं जि ॥
 जुत्तु जं तरणि-किरणा वि हरिउण तिमिरु ।
 कुणहिं जिय-लोउ सयलु वि महिहिं चंकमिरु ॥३७॥

[१३०२]

तयणु नर-वरिण माहप्पु जाणिवि सुयह ।
 दिण्णु आपसु संगहि रिउहु पत्थुयह ॥
 संख-कुमरो वि साणंदु सुह-साहयहं ।
 गहिय-आएसु पणमेवि जणयह पयहं ॥३८॥

[१३०३]

समय-विहि-सारु गंतूण घर-चेइए ।

करिबि सक्कारु वंदेइ जिण-वरयए ॥

हरिस-पसरंत-रोमंचु अह सायरउ ।

धुणइ चउवीस-जिण-निवहु सु गुणायरउ ॥३९॥

जहा -

(३) [१३०४] जय मेरु-सिहर-कय-मज्जणया जय कुलगर-वंस-विहूसणया ।

जय सुर-गण-नाह-नर्मसियया जय उसह-सामि जग-नमिय-पया ॥१॥

[१३०५] जय विजय-देवि-जियसत्तु-सुया जय अजिय-जिणिंद महाइसया ॥

जय कम्म-महा-गेरि-दारणया जय संभव दुरिय-पणासणया ॥२॥

[१३०६] जय संवर-सिद्धत्या-तणया जय जिण-अहिणंदण सुर-पणया ।

जय मोह-महा-तम-दिणयरया जय सुमह-जिणिंद गुणागरया ॥३॥

[१३०७] जय केवल-पउमालंकियया जय जिण-पउमप्पह-सामियया ।

जय जम्मण-मरण-विणासणया जय पहु-सुपास सुरवइ-पणया ॥४॥

[१३०८] जय दाण-दया-दम-भावियया जय जिण-चंदप्पह जय-सुहया ।

जय सिद्धि-नियंविणि-मुह-तिलया जय सुविहि-जिणिंद महा-फलया ॥५॥

[१३०९] जय मच्छर-कमलि हिमागमया जय सीयल-नाह जगुत्तिमया ।

जय सह-विणिज्जिय-जलहरया जय पहु-सेज्जंस-जिणेसरया ॥६॥

[१३१०] जय असुह-जलण-जलयावलिया जय वासुपुज्ज सुर-नर-महिया ।

जय विमलालोय-दिवायरया जय जय पहु विमल-जिणेसरया ॥७॥

[१३११] जय पाविय-परम-अणंत-पया जय जिण-अणंत-गुरु विहिय-जया ।

जय दंसण-नाण-चरण-सुहया जय धम्म-सामि पायडिय-नया ॥८॥

[१३१२] जय समिय-महीयलुवहवया जय संति-जिणिंद जयावहया ।
जय दलिय-सयल-रिउ-वग्ग-गया जय कुंथु-नाह जय-भूसणया ॥९॥

[१३१३] जय असम-सील-भर-धारणया जय अर-जिण पूइय-सासणया ।
जय अरइ-विसाय-विहोडणया जय मल्लि भवोयहि-सोसणया ॥१०॥

[१३१४] जय लोयालोय-पयासणया जय सुव्वय पायड-पवयणया ।
जय विजिय-मोह-भड-डामरया जय फुरिय-महा नमि-जिणवरया ॥११॥

[१३१५] जय जायव-वंस-विहूसणया जय नेमि-जिणिंद-सिवा-तणया ।
जय भुयग-फणा-मणि-रंजियया जय पास-जिणिंद सुरिंद-नया ॥१२॥

[१३१६] जय चालिय-मेरु महाचलया जय वीर-जिणिंद महा-वलया ।
इय दुवइ-छंद-धुय-विमल-गुणा उवणेतु सुहं मह सयल जिणा ॥१३॥

[१३१७]

(४) इय स-सुर-असुर-हरिमइ-सुरि-त्थुयहं ।
नमिवि साणंदु चउवीस-जिण-वर-पयहं ॥
विहिय-असमाण-सिंमार-सोहिय-तण्ण ।
जाइ सो कुमरु नरवइहि पुरओ पुण्ण ॥१॥

[१३१८]

तयणु नर-वरिण तसु विणय-पणमिर-सिरह ।
एह साणंदु अणुसट्ठि पविइण्ण जह ॥
वच्छ पाएण विसमम्मि भव-सायरे ।
पयच्च-जायंत-वहु-भेय-दुह-वइयरे ॥२॥

[१३१९]

तरलु तारुण्यं जल-लव-चवल संपय वि ।
 इत्थ आयास-सम दुलह पुणु वंछिय वि ॥
 तणु विणस्सरु सयण नियय-कज्ज-ट्टिया ।
 विसम-परिणामु विहि कामिणि वि दुट्ठिया ॥३॥

[१३२०]

पिसुण छल-पिच्छिणो महि दुराराहया ।
 मणु वि मक्कडु मयच्छीओ तच्चाहया ॥
 इय मुणेऊण नंदण सया वि-हु तए ।
 नह जण्यवु जह ठाहि उत्तिम-पए ॥४॥

[१३२१]

इय निय-जणयह पयडिय-पणयह वयणु मुणेविणु संखू ।
 विहिय-पणामू गुण-गण-धामू हियइ धरिवि पडिवक्खू ॥५॥

[१३२२]

(५) चारु-चउरंग-वल-खुहिय-खोणीयलो ।
 चळिउ कपंत-जोयंत-रिउ-निव-वलो ॥
 कमिण अइरिण वि वेगवइ-नइ-संनिहिहिं ।
 जाव संपत्तु कुमर वरु नरवइ-विहिहि ॥१॥

[१३२३]

ताव पच्छन्न-पुरिसेहि कुमरह पुरउ ।
 भणिउ भागंतु - नणु नाहु लहु पविसरउ ॥
 भुवणभीसणय-अभिहाण-पल्लिहिं जओ ।
 तुम्ह आगमणु निमुणेवि भय-विहुरओ ॥२॥

१३१८. २. क. आयासम.

१३२०. ४. क. ओत्तिम.

१३२१. १. क. जणयह.

१३२२. ३. क. संनिहिहि.

[१३२४]

सयल-निय-लोय-सहिओ वि पल्लि-प्पहू ।
 नियय-पल्लिं चएऊण नट्टउ लहू ॥
 तयणु ईसीसि विहसंतु निव नंदणो ।
 भणइ - नणु कूड-वल-जोगओ इहु जणो ॥३॥

[१३२५]

पालए रज्जु न-उ खचियायारओ ।
 मज्झ छोगो उ तच्चरिय-अवियारओ ॥
 इय खणं नियइ जह तुम्ह कोऊहलं ।
 किं-पि काहामि दुब्बिणय-दंसिय-फलं ॥४॥

[१३२६]

अइ सयं होउ पच्छन्नु रण-रस-मणं ।
 सिक्खवेऊण साणंदु बहु-परियणं ॥
 ठक्कुरं कं-पि पेसवइ सो वि-हु पहुं ।
 नमिवि नहु राय-विधेहिं पूरिवि लहुं ॥५॥

[१३२७]

ढक्क-तंवक्क-बुक्काहिं वहिरिय-दिसो ।
 पविसिउं पल्लि-मज्झम्मि गुरु-अमरिसो ॥
 पिहिवि दाराइं नीसंकु जा गेण्डए ।
 रयण-धण-कणय बहु-वत्थए सण्डए ॥६॥

[१३२८]

ताव नणु पल्लि-मज्झम्मि स-वलो वि इहु ।
 संखु सु पविट्ठु हुउ इय विचितेवि लहु ॥
 सिरि-समरकेउ पल्लि-प्पहू चउ-दिसं ।
 वेढए सयल-पल्लि फुरिय-अमरिसं ॥७॥

[१३२९]

एत्थ-अंतरि कुमारो वि नय-निउणओ ।
 मुणिय-नीसेस-पल्लिवइ-कय-अविणओ ॥
 नियय-चउरंग-सेणाए तं पर-वलं ।
 तुरिय वेढेइ कायव्वया-वाउलं ॥८॥

[१३३०]

तयणु पल्लि-प्पहू खुहिय-मण-पसरओ ।
 रुद्ध-नीसेस-निग्गमण-वावारओ ॥
 गरुय-भय-विहुरु गइमम्मनिर्यंतओ ।
 तरल-नयणेहि दिसियक्कु पेक्खंतओ ॥९॥

[१३३१]

गलिय-अहिमाणु परिचत्त-सयलाउहो ।
 आगओ संख-कुमारस्सु लहु सम्मुहो ॥
 विण्णवेई य सिरि रइय-कर-संपुडो ।
 नाह जइ वि हु अहं हुयउ अइ-वेक्कुडो ॥१०॥

[१३३२]

तह-वि पसिऊण मह खमह अवरद्धयं ।
 रक्खइ य नाह इह मममहम-चिंधयं ॥
 सज्जणा जन्न अवयारयम्मि वि जणे ।
 खामिया धरहिं अ-पसाउ कहमवि मणे ॥११॥

[१३३३]

सारु जं किं-चि चिट्ठेइ मह मंदिरे ।
 तमवि सयलं पि तुब्भे कुणह निय-करे ॥
 जस्सु एणभिरिण लोगिण सिरो दिज्जए ।
 तस्सु किं कह-वि लोयणु वहिं किज्जए ॥१२॥

[१३३४]

नियय-इच्छाए विसमे वि कज्जे अहं ।
 आइसेयव्वु सामिय तए पच्चहं ॥
 सारु साहीण-वाहणह जं एत्तिउं वि ।
 पुव्व-पुरिसेहिं वणिणउ स-सत्थेहिमवि ॥१३॥

[१३३५]

इय सुणेऊण संखो वि पर-हिय-रुई ।
 देइ पट्ठीए तसु हत्थु उत्तिम-मई ॥
 किंतु धण-कणय-रयणाणि तसु मंदिरह ।
 गहिवि स-प्पच्चयं दिण्ण मुसियइ जणह ॥१४॥

[१३३६]

सेसु घर-सारु पल्लि-प्पहुहु संतियउ ।
 नियय-भंडारि संगहिवि लहु घत्तियउ ॥
 तयणु अभयं पयच्छेउ पल्लि-प्पहुं ।
 कुमर-पुरओ विहेऊण चल्लिउ लहुं ॥१५॥

[१३३७]

कमिण पत्तो य एगाए पल्लीए सो ।
 सरय-रयणियर-कर-विमल-पसरिय-जसो ॥
 अह जहा-जोगु विणिवेसियाखिल-वळो ।
 छेइ आवास सो तत्थ विहलिय-खलो ॥१६॥

[१३३८]

तयणु मुणिऊणमिव संख-सूखममं ।
 विहल-करु तरणि वच्चइ दिसं पच्छिमं ॥
 अह नहस्सिरि-समीवाओ रवि-कामुयं ।
 वाहरेउं व पच्छिम-मयच्छी दुयं ॥१७॥

[१३३९]

धम्म-कम्मेसु संठविय सावव-मुणि ।
 आणवइ संस-दइं सउंत-ज्झणि ॥
 तयणु पच्छिम-वह-राय-रंजिय-तणू ।
 अत्थमणु पत्तु दिणयरु दुहाविय-जणू ॥१८॥

[१३४०]

तिमिर-भरु फुरिउ नीसेस-दिसियंतरे ।
 सव्वओ नं निसेहेइ पइ-संचरे ॥
 अह वियंमेइ कोसिय-कुलं नहयले ।
 विरसु विरसंति सिव-नियर धरणीयले ॥१९॥

[१३४१]

नलिणि-रमणीओ भमरोलि-परिउज्झिया ।
 चक्क-रव-मिसिण नं कयहिं पिय-विरडिया ॥
 फुरिय परदारि-तक्कर-पसुह दुज्जणा ।
 रयणि-रमणी वि वित्थरिय सव्वप्पणा ॥२०॥

[१३४२]

संख-कुमरो वि सेज्जायले संठिओ ।
 साहु-कह-सवण-बुद्धीए समहिद्विओ ॥
 सचिव-तणयं मइप्पहु ति अभिहाणयं ।
 भणइ - नणु कहसु मह किं-पि अक्खाणयं ॥२१॥

[१३४३]

तयणु सीसम्मि संठविय-कर-संपुडो ।
 भणइ सचिवंगरुहु-चत्त-मण-वंकुडो ॥
 देव तुम्हाण सविहम्मि नणु को णु हउं ।
 तह-वि निसुणेह संखेवओ जिह कहउं ॥२२॥

(६) [१३४४] एतो उ पच्छिम-दिणे जिण-समय-विसारएण एगेण ।
सु-स्सावगेण कहिया महासि (?) रइसुंदरीए कहा ॥१॥

[१३४५] सा उण इम त्ति अवहिय-हियया होउं सृणेह मह पसिउं ।
नणु कहसु कहसु इय भणिरम्मि कुमारे वयइ इयरो ॥२॥

तहा हि-

[१३४६] उज्जेणीए पुरोए अहेसि गिरि-मेहळ व्व बहु-कुडा ।
बहु-लोहा य तुला इव परमक्का मयरदट्ठ त्ति ॥३॥

[१३४७] तए य जय-नियंविणि-समहिय-लायण-रूव-सिंगारा ।
रइसुंदरि त्ति अभिहाण-विस्सुया आसि दुहिय त्ति ॥४॥

[१३४८] सा उण करिवर-मुल्लं विणा न गेण्हेइ पुरिस-गरहणयं ।
वीय-दिणम्मि य सेवइ न मयण-सरिसं पि तं पि नरं ॥५॥

[१३४९] निय-चंगिम-गव्वेण य लीहं पि न देइ इयर-गणियाणं ।
एवं च तीए वट्ठंतीए वच्चंति दियहाइं ॥६॥

[१३५०] अन्न-दिणे वेसमणो मयणो य दुवे वि नंदण-वणम्मि ।
गंतूण कयाणंदा बहुहा कीळेउमादत्ता ॥७॥

[१३५१] एतो य तेसि पुरओ भणियं एगेण मुर-विसेसेण ।
नणु रइसुंदरिमुञ्जिय किमियर-कीलार्हि तुम्हाण ॥८॥

[१३५२] किं तु न सा निय-महिमा-अवदत्थिय-तियस-तरुणि-सुंदेरा ।
तियसाहिवं पि सेविय-पुव्वं सेवेइ वीय-दिणे ॥९॥

[१३५३] करिवर-मुल्लं च विणा गरहणयस्स वि न ओइडए हत्थं ।
चिह्णइ य इमा उज्जेणीए नयरीए वर-गणिया ॥१०॥

[१३५४] अह ईसि विहसिऊणं वेसमणो भणइ — वार-विलयाणं ।
न घडइ इमं जओ जो बहुययरं वियरइ इमासि ॥११॥

[१३५५] तमिमाओ बहुयरमवि कालं सेवन्ति विहव-इच्छाए ।
जह न इमं पडिवज्जह ता चलह हरेमि संदेहं ॥१२॥

[१३५६] अह भणियमणंगेणं — मा भणसु इमं तुमं पि वेसमणो ।
गणिया विहव-पिय च्चिय एसो जं लोइय-पवाओ ॥१३॥

[१३५७] परमत्पेणं तु फुडं सोहग्गि-पियाओ होति एयाओ ।
माणेति पुणो धणयं जं तं अक्काणुवित्तीए ॥१४॥

[१३५८] वेसमणोऽह सहासं पभणइ — नणु जइ इमं तओ मयणो ।
सोहग्गिय-सिरि-तिलओ तं चिय एयम्मि संसारे ॥१५॥

[१३५९] किं तु मुणिस्सामि अहं जइ बीय-दिणे वि तं तुमं भयसि ।
इय विवयंताऽनोन्नं दो वि-हु वेसमण-मयणा ॥१६॥

[१३६०] उज्जेणीए पुरीए पत्ता आवासिया य एगत्था ।
ता सविसेसायणिय-रइसुंदरि-गणिय-वुत्तंतो ॥१७॥

[१३६१] पढमम्मि दिणे मयणं अणुजाणावेउ विहिय-सिंगारो ।
रइसुंदरीए भवणे संपत्तो वेसमण-जक्खो ॥१८॥

[१३६२] अह एगदंति-दोदंति-सन्वगासाभिहाण-अक्काओ ।
अक्खुडिर-प्पडिराओ समुहाओ उव्वेति से सहसा ॥१९॥

[१३६३] तच्चयणेण य काओ वि चेडीओ मुयंति कुसुमग्धं ।
काओ वि रयण-कंचण-सोहासणयं पयच्छंति ॥२०॥

- [१३६४] काओ वि चलण-सोयं कुणंति वियरंति वायमवराओ ।
किं बहुणा तह विहिया पडिवत्ती तस्स ताहिं तथा ॥२१॥
- [१३६५] जह सो सुर-मंदिरमवि तिण-लव-तुल्लं गणेइ वेसमणो ।
अह कय-सिणाण-भोयण-विलेवण-प्पमुह-सामग्गी ॥२२॥
- [१३६६] उवरिम-मणिमय-कुट्टिम-तलोवविट्ठाए असम-रूवाए ।
नीसास-वाय-बुब्भंत-परिहियासेस-वत्थाए ॥२३॥
- [१३६७] जय-तरुणाणं मण-भोहणीए रइसुंदरीए सविहम्मि ।
संपत्तो पदमं पि-हु वियरिय-दस-लक्ख-आहरणो ॥२४॥
- [१३६८] ता सविसेसं रइसुंदरीए स-बिलास-हास-वयणेहिं ।
नह-दंत-छेय-परिरंभणेहिं रमियं समंतेण ॥२५॥
- [१३६९] तह कह-वि जहा चउ-जामा वि निसा अइगया मुहुत्तं व ।
वेसमणोऽह विचिंतइ - नणु किं मह अमर-तरुणीहिं ॥२६॥
- [१३७०] किं वा तेणं सुर-मंदिरेण जइ हवइ निच्चमवि एसा ।
कप्पडुम-छायाए निवसेउ मरुम्मि को रमइ ॥२७॥
- [१३७१] निक्सइ सज्जणु जत्थ वणि तं रण्णु वि सुर-गेहु ।
हियडा ता दोहिं वि करिहिं ठावडुलउं इहु छेहु ॥२८॥
- [१३७२] इय तत्थ कय-थिरासो वेसमणो उगयम्मि दिण-इंदे ।
तरुणि अणुजाणाविय घराओ नीहरइ कज्ज-वसा ॥२९॥
- [१३७३] अबुक्कमोक्क य निय-सामिणीए वयणेण चेडिया एगा ।
स-विणयमुल्लवइ पुरो गंतुं वेसमण-जक्खस्स ॥३०॥

[१३७४] जह - अज्ज सामि तुमए निययावासम्मि चेव वसियच्चं ।
मह सामिणी उ एक्कसि सेविय-पुच्चं न सेवेइ ॥३१॥

[१३७५] तयणु विसायावन्नो बेसमणो चितए - अहह विहलो ।
हूओ धण-व्वओ तह अ-ट्ठाण-परिस्समो मज्झ ॥३२॥

[१३७६] जाओ य एस सच्चो मह चेवाहाणगो जण-पसिद्धो ।
जह भक्खिओ य काओ अजरामरया य नो जाया ॥३३॥

[१३७७] परमिह धुत्तो मुत्तो घोरइ पुक्करइ नाळिओ मुट्ठो ।
इय होज्ज जं व तं वा किं एत्तो तीरए काउं ॥३४॥

[१३७८] इय चित्तिरो य गंतुं पुरओ मयरज्झयस्स बेसमणो ।
सयलं पि स-वुत्तं साहइ मउल्लिय-मुहंवरुहो ॥३५॥

[१३७९] ता विसमसरो पभणइ - नणु भणियं चेव पुरोऽत्थि मए ।
जह सोहग्ग-गुणेणं जइ वंधिज्जंति गणियाओ ॥३६॥

[१३८०] नणु जइ एवं ता तुह अवरो नत्थित्थ जीव-लोगम्मि ।
सोहग्गिय-सिरि-तिल्लओ इय तोळमु तं पि अप्पाणं ॥३७॥

[१३८१] तत्तो - नणु जइ नेयं अंजामि निरंतरं जहिच्छाए ।
तो निय-अभिहाणं पि-हु तुह पुरओ नृण न वहेमि ॥३८॥

[१३८२] इय विडिय-गुरु-पइण्णो तग्गोयरमागओ कुसुमचावो ।
सल्लइ य स-रोसं निय-सरेहिं रइसुंदरि-सरीरं ॥३९॥

[१३८३] अह सहसा विसमाउह-सर-सल्लिय-तणु-लया निवडिया सा ।
सुद्धम्मि धरा-वीढे अप्पाणं पि-हु अ-चेयंती ॥४०॥

[१३८४] मयणो वि सणिय-सणियं पच्छिम-पहमक्कमेउमादत्तो
अह एगदंति-दोदंति-मयरदद्दाइ-अक्काओ ॥४१॥

[१३८५] हा हा हयम्हि हा हा हयम्हि इय जंपिरीउ धावेउं ।
रइसुंदरीए सिसिक्खयारे काउं पयट्ठाओ ॥४२॥

[१३८६] ता किं-चि पत्त-सण्णा जंपइ रइसुंदरी-अहह अंओ ।
आणेसु कुमुमचावं धरिऊण करम्मि नरमेयं ॥४३॥

[१३८७] अन्नह निस्संदेहं पेच्छंतीए वि तुब्भ अइरेण ।
एय-नर-संग-सुहमळ्ळंता जाहिति मह पाणा ॥४४॥

[१३८८] तयणु स-वेडीओ वि-हु अक्काओ चविऊण विसमसरं ।
आणेउ चेत्तु हत्थे म्रुयंति रइसुंदरीए पुरो ॥४५॥

[१३८९] अह सा तस्संगम-सुह-संपत्त-सुहासिया निसमसेसं ।
अइगमइ विविह-कीळा-विणोय-जोगेण साणंदं ॥४६॥

[१३९०] नूणमिमा मह संगम-विरहम्मि न जीविहि त्ति सयमेव ।
जा-जीवं पि स-सविहे ममं धरेहि त्ति चिंततो ॥४७॥

[१३९१] कउजंतरमुहिसिउं मयणो कुट्टिम-तलाओ उत्तरइ ।
जा ताव तन्निउत्तय-वेडीहिं से पुरो भणियं ॥४८॥

[१३९२] नणु तुब्भेहिं रइसुंदरीए चिंता न का-वि कायव्वा ।
वसियव्वं च सुहेणं आवासे अज्ज निययम्मि ॥४९॥

[१३९३] तो स-विसेसं स बिलक्ख-माणसो हरिय-रज्ज-रिद्धि व्व ।
विमणुम्मणो पहुत्तो मयणो वेसमण-सविहम्मि ॥५०॥

[१३९४] कहइ य निय-वुत्तं तत्तो ते दो-वि चित्तमावडिया ।
स-बिलक्खमुल्लवंता कहि-चि चिट्ठंति मुन्न-दरे ॥५१॥

[१३९५] एत्थंतरम्मि विहिणो निओगओ मूलएव-अभिहाणो ।
धुत्त-तिलओ पहुत्तो तेसि दुवेणं पि सविहम्मि ॥५२॥

[१३९६] पुट्टं च तेण - नणु किं तुब्भे अच्चंत-दुक्खमावन्ना ।
दीसह अह दो-वि-हु ते कहेंति निय-वइयरं तस्स ॥५३॥

[१३९७] अह ईसीसि हसंतो धुत्तो वज्जरइ - अहहतुब्भे वि ।
थी-मेत्तेण इमेणं चिट्ठह अवमाणिया एवं ॥५४॥

[१३९८] ता जंपियमियरेहि - इमं भणंता-तुमं व अम्हे वि ।
किंतु दलिओऽहिमाणो एहिं एईए अम्हाण ॥५५॥

[१३९९] तुब्भ वि जाणिस्सामो सम्मं धुत्तत्तणं जइ इमीए ।
समगं भुंजसि भोए दो-तिणि वि वासराइं ति ॥५६॥

[१४००] नणु जइ समगं रइसुंदरिण जा-जीवमवि न भुंजामि ।
पंच-वियप्पे विसए तो नाहं मूलए वोत्ति ॥५७॥

[१४०१] किं पुण ठायव्वं इह तुब्भेहिं कित्थियाइं वि दिणाइं ।
तक्कालमोयणो वि न सिज्जेइ लुहालुय-वसेण ॥५८॥

[१४०२] इय दढ-कय-प्पइण्णो कं-पि उवायं मणे विणिच्छेउं ।
उत्ताराविय केसे जज्जर वत्थाणि परिहेउं ॥५९॥

- [१४०३] तरणिम्मि अणुदयंते गहिऊणं कुसुम-सलिल-छगणाई ।
गंतूण मयरदट्ठा-कुट्टणि-भवणम्मि अणु-दियहं ॥६०॥
- [१४०४] वियरेऊण च्छडयं गुंहलियं काउ सत्थिए दाउं ।
नव-नव-विच्छित्तिए कुसुम-प्पयरं च मोत्तूणं ॥६१॥
- [१४०५] अवरं पि रेणु-कयवर-तणाइ नीसेसमवि अवहरेउं ।
कुट्टणि-चेडीहिं पि-हु अ-मुणिज्जंतोऽणु-दियहं पि ॥६२॥
- [१४०६] आगच्छइ निय-भवणे स धुत्त-चूडामणी अहऽन्न-दिणे ।
सा मयरदट्ठ अक्का पढमयरं उट्ठिया संती ॥६३॥
- [१४०७] तह-रूवमसेसं पि-हु स-मंदिरं पेक्खिऊण स-वियक्कं ।
पुच्छइ चेडीओ जहा - कोऽणु-दिणं मह घरे एवं ॥६४॥
- [१४०८] महिमं करेह एरिसमह भणियं चेडियाए एगाए ।
सम्मं न मुणिज्जइ परमंबो इह अणुदिए घरे ॥६५॥
- [१४०९] परिमुंड-मुंड-तुंडो परिडिय-जर-चीवरो तुरिय-तुरियं ।
काऊण इमं वच्चइ पभाय-समए नरो एगो ॥६६॥
- [१४१०] अह नूण इमो चोरो चारो पर-दारिओ व्व को-वि नरो ।
किं-चि वि महेइ मह पुरओ त्ति मुणेऊण स-मईए ॥६७॥
- [१४११] आणचाओ चेडीओ जह - अहइ अज्ज सच्च-जत्तेण ।
धरिऊण मह पुरो सो आणेयव्वो महा-पुरिसो ॥६८॥
- [१४१२] अह वीय-दिणे रयणी-पच्छिम-पहरम्मि ताउ चेडीओ ।
जग्गंतीओ तप्पहमवल्लोपंतीओ चिट्ठति ॥६९॥

- [१४१३] पचो य मूलएवो निय-समए तयणु तं तह विहेउं ।
जा चलिओ निय-भवणाभिमुहं ता अक्क-वेडिहिं ॥७०॥
- [१४१४] नणु इंत कत्थ वच्चसि पविसेउं पर-घरम्मि पइ-दियहं ।
इय भणिरीहिं धरिउं नीओ पुरओ स-अक्काए ॥७१॥
- [१४१५] तीए वि उदार-रूवं तरुणं तं तारिसं निरिक्खेउं ।
भणियं - नणु वच्छ कहं मह कुणसि तमेत्तियं भत्ति ॥७२॥
- [१४१६] अहव किमन्नेणं तुह तुह म्हि वरेसु इच्छिय-वरं ति ।
गरुयाण चलण-सेवा न निप्फला होइ कइया-वि ॥७३॥
- [१४१७] अह भणइ मूलएवो - तुमए तुहाए किन्न संपडइ ।
किं पुण भग्गिज्जइ ता जइ न कुणसि पत्थणा-भंगं ॥७४॥
- [१४१८] अह कुट्टणीए भणियं - किह वच्छ पुणो पुणो पयंपेसि ।
तुरियं वरेसु इच्छियमइलं न इविस्सए नूणं ॥७५॥
- [१४१९] ता मूलएव-धुत्तो महा-पसाउ-त्ति जंपिरो भणइ ।
नणु केण कारणेणं तरुणी रइसुंदरी पुरिसं ॥७६॥
- [१४२०] एक्कसि सेविय-पुव्वं न सेवए पुण-वि सुरवइ-समं पि ।
एत्तिय-मेत्तं साहसु मह जइ सच्चं पसन्ना सि ॥७७॥
- [१४२१] अह धुणिय-उत्तिमंगा पयंपए कुट्टणी जहा - वच्छ ।
रइसुंदरी न साहइ पुच्छिज्जंती वि मह वि इमं ॥७८॥
- [१४२२] अहवा जइ निव्वंधो तुह ता संचलसु जह तुह वि पयडं ।
पत्थुय-अत्थि रइसुंदरीए सविहम्मि पुच्छामि ॥७९॥

- [१४२३] किंतु कुणसु तरुणित्थी-रूवं मेणहेसु चूडियं हत्थे ।
तस्सविहे वि निल्लक्केऊणं चिट्ठेज्ज एगत्य ॥८०॥
- [१४२४] इय कय-संकेओ सो तहेव काऊण समगमक्काए ।
करयल-जुयलुप्पाडिय-चूडियओ तप्पिहिय-वयणो ॥८१॥
- [१४२५] मणिमय-उवरिम-कुट्टिम-तलम्मि रइसुंदरीए सुत्ताए ।
सविहम्मि गंतु संपिडियंगुवंगो उवविसेइ ॥८२॥
- [१४२६] तस्सुवरि निवेसिय-गुरु-चूडियगे झत्ति निवसए अक्का ।
खण-मेत्तेण य मुत्त-विउद्धाए भणियमियरीए ॥८३॥
- [१४२७] नणु अंवो किह तुम्भे चिट्ठेइ इह त्ति तयणु परमक्का ।
इयरियर-वयण-वित्थर-मज्झे रइसुंदरिं खिवित्तं ॥८४॥
- [१४२८] भणइ - नणु वच्छि वसुहा-वलए सयले हसिज्जइ जणेण ।
को-वि भणइ - दढमेसा निय-चंगिम-गव्वमुव्वहइ ॥८५॥
- [१४२९] अन्नयरो भणइ - इमा अणुयत्तेउं मुणेइ न छइल्ले ।
तेणेव इमं वेड्डयमवलंवेऊण चिट्ठेइ ॥८६॥
- [१४३०] अवरो उ भणइ - एसा विरसा निल्लक्खणेक्क-कुक्खी य ।
कहमन्नह स-घराजिर-टिए चयइ मयण-वेसमणा ॥८७॥
- [१४३१] इय वच्छि कहसु केण-वि जेण निमित्तेण वहसि नियममिमं ।
जह अहमवि-हु अ-याणुय-जणाण वयणं अवगणेमि ॥८८॥
- [१४३२] तयणु थुहुंकिय-वयणा जंपइ रइसुंदरी - भणउ लोगो ।
जं वा तं वा अंवो तुम्हं किमिमाए तत्तीए ॥८९॥

[१४३३] नणु पडिक्कलं जइ तुह समुहं को वि-हु खिवेइ दिट्ठिं पि ।
ता इं तस्स कवाळे चडेउमिच्छामि धुवं ॥९०॥

[१४३४] एत्थ पुणो अ-विआणिय-परमत्था कस्स किं करेमि अहं ।
ता निच्च-मन्नियाए स-माउयाए कहमु तत्तं ॥९१॥

[१४३५] इय बहु-विह-वयण-परंपराहिं सम्भावमाणिया संती ।
सोहाविय इयर-जणं मुय-सारिय-वेडियाईयं ॥९२॥

[१४३६] इयरस्स न जा-जीवं कहियव्वमिमं ति सबह-विहि-धुवं ।
रइसुंदरी स-वइयरमुल्लविउमिमं समादत्ता ॥९३॥

तहा हि -

[१४३७] हिमगिरि-तट्ठम्मि वियडे वण-गहणे भूय-सिहरि-सिहरम्मि ।
एगम्मि महा-नीडे विजिएयर-नीड-वित्थारे ॥९४॥

[१४३८] अहमासि पुव्व-जम्मम्मि सारसी सह निएण दइएण ।
पालिती य स-किंटय-जुयलं कालं गमावेमि ॥९५॥

[१४३९] अह अन्नया य निय-पियययेण सम-सुह-दुहेण वि-हु कह-वि ।
विहिणो वसेण दावानलम्मि संपत्त-पसरम्मि ॥९६॥

[१४४०] किंटय-उवरि-निवेसिय-पक्ख-जुया नीडयम्मि सुह-सुत्ता ।
परिहरियाऽहं दइयं स-जीवियव्वं कुणंतेण ॥९७॥

[१४४१] दावग्गिणा वि अ-वियविकएण सव्वत्थ वित्थरंतेण ।
मह-पक्खाहिं सहस च्चिय नीडं निदइदमइरेण ॥९८॥

- [१४४२] ता ददद-पक्ख-जुयला स-किंटया उड्डितं अ-तरमाणी ।
दाह-दुहाओ वि गुरुणा पिय-विरह-दुहेण झिज्झंती ॥१९॥
- [१४४३] हा हा निग्घिण पिययम निग्घिण पिययम इमेरिसे विसमे ।
उज्झिउमिमं स-किंटयमवि कत्थ तुमं पउत्थो सि ॥१००॥
- [१४४४] नेहस्स तस्स ललियस्स तस्स तस्स य नियय-वत्तस्स ।
किं दइय तए विसमे निदंसिओ एस परिणामो ॥१०१॥
- [१४४५] अहवा न तुज्झ पिययम दोसो दासो इमस्स हय-विहिणो ।
जेणं न डिम-रूवाणमवि इमाणं कया करुणा ॥१०२॥
- [१४४६] खण-रत्त-सरूवेणं पुरिसेणियराओ अवि चइज्जंति ।
न-उण वि वक्कर-घत्ता ढवइ इमा सम्मुह-विहिम्मि ॥१०३॥
- [१४४७] जइ वा किं कुणइ पिओ किं व विही-कोव भरमुवगओ वि ।
समुहीहवंति कहमवि जइ पुव्व-कयाइं सु-कयाइं ॥१०४॥
- [१४४८] इय करुणं विलवंती पिक्खंती चल्लवलंत-डिभाइं ।
वयणेण खेय-दुहवकंता दावेण डज्झंती ॥१०५॥
- [१४४९] परिऊण अहं अंओ जाया एस म्हि तुज्झ दुहिय त्ति ।
अवरम्मि अवसरे विहि-वसेण एत्थोवविट्ठाए ॥१०६॥
- [१४५०] दिट्ठं सारस-जुयलं कुरुलंतं नहयलेण वच्चवंतं ।
अन्नोन्न-दुहवकंतं अंतरियं गरुमग्गेण ॥१०७॥
- [१४५१] अह कत्थ दिट्ठ-पुव्व-उणुहूय-पुव्वा य एरिसावत्था ।
इय चिंतंतीए मए नियया जाईं सुमरिय त्ति ॥१०८॥

- [१४५२] ता धिसि धिसि पुरिसाणं खण-रत्त-विरत्त-चित्त-पसरारणं ।
जे मरमाणीण वि अवलाणं चित्तं पि न कुणंति ॥१०९॥
- [१४५३] परमेणिं किं काउं अवरं तीरइ इहोववन्नाए ।
इय चित्तंतीए मए कुहुंव-निष्वाह-मेत्तमिमं ॥११०॥
- [१४५४] एक्कसि एक्को पुरिसो सेवेयव्वो त्ति अत्थि पडिवन्नं ।
दव्वेण भावओ उण सेवेमि न एक्कसिं पि नरं ॥१११॥
- [१४५५] इय अंवो तुज्झ मए कहिओ निय-नियम-वइयरो सयलो ।
तुमए उण नो कस्स वि कहियव्वो जाव-जीवं पि ॥११२॥
- [१४५६] अह पडिवन्नम्मि इमे विम्बिय-हिययाए मयरदहाए ।
उहिसिय देह-चित्तं उट्ठइ ररसुंदरी तरुणी ॥११३॥
- [१४५७] दिट्ठि-पहाइ ककंताए तीए सहस त्ति मूलएवो वि ।
चूडियमुप्पाडेउं स-ट्ठाणे नेउ मुत्तूण ॥११४॥
- [१४५८] नूणं सिद्धं सज्जं ति चित्तिरो कुट्टणीए पणमेउं ।
गंतुं निययम्मि घरे चित्तयारं वाहरावेउं ॥११५॥
- [१४५९] चित्त-पडए लिहाबिय हिमालयं तत्तले य वण-गहणं ।
तम्मज्जे बहु-पत्तल-साहालं गरुय-सहयारं ॥११६॥
- [१४६०] तस्स सिहर-साहाए सारस-नीडं पुणो अइ-महल्लं ।
तम्मज्जे उण सारस-जुयलं सह-किंठय-जुएण ॥११७॥
- [१४६१] एगत्थंउन्नत्थ पुणो डज्झिर-सहयार-पायव-तलम्मि ।
विहडंत-चंचु-संपुडमंक-हिय-साव-जुयलिल्लं ॥११८॥

[१४६२] निदहदोभय-पक्खं सारसमेगं पहीण-चेयन्नं ।
तह करुण-नयण-वेविर-गल-नालं दलिय-पक्ख-पुडं ॥११९॥

[१४६३] चंचु-कय-सलिल-पूरिय-तामरसिणि-पत्त-पुडयमग-गयं ।
अवगणिय-जीवियन्वं सारसमेगं लिहावेइ ॥१२०॥

[१४६४] तस्स य चित्तस्स अहो गाह-चउक्कं इमं लिहावेइ ।
नीसेस-सेस-धुत्त-सिरोमणी मूलएवो सो ॥१२१॥

जहा -

[१४६५] इय-विहि-निओइ ओलूय-चंचु-संपुड-कयंत-भवणाओ ।
कह-कह-वि लुट्टिऊणं पिया-सगासम्मि आगमिरो ॥१२२॥

[१४६६] इच्छामि मीलियच्छं स-किंठयं डज्झिरं निएउ पियं ।
आणिय-जलो वि तीए उवयारं काउमसमत्थो ॥१२३॥

[१४६७] तत्थेव दवे पडिउं लहुं मओ एस सारस-हयासो ।
सा उण अ-मुणिय-पीडा न कुणेइ कइ पि स-पियस्स ॥१२४॥

[१४६८] तह वि-हु तमुज्झिऊणं जइ जलण-सिहे वलगाइ महंगे
इय पसिऊणं मह विहि कहसु कहिं चिट्ठइ पिया सा ॥१२५॥

[१४६९] इय चित्त-पडं काऊण करयले मूलएव-धुत्तो सो ।
गहिलाण वेसमवलंविऊण कय-डिभ-परिवेदो ॥१२६॥

[१४७०] जह तरुणीओ बहूओ ता मह किं निय-पियाए विरहेण ।
इय भणिरो पुणरुत्तं पुरीए परिममिउमाहत्तो ॥१२७॥

[१४७१] अवर-दिणम्मि य गमिरो अग्गिम-मग्गेण डिभ-परियरिओ ।
रइसुदंरीए दिट्ठो अह-नणु किमिमम्मि चित्त-पडे ॥१२८॥

[१४७२] लिहियं कह वा एसो एवं भणइ त्ति चित्तयंतीए ।
चेढीहिं तो कहमवि आणीओ अप्पणो पुरओ ॥१२९॥

[१४७३] अह चित्त-पडयमवलोइऊण ददूणमप्पणो चरियं ।
वाएऊण य गाहाओ ताओ वियसंत-मुह-कमला ॥१३०॥

[१४७४] अहइ नणु मह पिओ वि-हु मह पट्टीए मओ त्ति चित्तंती ।
स-विलक्खं जंपइ-नणु लिहियमिणं केण मह चरियं ॥१३१॥

[१४७५] नहि मज्झ पिययमाओ अवरो चरियं इमं मुणइ को-वि ।
इय भइ कहसु को एस चइयो अह भणइ इयो ॥१३२॥

[१४७६] जइ तरुणीओ वहुओ ता मह किं निय-पियाए विरहेण ।
इय पुणरुत्तं ववगय-लक्खं तं चेव जंपंतो ॥१३३॥

[१४७७] काउं रहमियरीए पुट्टो सो तह-वि तं चिय भणेइ ।
अह नणु सो चेव इमो मह दइओ सारसो कह-वि ॥१३४॥

[१४७८] संजाय-जाइ-सरणो वियलत्तमुवागओ मह विओए ।
इय चित्तंती धरितं करे विसेसयरमुल्लवइ ॥१३५॥

[१४७९] देवय-गुरु-सवएहिं सविऊण जहा-महा-पुरिस सम्मं ।
मह चेव चरियमेयं जेण य लिहियं स मह भत्ता ॥१३६॥

[१४८०] जीवामि इह-गयाहं सेवामि य एक्कसिं वहु-पुरिसे ।
गइमन्नमपेच्छंती गणिय-गिहे पत्त-जम्मं त्ति ॥१३७॥

[१४८१] परमत्थेण पुणो मह जीयं पंच-विह-विसय-मुक्खं च ।
अखलिय-पसरं होही जइ तेण चिय मह पिण्ण ॥१३८॥

[१४८२] अह पुण्वुत्तं वयणं भणिरो - नणु मुयसु मुयसु मह हत्थं ।
जं जइ स-पिया-विरहे मह अंगे लग्गिही जलणो ॥१३९॥

[१४८३] एएसिं पुण कइयव-वयणेण न उत्तरं पि वियरेमि ।
एसो उ पडो लिहिओ मए चरित्तं पि मह एयं ॥१४०॥

[१५८४] निय-दइया-अवल्लोयण-कयए य सव्वत्थ परिभमामि अहं ।
जंपंति य मह चरियं इमं ति बहुयाओ तरुणीओ ॥१४१॥

[१४८५] किं पुण न का-वि स-एव्वयं चरित्तं कहेइ पुण्विल्लं ।
जइ पुण सच्चं चिय तुमं तओ कहसु पत्तेय ॥१४२॥

[१४८६] को एस महा-सिहरी का वेस महाडवी तरु को वा ।
चत्तारि सारसाइं एयाइं काइं कह वेसो ॥१४३॥

[१४८७] निय-चंचु-संपुड-द्विय-जल-पत्त-पुडो दवम्मि पडिऊण ।
दीसइ पज्जंत-दसं पत्तो सारस-वराओ त्ति ॥१४४॥

[१४८८] अह जं अहेसि कडियं कुट्टणि-पुरओ तमक्खियमसेसं ।
ता जा मुत्तुं मुत्तं ममं गओ कत्थ वि पिओ त्ति ॥१४५॥

[१४८९] सम्मं पइ-वुत्तंतं न मुणामि समासओ उ मुणियमिमं ।
गाहा-चउक्क-दंसणओ जह मह चेव विरहेण ॥१४६॥

[१४९०] वयणाणवखेय-दुहवकंतो पंचत्तमुवगओ दइओ ।
इय जइ सच्चं चिय तुह चरियमिमं ता कहसु सेसं ॥१४७॥

[१४९१] अह ईसि विहसिऊणं स धुत्त-चूडामणी पयंपेइ ।
जह तइया स-पियाए सुत्ताए पहरय दित्तो ॥१४८॥

- [१४९२] गहिओ अहमवियक्किय-समागएणं उलय-अहमेण ।
अह विहि-वसेण तेणं लट्ठयरं लक्खमुवलट्ठुं ॥१४९॥
- [१४९३] गय-जीवियं ति साहीणं ति ममं मुणिय कोट्टरे तरुणो ।
खिविऊण स-कज्ज-कए उट्ठीणोल्लय-अहमो जा ॥१५०॥
- [१४९४] ताव अहं निय-दइयं स-किटयं सुमरिऊण सुह-मुत्तं ।
मा को-वि अवाओ से हवेज्ज इय चित्तिरो तुरियं ॥१५१॥
- [१४९५] उट्ठीय कोटराओ संपत्तो नियय-नीड-सविहे जा ।
ता दव-मलक्कियं निय-दइयं दट्ठण महि-वडियं ॥१५२॥
- [१४९६] गंतूणं सविह-सरे जल-पत्त-पुडं तुरियमाणेउं ।
दट्ठं च मयं दइयं तयणुपहेणं अहं पे मओ ॥१५३॥
- [१४९७] जाओ य वेजयंती-नयरीए बुद्धिसार-नामस्स ।
इमस्स नंदणोऽहं मइसारो नाम-विक्खाओ ॥१५४॥
- [१४९८] मह भवणस्स उ सविहे चिट्ठेइ महालओ बडो एगो ।
तत्थ य उवेति जंति य विहय-कुलाइं विचित्ताइ ॥१५५॥
- [१४९९] अह अन्नया निसाए उवरिम-साहाए तस्स बड-तरुणो ।
आगंतुणं सारस-मिहुणं आवासियं एगं ॥१५६॥
- [१५००] ता विहि-वसेण तत्थागंतु उल्लएण अद्ध-रत्तम्मि ।
तव्वासि-विहय-वग्गो दिसो-दिसिं नासिओ सयलो ॥१५७॥
- [१५०१] अह सारसी स-दइयं अ-नियंती कूजिरी करुण-सहं ।
विविणंतरेसु ममिउं पडिया तत्थेव आगंतु ॥१५८॥

- [१५०२] स्त्रण-मेत्तेण य पिययम-विओय-दुह-जाय-हियय-संघट्ठा ।
पत्ता पंचत्तं सा निस्सरणा सारसि वराइ ॥१५९॥
- [१५०३] एत्थंतरम्मि अंवर-तलेण विविणंतरेसु परिभमिरो ।
करुण-सरं कुरुलंतो अ-नियंतो भारियं निययं ॥१६०॥
- [१५०४] तस्सेव महा-तरुणो उवरि-पएसम्मि आगओ जा ता ।
नियइ गय-जीवियच्चं निय-दइयं महियले पडियं ॥१६१॥
- [१५०५] करुण-सरं व सुइरं कुरुलंतो सो वि सारस-वराओ ।
होऊण तीए सविहे पंचत्तं झत्ति पत्तो त्ति ॥१६२॥
- [१५०६] अह एस मए कत्थ-वि सु दिट्ठ-पुच्चोऽणुभूय-पुच्चो य ।
मरमाण-करुण-कुरुलिर-सारस-मिहुणस्स वुत्तंतो ॥१६३॥
- [१५०७] इय चित्तंतो मुच्छा-निमीलियच्छो महीए पडिओ म्मि ।
पाविय-वेयन्नस्स य जाई-सरणं महुप्पन्नं ॥१६४॥
- [१५०८] अह - सरिस-सुह-दुहाए दइयाए विओइयस्स मह इमिणा ।
किं जीविणं किं वा एयाए विसय-सेवाए ॥१६५॥
- [१५०९] जीवियमिमं तु तीरइ न कइदिउं अंकुडोए देहाओ ।
विसय-सुहं पुण पच्चक्खयं विरहेण तीए मए ॥१६६॥
- [१५१०] जइ तरुणीओ वहुओ ता किं मह निय-पियाए विरहेण ।
इय वित्तिरो य इय चिल्लविरो य अवरम्मि दियहम्मि ॥१६७॥
- [१५११] सिरि-आसाऊरीए पुरओ निय-नयर-पत्त-देवीए ।
अ-प्पक्क-घड-सएणं णवणं तुह पिययमा करिही ॥१६८॥

- [१५१२] कणयाहरणमहं कारिस्सं जइ मेलिसि त्ति भणिऊण ।
परिहरिय-भत्त-पाणो पढिओऽहं जीविय-निरीहो ॥१६९॥
- [१५१३] तइयोववास-अंते तीए पयडीहवेउ मह पुरओ ।
भणियं जह-वच्छ तुमं वच्चसु उज्जेणि-नयरीए ॥१७०॥
- [१५१४] तत्थ य तुह दइया सा मिलिही होही य संगमो सुइरं ।
किंतु निय-सुह-पवन्नं तुम्भेहिं मज्झ दायव्वं ॥१७१॥
- [१५१५] इय देवयाए वयणं सोउं सच्चं इमं ति मन्नंतो ।
आगंतु एत्थ गहिलीहुओ चिट्ठाभि परिभमिरो ॥१७२॥
- [१५१६] अह लहु-सव्वंग-समुल्लसंत-रोमंच-राइ-चिंचइया ।
हरिस-वियासिय-वयणा जंपइ ररसुंदरी - नाह ॥१७३॥
- [१५१७] नो वितह-वाइणीओ देवीओ कया-वि होति जिय-लोए ।
इय तीए अहं चिय तुह पिययम कहिय म्मि दइय त्ति ॥१७४॥
- [१५१८] ता काऊण पसायं वीसत्थीहोसु उज्झसु विसायं ।
चिट्ठसु इहेव हवसु य मज्झ तुमं सामिसालो त्ति ॥१७५॥
- [१५१९] एयाओ कणय-तेरस-कोढीओ इमा य अहमिमं भवणं ।
तुम्हच्चयं ति पसिउं निउंजियव्वं स-कज्जम्मि ॥१७६॥
- [१५२०] आसाऊरिय-देवीए वि-हु तुम्भेहिं जं पवन्नं तं ।
अ-प्पक्क-घड-सएणं सिणाण-कम्मं करिस्समहं ॥१७७॥
- [१५२१] एत्तो वि मज्झ वि तुमं पुव्व-भव-प्पिययमं समुम्भेउं ।
अंगे लगइ जलणो जइ न तो ?) सब्बमवि इंदो ॥१७८॥
- [१५२२] एसो उण वुत्तंतो पिययम कस्स-वि तए न कहियव्वो ।
जं पुव्व-छइलेहिं भणियमिणं पेम-संवंधे ॥१७९॥

[૧૫૨૩] મિય-સંગમિ જે બુલ્લહા સહિ વિત્તા ઇક્કંતિ ।
તે ગુરુ-મંતવ્ત્તર-સરિસ કહણા કમ્મુ વિ ન જંતિ ॥૧૮૦॥

[૧૫૨૪] તહ પિયમ સંસારે ગિરિ-ગરુવાસે સ-દોસ-મંઢારે ।
ઇયમ્મિ વિતહ-વાઈ પાણ જળો સમગ્ગો વિ ॥૧૮૧॥

[૧૫૨૫] કિં પુણ ગણિયા-વગ્ગો ઇય મા તુહ મહ ય લાહવં હોજ્જા ।
મજ્ઞે જણાણ વિતહં સયલં પિ ઇમં તિ મુણિરાણ ॥૧૮૨॥

[૧૫૨૬] અહયં તુ ઉજ્જમિસ્સં કહં પિ તહ જેણ વિગ્ધ-વિરહેણ ।
તુમણ સહ મહ હોહો જા-જીવં વિસય-સેવ ત્તિ ॥૧૮૩॥

[૧૫૨૭] ઇય વિહિય-નિચ્છયા સા રહમુંદરિ-કામિણી ગણિય-પવરા ।
પઢિવન્ન-સયલ-વયણસ્સ ધુત્ત-તિલયસ્સ તસ્સ લહું ॥૧૮૪॥

[૧૫૨૮] નિયય-કર-કિસલપ્પહિં વિણ્ણાણ-પ્પગરિસેણ ય નિણ ।
જ્ઞાણ-વિલેવણ-વત્થાલંકારે વિયરહ સ-તોસં ॥૧૮૫॥

[૧૫૨૯] ઇયરો વિ-હુ પઢિવજ્જિય-સાહાવિય-મહિમ-રુવ-વિણ્ણાણો ।
જાઓ ઉવહસિયાસ્થિલ-તિયસામુર-સ્થયર-માહપ્પો ॥૧૮૬॥

[૧૫૩૦] તા સ-વિસેમુલ્લાસિય-હરિસા સા કં-ચિ કાલમહગમહ ।
જા તાવ મહીવહ્ણો જાણ પઢમમ્મિ તણયમ્મિ ॥૧૮૭॥

[૧૫૩૧] કલહટ્ટ-કણ સયલાઓ વિ-હુ તન્નયર-વારવિલયાઓ ।
સદાવિયાઓ નરવહ્-પહાણ-પુરિસેહિં નિવ-ભવણે ॥૧૮૮॥

[૧૫૩૨] તા પેચ્છણયારંમે મિલિણ સયલમ્મિ પુહહ-પવર-જણે ।
રહમુંદરીણ મુદ્દરાહિગયાણ સ-નદ્દ-કિરિયાણ ॥૧૮૯॥

[૧૫૩૩] તહ તહ વિર્યમિયં જહ ક્કલ્લિ સયલો વિ રંગ-લોગો સો ।
જાઓ લેપ્પમઓ ઇવ પ્પણાસિયાસેસ-વાવારો ॥૧૯૦॥

[१५३४] अह तुट्टेण निवइणा - मग्गसु मग्गसु वरं ति भजिवा सा ।
पत्तावसरं मग्गिय रहं स-सुत्तंतमक्खेउं ॥१९१॥

[१५३५] विण्णवइ जहा - तं चिय पुच्च-यव-प्पिययमं महिम्म-सुयं ।
वियरेसु सामि पसिउं इयरेण उ मज्झ पज्जत्तं ॥१९२॥

[१५३६] अह नरवइणा कुट्टणि-वग्गं भणिऊण तं तहेव कयं ।
ता स-विसेसं पाविय-रउज-समिद्धिं व्व साणंदं ॥१९३॥

[१५३७] पयडिय-उज्जेणी-जण-वेसमण-अणंग-मण-वमक्कारो ।
आसाऊरिय-देवीए काउ तं तह सिणाण-विहिं ॥१९४॥

[१५३८] तवकारिय-कणयाहरणेणं पडिपुन्न-वंछियत्थेण ।
नीसेस-धुत्त-चूडामणिण सह मूलएवेण ॥१९५॥

[१५३९] अणवरयं पि हु अ-मुणिय-रयणि-दिणा पंच-भेय-विसय-सुइं ।
अणुसुंजइ रइसुंदरि तरुणी जय-तरुणि-तिलय त्ति ॥१९६॥

[१५४०] वेसमण-अणंगा उण ते तह तं सच्चवेउ स-विलक्खा ।
गुरु-विम्वहा य होउं उववूहेउं च धुत्तं तं ॥१९७॥

[१५४१] वियलिय-निय-प्पइष्णा विच्छाय-सुहा पणहु-उच्छाहा ।
रइमलइंता पत्ता निय-निय-ठाणेसु कह-कह-वि ॥१९८॥

[१५४२] धुत्तो वि-हु तीए समं सुहेण काइं-चि दिणाइं अइमइ ।
अह अन्नया य तेसिं स-कय-निओएण केणावि ॥१९९॥

[१५४३] पणय-जण-कप्पविडवी संसार-समुद-तारण-तरंडो ।
काणण-गयाण मिलिओ सूरि सिरि-धम्मघोसो त्ति ॥२००॥

- [१५४४] भक्ति-बहु-माण-पुर्व्वं नमिउं च गुरुं जहोचिय-द्वाणे ।
दोणिण वि ताई सिरि-कय-कर-कोसाई निविट्ठाई ॥२०१॥
- [१५४५] अह स-जल-जलय-गहिर-झुणिणा मुणि-नायगेण ।
पारद्धा धम्मकहा भव-भाव-विराय-संजणणी ॥२०२॥
- [१५४६] हंत अणंताई भाव-पुग्गल-परियट्ठ सय-सहस्साई ।
कम्म-वसेणं जीवा भमंति मिच्छत्त-तिमिरंधा ॥२०३॥
- [१५४७] तं नत्थि किं-पि ठाणं वालग्ग-पमाणमवि भव-वणम्मि ।
जम्म-मरणाई जत्थ न अणंतसो पत्त-पुच्चाई ॥२०४॥
- [१५४८] तं नत्थि विसय-सोक्खं तज्जणियं इह दुहं पि तं नत्थि ।
जं जीवेहि न पत्तं न उ लद्धो एस जिण-धम्मो ॥२०५॥
- [१५४९] सत्तरि-कोडाकोडी-सायर-उवमाण-मोहणिज्जस्स ।
वेयणियावरण-हुग-विग्घाण य तीस-उवकोसा ॥२०६॥
- [१५५०] वीसं कोडाकोडी नामय-भोत्ताण हवइ परम-ठिई ।
एएसि य सत्तण्ह वि करणेण अहा पवित्तेण ॥२०७॥
- [१५५१] अंतो कोडिकोडिं धरिउं खवियम्मि सेसए जीवा ।
पावंति कम्म-गंठिं घण-राय-दोस-परिणामं ॥२०८॥
- [१५५२] एत्तिय-दूरं च इमे पत्ता सव्वे अणंतसो जीवा ।
किंतु अउण्णा पुणरवि परिवड्डिऊणं गया मूले ॥२०९॥
- [१५५३] वंधंति य परम-ठिइं कम्माण पुणो वि संकिलेसाओ ।
भमिहंति भवमभव्वा एवं गुरओ वि सइ-कालं ॥२१०॥

- [१५५४] आसन्न-काल-भव-सिद्धियाओ अपुव्व-करण-वज्जेण ।
गिरिमिव गंठिं भिदंति पाविउं धीरियमउव्वं ॥२११॥
- [१५५५] अनियट्टिय-करण-मेत्तो अइसय-सुद्धि-स्सरूवमणुहविउं ।
अंतो-मुहुत्तमह ते मोक्ख-महा-कप्पतरु-मलं ॥२१२॥
- [१५५६] कारणमणंत-सोक्खाण वारणं तिकख-दुक्ख-लक्खाण ।
सम्मत्तं कय-उण्णा लहंति रोर व्व रयण-निहिं ॥२१३॥
- [१५५७] तं तु गुरु-संगमाओ दुग्गइ-विमुहाण विसय-विरयाण ।
पयडि य-अइयाराणं आसेविय-पायछित्ताणं ॥२१४॥
- [१५५८] अणुसमय-समुल्लसिगासमाण-संवेय-भाविय-मणाण ।
सग्गापवग्ग-फलयं संजायइ भविय-सत्ताण ॥२१५॥
- [१५५९] जे उण विसय-विमदा मिच्छत्ताविरइ-पमुह-पाव-रया ।
वटंति अ-कज्जेसुं भमंति ते चउ-गइ-प्रवग्गि ॥२१६॥
- [१५६०] परिणाम-पेसलमिणं सुणिउं संवेगमागओ धुत्तो ।
विण्णवइ जहा — भयवं हविही किं कह-वि मह सुद्धी ॥२१७॥
- [१५६१] वेसमण-मयण-वयणुल्लासिय-कूडाहिमाण-नडिण्ण ।
धुत्तच्च-गव्वमुव्वहमाणेणं जं मए एसा ॥२१८॥
- [१५६२] अच्छंतमसंतमिमं पयडेउ तहा तहा स-वुत्तंत ।
वेलविउं संगहिआ उवभुज्जंती य चिट्ठेइ ॥२१९॥
- [१५६३] इय विसय-वेग-उवहय-विवेय-रयणस्स पाव-चरियस्स ।
मह कह-वि पसिय भयवं पाव-विमुद्धिं करेसु लहु ॥२२०॥

[१५६४] इय करुणुल्लवंतस्स तस्स लहु मलएव-धुत्तस्स ।
सिरि-धम्मघोस-गुरुणा दिण्णो जिण-देसिओ धम्मो ॥२२१॥

[१५६५] इय विसय-वेग-धुम्मिय-मणेण वेसमण-मयण-धुत्ताण ।
दट्ठं विचेट्ठियाईं नियय-चरियं च मुणिऊण ॥२२२॥

[१५६६] आयणिणुं च गुरुणो तं अमय-विवाग-मुंदरं वयणं ।
संजाय-भव-विराया पडिउज्जइ चरण-रयणं ति ॥२२३॥

[१५६७] तदनुकमशो गुरु-पद्-कमलाराधन-लसन्मनःप्रसरा ।
प्रकटित-निजातिचारा प्रायश्चित्ताचरण-चतुरा ॥२२४॥

[१५६८] निर्मथित-पाप-पङ्का समुपचित-शशाङ्क-कान्त-सद्धर्मा ।
इह-परलोकाराधन-निपुणा रतिसुन्दरी जाता ॥२२५॥

इति रतिसुन्दरी-कथानकं समाप्तमिति ॥

*

[१५६९]

इय सुणेविणु कुमरु साणंदु
इसुंदरि-तरुणि-कह फुरिय-गरुय-विम्हय-चमक्किउ ।
गुरु-वयणिण मुणिवि भव- भावि-भावु द्वियवइ धवक्किउ ॥
परिभावंतउ पुणु पुणु वि मणि जिण-सासण-सारु ।
निय-निय-ठाणि समाणवइ सयलु वि निय-परिवारु ॥

[१५७०]

एत्थ-अंतरि विट्ठि-निओएण
सेज्जायल-संठियउ संख-कुमरु स-सविह-वणंतरि ।
पसरंतउ करुण-रबु पविसमाणु निय-सवण-अंतरि ॥
उवलंभिवि सासंक-मणु उट्ठिवि खग्ग-सहाउ ।
वंचाक्किय-परियण-नयणु लहु तयभिमुहउ आउ ॥

[१५७१]

जाव ता तिण-कुमुम-फल-भार-

अइ-वहल-साहा-सहस- वस-निरुद-दिसि-तरुणि-वयणह ।
 एगस्स मह-हुमह निय-समिद्धि-संछन्न-गयणह ॥
 मूछे वइद्व कबोल-तल- निवडिर-नयण-जलोह ।
 विलविर बुद्ध महेल इग दिट्ठिय गरुय-दुहोह ॥

[१५७२]

तयण पुच्छिय-कहसु नणु किह णु

तुहुं अंव स-करुण-रबु अ-सरण व्व विलवेसि संपइ ।
 अह कह-वि महेल तसु पुरउ दीह-नीसामु जंपइ ॥
 किमहमउण्णिय करयल्लह निवडिय-रयण-निहाण ।
 गलिय-विवेयय तुह पुरउ साहउं पुरिस-पहाण ॥

[१५७३]

अह स-संभसु कुमरु जंपेइ

नणु अंव साहसु फुडउं जमिह तुज्झ करयल्लह निवडिउ ।
 किह कीरइ पडिविहि वि जा न सज्झ वयणेहि पयडिउ ॥
 ता कुमरह दंसण-वसिण किं-चि पयासिय-तोस ।
 इयरी भणइ-सुणेसु नर- तरणि पणासिय-दोस ॥

तहा हि -

[१५७४]

अंग-जणवय-मज्झि विलसंत-

सुरोदय-राय-सिरि- मिउलिमाहिं गयणेण सरिस वि ।
 निरु उदिय-गुरु-बुड-कइहि गयण लच्छि अहरइ असेस वि ।
 जत्थ य सिरि-ववुपुज्ज-जिण- इंदह जम्म-दिणम्मि ।
 नच्चिउ वारविलासिणिहि पलविउ निव्वाणम्मि ॥

[१५७५]

सा कुलायल-तुंग-जिण-भवण-

सिहर-द्विय-कणय-सय- कुंभ-किरण-अवहरिय-तम-भर ।
 चंप त्ति भुवण-प्पयड- नामघेज्ज इह आसि पुरि-वर ॥
 तत्थ य सुरु त्ति उवसमिय- महियल जण-संतावु ।
 सोमु त्ति अ-प्पणमंत-जण-हियय-डहण वण-दावु ॥

[१५७६]

आसि नरवइ सयल-नय-सत्थ-

पह-पयडण-सहसकरु सुहड-तुरय-रह-करि-समिद्ध ।
 मुसुमूरिय रिउ-नियरु सिरि-जियारि-नामिण पसिद्ध ॥
 तसु पुणु आसि ससंक-मुहि छण-ससि निम्मल-कित्ति ।
 पत्त-पसिद्धि समग्गि जगि नामिण कित्तिमइ त्ति ॥

[१५७७]

तेसि असरिस-विसय-सुक्खाइं

भुंजंतइं वहु-सुयहं उवरि पउर-पत्थणय-जोगिण ।
 संजाय जयडभट्टिय- रूव एग मुकयाणुहाविण ॥
 तसु सुय-जम्मम्मि व असम- उ.सव-सहस-पहाणु ।
 जणणी-जणइहिं त्रियरियउं जसमइ त्ति अभिहाणु ॥

[१५७८]

जीए रयणिहिं नियय-तणु-किरण-

माल च्चिय दीव-सिह सोह-मेत्तु मंगल-पईव य ।
 सवणाण विहूसणइं नयण कमल ठिइ-मेत्तमेव य ॥
 गंड-यल च्चिय तिमिर-हर जगि पहु ससि-रवि-संख ।
 सवण जि अंदोलय ललिय विहल महुहु आकंख ॥

[१५७९]

जणु सुहावहिं सुहह नीसास
 किं मलयानिल-भरिण दंत-किरण धवलहिं कि चंदिण ।
 अहरो वि-हु रंजवइ जगु वि कइण किं अंग-रागिण ॥
 रसण-पउ च्चिय मिउ फरिमु नूण मयण-सयणिज्जु ।
 नह-मणि-किरण च्चिय कुणहिं कुसुमुवयारइ कज्जु ॥

[१५८०]

अवि य-

तरल नयणिहिं कुडिल केसेहिं
 थण-जुयलिण पुणु कटिण तुच्छ-रूव मज्झ-प्पसिण ।
 अच्चंतं वाउलिय देव-पूय-गुरु-विणय-हरिसिण ॥
 इय सा सयलु वि जगु जिणइ निय-गुण-दोस-सएण ।
 अवरम्म उ अवसरि कह-वि केण वि विहिदि बसेण ॥

[१५८१]

सयल-महियल-फुरिय कित्तिस्सु
 सिरिसेण-नराहिवइ- सुयह संख-अभिहाण-पयडह ।
 गुण-रयणिहिं सहं विसहिं विसम वाण तसु निवइ-दुहियह ॥
 तह जह कहमवि न-वि सुयइ संख-कुमार-ज्झाणु ।
 चिट्ठइ जसमइ जोगिणि व सोसंती अप्पाणु ॥

[१५८२]

ता नरिदिण समय-जोगेण
 निय-धूयह मणु मुणिवि भणिउ - बच्छि तुहुं मा विस्सरसु ।
 उत्तारिवि निय-मणह खेउ सयलु वीसत्थ चिट्ठसु ॥
 जं तुह निय-कुल-गयण-ससि- लेहह एहु पडिवंधु ।
 जुसु च्चिय इय तुम्ह लहु कारवेसु संवंधु ॥

[१५८३]

इय विचित्तिहि वयण-रयणेहिं

संभूसिवि धूय निय जाव तीए वरणत्थु नरवइ ।
 सिरि-हत्थिणपुरि नयरि पेसवेइ स-सचिवु महामइ ॥
 ता विज्जाहर-पुंगविण मणिसेहर-नामेण ।
 सा वालिय पत्थिय पुरउ निवइहि गुरु-पणएण ॥

[१५८४]

अह नराहिवु भणइ - खगरिंद

सिरि-संख-कुमरइ विरहि दूरि ताव एयइ हियालिय ।
 धुवु न नियइ सम्मुहु वि कुमुमसरइ इंदइ वि वालिय ॥
 इयरि वि खयर-नरिंद-सुय मगिवि गया अणेगि ।
 एयइ पुणु मणु तमु जि पर गोयरि चडियउं वेगि ॥

[१५८५]

इय सुणेविणु जाय-वेलक्खु

मणिसेहर खयर-वइ गयउ नियय-ठाणम्मि दुम्मणु ।
 अवरम्मि उ दिणि निसिहिं कइ-वि करुणु विलविर हरेविणु ॥
 नीय कुमारी विलविरि उ हउं चिट्ठहुं इइ मुक्क ।
 अंव-धाइ तमु मंकडि व नियय-पल्लवइ चुक्क ॥

[१५८६]

इय महायस दुक्ख-संतत्त

हउं जसमइ-नामयउं तरुणि-रयणु चिट्ठहुं नियंतिय ।
 अनियंत्यी पुणु तमिह परियडामि बहुहा रुयंतिय ॥
 इय नर-रयण करावडिउ चिंता-मणि मह नट्टु ।
 आसि महा-तरु मूलइ वि चिरु रोविउ वि विणट्टु ॥

[१५८७]

अह कुमारिण भणिउ - नणु अंव

मा खेयमुव्वहसु तहं एम कुमरि आणिवि पहुत्तउ ।
 इय कहमवि थिरु करिवि चित्तु तामु रमणिहि निरुत्तउ ॥
 लग्गाउ अवलोइउ कुमरु मज्झि तीए अडईए ।
 न-उण नियच्छइ तहिं महिहिं पय-मेत्तु वि तरुणीए ॥

[१५८८]

तयणु वियल्लिर-तिमिर-धम्मिल्ल

परिल्लहसिर-तारय-वसण कलयलंत-तरु-सिहर-पक्खिय ।
 परिसंदिर-कुसुम-महु- विट्टु-मिसिण रोयइ व दुक्खिय ॥
 जसमइ-कुमरिहि दुक्खिण व अइरिण रयणि विलीण ।
 पडिवक्खिय-खयरिद-सुह- बुद्धि व कुमुइणि झीण ॥

[१५८९]

कुमर-रयणह पहु पयासेउ

सिव वियसइं निसि-मुहइं उदय-गिरिहिं आरुहिउ दिणयर ।
 संपाविय-उदउ निरु रायहंस-कमलोह-सुहयर ॥
 पत्तावसर समुल्लसिय संझ राय-सिंगार ।
 नं कुंकुम-कोसुंभ-वर- वत्थ-कयालंकार ॥

[१५९०]

संत-चक्कहं विहिय-संतोस

पविरायइ पुव्व-दिसि अवहरंत-तम-वल्लि-लज्जिण ।
 पसरंत-रायारुणिण नव-बहु व्व रवि-दइय-संगिण ॥
 उदयंतेण य रवि-निविण गंजेतिण पडिवक्खु ।
 कमल-कोसि विणिहित्त-कर वद्ध गुरुत्तिण लक्खु ॥

१५८८. १. क. *धम्मिल्ल.

१५९०. ९. वंजु.

[१५९१]

हरिय-तारय-रेणु-नियरम्मि

अइ-निप्पहि दोसयरि निम्मलम्मि गयणयलि चइडिउ ।
 रवि रेहइ कणयमउ मंगलत्थु नं कलसु मंडिउ ॥
 भमरा धावहिं कुमुडणिउ उज्झवि कमल-वणेसु ।
 कस्स ब कहिं पडिबंथु जगि चिर-परिचिय-ठाणेसु ॥

[१५९२]

विरह-विहुरिय-चक्क-मिहुणाइं

मिलिऊण साणंद हुय तुट्ट भमहिं पहियण महीयलि ।
 कोसिय-कुलु एक्कु परि दुठिउ रविहिं आरुदि नहयलि ॥
 एत्थंतरि तहिं धरणियलि संख-कुमारु भमंतु ।
 तुंग-विसाल-स्सिग-गिरि- रायह सिहरि पडुत्तु ॥

[१५९३]

जाव ता तसु सवण-जुयलस्सु

अब्भंतरि करुण-रवु वालियाए काए वि पविट्टउ ।
 अह संख-कुमार-वरु निय-मणेण चितइ पहिट्टउ ॥
 नणु किं सुम्मइ इह विसम- गिरि-सिहरइ उवरिम्मि ।
 अहवा खणु अवहिय-हियउ एयं पि-हु निसुणेमि ॥

[१५९४]

एत्थ-अंतरि - अरि दुरायार

किं कज्जु तई मज्जु इह जं विइण्ण दुक्खाइं जणयहं ।
 विच्छोहिउ वंधुयणु दिण्णु अ-सुहु सहियणहं सयणहं ॥
 तइ मह जम्मंतरि वि पिउ इविहइ संख-कुमार ।
 अवरु न पडियउ अंखिहिं वि खुडुकइ पुरिसु अ-सारु ॥

[१५९५]

इय स-निदुतुरु भणिर सा बाल
 रोयंत डुमुक्कइहिं वेवमाण-सव्वंग इयरिण ।
 आभासिय सयल-तणु- फुरिय-मयण-वाणोलि-विहुरिण ॥
 किं जणइण जणणीए किमु किमु सहियण-सयणेण ।
 किं संखिण तिण मई जि तुहुं पडिवज्जमु हियएण ॥

[१५९६]

अहह फिदु फिदु वयणि तुह जीह
 किह पइसइ पुणु पुणु वि तं जि तं जि दुव्वयणु भणिरह ।
 लहु वच्चसु वेगलउ लहसि को-वि जमणत्थु इहरह ॥
 संख-कुमारु लहेवि एहु जणु किह अवरि रमेइ ।
 खंधि चडेविणु गयवरह को खर-उवरि चडेइ ॥

[१५९७]

इय दुवेण्ह वि तेसि वयणाइं
 निमुणंतउ कुमर-वरु नूण एस मह पाण-वल्लह ।
 इय चित्तिरु अक्कमइ अगग-मग्गु कित्तिउ वि तह जह ॥
 पेक्खइ खयरिदह पुरउ अखलिय-सीलु निरुत्तु ।
 धरणि-निवेसिय-मुह-कमलु तरुणि-रयणु पुव्वुत्तु ॥

[१५९८]

अह निरिक्खिय संख-कुमरेण
 सुय-पुव्व-तव्वइयरिण तीए सविहि खयरिहिराइण ।
 मणिसेहर-नामगिण तेण भणिउ - मह सुकय-जोगिण ॥
 सुयणु निरिक्खसु आगयउ एह् जि संख-कुमारु ।
 तुह उवदंसिमु एण्हि पुण रणि निवडंतु अ-सारु ॥

[१५९९]

तयणु निहणिय-नियय-पडिवक्खु

वंभंड-भमंत-जसु दरिय-वइरि तरुणिहिं कडक्खिउ ।
 तइं परिणिमु हउं जि पर तुहुं करेसु जं किं-पि सिक्खिउ ॥
 एत्थंतरि वियसंत-मुहु संख-कुमारु तुरंतु ।
 तत्थागंतु समुल्लवइ अरि अरि विहलु वयंतु ॥

[१६००]

थक्कु एत्तिउ कालु तुहुं सविहि

ससि-वयणिहि जसमइहि किं तु एण्हि करवालु चेप्पिणु ।
 सवडम्मुहु इवमु जह तुह मडप्पु सयलु वि दलिप्पिणु ॥
 दंसिवि दुन्नय-तरु-फलइं सहलीह्वय-अहिमाणु ।
 उवञ्जउं हउं वर-विसय-सुह जसमइहिं समाणु ॥

[१६०१]

इय परोप्पर-अणिर ते दो-वि

दुवंत-दप्पाभिहय गहिय-खग्ग समरम्म पविंसहिं ।
 अप्फोडहिं वक्करिय नियय-दप्प-माहप्पु दंसहिं ॥
 धावहिं वग्गहिं उल्लसहिं वियरहिं कर-अप्फोडु ।
 न-उण पयट्ठइ एक्कह वि रोम-लवह तहं तोडु ॥

[१६०२]

ता विउज्झिय-खग्ग-संगाम

दट्ठोद-पल्लव दुवि वि संपलग्ग गुरु-वाहु-जुज्झिण ।
 नउ छलित एक्को वि तहं मज्झि किण-वि बुद्धि-प्पओगिण ॥
 तयणंतरु खयरहिं विण फुरिय-गरुय-रोसेण ।
 मुक्का गिरि-तरु-सीह-अहि-विज्जुय विज्ज-वसेण ॥

[१६०३]

तत्थ पुणु तसु कुमर-रयणस्सु
 कि-वि गच्छहिं तणु-वहिहिं पडिहिं के-वि पुणु अद्द-मग्गि वि ।
 सुह-जोगिण के-वि पुणु ठंति कुमर-करयलि विलग्गि वि ॥
 तयणंतरो कुमरो वि गुरु- रोमारुण-नयणिल्लु ।
 आरोवइ अरि-दुद्धरिमु चाव-दंडु नियइल्लु ॥

[१६०४]

अह कहं-चि वि हणइ वाणेण
 वच्छ-त्थलि जह लहु वि दलिय-दप्प-माहप्प-वित्थरु ।
 परिवियलिर-रुहिर-कय- गुरु-पवाह-निज्झरण-डुंगरु ॥
 गुरु-करुणारिह-मुह-कुहर- निग्गय-रसणा-दामु ।
 खयरिदाहमु धरणि-यलि पडिउ सु अ-गहिय-नामु ॥

[१६०५]

तयणु धिसि धिसि पाव-तरु फलिउ
 एयम्मि जम्मि वि इमह खयर-राय-अहमम्मु पेच्छहु ।
 इय नहयलि उच्छलिय वाणि खयर-सुर-गणइं तहिं लहु ॥
 इयरह पुणु पसरिय-जसद अ-मलिय-माण-धणस्सु ।
 कुसुम-बुद्धि जय जय-शुणि वि जाय उवरि कुमरस्सु ॥

[१६०६]

किंतु कुमरिण जाय-करुणेण
 मणिसेहरु खयरवइ मुच्छ-विवसु निय-करिहिं वेप्पिणु ।
 निग्गालिय-रुहिर-वर- ओमहीहिं सज्जउ करेप्पिणु ॥
 भणिउ - महा-यस उट्ठिउण वेप्पिणु करि करवालु ।
 जुज्झंतउ पडिवविखयइं दंससु अप्पु कराळु ॥

[१६०७]

तयणु निरुवम-कुमर-गुण-गणिण

संगहिय-माणस-पसरु खयर-राउ जंपइ - महा-यस ।
 का मज्झ धीरिम समरि तइं समाणु बिप्फुरिय-सिय-जस ॥
 जं तं तेत्तिउ मज्झ वलु तेत्तिय विज्ज-विसेस ।
 लीलाए वि तइं नर-रयण अहलीकय नीसेस ॥

[१६०८]

असम धीरिम तुंगु गरिमनु

अह-गहिर गंभीरिम वि पत्त-सीम सच्चंग-वंगिम ।
 जय-विम्भय-करु वयण सुयण-दियय-सुहयर वियहटिम ॥
 जं तत्तो विय तुह तरुणि- रयण एहु अणुरत्तु ।
 सिबिणि वि इंसि न अहिलसइ जमिह बलाउ निरुत्तु ॥

[१६०९]

इय कुणंतिण नेहु अ-ट्टाणि

मइं अप्पु विगोइयउं जणणि-जणय-सिय-कित्ति मलिणिय ।
 हरिऊण रायाउरिण दुहि निहित्त जं चंद-वयणिय ॥
 इय गुरु-गुण-संदाणियउ तुह कुमार हउं भिच्छु ।
 ता उप्पन्नइ कज्जि मइं वावारेज्जसु निच्छु ॥

[१६१०]

एत्थ-अंतरि वलिय-मुह-कमल

परिचित्तइ ससि-वयणि अहह एत्थ किं ते-वि जीवहिं ।
 जहं कामिणि-नाय-वइर वइरि-नियर गुण-माणु न दीवहिं ॥
 कि-विथोवम्मि वि नियय-गुणि होति पसिद्धि-पहाण ।
 जं खारम्मि वि मयरहरि फुरइ कित्ति अ-समाण ॥

[१६११]

असम गुण पुणु पुरिस-रयणस्सु
 एयस्सु सुरिदिहि वि धरित नेव तीरंति चित्तिण ।
 न य वयणिण जंपित वि चेद्विउं पि न सरीर-वित्तिण ॥
 इय धुवु भुल्लउं मज्झ मणु धावइ जमिह इमस्सु ।
 खुज्जु हासज्जइ निक्खिविरु करयल्लु ताल-फलस्सु ॥

[१६१२]

न-वि य माणस-सर-सल्लिकाइं
 धावंतु वि मरु-पहिउ लहइ कह-वि निय-पुन्न-वज्जिउ ।
 रोरो वि न रयण-निहि पाउणेइ निय-दुकय-तज्जिउ ॥
 तह-वि-हु निय-मणु एत्तिइण आसासेमि अहं पि ।
 किं-वि सिणिदिहि लोयणिहि इहु वि ज नियइ ममं पि ॥

[१६१३]

एत्थ-अंतरि भणइ खयरिंदु
 मरसिज्ज अवराहु इहु कुमर-रयण पसिऊण महुवरि ।
 तह चल्लसु मइं जि सहं जेण जाहुं वेयइह-गिरि-वरि ॥
 वंदहुं सासय-चेइयइं सिद्धाययण-गयाइं ।
 निमुणहुं सिद्धि-मुहावहइं चारण-मुणि-वयणाइं ॥

[१६१४]

एत्थ-अवसरि तत्थ संपत्तु
 मणिसेहर-खयरवइ- तणउं सेन्नु पूरिय-नह-त्थल्लु ।
 अह विज्जाहर-मुहिण पेसवेउ निय-नयरि निय-वल्लु ॥
 आणावेविणु जसमइहि अंव-धाइ साणंदु ।
 चलिउ संख-कुमारु लहु पुरउ करिवि खयरिंदु ॥

[१६१५]

ता स-विज्जह वलिण खयरिंदु
 खण-मेत्तिण माणुमइं ताइं नेइ वेयइठ-सिहरिहिं ।
 अह पूयहिं निच्च-जिण- त्रिव-सयइं वंदहिं य भाविहिं ॥
 सुस्समहिं चारण-समण पय-पउमइं भत्तीए ।
 पडिबज्जहिं गुरुयण-कहिय- किरिय वि जह-सत्तीए ॥

[१६१६]

अह खगिदिण कणयपुरि-नयरि-
 निययम्मि कयायरिण विहिय-विविह-पडिबत्ति-जोगिण ।
 नीयाइं नहंगणिण ताइं तिण्णि माणुसइं जत्तिण ॥
 धवलहरे य पवेसिउण पयडिय-गुरु-रिद्धीए ।
 सक्कारिय-खयराहिविण तिण वि सुद्ध-बुद्धीए ॥

[१६१७]

तयणु विम्भिय-मणिहिं तरुणेहिं
 जोइज्जइ विजिय-रइ रंभ-लच्छि-सीयाइ-रमणिहिं ।
 विलसंत-लोयण-भमरु वयण-कमलु जसमइहि तरुणिहि ॥
 अवलोइज्जइ कुमरु पुणु पुणु मुणि-मण-महणीहिं ।
 तत्थ-समागय-सुर-असुर- खयराहिव-तरुणीहिं ॥

[१६१८]

ता कुमारह रूब-रिद्धीए
 माहिज्जइ तरुणि-यण तरुण-नियरु जसमइहि रुविण ।
 खयराहिव-मुहिण सुय पुव्व-वुत्त-वुत्तंतु लेसिण ।
 चिद्धइ तियसामुर-खयर- तरुणीयणु माणंदु ।
 पेक्खिरु संख-कुमार-सिरि जसमइ-मुह-अरविंदु ॥

[१६१९]

ठिइण तत्थ य सत्तु-अभिभूय-
 बहु-भेय-खयरहिबहं पत्थणेण साहज्जु देतिण ।
 आऊरिउ तिहुयणु वि छण-ससंक-निम्मलिण कित्तिण ॥
 भुवणम्महिय-पयाव-भर- अहरिय-स-सुर-नरेण ।
 सिरि-सिरिसेण-निवंगइण तेण संख-कुमरेण ॥

[१६२०]

ता पवज्जिय-भिच्च-भावेहिं
 गुण-रंजिय-माणसिहिं बहु-विहेहिं खयरहिआइहिं ।
 साणंदु कुमर-विहिय पाय-पूय-पणमंत-काइहिं ॥
 निय-निय-रायाउर-हियय निरुवम-गुण-रयणइद ।
 तत्थ सयंवरि आणित्तण वियरिय धूय वियइद ॥

[१६२१]

अह कुमारिण भणिय खयरिंद
 सव्वे वि ति - जाव मइं तरुणि-रयणु जसमइ न परिणिय ।
 ता कह-वि न का-वि धुवु परिणियव्व तियसहं वि बालिय ॥
 अह खयरहिब-निवहु मणिसेहर-पमुहु स-धूउ ।
 पवर-विमाणिहिं आरुहिवि कुमरइ अमाइ हूउ ॥

[१६२२]

संख-कुमरु वि तेसि वयणेण
 आरुहिय विमाण-वरि अंव-भाइ-जसमइ-समन्निउ ।
 संपत्तउ चंपय-पुरिहि उवरि खयर-निव-निवह-वन्निउ ॥
 तयणंतरु चंपाहिबिण अवगय-वुत्तंतेण ।
 सहइण मेद्धि-अमच्च-वर- तलवर-सामंतेण ।

[१६२३]

समुद्गु गंतु वि गुरु-विभृईष

सक्कारिवि खयर-गणु कुमर-रयणु आलिगिऊण य ।
 संभासिवि निय-दुहिय अन्न-घाइ संभूसिऊण य ॥
 निय-नयरीष पवेसियउ लोउ सु सयलु स-तोसु ।
 तह जह तियसासुर-गणु वि मणि विम्हइउ असेसु ॥

[१६२४]

ता पहुत्तइ लग्ग-समयम्मि

मिलिपहिं सुहि-सज्जणिहिं तेसि कुमर-कुमरीण दोण वि ।
 पारद्ध विवाह-विहि तयणु खयर-पहु-दुहिय अन्न वि ॥
 निय-निय-जणयाणुगाहिण कय-सायर-सिंगार ।
 लग्ग कुमारह पाणि-तलि फुरिय-पुलय-पन्मार ॥

[१६२५]

ता कुमारह वित्ति वीवाहि

पसरंत-महसविण नयर-लोउ सयला वि स-हरिसु ।
 आसीसहं सय-सहस देइ कुणइ मंगलिय-पगरिसु ॥
 अह नर-नाहिण विन्थरिण निय-नयरम्मि असेसि ।
 पारद्धउं वद्धावणउं तम्मि विवाह-विसेसि ॥

कहं —

[१६२६]

(७) वज्जंत-गज्जंत-वहुभेय-नृं लमिज्जंत-दिज्जंत-कप्पूर-पूरं ।
 गायंत-नच्चंत-वेसा-समूहं हसिज्जंत-हिंडंत-वावणय-वृहं ॥१॥

[१६२७]

एंत-गच्छंत-विट्ठंत-वहु-सज्जणं लित-वियरंत-सुगसंत-जण-रंजणं ।
 खंत-पिज्जंत-दिज्जंत-वहु-भक्खयं लोय-उल्लमिय-वहुभेय-मण-सुक्खयं ॥२॥

[१६२८]

धावंत-कीलंत-वर्गंत-खुञ्जय-गणं ठंत-उटंत-निबडंत-वाल्य-जणं ।
 मुयण-अच्छरिय-पन्भार-वित्थारणं विहिउ मुहि-सहिय-गुरुयणिण वद्धावणं ॥३॥

[१६२९]

नहयर-मणहरि सुरवर-सुंदरि इय जायइ वद्धावणइ ।
 गय-भव-हियउ वि कय-मुणि-किरिउ वि कु न संसारइ मणु कुणइ ॥४॥

[१६३०]

अह जियारिण करिवि सक्कार
 खयरिंद-विवाह-मह- समय-पत्त सयलि वि विसज्जिय ।
 कुमरो वि जसमइ-पमुह नियय-दइय अवजस-विवज्जिय ॥
 निव-उवरोहिण तत्थ ठिउ परिकोळइ साणंदु ।
 कुट्टिम-तल-ठिउ अवर-दिणि वियसिय-मुह-अरविदु ॥

[१६३१]

सिरसि विरइय-पाणि-पुडण
 दूरागम-खेइएण ईसि ईसि सामलिय-वयणिण ।
 पुव्वयर-पहुत्त-निव- दारवाल-पुरिसोवइट्ठिण ॥
 सिरि-सिरिसेण-नराहिवइ- दइण संख-कुमारु ।
 विण्णत्तउ जह-तुह विरहि नरवइ स-परीवारु ॥

[१६३२]

मुणइ भवणु वि सुन्नु रन्नं व
 सिग्खिंदु वि मुम्मुरु व रयण-हारु अवि असि-पहारु व ।
 विसया वि विसाय इव मुहियणो वि दढ-दुक्ख-भारु व ॥
 निमुणेविणु पुणु पत्थुयउ संपइ तुह वुत्तंतु ।
 चिट्ठइ स-परियणो वि पडु हरिस-विसाय वहंतु ॥

[१६३३]

इय तुरंतिण तत्थ आगंतु

सुहि-सयण-जणणी-जणय- पमुहु लोउ सयलु वि नियल्लउ ।
 आणंदेयव्वु तइं हवइ तेसि जिह इरिसु भल्लउ ॥
 तयणु कुमारिण तह भणिउ सिरि-जियारि-नरनाहु ।
 जिह तिण अणुमन्निउ कुमरु विहिय-विविह-संवाहु ॥

[१६३४]

सहिउ बहुविह-खयर-निवईहिं

भंजंतउ रिउ-कुलह दप्पु तरुणि-माणिण समन्निउ ।
 पयडंतउ किच्चि-भरु तह पयावु सुहि-सयण-वन्निउ ॥
 अणुगम्मंतउ जसमईहिं तह जिण-धम्म-मइए ।
 पसरंतउ गुरु-विक्कमिण तह वि-हु रज्ज-सिरीए ॥

[१६३५]

पत्तु अइरिण हत्थिणउरस्स

आसन्न-पएसि अह मुणिय-पुव्व-वइयरिण निवइण ।
 अभिमुहयमुवागइण उच्छलंत-गुरु-नंदि-घोसिण ॥
 विहिय-हट्ठ-सोहा-पमुह- नयरूसव-पसरम्मि ।
 महया महिण पवेसियउ नंदणु निय-नयरम्मि ॥

[१६३६]

तयणु विम्भिय-हियइ सुहि-वग्गि

संतुट्ठइ भिच्चयणि दलिय-दप्प-माहप्पि रिउ-कुलि ।
 मयणाउरि तरुणियणि वच्चमाण-इरिसम्मि निय-वळ्ळि ॥
 नर-नायगिण करावियइ वद्धावणय-महम्मि ।
 दइयहिं सह विलसइ कुमरु संठिउ निय-नयरम्मि ॥

[१६३७]

सुर-सोम वि चइवि आरणह

सुर-भवणह ठिइ-खइण सुइय वि निय-मुकयानुहाविण ।
 सु-स्सिविणिहि उवइसिय सहिय-चंद-सिय-कल-कलाविण ॥
 हुय सिरि-संख-कुमारह वि निरुवम-गुण-मणि-धाम ।
 लहुय सहोयर सुह-निलय जसहर-गुणहर-नाम ॥

[१६३८]

अह निरंतरु दुहि वि बंधुहि

सुहिणा वि मइप्पहिण पिययमाहि जसमइ-पमुक्खिहि ।
 सह कीलिरु कुमर-वरु गमइ कालु पसरंत-मुक्खिहि ॥
 अवरम्मि उ अवसरि निविण दिट्ठु कुमारु ललंतु ।
 निय-तेइण तेयस्सियहं सयलहं कंति हरंतु ॥

[१६३९]

तयणु किंचि-वि तुट्ठ-दियण

स-विसाइण किंचि पुणु किंचि फुरिय-मुकयाणुराणि ।
 परिचित्तिउ नर-वरिण विप्फुरंत-बहु-भेय-भाविण ॥
 अइह कयत्थउ हउं जि पर जमु हुउ नंदणु एउ ।
 पणमिर-खयराहिव-निवइ- निवहु नियय-कुल-केउ ॥

[१६४०]

किंतु धिसि धिसि मह विवेयस्सु

जं एरिस-सुय-रयणि वसुह-वल्लय-धुर-धवल-स्वंधरि ।
 इयम्मि वि पणय-जय- जंतु-जाय-कप्पदु-बंधुरि ॥
 सेविय-विसय-सुह-स्सिरि वि परिणय-पढम-वओ वि ।
 उप्पाडउ हउं रज्ज-भरु सुयणिहि परिहरिओ वि ॥

[१६४१]

जमिह मालइ-माल तव्वन्न-

विहुरंतर-संठिय वि मुद्ध-देसि दुल्लक्ख जायइ ।
 ता मोह-पिसाय-इय- मणहं कुसुम-संभोगु भावइ ॥
 मुग्गार-निहयस्स व मुहह निरु मलंत-पिवकस्सु ।
 जरहं विडंवण धुवु बुहहं सेवा तंबोलस्सु ॥

[१६४२]

सन्ध-अंगि य गरुय-वलि-विवर-

परिगसिय-चंदण-रसह परिसडंत-नीसेस-छायइ ।
 वज्जंत-जरद्वियह वाय-उदय-कंपिरह कायइ ।
 अंग-भोग आहरण-विहि मंडण-विहि वि किलेसु ।
 आयणिय-जिण-वयण-लवु कुणइ क एहु असेसु ॥

[१६४३]

रसु न नज्जइ सम्भु जर-वसिण

परिवियलिय-चेयणिण जणिण अहह तत्थ वि सुहासय ।
 कप्पूरागुरु-पमुह सुरहि-वत्थु-सत्थि वि हयासय ॥
 अणुरज्जिर-अविवेय-घण अ-मुणिय-चंगाचंग ।
 अप्पु विगोयहिं वप्पुडा जर-जज्जर-सव्वंग ॥

[१६४४]

अहह ससहर-वयणि हरिणच्छि

विंवोहि पवाल-दल- अहर कणय-कलस-प्पओहर ।
 पउमारुण-पाणि मरु- कूव-नाहि-मंडल-मणोहर ॥
 एस चिय इय इयर-जण- वयणिण मुणहिं हयास ।
 सयमनियंता तह-वि निरु तरुणिहिं वंधहिं आस ॥

[१६४५]

नणु पयंपइ एहु किं किं ति

पुच्छंता पुणु पुणु वि गरुय-रविण इयरिण निवेइउ ।
 जइ कहमवि मुणहि पर- वयणु बुद्ध-दिय-करु वि साहिउ ॥
 तह-वि न किन्नर-गेय-झुणि- गोयरि विरमहिं पाव ।
 चिर-परिसंचिय-अमुह-भर नरइ न निवडहिं जाव ॥

[१६४६]

इय अहं पि-हु जाव वच्चामि

न इमेरिस विमम-दस- विसइ ताव गुरु-महिम कारिवि ।
 सिरि-संख-कुमार-वरु निय-करेहिं रज्जम्मि ठाविबि ॥
 मेलेविणु सयलो वि निय- रज्ज-पहाणु जणोहु ।
 चरणु चरेविणु सिव पुरिहिं वच्चहुं ससि-सिय-बोहु ॥

[१६४७]

इय विचित्तिवि सयण मेलेवि

परिसाहिवि नियय-मणु गहिवि तेसि सम्मयउं अइरिण ।
 स-तणूरुहु संठवइ नियय-रज्जि पसरंत-विहविण ॥
 अह सविसेस-पहिट्ठ-मणु पमुइय-सयल-जणम्मि ।
 कारावइ बद्धावणउ नरवइ निय-नयरम्मि ॥

[१६४८]

कहं -

- (८) वंछियस्व-प्पयाणुल्लसिय-देसियं ।
 गरुयरुल्लास-सुम्मंत-इय-हेसियं ॥
 ठाण-ठाणेसु-कीलंत-वर-हत्थियं ।
 मंदिर-दार-दिज्जंत-बहु-सत्थियं ॥१॥

[१६४९]

तरुण-रमणीहिं गिज्जंत-बहु-मंगलं ।
 वंदि-निवहिण पढिज्जंत-निव-मंडलं ॥
 सयल-जण-इट्ठ-धण-दाण-दुह-भंजणं ।
 वार-तरुणियण-नच्चिय-धुवण-रंजणं ॥२॥

[१६५०]

फुरिय-कंसाळ-झल्लरि-तिलिम-भेरियं ।
 निहय-मदल-हुडुक्का-रवाऊरियं ॥
 करडि-पडु-पडह-आराव-उल्लासियं ।
 वंस-सारंगि-वीणा-रवुव्वासियं ॥३॥

[१६५१]

वज्जमाणासमाणेग-वर-तूरयं ।
 डज्जमाणासरिस-अगुरु-कप्पूरयं ॥
 नच्चमाणोल्लसिय-सुज्ज-हलबोलयं ।
 दिज्जमाणप्पमाणग्ग-तंबोलयं ॥४॥

[१६५२]

धणु वियरेविणु जसु विट्ठवेविणु नयरु करेवि रम्भावणउं ।
 जणु तोसेविणु इय कारेविणु निव-अहिसेइ वधावणउं ॥५॥

[१६५३]

पत्त-गरुयर-हरिस-पग्गमारु

वियरेप्पिणु नव-निवह बहु-वियप्प-अणुसट्ठि पणयइ ।
 जह — नंदण तुहुं जणउ तुहुं सरणु सयलह वि वसुहइ ॥
 इय विवइहिं संपइहिं वि पालेज्जसु निय-लोउ ।
 एयस्स वि पुहई-जणह अमुह-ल्लवो वि म होउ ॥

[१६५४]

सेट्ठि-ठक्कुर-मंति-सामंत-

उवरोह-सत्थाह-वणि- वग्ग-संधिविग्गहिय-तलवर ।
 तुम्हे वि हविज्ज नरवइहि इमह आपस-तप्पर ॥
 नंदइ निवइण जणु सुवणि जणिण वि निवु नंदेइ ।
 जम्हा कुच्चिण सुहु सहइ मुहिण वि कुच्चु सहेइ ॥

[१६५५]

इय नराहिवु दुई वि पक्खाई

अणुसट्ठि वियरिवि बहुय सीस-गहिय-आएसु तक्खणि ।
 जिण-सासणि गुरु-महिम करिवि गंतु निय-नयर-उववणि ॥
 सिरि-गुणहर-गणहर-पुरउ जिण-वर-धम्म सुणेत्तु ।
 भव-परिभमणुव्विग्ग-मणु पडिवज्जइ चारित्तु ॥

[१६५६]

संख-निवइ वि असम-माहएणु

उवसाहिय-सत्तु-कुलु सचिव-ठाणि मइपहु ठवेविणु ।
 पट्टस्सुववंधु पुणु जसमईए देविहि करेविणु ॥
 सचिव-क्खंध-निविट्ठ-भरु विसय-सुहई सेवंतु ।
 चिट्ठइ दोगंदुग-सुरु व गउ वि कालु अ-मुणंतु ॥

[१६५७]

तह विसेसिण कुणइ जिण-पूय

आराहइ गुरु-चलण सुणइ पुव्व-पुरिसाहं चरियइं ।
 आसेवइ वारस वि वयइं पुव्व-पुरिसिहिं सु-चरियइं ॥
 सम्माणइ साहम्मि-यण पयडइ रह-जत्ताउ ।
 न रमइ वेहम्मिय-कहहं चयइ असुह-वत्ताउ ॥

१६५४. १. क. ठक्कुर.

१६५५. ६. क. गणहर missing.

१६५६. ८. क. सुर.

१६५७. ७. क. जत्ताओ; ७. क. वत्ताओ.

[१६५८]

अहच किं बहुइण मणिण

सव्वत्थ वि उज्जमइ तह कहं-चि जह अइर-कालिण ।
 वंभंडु वि भरइ निय- चंद-विमल-कित्ति-क्कलाविण ॥
 अह जसमइ-देविहि तणउ हुयउ सु-सिविणुवइट्ठु ।
 वियरइ नामु नरिंदु तसु पुंडरितु त्ति विसिट्ठु ॥

[१६५९]

तयणु पंचहिं अंव-घाईहिं

कीरंत-सरीर-ठिइ पत्त-कालु उवझाय-पवरइ ।
 पासम्मि वि मुक्कु सुय- रयणु अइर-कालिण वि कुमरइ ॥
 सम्मु समग्गु वि मणि ठियउ निम्मलु कला-कलावु ।
 अह सिरि-संख-नराट्ठिवइ अवगय-सुय-सम्भावु ॥

[१६६०]

गरुय-रिद्धिण निवइ-दुडियाउ

उत्तुंग-थोर-त्थणिउ अट्ठ पवर-वासर-मुहुत्तिण ।
 परिणावइ ताहिं सह ललइ कुमरु पसरंतु दित्तिण ॥
 एत्थंतरि निय-गुरु-चलण- कमलइं परिसेवंतु ।
 वहु-गामागर-संकुलइ धरणियलि विहरंतु ॥

[१६६१]

चंद-निम्मल-विविह-तव-कम्म-

परिसोमिय-अमुह-भरु मुइर-चरिय-चारित्त-मणहरु ।
 निग्गाइय-घाइ-वल्लु जाय-विमल-केवल-दिवायरु ॥
 मिरि-सिरिसेणु मु राय-रिसि भवि-यणु पडिबोहिंतु ।
 तहिं सिरि-दत्थिणउर-नयर- उज्जाणम्मि पट्ठु ॥

१६५८. ९. क. मुंडरिओ.

१६५९. ३. क. ख. उवज्जाय.

१६६०. १. क. दुडियाओ.

१६६१. ४. क. घाई, ख. घाइय.

[१६६२]

ता नरिंदह पुरउ विण्णत्तु

उज्जाणिय-माणविण देव विविह-मुणि-सहस-सेविउ ।
 उवल्लद्द-केवल-महिमु भविय-सरणु उज्जाणि आविउ ॥
 भविय-कमल-पडिवोह-रवि राय-रिसीण पडाणु ।
 तुम्हहं जणउ सु राय-रिसि सिरि-सिरिसेणऽभिहाणु ॥

[१६६३]

अह पओसिय दाणु वियरेवि

वद्धावग-माणवह पउर-सार-परियण-समन्निउ ।
 विलसंत-सिगार-विहि बहु-वियप्प-वंदियण-वन्निउ ॥
 संखु नराहिवु केवलिहि पय-पउमइं पणमेइ ।
 तह सह दइयहं वंधुहिं वि उचिय-ठाणि निविसेइ ।

[९] [१६६४] अह केवल्लिणा भणियं नर-वर जीवाण इह विहेयव्वं ।
 मुत्तूण सुद्ध-धम्मं भुवणे वि न विज्जण अवरं ॥१॥

[१६६५] जम्हा अणाइ-भव-सायरम्मि जीवेण परिभमंतेण ।
 आवज्जिऊण चत्ता अणंत-ठाणेसु धण-निवहा ॥२॥

[१६६६] तप्पच्चओ किलेसो अ-परिमिओ गरुय-कम्म-बंधो य ।
 संजाओ पायं पुण ते भुत्ता अवर-धुत्तेहिं ॥३॥

[१६६७] मुक्काओ तरुणीओ अणंतसो असम-जोव्वण-भराओ ।
 जत्तेण रक्खित्तं पुण स च्चिय ताण वि गई पच्छा ॥४॥

[१६६८] एक्केक्केण जिणं भुत्तं रज्जं अणंतसो भुवणे ।
 आ-गेवेउज-विमाणा पत्ताओ मुर-सिरीओ वि ॥५॥

- [१६६९] दासत्तं पेसत्तं रंकत्तं पि-हु अणंतसो पत्तं ।
सत्तम-महि-सीमाइं नारय-दुक्खाइं वि तहेव ॥६॥
- [१६७०] किं-तु न सुहेहिं तोसो न य निव्वेओ दुहेहिं संजाओ ।
मोह-विस-घारियाणं गलिय-विवेयाण जीवाण ॥७॥
- [१६७१] एणिं पि-हु पयाइं जय-स्मिरी-विसय-देह-सयणाइं ।
जोव्वण-रज्ज-सुयाणि य सयलाइं वि पंच-दियहाइं ॥८॥
तदा हि -
- [१६७२] करि-कन्न कयलि-पत्तोवमाउ अधिराओ राय-लच्छीओ ।
किंपाग-फल-विवागा विसया खण-दिट्ठ-नट्ठा य ॥९॥
- [१६७३] जस्स कप्पावाइं कीरंति सरीरगं पि तं अथिरं ।
चित्तिज्जंतं परमत्थओ य सव्वासुइद्वाणं ॥१०॥
- [१६७४] संज्ञा-समए एगम्मि पायवे वसिय-सउण-सरिसेसु ।
सयणेसु वि पडिवंधो केवल-मोह-प्फलो चेव ॥११॥
- [१६७५] जं पुण विलास-विच्चोय-हास-लीला-भउक्करिस-ठाणं ।
अणु-समयं पि-हु नर-वर तं पि जरा-रक्खसी गसइ ॥१२॥
- [१६७६] चित्तिज्जंतं रज्जं पि भइ अइ-दीह-भव-फलं चेव ।
अहिमाण-मेत्त-सुखं बहु-दुखं इह वि जम्मम्मि ॥१३॥
- [१६७७] पामा-कंडुयण-सुहोवमाइं संसारियाण सुक्खाइं ।
दुह-मूलाइं तुच्छाइं नूण विरसावसाणाइं ॥१४॥

[१६७८] तम्हा अ-पत्त-पुव्वं सुहावहं सासयं हियं सारं ।
एक्कं चिय जिण-धम्मं नर-वर जाणेज्जसु जयम्मि ॥१५॥

[१६७९] सोयव्वो कायव्वो चित्तेयव्वो य नूण विबुहेहिं ।
जिण-धम्मो च्चिय लद्धं दुल्लहमिमं धम्म-सामग्गिं ॥१६॥

[१६८०] जे अत्थ-काम-लुद्धा अहमा सामग्गिमेयमहल्लेति ।
तेहिं वराडियाए वि हारिया रयण-कोडिं त्ति ॥१७॥

[१६८१] अह संवेय-वसागय-नयणंसु-जलेण पुलइयंगेण ।
धरणि-प्पहुणा भणियं - जं भणइ तह त्ति तं नाह ॥१८॥

[१६८२] जं तुमए करणिज्जं कहियं तं चिय करेमि मुणि-नाह ।
रज्जम्मि पुंडरीयं जसमइ-पुत्तं ठवेऊण ॥१९॥

[१६८३] किं-पुण साहसु पसिउं कह मह जसमईए परिसओ ।
अइ-निविडो पडिवंधो तयणु पयंपेइ मुणि-नाहो ॥२०॥

[१६८४] कम्म-वसेणं कस्स-वि केण-वि मह होइ निविड-पडिवंधो ।
निक्कारणो वि तुह उण स-कारणो एस नर-नाह ॥२१॥

जओ -

[१६८५] धण-धणवइ पइ-भज्जा पढमे जम्मम्मि लद्ध-संमत्ता ।
कय-पव्वज्जा वीए सोहम्मे सुर-वरा जाया ॥२२॥

[१६८६] चित्तगई-रयणवई पइ-भज्जा तइय खेयर-भवम्मि ।
विहिय-वया माहिंदे चउत्थ-जम्मे सुरा जाया ॥२३॥

[१६८७] अवराजिय-पीड्मई पइ-भज्जा पंचमम्मि जम्मम्मि ।
छट्ठे आरण-देवा तओ वि चविऊण तमियणिं ॥२४॥

[१६८८] जाओ संख-नरिंदो एसा भज्जा उ तुह समुप्पन्ना ।
एत्तो तुमे हविस्सह तियसा अवराजिय-विमाणे ॥२५॥

[१६८९] तत्तो वि-हु चविऊणं इह चेव य भारहम्मि वासम्मि ।
वावीसइम-जिणिंदो होहिसि तं रिट्ठनेमि त्ति ॥२६॥

[१६९०] राइमई-अभिहाणा धूया होऊण उग्गसेणस्स ।
तुह सविहे गहिय-वया एसा वि-हु सिज्झिही तइया ॥२७॥

[१६९१] एवं देव-भवेसुं सव्वेसु वि मित्त-भाव-संजणिओ ।
इयरेसु मिहुण-भावत्तेणमिमो निविड-पडिवंधो ॥२८॥

[१६९२] एय गुणहर-जसहर-मइप्पभा तुज्झ वंधव-अमच्चा ।
सिज्झिस्संति लहेउं गणहर-भावं तुह सयासे ॥२९॥

[१६९३] इय सोउं सयलाणि वि मायंति न हरिसियाइं अंगेसु ।
अणुजाणावेऊण य केवल्लिमागंतु निय-गेहे ॥३०॥

[१६९४] मेलेउ सार-परियणमसेसमवि तस्स संमए जाए ।
रज्जम्मि पुंडरीयं निवेसिऊणं विभूर्इए ॥३१॥

[१६९५] सयलाए वि वसुहाए सोहावेऊण चारय घराइं ।
सम्माणिऊण सुयणे संभासेऊण सुहि-गुणिणो ॥३२॥

[१६९६] जिण-पवयणस्स विहेउं पहावणं विविह-भेयमच्चंतं ।
वहु-भेय-मंति-सामंत-सेट्ठि-सत्थाह-सुय-सहिओ ॥३३॥

[१६९७] महया महेण चलिओ गुरुणो सविहम्मि चरण-गहण-कए ।
जा ताव भावियप्पा सरुचवइ इमे महा-सुणिणो ॥३४॥

[१६९८]

[१०] विसम-संसार-भव-भीय-मण-पसरया ।
अट्ट-विह-नाण-आयार-विहुरिय-रया ॥
पवर-सिव-नयर-संपत्ति-उक्कंठिया ॥
अट्ट-विह-दंसणायार-परिसंठिया ॥१॥

[१६९९]

पुब्ब-वर-पुरिस-सम्मग्गामनुगामिणो ।
पंच-विह-चरण-रयणस्स निरु सामिणो ॥
आइ-जम्मोवच्चिय-कम्म-विहाविणो ।
वारसायार-तव-कम्म-परिसेविणो ॥२॥

[१७००]

सयल-अब्भंतरारीण संहारया ।
धरिय-तेत्तीस-विह-वीरियायारया ।
सिद्धि-संमग्ग-कल्लाण-अट्ठिलासिणो ।
पंचहायार-आराम-विणिवासिणो ॥३॥

[१७०१]

ससि-विमल-प्राण-संसार-खय-कारिणो ।
अइ-पसत्थोवरिम-लेस-तिय-धारिणो ॥
विमल-चउविह-समाहीहि उवसोठिया ।
विसय-सुह-धुत्त-चरिण्हि न-वि मोठिया ॥४॥

[१७०२]

कि-वि अट्ठंग-निमित्त-वियाणय ।
के-वि मंत-जोइस-वक्खाणय ॥
कि-वि विचित्त-विज्जा-सय-भूसिय ।
के-वि स-गुरु-पय-भत्ति-अदूसिय ॥५॥

[१७०३]

के-वि समहिगय-वहु-तक्क-वर-लक्खणा ।
 के-वि पुण छंद-साहिच्च-सुवियक्खणा ॥
 के-वि नव-कव्व-वावार-जिय-वम्महा ।
 के-वि सिद्धंत-निद्धूय-कम्म-प्पहा ॥६॥

[१७०४]

के-वि वक्खण-करणम्मि उज्जय-मणा ।
 के-वि पंच-विह-सज्झाय-भव-भंजणा ।
 के-वि किइ-कम्म-निम्माण-रंजिय-जणा ।
 के-वि निम्मल-हियय-मोह-वल-गंजणा ॥७॥

[१७०५]

के-वि गुरु-वयण-दंसण-पहट्ठाणणा ।
 के-वि नित्थारियाणेग-विह-भवियणा ॥
 के-वि मासोववामाइ-तव-दित्थया ।
 के-वि सण्णाण-वियरण-अमय-सित्थया ॥८॥

[१७०६]

के-वि अह-खाय-चारित्त-जय-पावया ।
 के-वि पुणु केवल-ण्णाण-वर-दीवया ॥
 के-वि अणवरय-परिविहिय-पउमासणा ।
 के-वि चिट्ठंति परितुट्ठ-भव-वासणा ॥९॥

[१७०७]

इय मुणि-सीहहं कय-जय-लीहहं पणयहं पाव-पणासणहं ।
 पेक्खंतउ वयणइं भव-दुह-हरणइं वमृहाहिवु निरुवम-गुणहं ॥ १०॥

[१७०८]

[११] पंचविहाहिगमेणं जा गच्छइ अग्गिमम्मि मग्गम्मि ।
 ताव निरिक्खइ कप्प-हुमं व बहु-सिहरि-परिहरियं ॥१॥

- [१७०९] कुल-पञ्चय-परिवेदिय-पेरतं तियस-नाह-सिहरि अ ।
तारा-नियर-विराडय-आधोगं रयणि-रमणं व ॥
- [१७१०] रवि-मंडलं व अवहरिय-इयर-तेयस्सि-विसर-माहप्पं ।
वहु-साहु-निवड-मज्झम्मि संठियं पसरियाणंदं ॥
- [१७११] तियसासुर-मणुयाणं सहाए मद्धम्म-मग्गमक्खेतं ।
कंचण-कमल-निसन्नं तं चेव महा-मुणिंदं ति ॥
- [१७१२] अह नर-नाहो विहिणा वंदेउ मुणिंद-पाय-पउम-जुयं ।
पुणरवि सोऊणं गुरु-वयणं गय-रज्ज-वामोहो ॥
- [१७१३] सुहि-सयण-गिहावंधं मोत्तु पिया-वंधु-सच्चिव-परियरिओ ।
गेण्हइ सिरि-संख-निवो केवल-पासम्मि पव्वज्जं ॥
- [१७१४] अह वित्थरेण गुरुणा अणुसट्ठी तस्स वियरिया एसा ।
जह - धन्नो सि महा-यस तुमं इमाणि वि कयत्थाणि ॥
- [१७१५] जम्हा निवल-चक्काहिवत्त-तियसाहिवत्तणाओ वि ।
तुम्मेहिमणंत-गुणब्भहिया पत्ता चरित्त-सिरी ॥
- [१७१६] एत्तो य विहेयव्वो अब्भासो धम्म-सत्थ-विसयम्मि ।
सम्ममववुज्झियव्वो आगम-वयणस्स परमत्थो ॥
- [१७१७] तेण पुणो कायव्वो अणु-समयं नियय-मण-अवट्ठंभो ।
निच्चमणुसीलणीया सिद्धंत-निवेइया किरिया ॥

१७०९. १. क. ख. अहउत्ताय.

१७१०. १. क. ख. अ.

१७१५. ३. क तुम्मेहि.

[१७१८] तह पज्जुवासियव्वा संतो खल-संगमो वि मोयव्वो ।
रक्खेयव्वा सव्वे वि जंतुणो स-तणु-पीड व्व ॥

[१७१९] मिउ-महुर-निउण-फ़ज्जावडिय-परित्थोव-सच्च-गंभीरं ।
भासेयव्वं वयणं मुह-करणं स-पर-पक्खेसु ॥

[१७२०] छिवियव्वो न करेण वि तय विस-सप्पो व्व कह-वि पर-विहवो ।
सुमरण-संकप्प-भत्थणेहिं रमणी वि मोयव्वा ॥

[१७२१] वाहिरंतरंग-संग-च्चाओ सव्वप्पणा विहेयव्वो ।
धरियव्वो निरुवम-मुणि-वेसो नीसेस-मुह-हेऊ ॥

[१७२२] नियय-सरीरं जावेयव्वं जा-जीवमवि पयत्तेण ।
नव-कोडि-मुद्ध-आहार-वत्थ-सेज्जाइ-वत्थूहिं ॥

[१७२३] अनियय-विहारमवल्लंवेऊणं विहरियव्वमवणीए ।
निदा-विगह-पमायाण वि दायव्वो न अवयासो ।

अवि य —

[१७२४] मुच्छेयव्वं कोमल-फरिसेसु न न-वि य निरुवम-रसेसु ।
मुज्झेयव्वं न सुरहि-गंधेसु न पवर-रूवेसु ॥

[१७२५] नाहिलसेयव्वा कमणीया सदा विवेय-कल्लिएहिं ।
उव्वेइयव्वमवि नो कक्खड-सहे कु-रूवे य ।

[१७२६] अ-मणुन्न-रमा निदेयव्वा नो न वि-य दुरभि-गंधा य ।
गरहेयव्वा फरिसा विरुव-रूवा न कइया-वि ।

[१७२७] किं बहुएणं सोहेयव्वो अप्पा विमुज्झमाणाहिं ।
वारसहिं भावणाहिं अणिच्चयासरणयाईहिं ॥

- [१७२८] तह अट्टारस-सीलंग-सहम-अज्जच्च-रयण-मालाहिं ।
अप्पा विहसिओ च्चिय धरियव्वो जाव-जीवं पि ॥
- [१७२९] रमियव्वं पुण पंच-प्पयार-मज्झाय-परम-आरामे ।
पंच-विहासु य समिईसु तिसु य गुत्तीसु जइयव्वं ॥
- [१७३०] सहियव्वो परीसह-वग्गो बावीस-भेय-मिन्नो वि ।
दिव्वाइणो य अहिवासेयव्वा त्रिविह-उवसग्गा ॥
- [१७३१] दस-विह-मुणि-त्रण-सामायारी असवन्न-जोय-चिताए ।
कायव्वा परिनिट्ठवियव्वो कम्मरि-संदोहो ॥
- [१७३२] पावेयव्वा उवसम-लच्छी कायव्वमवहियं हिययं ।
उप्पाडेयव्वं ससि-विमलं पुण केवल्ल-णाणं ॥
- [१७३३] ता मोत्तु पूइ-देहं मल्लिऊणं नाण-चरण-रयणाई ।
गंनूण सिव-पुरीए घेतत्त्वा तिट्ठयण-पड्डाया ॥
- [१७३४] एएसु य सव्वेसु वि उवएस-पएसु भावि-जिण-ईदो ।
सिरि-वद्धमाण-सामी आहरणत्तेण नायव्वो ॥
- [१७३५] एत्थंतरम्मि वियमिय-मुह-कपळो भणइ संख-रायरिसी ।
भयवं कडसु कडं मह भाविर-सिरि-वीर-जिणवइणो ॥
- [१७३६] ता दंसण-किरण-भवल्लिय-दियंतरो केवळी पयंपेइ ।
जह — मह इमा महई कडा तह वि सुणसु छेसेण ॥

तदा हि -

[१७३७]

एतथ खत्तिय-कुंड-गामग्निम

नयरग्निम स-तेय-भर- हरिय-सेस-नेयस्सि-वित्थरु ।
 सिद्धत्थु नामिण पयडु आसि निवइ पसरिय-मडप्फरु ॥
 रंभ-तिलोत्तिम-हरि-इइय जिण जिय लीलाए वि ।
 सा तसु आसि पसिद्ध पिय नामिण तिसलाएवि ॥

[१७३८]

तासि निरुवम-विसय-सुह-भ्रमय-

परिसित्त-चित्तहं गयउ कालु को-वि अह अन्न-भवसरि ।
 पुब्बज्जिय-गिरि-गरुय- सुकय-वसिण रयणीए अंतरि ॥
 अवलोयइ सयणिज्ज-गय देवि असम-फलयाइं ।
 चउदह गय-वसह-प्पमुह सु-पसत्थइं सिमिणाइं ॥

[१७३९]

तयणु उट्ठिनि कड देवस्सु

सिर-विरइय-पाणि-पुड अह भणेइ सिद्धत्थु नरवइ ।
 जह - सामिणि किं-वि तुह तणय-रयणु हविहइ महा-मइ ॥
 छक्खंडह वि वसुंधरह सामिउ चक्कवइ व्व ।
 तियसामुर-नर-पणय-पय- पंकउ तित्थवइ व्व ॥

[१७४०]

हवउ हवउ य सामि एयं ति

पुणरुत्तु देवि वि भणिचि वियसमाण-सुह-कमल-संतिय ।
 परिवालइ गब्भु अह अवर-दियहि किंचि वि स-चित्तिय ॥
 गब्भ-वइण्णइ वीर-जिणि अ-चल्लिर-अंगोवंगि ।
 अ-परिप्फदिर-कुक्खि परिदेवइ किंचि नयंगि ॥

[१७४१]

अहह केण-वि हरिउ किं गन्धु
 मज्झे वि विलीणु कि-व कि-व गयउ नीहरवि कत्थ-वि ।
 कप्पहु-परोहु न-हि आरुहेइ जगि जत्थ तत्थ वि ॥
 अह नाण-त्तय सत्त्वविय-धुवणु भवोयहि-दीवु ।
 अवगय-तिसलाएवि-मणु सामिउ ति-जय-पईवु ॥

[१७४२]

खणिण जणणी-जणय-मुह-हेउ
 संलीण-अंगु वि निमिस- मेत्तु एग चालेइ अंगुलि ।
 ता देवि न माइ निय- हियय-मज्झि गुरु-हरिस-संकुलि ॥
 अह गन्धि वि मासाहं छहं सट्ठहं अंति जिणिंदु ।
 अम्मा-पियरहं मणु मुणिवि विम्भिय-मुह-अरविंदु ॥

[१७४३]

अहह ता मह मुहु वि न नियंति
 न वियाणहिं गुण-लवु वि लहहिं नेय उवयार-लेसु वि ।
 संभासु वि सुणहिं नहि गोवलभहिं संपय-विसेसु वि ॥
 तह-वि-हु असरिस-नेह पिउ- जणणि मज्झ उवरिम्मि ।
 इय जीवंतहं इमहं इउं जइसु न चरण-विहिम्मि ॥

[१७४४]

इय विचिंतितु गन्ध-वासे वि
 कय-नियमु तिलोय-पहु गमिवि मास नव साइरेग य ।
 चेत्तम्मि य तेरसिहि पुल्ल-रत्त कालम्मि अन्नय ॥
 हत्थुत्तर-जुत्तिण ससिण उत्तम-लग-मुहुत्ति ।
 पसवइ तिसलाएवि सुय- रयणु दिणम्मि पवित्ति ॥

१७४२. २. क. अंगुलि; ८. क. पियरहु.

१७४३. २. क. वियाणहि

[१७४५]

अह सुरिदिण पंच-रूवेण

सिरि-वीर-कुमार-वरु विहिय-सेस-कायव्व-विथरु ।
 निउ मंदिरि अह पट्टहु नियवि देहु चितह पुरंदरु ॥
 मणि-कंचण-चंदण-मयहं कलमहं जल-पम्मारु ।
 कंव सहेसइ लहुय-तणु सामिउ वीर-कुमारु ॥

[१७४६]

तयणु अवहिण मुणिवि हरि-चित्तु

सोहासण-संठियह हरिहि अंक-देसि वि वड्डउ ।
 चलणग्गिण सामि सुर- मिहरि सिहरु चालइ पहिडउ ॥
 अह फुडइ व वंभंदु लहु गिरि-सिहरं तुटंति ।
 भञ्जहिं तरुपर घर पडहिं जण-हियडइं फुटंति ॥

[१७४७]

चलइ महियलु सेसु सलवलइ

रयणायर झलहलहिं दलइ सयलु गह-चक्कु टायह ।
 विहुरिय मय गय भमहिं तिजय-लाउ गउ गुरु-विमायह ।
 तयणंतरु विक्खुहिय-मणु मुग्गइ परिभावंतु ।
 अवहिण जाणइ जह — विहिउ मामिण इहु वुत्तं ॥

[१७४८]

तयणु पसरिय-लज्ज-वेलक्खु

पणमेप्पिणु पट्ट-पइहि भणइ — अहह मइं दुट्टु चित्तिउ ।
 को न मुणइ विजिय-जउ सत्त-पसरु तुम्हाहं मंतिउ ॥
 जे छत्तत्तिण कुणहिं धर डंडत्तिण गिरि-राउ ।
 तहं किच्चिउ इहु जिण-वरहं गरुउ वि जल-संघाउ ॥

[१७४९]

ता खमिज्जसु सामि मह एहु
 अवराहु अयाणुयह देसु इत्थु पट्ठीए जय-एहु ।
 अह समियइ मयल-जय- खाहि तम्मि समयम्मि सुरवहु ॥
 हुय मंगल-उग्गार-रव बहिरिय-गिरि-विवरोह ।
 तियसामुर-पहुणो वि सय सहस-गुणिय सुह-मोह ॥

[१७५०]

जम्म-ऊसव-एहवणि बट्टंति
 कि-वि कं वण-कलस-रुर के-वि लेति हत्थेहि चामर ।
 कि-वि गायहि महु-सह ललित के-वि वायंति सुर-वर ॥
 नच्चहि विलसहि चंक्रमहि रमहि अवरि साणंदु ।
 भयवंतहं जम्मणि लहहि असम-हरिस-नीसंदु ॥

[१७५१]

अह सुहम्मिण तियस-नाहेण
 कय-पंच-रुविण खणिण सुर-निहित्त-मणि-कणय-मणहरि ।
 आणेवि जणणिहि सविहि मुत्त सामि निययम्मि मंदिरि ॥
 तयणु सुरासुर-मोइसिहि निच्चु वि सेविज्जंतु ।
 पंच-पयारिहि धाइयहि निरु परिवाल्लिज्जंतु ॥

[१७५२]

नील-कुंतलु कमल-नयणिल्लु
 विवाहक सिय-दसणु कंबु-गीवु पुर-अररि-उरयलु ।
 जुय-दीहर-भुय-जुयलु वयण-सास-जिय-कमल-उप्पलु ।
 पउम-दलारुण-कर-चरणु तविय-कणय-पोरंगु ।
 अट्ट-वरिस-वउ पहु हुयउ स-महिम-विजिय-अणंगु ॥

[१७५३]

एत्य-अंतरि अमर-परिसाए

सोहम्म-सुराहिवइ चंद-कंत-संमत्त-भाविउ ।
 परिसाहइ तुह-मणु भुवण नाह-गुण-गणिण गाविउ ।
 बालु अ-वाल-प्पगइ गुरु- विक्कमु वीर-कुमारु ।
 खोहिउ सक्कु न एइ जइ इंदु वि स-परोवारु ॥

[१७५४]

अह अ-सदहमाणु मुरु एणु

तियसिदह वयणु पहु- सविहि पवण-वेगिण पहुत्तउ ।
 भयवं पि-हु सिमुहि सह अ-कय-संकु चिट्ठइ ललंतउ ॥
 ता जय-बंधवि तरु-सिहरि आरुहम्मि स-तोसु ।
 तियसु सु पहु-भेसणह कइ पयडिय-कित्तिम-रोसु ॥

[१७५५]

भुवण-पसरिय-घोर-फुक्कारु

गुंजारुण-लोयणउ दीह-काउ अलि-गवल-सामलु ।
 जम-दय-सरिच्छु गुरु- जमल-जीहु विस-वेग-पिच्छलु ॥
 विवरिय-गुहु नीसेम-जय- कवलण-विहिहि अ-चुक्कु ।
 उप्पणु फणि तसु तरुहु थुहु परिवेदेविणु थक्कु ॥

[१७५६]

ता खणद्धिण मुक्क-पुक्कार

गुरु-सासाउल-हियय नट्ट सयल-डिंभइं दिसो-दिस ।
 भयवं पि-हु अ-बुहिउ उत्तरंतु विडविहि अहो-दिमि ॥
 तसु तारिसह भुयंगमह सिरि विणिवेसिवि पाउ ।
 परिवियसिय-वयणंवुरुहु तक्खणि महियलि आउ ॥

[१७५७]

तयणु मिलियइं डिंभ-रूवाइं
 मयवंतह पुणु वि तह चैव तत्थ कीलेउ लग्गहिं ।
 पुणु पट्टिहिं आरुहणु करिवि कंदु-कीलाए वग्गहिं ॥
 अह अहि-रूवु परिच्चइवि डिंभायारु धरेवि ।
 तियसु ललेउ पयदु जय- सामिउ पुरउ करेवि ॥

[१७५८]

खणिण पाविय-विजउ जय-नाहु
 सुर-पट्टिहिं आरुहइ जाव ताव जय-खोह-कारणु ।
 निम्मंस-सोणिय-वयणु त्रिसम-दंत पंतिहिं दुहावणु ॥
 कुविय-कयंत-कराल-तणु घडि-लोयणु वड्ढंतु ।
 सुरु सु पिसाय-सरूव-धरु ससि रवि-नियडु पडुत्तु ॥

[१७५९]

तयणु सुरगिरि-गरुय-सत्तेण
 भुवण-भुय-माणसिण निमिस-मेत्तमवि अक्खुहंतिण ।
 अब्भाहउ सुर-अहमु पट्टि-देसि दुस्सहिण सुट्ठिण ॥
 तयणंतुरु वियलिर-नयणु तुट्टिर-रसणा-दामु ।
 गय-अहिमाणु पहीण-तणु हुयउ सु अ गहिय-नामु ॥

[१७६०]

अह पयासिवि तियसु अप्पाणु
 पणमिप्पिणु पडु-पइहि तियस-नाह-वुत्तंतु साहिवि ।
 सिरि-विरइय-पाणि-पुडु सयलु-नियय-अवराहु खामिवि ॥
 हियइ धरंतउ पडुहु गुण विम्हिय-मुह-अरविंदु ।
 साहिवि वइयरु नमइ सुर- मंदिरि गंतु सुरिंदु ॥

[१७६१]

किंचि-समहिय अट्ट-वारिसिउ

हुउ कमिण जय-प्पहु वि तयणु देवि सिद्धत्थ-निवइ वि ।
 सुय-रयण-नेहइ वसिण पहुहु नाण-माहप्पु अ-मुणिवि ॥
 ण्हायवि लित्तालंकरिउ कय-कोउय-मंगल्लु ।
 निउ उवञ्जायह पुरउ पहु निरुवम-सिरि-सोहिल्लु ॥

[१७६२]

तयणु आसण-चलण-विण्णाय-

वुत्तंतु सुराहिवइ तत्थ झत्ति वेगिण पहुत्तउ ।
 उवञ्जायह कइ कयइ ठविवि सीह-आसणि निरुत्तउ ॥
 जय-बंधवु तमु पुरउ पुणु सयमुवविसिवि कयत्थु ।
 पुच्छइ सदत्थहं विसइ नीसेमु वि भावत्थु ॥

[१७६३]

ताव परूवइ गहिर-सहेण

सदत्थ-लक्खणु सयल्लु वीर-नाहु अग्गइ सुरिंदह ।
 उवञ्जाइण पुणु गहिवि के-वि लेस तमु सह-विंवह ॥
 विरइउ इंद-व्वागरणु पमुइउ जणु वि अ-सेमु ।
 सामिहि वालय-मेत्तह वि निमुणिवि वयण-विसेमु ॥

[१७६४]

तियस-नाहु वि पणय-जिण-सामि

संपत्तउ सुर-भवणि कमिण पहु वि तारुणि पत्तउ ।
 परिणेइ जसोय वर- राय-कन्न नर-वरिण वुत्तउ ॥
 उवञ्जंतह तीए सह विसय-मुहइं तमु हय ।
 निय-कुल-नहयल-चंद-पह इग पियदंसण धूय ॥

[१७६५]

काल-जोगिण तीस-वरिसस्सु

तियसिद्ध-सेविय-पयह पहुहु जणउ जणणि वि दिवं-गय ।
 अ-पवज्जिरि वीर-जिणि रज्जु सयण पुरलोय संगय ॥
 उत्तिम-लग्गि पवित्ति दिणि गह-गोयर-मुद्दीए ।
 सु-विणिच्छिवि परिणाम-मुहु कज्जु मुद्ध-बुद्दीए ॥

[१७६६]

नंदिवद्धणु बंधु जय-पहुहु

विणिवेसहिं रज्ज-भरि पत्त-कालु पुणु भणइ सामिउ ।
 अणुजाणहि भाय मइ जेण हवउं हउं सिद्धि-गामिउ ॥
 जमिह न दिट्ठिहि तक्करिहि अप्पु मुसाविउ जुत्तु ।
 लोयणवंतउ बुहु पडइ अंध-कूवि न निरुत्तु ॥

[१७६७]

नंदिवद्धणु भरिय-गल-सरणि

मुसुमूरिय-रज्ज-मुहु बंधु-विरहि जगु मुन्नु पेक्खिरु ।
 कह-कह-वि समुल्लवइ अहह भाय किह तुहुं निरिक्खिरु ॥
 जणणी-जणय-विओय-दुहु मह हियडइ वट्टंतु ।
 वद्धारसि खइ खारु परिखिवसि य इहु जंपत्तु ॥

[१७६८]

अह जिणाहिउ भणइ-नणु भाय

पिय-संगु विओग-फलु कुगइ-मूलु निरु रज्ज-मुक्खु वि ।
 विसया वि विसाय-कर नियय-कज्ज-पिउ सयण-लक्खु वि ॥
 इय कसु कारणि भव-गहणि निवसिज्जइ विवुहेहिं ।
 लभंतिहिं सासय-मुहिहिं असरिस-मुगइ-फळेहिं ॥

[१७६९]

इय भणंतु वि कह-वि आ-वरिसु

जय-बंधु घरि धरिउ तेण नंदिवद्धणिण निवडण ।
 अह कहमवि बोहिउण सयण-लोउ सयलो वि सामिण ॥
 सारस्सय-सुर-कहिय-वय- समउ दाणु आ-वरिसु ।
 दाउ किमिच्छय-माणवहं तिय-चउक्क-चउरेसु ॥

[१७७०]

जीए वित्थरु धणुह पणत्रीस

पन्नास आयासु पुणु उच्चयत्तु छत्तीस धणुहई ।
 मणि-कंचण-रूप-सिल- घडिय देस नीसेस रेहई ॥
 तीए चंद-प्पह-पवर- सीयए नाहु चडेवि ।
 नाय-संडि उज्जाण-वणि गुरु-रिद्धिण गच्छेवि ॥

[१७७१]

किण्ह दसमिहिं मग्गसिरि मासि

हत्थुत्तर-जोगि गइ चंदि पवर-वासर-मुहुत्तिण ।
 पडिवज्जइ चरणु पहु मोक्ख-मुक्ख-गय-पग-चित्तिण ॥
 अह तियसामुर-निव-निवह दिक्ख-महिम पेक्खेवि ।
 वीर-जिणिदह पय नमिवि गय गुरु-हरिसु छहेवि ॥

[१७७२]

भुवण-बंधु वि चरण-सम-काल-

मण-नाणुप्पति-जय- जंतु-जाय-मण-मुणण-पच्चलु ।
 कय-छट्ठ-तव-चरणु विमल-झाणि सुर-सिहरि-निच्चलु ॥
 तसु उज्जाणह नीहरिवि गोयर-चरिय भमंतु ।
 कोल्लागम्मि पुरम्मि घरि बहुल-दियह संपत्तु ॥

[१७७३]

तयणु बहुलिण तुट्ट-हियण

पाराविउ भुवण-पहु पायसेण निरु सुरहि-महुरिण ।
 हुय कंचण-वुट्ठि घरि गयणि पढय दुंदुहि सुरोहिण ॥
 आणंदिय सुर-असुर निव- निवह जयम्मि अ-सेसि ।
 वीर जिणिदह तारिसइ तहिं पारणय-विसेसि ॥

[१७७४]

अह सहंतउ विविह उवसग्ग

परिसीलिरु उग्गु तवु निम्ममत्त-सिरि-तिलउ सामिउ ।
 तसु तावस-आसमह अट्ठि-गामि गउ वसह-गामिउ ॥
 संझहं पुणु उस्सग्गि ठिउ जण-निहणण-लक्खस्सु ।
 भुवण-भयंकरि आययणि मूलपाणि-जक्खस्सु ॥

[१७७५]

मूलपाणि वि रुट्ठु पहु-उवरि

नणु एस कहं नु मह भवणि रयणि-अवसरि पहुत्तउ ।
 पडिसिद्धु वि पुर-जणिण तमिह अज्ज मारिमु निरुत्तउ ॥
 इय चिंतंतउ सुर-सिहरि- थिरह तिजय-तिलयस्सु ।
 मूलपाणि पयडइ पहुहु दुसहुवसग्ग-सहस्सु ॥

तहा हि-

[१७७६]

जय-भयावह-विसम-दाढालु

निरु विवरिय-मुह-कुहरु कणय-पिंशु केसर-करालउ ।
 गुंजारुण-नयणु खर- नहर-पाणि रोसिण विसालउ ॥
 पुच्छच्छोढ-प्पडिरविण भरिय विवरु गुरु-जीहु ।
 जय-पहु-तणु-विहावयरु सुरिण विउच्चिउ सीहु ॥

[१७७७]

न उण खोहिउ वीर-जिण-इंदु
 तयणंतर अछि-गवल नीलि-राय-गयणयल-सामलु ।
 फण-मंडव-उवरि ठिय- गयण-कंति अवहरिय-सामलु ॥
 सामि-सरीर-विलुंणयर- भेरव-दाढ-कडप्पु ।
 फुक्कारंतु सुराहमिण अहि-कुलु मुक्कु स-दप्पु ॥

[१७७८]

तह-वि जय-पहु मणि अ-सुम्मंति
 जालोलि-कवलिय-तिमिरु भुवण-वामि-जिय-लोय-दुहयर ।
 दिसियंतर-परिममिरु अहर पत्त-धरणियल-वित्थरु ॥
 जक्खिण तेण विउन्विउण खिविउ समुहु कय-डाहु ।
 मुर-गिरि-चूळा-अविचलिर मणह पहुहु हुयवाहु ॥

[१७७९]

तयणु सामिहि तणु करणेण
 उप्पाडिवि गयणयलि परिखिवंतु गलगज्जि-दारुणु ।
 उल्लालिय-चंड-करु दमण-मुसल-पट्ट-खोह-कारणु ॥
 दिसिहिं खिवंतउ संनिहिउ सयलु वि वत्थु-समूहु ।
 जक्खिण खिविउ विउन्विउण पहुहु समुहु गय-जूहु ॥

[१७८०]

अह विलंविय-केस-पम्भारु
 रोयंतु करुणारविण जलिर-जलणु वयणिण मुयंतउ ।
 सु-दुइत्तु कराल-तणु करुहेहिं उरयलु दलंतउ ॥
 करयल-कय-कत्तिय-जलण- खप्पर-रुहिर-कवाल ।
 नग्गउ जोगिणि-गणु जणिउ जय-सामण-क्खय-कालु ॥

१७७८. ४. क. परिममिर. ६. क. वेउन्विउण.

१७७९. २. क. गयणयलि.

[१७८१]

तद्वि अ-सुहिरि नाहि वर-कणय-
 परिपिगल-सिर-चिहुर वाम पाणि कय-जलण-सुप्यर ।
 अन्नयर-कर-गहिय- गरुय-वज्ज-मुग्गर-भयंकक ॥
 फिक्कारंतु पिसाय-सय संकुल-सयल-पण्णु ।
 लंवि-जीहु पहुत्तु तर्हि गुरु-वेयाल-विसेसु ॥

[१७८२]

इय भीरु-पुरिस भेरव-दुहिण्हि भूरि-मीसण-मण्हि ।
 विक्खोहिओ वि वहुडा सुइइ मणागं पि-हु न सामी ॥

[१७८३]

ता निरिक्खिय-सामि-माहण्णु
 मुसुमूरिय-रोस-भरु मूलपाणि अप्पणु पयासिवि ।
 पट्ट-पाइहि निवडिउण नियय-दोस सयलि वि खमाविवि ॥
 पसरिय-भत्ति समुल्लभिय- रोमंच्चिय-गतु ।
 जक्खु पयासइ नट्ट-विहि निरुवम-पहु-पय-भत्तु ॥

[१७८४]

इय विचित्तहं तियस-तेरिच्छ
 माणुसियहं तम-पडलु अवहरंतु पट्ट भुवण-दिणयर ।
 संपत्तउ रायगिहि नयरि भविय-अरविंद-सरवरु ॥
 नालंदह वडियाण ठिउ तंतुवाय-सालण्ण ।
 अह मंखलि मंखहं तणउ अंगुम्भवु मदाण्ण ॥

[१७८५]

गवहं सालहं जाउ इय विहिउ
 गोसालउ नामु जसु सो समग्गि महियलि भमंतउ ।
 निय-जणय-सन्निहि-गहिय- मंख-सिप्पु पहु-सविहि पत्तउ ॥
 वासम्मि य तत्थ वि ठियउ जणि दंसंतु नियल्लु ।
 बालिस-लोय-पमोय-करु मंख-कलहं कोसल्लु* ॥

[१७८६]

पढम-मासिय-खमण-पारणगि
 जय-बंधु वि नयरि तहिं परिभमंतु गोयरिय-चरियहं ।
 संपत्तु अह-क्कमिण गिह-दुवारि इम्मस्सु विजयह ॥
 ता बियसिय-मुह-पंकइण पुलडय-सव्वंगेण ।
 धन्तु कयत्थउ हउं जि पर जसु मंदिरि एण्ण ॥

[१७८७]

इह-फलइण कप्प-तरुण व्व
 तइलोय-पियामहिण चलण-कमल-खेविण विहूसिउ ।
 ता फामुय-एसणिउ किं-पि देमि भाविण अ-दूसिउ ॥
 इय चितंतिण ससि-विमल वइहमाण-भावेण ।
 सुद्धाहारिण भुवण-पहु पडिलाहिउ विजएण ।

[१७८८]

तयणु तियसिहिं कणय-मणि-कुसुम-
 गंधोदय-बुद्धि कय फुरिउ देव-दुंदुहि-निघोसिण ।
 तियसामुर-नरवर वि तत्थ पत्त गरुण हरिसिण ॥
 मंखलि-पुत्तु वि दट्ठु पहु महिम-पमोयावन्तु ।
 दब्बद्धिउ चिट्ठइ पहुहु निच्छु वि सेव-पवन्तु ॥

[१७८९]

कमिण सामिण समगु हिंडंतु
 बहु-भेय-वत्तव्वयहिं कुम्मगाम-उज्जाणि पत्तउ ।
 जा ताव निणइ सुहि- सयण-विहव पत्तहं वि चत्तउ ॥
 सगसगंत-जया-सइस जड-मउडस्स निहाणु ।
 वेसायण-नामिण पयडु वाल-तवस्सि पहाणु ॥

[१७९०]

ता विगिंचिय-वयण-नयणिल्लु
 गोसालउ तसु पुरउ भणइ - सुणसि तं किं-पि तावस ।
 सेज्जायरु जूयहं व अप्प-दमणि पसरंत-अवजस ॥
 इय अ-समंजस तसु वयण पुणुरुत्तइं निमुणंतु ।
 वेसायण-तावसु गरुय- कोव-भरिण कंपंतु ॥

[१७९१]

हणण-कज्जिण निन्निमित्तस्सु
 गोसालय-वेरियह तेय-लेस भामुर विउज्झइ ।
 गोसालु वि विहुर-तणु गंतु पडुहु च्छणिहि विल्लग्गइ ॥
 ता जिण-वरिण दया-परिण सीयल लेस पहाण ।
 भुक्का तह जह तसु रिसिहि तेय-लेस विहाण ॥

[१७९२]

अहह सामिहि किं-पि माहप्पु
 कारुण्णु वि जय-अहिउ सीसु होमि ता हउं वि एयहि ।
 इय वेसायणु तवसि चित्तयंतु पणमेइ सामिहि ॥
 भणइ य - न सुणिउ सामि मइं सीसु जु तुम्हहं पडु ।
 ता खमिउण अवराहु मह पुट्ठिहि निय-करु वेहु ॥

१७८९. १. क बत्तहं विचित्तउ

१७९२. ७. ज. ट क. मह मह

[१७९३]

इय खमाविवि गयउ निय-ठाणि
 वेसायण-वाल-रिसि जाव ताव मंखलिहि पुत्तिण ।
 पुट्ठम्मि कहेइ पहु तेय-लेस-उप्पत्ति जत्तिण ॥
 नरु छठ-छठ-तव-कम्म-रउ आयावणि-गय-चित्तु ।
 पारणगि वि कुम्मासमय पिण्डि एग गिण्हंतु ॥

[१७९४]

सलिल-पसइ वि एग पीयंतु
 छम्मास-अइक्कमिण तेय-लेस दिप्पंत पावइ ।
 इय कहिरु गोसालयह कुम्म-गामि जय-बंधु बिहरइ ।
 कोइव-कूरह गोयारिण पायस-थालि-गएण ।
 पुरिस-मंस-भोयणिण तिल- निप्फत्ती-विसएण ॥

[१७९५]

गहिय-कुग्गहु चत्त-पहु-सविहि
 गोसालउ पाव-मइ नियह-वाउ जय-जणि पइट्ठिरु ।
 सावत्थिहिं गंतु पुर- वहि-कुलाल-भवणम्मि चिट्ठिरु ॥
 जिणवर-उवएसिय-विहिण तेय-लेस साहेइ ।
 तीए परिक्खह कइ अवड- तडि इग दासि डहेइ ।

[१७९६]

तयणु पसरिय-दप्प-तिमिरंधु
 मिलिऊण नेमिच्चियहं छण्ह पास जिण-सिस्स-देसहं ।
 गडिऊण निमित्त-लवु अट्ट-अंगु सविहम्मि पुणु तहं ॥
 जिणु अ-जिणो वि अ-केवलि वि केवलि हउं ति भणंतु ।
 भमइ महीयलि वालिसिहि सीसिहि सेविज्जंतु ॥

१७९३. ६. क. ख. छट्ट छट्ट.

१७९५. ३. नियति

[१७९७]

भुवण-बंधु वि पतु दद-भूमि

पेदाळ नयरोववणि वेइयम्मि पोलास-नामगि ।
 कय-अट्टम-भत्त-तवु ठाइ पडिम तहि एग-राइगि ॥
 अह पहु-चरिय-चमक्कियउ सहहं भणइ सुरिंदु ।
 अहह नियह सुर वीर-जिणु पणयामर-वरणिंदु ॥

[१७९८]

एग-पुग्गलि निसिय-निय-नयणु

सुर-सिहरि-थिरेग-मणु लंव-वाहु नमिरंगु किंचि-वि ।
 नियसासुर-सामिहिं वि निमिस-मित्तु तीरइ न खंचिवि ॥
 अह अ-भविउ संगमय-सुरु सुरवइ सविहि वइइउ ।
 एहु अ-सदइमाणु फुडु जंपइ चित्ति पउइउ ॥

[१७९९]

अहह जायउ एगु सामित्तु

किं वहुएहिं वि गुणिहिं जसु वसेण जुत्तु व अजुत्तु वि ।
 पडिहासइ जणि जमिह को णु वीरु जो मणुय-मेत्तु वि ॥
 इंदेहिं वि स-सुरासुरिहिं तीरइ न वि चालेउ ।
 अहवा संसउ हरिसु हउं एयइ माणु मलेउ ॥

[१८००]

इय स-निट्ठुरु भणिरु सुर-वरिण

पडिसिट्ठु वि संगमउ जाड सविहि सिरि-वीर-नाहह ।
 पयडेइ य दुसह उवसग्ग-वग्ग तसु लंव-वाहह ॥
 पढसु भयंकरु भरिय-धरु उद्धुंधुलिय दसामु ।
 उवरि विउन्वइ भग्ग-तरु धूलि वरिसु सु हयामु ॥

[१८०१]

मेरु-सिहरि व सामि-साखो वि
 अ-विकंपिर-मणु मुणिवि वज्ज-तुंड-कीडियहिं बहुयहिं ।
 वेइल्ल-विच्छुय-नउल- डंस-मसग-मूमग-पिसाईहिं ॥
 कुंभि-सिरीसिव-वणमहिंस- सीह-किसोर-सएहिं ।
 खर-मारुय-विगराल-विग- पमुहेहिं वि भयएहिं ॥

[१८०२]

करुण-विलविर-निबइ-सिद्धत्थ-
 तिसलाण उवदंसणिण अमर-तरुणि-कय-मेय-नट्ठिण ।
 अबरेण वि इयर-जण- हियय-हरिण उवसग्ग-वग्गिण ॥
 चालिज्जंतु वि जय-पहुहु स्माणह चलिउ न चित्तु ।
 अह तियसाइमु संगमउ गरुय-पओसिण दित्तु ।

[१८०३]

गयण-मग्गह गरुय-तेयइइ
 पसरंत-धारा-सइसु भार-महस-भरु चक्कु मिल्लइ ।
 ता वहिरिय-दिसि-विक्क खुहिउ जलहि महि-वलउ डोल्लइ ॥
 भुवण-भयंकरी चक्कि तहिं सीस-उवरि पडियम्मि ।
 जाणु-मेत्तु जय-वंधवु वि खुत्तउ धरणि-तलम्मि ॥

[१८०४]

तह-वि अ-चलि-चित्ति सामिम्मि
 वियलंत-तारा-नियरु स्त्रीण-संझु रवि उदउ पयडइ ।
 सामी बि-हु निय-अवहि- नाण-वलिण रयणि त्ति जाणइ ॥
 चिहेइ य धरणियल-धिर- निय-पडिमहं पडिवन्नु ।
 तयणंतरु संगम-तियसु भणइ सहावावन्नु ॥

[१८०५]

तुदतु जिणवर तुज्ज इउं भुवण-
 दुल्लहो वि मग्गेसु वरु करिवि वीस अइ-दुसह एरिस ।
 छम्मासा जाव अवरे वि काउ उवसग्ग विसरिस ॥
 सामिहि जलहि-गहोरु मणु मुणिवि मोक्ख-कय-लक्खु ।
 मुर-मंदिरि इंदह पुरउ गउ संगमउ विलक्खु ॥

[१८०६]

किंतु सक्किण फुरिय-कोवेण
 संजाय-परम्महिण भणित इयर-नियसाहं सम्मुहु ।
 जह - अ-निप्यब्बु इहु पाव-चरित संगमउ दुम्मुहु ॥
 संक महारी य वि न किय एत्तिउ कालु इमेण ।
 उवसगंतिण भुवण-पहु दुसहुवसग्ग-सएण ॥

[१८०७]

जइ वि मंदरु पवण-कलियाहिं
 चालिज्जइ जइ जलहि मडह-वाल-चुलुगिहि मविज्जइ ।
 रवि उगह पच्छिमहं जइ-वि जइ-वि धर करि धरिज्जइ ॥
 तह-वि न तिहुयण-सिरि-तिलउ नियय-झाण-मग्गस्सु ।
 चालिज्जइ स-नरामरिण मुरवइणा वि अवस्सु ॥

[१८०८]

इय भणंतह तियस-नाहस्सु
 कोवानल-वइढ-तणु झीण-पुणु निय-देवि-सहियउ ।
 सोहम्मह चालियउ गंतु मेरु-चूआए रहियउ ॥
 जय-बंधु वि वीयम्मि दिणि वग्गवाल-थेरीए ।
 पडिल्लहिउ हरिसिय-मणए दोसीणय-खीरीए ॥

[१८०९]

जाय कंचण-बुद्धि तग्गेहि

भयवं पि अहक्कमिण सुंसुमार-वर-नयर-वाहिहि ।
 उस्समिण ठियउ वण- मज्झि पडिम उन्निउ विसाइहि ॥
 तत्थ ठियस्स य जय-पहुहु हुय जह चमरुप्पत्ति ।
 छेसिण साहिंत्तस्सु मह तह परिभावहु चित्ति ॥

तद्वा हि -

[१८१०]

इह वि भारह-खित्ति चेभाल-

अभिहाणिण विस्सुयइ देमि आमि पूरणु गहावइ ।
 सो मज्झिम-वइ करिवि उग्गु वाल-तवु हुउ अमुर-वइ ॥
 चमर-नामु भवणिंदु अह कय-कायव्व-विसेसु ।
 सीहासणि उवविसिवि जगु अवहिण नियइ असेसु ॥

[१८११]

तयणु पेक्खिवि सीस-उवरिम्मि

मोहम्मिय-सुरवइहि फुरिय-तेय-भरु सीह-आसणु ।
 साडोवु समुल्लवइ चमर-इंदु आसज्ज सुर-गण ॥
 नणु इंदाहमु को णु इहु निय-सिरि गव्वु वहेइ ।
 जा मज्झ वि सीसह उवरि माणु मलंतु वसेइ ॥

[१८१२]

हवउ एहु जि नाहु सुर-अमुर-

मज्झम्मि अहवा हउं किण वि एग-पक्खम्मि हणियइ ।
 पडियारि एगम्मि जि न माइं दोण्णि खग्ग त्ति भणियइ ॥
 तयणंतुरु पमणहिं अमुर नाह न भण्णइ एहु ।
 सासय-ठिइ इह इय इहु वि निय-सुकयहं फलु छेउ ॥

[१८१३]

न-उण केण-वि कसु वि सुकयाइं

तीरंति विहलेउ इय किमिह नाह अट्ठाण-कोविण ।
 इय जपिर पुणु पुणु वि नियय-अमुर अवगणिय चमरिण ॥
 ता कुंडल-मउडाहरणु उरयल-विलुलिर-हारु ।
 चमरु गंतु सामिहि पुरउ कय-असरिस-सिंगारु ॥

[१८१४]

नमिवि सायरु भणइ - जय-नाह

तुह चलण सरणु मह संपईए आवइ-विसेसि वि ।
 सरि-मलिलहं ठाणु नणु कवणु अन्नु जल-निहि विउज्झिवि ॥
 इय भणिऊण जिणाहिबइ- पय-पउमहं निस्साए ।
 वाहु-विउज्जु सु अमुर-वइ विनडिउ स-दुरासाए ॥

[१८१५]

गवल-कज्जल-कंति-विगराल-

सव्वंगु जोयणहं सय सहम-माणु निय-तणु विउव्विवि ।
 तइलोय-भयावणिय- दट्ट-उदट्टु करि फरिह वेत्तु वि ॥
 गज्जइ विहसइ उल्ललइ धरणिहि दलइ चवेड ।
 कुणइ य चलणिहि दइरउ पाडइ मंदिर-मेड ॥
 अवि य -

[१८१६]

नदइ सीहु व करि व गडयडइ

हेसेइ तुरंगमु व गयणि विज्जु-पुंजु व झवक्कइ ।
 विवखोहइ धरणियलु गयण-वासि-जण-मणु धवक्कइ ॥
 कर-अंगुद्वय-अंगुलिहिं मुह-मंकडिउ कुणंतु ।
 पत्तु सु सोहम्मिय-सहइ तियस-तरुणि भेसंतु ॥

[१८१७]

तयणु - अरि अरि सक्क तुहुं अण्णु

सामाणिय-पम्भुह-सुर- सहिउ सरसु निय-इदुठ को बि-हु ।
 सुर-तरुणिउ एहि पुणु एहि तुज्ज लच्छी वि मइं बि-हु ॥
 पडिबज्जहुं दइयत्तणिण जिह पावंति सुहाई ।
 स-मइण चमरोवरि-ठिइण तइं पुणु एयहं काई ॥

[१८१८]

इय स-निदुत्तर वयण निमुणंत

रोसारुण-नयण-दल सक्क-सुहड साडोवु जंपहि ।
 अरि चमरय दिट्ठि-पहु सुयसु जा न पहु-भिरुव कुप्पहि ॥
 किह इह आगतूण तुहुं मरहि अ-पूरइ कालि ।
 अज्ज-वि बलिउण हंत लहु लहु पविससु पायालि ॥

[१८१९]

तयणु भिउडिय-भाल-वट्टेण

रोसारुण-लोयणिण कंपमाण-अंगेण चमरिण ।
 कर-कय-फरिहाउडिण सक्क-सुंरिहि सह विडिय-समरिण ॥
 इशु पउ ठविरिण वेइयहं इशु सुर-गिरि-चूलाए ।
 सक्क-सुहड सयलि विखणिण परम्भुहिकय हेलाए ॥

[१८२०]

ता विसप्पिर-दप्पु चमरिंदु

सोहम्म-सुराहिवाइ हणण-हेउ समुवेइ समुइउ ।
 तयणंतरु - भवण-वइ अहम अरिरि रे चमर निहयउ ॥
 रिउ-दुसडिण पसरिय-पहिण मह-सत्थिण एएण ।
 इय जंपेवि विमुक्कु तसु समुहु वज्जु सक्केण ॥

[१८२१]

तयणु कंचण-कंति-जालोलि-

पिंगलिय-अंवर-विवरु नियवि वज्जु सम्मडु उवेंतड ।
 भय-वेविर-तणु चमरु जीवियव्व-आसहं वि चत्तड ॥
 उप्परि पइहिं अहो-मुहिण मण-वेगेण पत्ताणु ।
 पडु पडु तुहुं मह तुहुं सरणु सरणु एव्व भणमाणु ॥

[१८२२]

देह-वित्थरु कमिण संहरिवि

छुच्चलण-पमाण-तणु सामि-साल-पय-तलि निलुक्कड ।
 अह सक्किण मुणिवि निय- नाण-वल्लिण जह - मज्झ हुक्कड ॥
 इहु धुवु वीर-जिणेसरह पाय-निस्स गिण्हेवि ।
 ता धिसि धिसि मइं विलसियउं किमिमह वज्जु मुएवि ॥

[१८२३]

खणिण धाविवि पवण-वेगेण

पहु-पाय-सविहिं गमिरु वज्ज-रयणु संगहिवि इत्थिण ।
 पणमेप्पिणु खामिउण सामि-सालु हियण पसत्थिण ॥
 जंपइ चमरिंदह पुरउ सुर-वर तइं किउ सुदुदु ।
 जं निस्सइं जय-वंभवह तुहुं मह सहइं पविदुदु ॥

[१८२४]

किह-णु अन्नहं मह सयासाउ

जीवंतउ छुट्टिउण आगओ सि एइह-बहंतरी ।
 ता झुंजसु तुट्ट-मणु पहु-पसाय-जोगेण सुर-स्सिरी ॥
 इयरो वि-हु पावेइ नरु सुहइं स-पावइ अंति ।
 कडुयाई वि निवइं फलइं महुरीहुंति वसंति ॥

[१८२५]

अह पहुत्तउ सक्कु सोहम्मि

चमरिंदु वि साम-सुहु नियय-ठाणि संप कहमवि ।
 विहरंतु कोसंविहिं पुरिहिं पत्तु सिं वीर-नाहु वि ॥
 तं परिवाळइ सु-दढ-वल्लु निवइ सयाणिय- ।सु ।
 तसु वि मिगावइ नाम पिय आसि सयल-गुण शसु ॥

[१८२६]

तह तिगुत्तय-नासु सचिविंदु

नंदा उण दइय तसु संति ताइं सयलाइं नेहिण ।
 कुव्वंति निरंतरु वि विमल-धम्म-कम्माइं भाविण ॥
 तत्थ य जय-सामिण ठिइण गहिउ सिद्धि-सुह-हेउ ।
 दव्व-खेत्त-कालाइयहं विसइ अभिग्गहु एउ ॥

[१८२७]

पोस-मासहं कसिण-पडिवयहं

दव्वम्मि कुमास मह सुप्प-कोणि लब्भंत कप्पहिं ।
 खित्तम्मि उ उम्बरहं मज्झि ठाहि न-वि ठविय-चलणिहिं ॥
 कालम्मि उ भिक्खायारिहिं निय-निय-ठाण-ठिण्हिं ।
 भावम्मि उ रोयंतियहिं उत्तरिइहिं केसेहिं ॥

[१८२८]

दासि-भाविण ठियहिं कह-कह-वि

उवलद्ध सयं पि निव- कन्नयाए दिज्जंत गेण्हहुं ।
 अन्नह उण वहुरु वि कालु जाव तव-कम्मि चिट्ठहुं ॥
 इय चिंतंतु अ-लद्धिउ वि गोयर-चरिय भमेइ ।
 विविह-परीसह-सहण-रुइ मास चियारि गमेइ ॥

[१८२९]

अह सयाणिय-निविण विन्नाय-

सुसंतिण निय-सचिवु भणिउ - भइ किं तइं न-याणिउ ।
 जह चिद्धइ उग्गु तवु तविरु नाहु तिहुयण-वखाणिउ ॥
 गोयर-चरियहं पइ-दियहु पडि-भवणं पि भमेइ ।
 न-उणो केण-वि कारणिण कत्थ-वि भिक्ख गहेइ ॥

[१८३०]

एम्भ अइगय मास चत्तारि

इय कह-वि तहुज्जमसु जेण भिक्ख गिण्हेइ सामिउ ।
 अह सचिवह वयणु अणुसरिवि लोउ गुरु-भत्ति-भाविउ ॥
 गाइरु नच्चिरु पलविरु वि स-मुह परम्मुहि काइ ।
 ढोयइ दाणु अणेग-विहु न उ सामिहि पडिहाइ ॥

इओ य -

[१८३१]

चंपय-नयरिहिं आसि नर-नाहु

दहिवाहण-नामयउ धारिणि त्ति पुणु तस्सु भारिय ।
 तेसिं पि-हु धूय इम वसुमइ त्ति गुण-रयण-सारिय ॥
 अवरावसरि सयाणिइण भग्गु सु स-पुर-नरेसु ।
 धारिणि-देवि वि दुहिय-जुय गेण्णइ सुहड-विसेसु ॥

[१८३२]

भणइ पुणु जण-भज्झि जह - एग

इह होसइ मह दइय इयर कह-वि पुणु विक्किणिस्सउं ।
 ता चित्तइ दुह-भरिय- हियय देवि - भिसि इइय जगि हउं ॥
 जं खंडिय-सीलई दलिय- कुल-मेरा-लज्जाहं ।
 को गुणु पाविय-जीवियइ निगुणहं कुल-विलयाहं ॥

[१८३३]

इय विंचितिर कुगइ-विणिवाय-
 भय-विहुर-माणस-पसर जाय-हियय-संघट्ट धारिणि ।
 पंचत्तह पत्त जय- जंतु-जाय-मण-खेय-कारिणि ॥
 अहमा एस वि मरउ इय परिचिंतिउण सदेण ।
 आणिवि वीहिहिं ओइविय वसुमइ तिण सुहदेण ॥

[१८३४]

तयणु आगिइ-वसिण पवरु त्ति
 कुलु जाइ वि वालियह परिमुणेवि विज्जाणुहाविण ।
 वणि-वरिण धणावहिण तहिं पएसि संपत्त-मिच्छिण ॥
 किंचि-वि मुल्लु पयच्छिउण स-परि नीय सा वाल ।
 निय-नामु वि अ-कहंत तहिं चिट्ठइ गुणिहि विसाल ॥

[१८३५]

दिट्ठ सिट्ठिण धूय-बुद्धीए
 तह मूला-नामियहि निय-पियाए पुत्ति त्ति अप्पिय ।
 तीए वि-हु सच्चविय धूय-मइण सा निव्वियप्पिय ॥
 लोगम्मि वि वित्थरिय निरु पसरिय-गुरु-गुण-माल ।
 अभिहाणिण वणि-वर-कइण एह ज चंदणवाल ॥

[१८३६]

कमिण तहि गुण-गरिम अ-सहंत
 गिरि-गरुयर-दोस-भर- मूल मूल छिह्णइ पळोयइ ।
 अ-नियच्छिर अमरिसिण गमइ दियह हियएण सोयइ ॥
 अह अन्नह मज्झणि गउ भवणि धणावहु सिट्ठि ।
 अ-नियंतउ पुणु माणुमु वि चिट्ठइ चंचल-दिट्ठि ॥

[१८३७]

अह निसग्गिय-विणय-तोरविय
जल-भायणु वेत्तु करि सेट्ठि-वल्लण धोवेइ चंदण ।
जा ताव तहि चिहुर-भरु छुट्टमाणु पिकखेवि सेट्ठिण ॥
मा कहमि निवडिहइ इहु इय परिवित्तंतेण ।
लीलालयहं गहैवि लहु वड्डु धणावहएण ॥

[१८३८]

तावलोयण-ठियहि मूलाए
इहु ददटु विचित्तियउं नूण कज्जु चिट्ठइ विणट्ठउं ।
जं दुण्ह-वि विलसियउं इमह पहु सयमवि-हु दिट्ठउं ॥
इय तरुणु वि छिज्जंतु विस-विडवि सुहावहु होइ ।
जणिण उविकिस्सज्जंतु पुणु अ-मुहु पयासइ लोइ ॥

अवि य -

[१८३९]

वरि हउं मुय वरि हउं म जाय वरि विस-हरिं खदी ।
वरि उब्भा-सूलियहं भिन्न वरि हुयवहि ददी ॥
वरि उव्वंधिय रुक्ख-डालि वरि खड्डुहं घल्लिय ।
मं मइ दिदटु सवत्ति-जुत्तु पिउ हियडा-सल्लिय ॥

[१८४०]

इय विचित्तिर थरह वाहिम्मि
नीहरियइ वणि-पवरि गरुय-रोस-उब्भंत-लोयण ।
निय-परियणु ताडिउण तियस-सिहरि-गुरु-पाव-भायण ॥
मुंडावेविणु चिहुर-भरु नियळाविवि नियलेहि ।
मज्झि पवेसाविवि घरहं चंदण ठविय खळेहि ॥

[१८४१]

अह धणावह-सेट्ठि अ-नियंतु
 घरि चंदणवाल परिफुरिय-अमुहु पुच्छेइ परियणु ।
 न य किं-वि कहेइ कु-वि तयणु मन्नु-जल-भरिय-लोयणु ॥
 सेट्ठि गमावइ कह-वि दिण तिन्नि चउत्थ-दिणे उ ।
 तमु बुद्धहं सयलु वि कहिउ निय-जिउ पणु मिल्लेउ ॥

[१८४२]

तयणु मूलह समुहु जंपंतु
 अ-समंजस-बहु-विहइं फुरिय-कोव कंपंत-कंधरु ।
 उग्गाडइ निय-करिहिं घरह दो-वि दाराइं वणि-वरु ॥
 जा ता सारय-ससि-विमल- निय-गुण-गणिण विसाल ।
 पेक्खइ अट्ठम-तव-सुसिय-तणु-लय चंदणवाल ॥

[१८४३]

तयणु - धिसि धिसि देव्व तइं इमह
 किह एरिस विहिय दस पाव-मूलि मूलि वि कहेरिसु ।
 तुह चंदणवाल-कुमरियह उवरि संजाउ अमरिसु ॥
 इय बोल्लंतउ पुणु पुणु वि पयडिय-अंसु-पवाहु ।
 जोयइ भोयणु चंदणह जोग्गउं बुद्ध-सणाहु ॥

[१८४४]

न-उण किं-चि वि विहि-निभोषण
 तं तारिसु तहिं समइ कुमरि-जोग्गु भोयणु पलोयइ ।
 समओच्चिय नियवि पुणु सुप्प-कोणि कुम्मास दोयइ ॥
 अह लोहारह परि गयउ नियल-विहाडण-हेउ ।
 ता दहिवाहण-निय-दुहिय करि कुम्मास गहेउ ॥

[१८४५]

जूह-विरहिय-वर-करेणु च्व
 मुत्ताहल-थूल-नयणंसु-धार-परिसित्त-वयणिय ।
 सुमरेविणु निय-घरह कयइ करुणु सिमु-हरिण-नयणिय ॥
 जणणिहि मरणिण पिउ-विरहि वंधुहुं विणु वि दुहत्त ।
 बिलवइ चंदणवाल गिरि- गरुय-सोय-संतत्त ॥

[१८४६]

अहह कह मह ताई दियहाई
 सा चंपा-नयरि कहि कत्थ ताई स-सहियण-ललियई ।
 दहिवाहण-निबु सु कहि कह ति मुहई निय-जणणि-जणियई ॥
 कह-व सुरासुर-पहु-दुलह ते आहार असेस ।
 अट्टम-भत्तहं अंति इहि किह कुम्मास-विसेस ॥

[१८४७]

अहव जइ कु-वि अतिहि इह एज्ज
 ता तस्सु इहु निय-करिहि सयल-दोस-परिमुट्ठु कप्पउं ।
 वियरिप्पिणु दाणु हउं करहुं अज्जु कय-किच्चु अप्पउं ॥
 इय चित्तिरह महा-सइहि चंदणवालह गेहि ।
 सामि पहुत्तउ तयणु गुरु हरिमु फुरिउ तसु देहि ॥

[१८४८]

अहह दमगह घरि कणय-बुद्धि
 मरु-मंडलि कप्प-तरु काम-धेणु घर-अजिरि रोरह ।
 जं एरिस-दसई मह सविहि हुयउं आगमणु वीरहं ॥
 इय चित्तिर मन्नंत निरु जगि कय-किच्चउं अप्पु ।
 चंदणवाल गहेवि निय- करि कुम्मासहं सुप्पु ॥

[१८४९]

भणइ - कप्पहि नाह जह तुम्ह

कुम्मास इहि एरिसय ता पसीय महुवरि पडिच्छह ।
 अह भुवण-पियामहिण भुणिवि सुद्धि वर-कमल-सच्छह ॥
 हत्थ पसारिय तक्खणिण भज्जिवि नियल तडच्चि ।
 चलणिहि मणि-मंडिय-कणय नेउर जाय झड सि ॥

[१८५०]

* अह पवहदिय-केस-पासाए

वियसंत-मुह-पंकयए तीए दिन्न कुम्मास नाहह ।
 तह पंच-दिणोण-छम्मास- अंति पारणु अ-वाहह ॥
 हुयउं तयणु गयणह पडिय घरि तहिं कंचण-बुद्धि ।
 जणि स-नराहिवि आवियइ जय-जय-रवि उग्गुद्धि ॥

[१८५१]

अमर-वियरिय-वत्थलंकार-

परिमंडिय-सयल-तणु दुगुणि-हृय-छायण चंदण ।
 तक्काल-समागइण धुणिय स-सुर-सोइम्म-ईदिण ॥
 धन्न तुंस चिय जीए जय- पहु पाराविउ पहु ।
 इय अहरेण वि हवसि तुहुं असम-सुगइ-सुह-मेहु ॥

[१८५२]

तम्मि तिहुयण-पहुहु पारणइ

गरु-हरिस-पुल्लयंकुरिय नट्टु गेउ वाइत्तु मंडहि ।
 स-नरामर-तरुणि अवरे वि नियय-विम्माणु-चड्डहि ॥
 जाय पसिद्धि असेसि पुरि जह - गुरु-गुण-मालाए ।
 पाराविउ अत्तरण-सरणु पहु चंदणवालाए ॥

* The portion of the text from 1850 to 1884 is partly blurred in Ms. क. and hence only partly utilizable.

[१८५३]

अह धणावह-सेट्टि-पमुहम्मि

तहिं मिलियइ नयर-जणि भणिउ निवह कंचुगि-मणंसिण ।

जह — नाह दहिवाहणह निवह धूय एह पाव-पुरिसिण ॥

केण-वि इह आणीय अह निय-अंकम्मि ठवेवि ।

वाह-जळाविल-नयण-जुय भणइ मिगावइ देवि ॥

[१८५४]

अज्जउत्तय एस धारिणिहि

दहिवाहण-निव-पियह धूय सा उ मह भइणि सोयर ।

अह सेट्टिहि पुरउ नर-वरिण पुट्ट पुट्टिन्ल-वइयर ॥

चंदण नेयाविय स-घरि कणगु गहिउमाटुत्त ।

ता मोहम्म-सुराहिविण पुरउ नरिंदह वुत्तु ॥

[१८५५]

जह — नराहिव तुह न आलद्धु

इहु कंचणु किंतु जसु कसु वि देइ चंदण तसु च्चिय ।

निय-वयणिण चंदण वि देइ कणगु तसु सेट्टिणो च्चिय ॥

अप्पणु पुणु जय-पहु-पुरउ सु-थिरु करेविणु चित्तु ।

चंदणवाल पवज्जिसइ सिव-मुह-जणगु चरित्तु ॥

[१८५६]

कन्न-अंतेउरि नरिंदेण

अह चंदण परिखिविय सेट्टिणा वि सा पाव मूलय ।

उप्पाइय-सुट्टि-सयण-पमुह-सयल-जय-जंतु-मूलय ॥

सयलि वि नयरि विडंविउण निब्भच्छेविणु हच्छु ।

निस्सारिय निय-घरह दुहिहेय जह वालुय-मच्छु ॥

१८५३. ३. मणसिय. ८. बाहु. जुव.

१८५४. ५. क. वइयर.

[१८५७]

भुवण-बंधु वि महि विहरंतु
 विसहंतुवसगा-सय दिव्व-तिरिय-माणुसिय वहु-विह ।
 परिवालइ अप्पु जिह भुवण-उयर-गय जीव छव्विह ॥
 एवं-कारिण कालु तसु गउ छउमत्थत्तेण ।
 जु सु साहिज्जइ छेसयर पुव्व-सूरि-उत्तेण ॥

जहा -

[१२][१८५८] वारस चेव उ वासा मासा छ च्चेव अद्ध-मासो य ।
 वीर-वरस्स भयवओ एसो छउमत्थ-परियायो ॥

[१८५९] एयम्मि य परियाए जो अणुचिःनो तवो जिण-वरेण ।
 वीरेण भयवया तं कहिज्जमाणं निसामेह ॥

[१८६०] नव-चउमासिय खमणे छक्किर दो मासिए अकासी य ।
 वारस य मासियाइं वावत्तरि अद्ध-मासाइं ॥

[१८६१] एगं चिय छम्मासं दो पुण ते-मासियाइं खमणाइं ।
 अइढाइय-मासाइं दो दो दिवइह-मासाइ ॥

[१८६२] दोहिं अहो-रत्तेहिं भइ-प्पडिमं अकासि वीर-जिणो ।
 चउहिं च महा-भइं दसहिं पुण सव्वओ-भइं ॥

[१८६३] पढमाए उवसग्गो चउ-जामा चउ-दिसं पि पत्तेयं ।
 वीयए अहोरत्तं तं चिय तइयाए दिसि-दसगं ॥

[१८६४] पंच दिवसेहिं ऊणं खमणं छम्मासियं च कासी य ।
 गोयर-चरिय समोओ घोराभिग्गह-धरो धीरो ॥

[१८६५] वारस य एग-राइय पडिमाओ अट्टमेण भत्तेण ।
चरमाए रयणीए काउस्सगोववेयाओ ॥

[१८६६] दो चेव य छट्ठ-सए अउणत्तीसे अकासि जिण-वसहो ।
आसी य निच्च-भत्तं चउत्थ-भत्तं च न कयावि ॥

[१८६७] अउणप्पन्नं तिन्नि य सयाइ वीरस्स पारण-दिणाणं ।
बहुय-सयाणि य आसी उक्कुडुय-निसिज्ज-पडिमाणं ॥

[१८६८] एवं तवोगुण-रओ छउमत्थो विहरिउं अ-पडिबद्धो ।
घोरं परीसह-चमुं अहियासंतो महावीरो ॥

[१८६९]

हत्थ-उत्तर-जोइ वइसाहि
परिसुद्ध-दसमिहिं तिहिहि कमिण गामि जंभियगि पत्तउ ।
पंचाणण-पोयगु व धीर-चरिउ मम-भाव-वत्तउ ॥
उक्कुडुगासणु साल-दुम- तलि कय-छट्ठ-तवंति ।
पाविवि करणु अ-पुव्वु निरु आयाविरु भयवं ति ॥

[१८७०]

उज्जुवालिअ-नइहि तीरम्मि
सुर-गिरि व अ-कंप-तणु निसिय-नयणु रुक्खम्मि पुग्गलि ।
उरुस्सगिण ठियउ परिवद्धमाणि सिय-ज्ञाण-मंगलि ॥
अह ज्ञाणंतारियहं गयइ खविय-घाइ-कम्मस्सु ।
जायउं केवल-नाण-धणु सामिहि वीर-जिणस्सु ॥

[१८७१]

चलिय-आसण सयल-तियसिंद

तत्थागय स-परियण कुणहिं पहुहु केवल-महा-महु ।
 कुब्धंति य मणि-कणय- रूप-मइय पायार सुर लहु ॥
 ता भयवत्तिण अमर-नर- सहं पयासित धम्म ।
 न उ परिसहं नहं हु उ कमु वि चरणु जणिय-सिव-सम्भु ॥

[१८७२]

अह वियाणिवि भावि-उवयारु

पावाए मज्झिमहं समवसरणि सुर-गणिण जणियइ ।
 नव-कंचण-कमल-कय- चळणु सामि आगंतु निसियइ ॥
 तयणु सुरासुर-निव-निवहु पहुहु सविहि आगंतु ।
 विणय-नमिरु सामिहि वयणु निमृणइ हरिसिज्जंतु ॥

[१८७३]

एत्थ-अंतरि तियस-आगमण-

परिविम्भिय-हियय बहु- भेय-सीस कय-सुद्ध-बुद्धिय ।
 सिरि-गोयम-पमुह दिव- वग्ग मज्झि पाविय-पसिद्धिय ॥
 आरंभिय-निय-जाग-विहि मुणियागय-जिण-नाह ।
 गुरु-अहिमाणिय पुच्च-कय- मणहर-कम्म-सणाह ॥

[१८७४]

पउर-परियण पत्त उवज्झाय

एवकारस-संख अह- कमिण सच्चि निय-नाम-गोत्तिण ।
 आमंतिय जिण-वरिण तयणु ज्ञत्ति विम्भिय स-चित्तिण ॥
 निय-निय-संसय-तरु-नियर- मूलइं उम्मूलेवि ।
 जिण-वयणिण चरणाचरण- नियल्ल स-लील्ल दलेवि ॥

[१८७५]

बहु-पयारिहिं जणिवि अ-समाणु

माहप्पु जिण-सासणह गरुय-हरिस पम्भार-पुलइय ।
 पडिबज्जहिं दिक्ख पहु- पुरउ सव्वि अहिलसिय-सुगइय ॥
 तयणंतरु उपत्ति-वय- धुव-वयणाइं गहेउ ।
 कुणहिं दुवालस-अंग-मउ सुत्तु सिद्धि-सुह-हेउ ॥

[१८७६]

अह स-हत्थिण गरुय-रिद्धीए

ते तत्थ एक्कारम वि ठविय जिणिण वर-गणहरत्तणि ।
 सा चंदणवाल पुणु गहिय-दिक्ख कय निय-पवत्तिणि ॥
 अन्नेसि वि नर-नारियहं बहुयहं दिन्नु चरित्तु ।
 वियरेविणु केसिं पि पुणु सावय-धम्म पवित्तु ॥

[१८७७]

कणय-कमलिहिं निसिय-पय-पउमु

सुर-चारण-धुय-चलणु दलिय-डमरु दुन्नय-विहंडणु ।
 तइलोय-परिप्फुरिय- गरुय-मोह-माहप्प-खंडणु ॥
 निच्चु वि पमुइय-सयल-जण- पयडिज्जंत-महम्मि ।
 कम-जोगिण सिरि-वीर-जिणु पत्तउ रायगिहम्मि ॥

[१८७८]

तत्थ सेणिय-निवइ उज्जाण-

परिवाल्लग-विन्नविउ वडल-हरिस-रोमंच-अंचिउ ।
 जय-कुंजरि आरुहिवि तणुहिं असम-सिगार-संचिउ ॥
 अभयकुमार-प्पमुह-निय- सार-लोय-संजुत्तु ।
 वंदण-हेउ जय-प्पहुहु अवगह-महिहिं पहुत्तु ॥

[१८७९]

ता नमंसिचि सामि विद्धि-पुव्वु

उचियासणि उवचिसइ निवइ नियय-परिवार-सहियउ ।
 तयणंतरु जिणिण तसु दुव्वियप्पु निय-धम्म कहियउ ॥
 तह जह सो सावय-पवरु हुयउ अवर-असमाणु ।
 अवरु वि चरणि पवन्नु बहु जणु कय-जिण-बहु-माणु ॥

[१८८०]

अह जिणाहिबु पउर-परिवारु

तियसिंद-सेविय-चलणु कमिण पिट्टिचंपहं पहुत्तउ ।
 तहि पणमिवि साल-महसाल-निवइ-जुवनिविहिं वुत्तउ ॥
 सामिय अम्हहं कहसु कु-वि धम्म तयणु वीरेण ।
 चरण-धम्म तह अक्खियउ तेसि जह अइरेण ॥

[१८८१]

पिठर-जसमइ-तणु-समुब्भूउ

गुण-रयणालंक्रियउ भाइणेज्जु नियइल्लु गग्गलि ।
 सु-पवित्तइ लगिग निय- रज्जि ठविउ किज्जंति मंगलि ॥
 अप्पणु पुणु जय-सामियह पासि गहीउ चरित्तु ।
 भगवंतु वि चंपहं गयउ जगु वि कुणंतु पवित्तु ॥

[१८८२]

अवर अवसरि साल-महसाल-

पमुहेहिं महा-मुणिहिं समगु तत्थ गोयप्पु पहुत्तउ ।
 ता गग्गलि-पिउ जणणि- संहउ चरण-आचरण-चत्तउ ॥
 चरणु पवज्जइ तयणु जिण- वंदण-कइ चलियाण ।
 भाव-विसेसिण नाणु हुउ तहं पंचहं समणाण ॥

[१८८३]

पत्तु गोयमु सविहि सामिस्तु

इयरे वि पंच वि समण गच्छमाण केवलिहिं परिसहं ।
 गणहारिण भणिय - नणु किं न नमह जिणनाह-पायहं ॥
 अह सिरि-वीर-जिणाहिविण भणितं - म आसाएहि ।
 गोयम केवलि-सहहं परिसप्पिर केवलि एहि ॥

[१८८४]

तयणु गोयमु खेयमावन्तु

परिचितइ - नणु किह णु पच्छिमाहमवि इवइ केवल्लु ।
 न उ मज्झ ता जिण-वरिण भणित - कुणमु-मा खेउ निप्फल्लु ॥
 तुल्ल-सरुवय इउं तुहुं वि जं होइसहुं नियाणि ।
 जिण अट्ठावइ जो थुणइ तमु सिद्धि त्ति वियाणि ॥

[१८८५]

इय सुणेविणु वयणु जिण-वरह

अट्ठावय-गिरि-समुहु इंदभूइ-गणहारि चलियउ ।
 अह पुव्व-चडंतइहिं किस-तणूहिं नणु एहु वलियउ ॥
 ता किह चडिहइ गिरि-सिहरि इय परिचितउ तेहिं ।
 इग-दुग-तिग-मेहल-गइहिं चउ-छ-अट्ठ-तवएहिं ॥

[१८८६]

कंद-तरु-फल-सुक्क-सेवाल-

पारणय-तणु-ट्ठिहिं पंच-पंच-पंचसय-तवसिहिं ।
 पेक्खंतिहिं गोयमह समुहु समण अ-णिमिसिहि नयणिहि ॥
 अट्ठावय-गिरि-गुरु-सिहरि चारण-लद्धि-समेउ ।
 आरूढउ गोयमु खणिण पसरिय-गुरु-तव-तेउ ॥

[१८८७]

[१३] आयासु जासु जोयण-पमाणु ।
 जहिं रिसहह हू सिवपुरि-पयाणु ॥
 गाउयइं तिन्नि उच्चत्तु कहिउ ।
 तं तित्थु पवरु अमरेहिं महिउ ॥

[१८८८]

ससि-निम्मल-मणिमय-चउ-दुवारु ।
 निम्मविचे-विविह-चित्त-प्पयारु ॥
 सुर-सिहरि-चूल-समु सिहरु जासु ।
 को वन्निउ सक्कइ सोइ तामु ॥

[१८८९]

जहिं घडिय-पवर-पुत्तलिय-पंति ।
 अवयरिय-वरच्छर नं सु-कंति ॥
 पणवन्न-रयण-कर-विष्फुरंति ।
 नं इंद-चाव-सय वित्थरंति ॥

[१८९०]

उत्तत्त-कणय-मउ कलसु भाइ ।
 रवि-विंजु उदय-गिरि-सिहरि नाइ ॥
 तुंगत्तिण रवि-सोमहं विलग्गु ।
 नं भवियहं दरिसइ सिद्धि-मग्गु ॥

[१८९१]

गव्व-हर-मज्झि मणि-पेढियाए ।
 उसभाइयाण सम-सेढियाए ॥
 पडिमाउ जिणाण पसन्नियाउ ।
 निय-वन्न-पमाण-समन्नियाउ ॥

१८९०. २. क. दयगिरि.

१८९१. ३. क. पडिमाओ, पसन्नियाओ. ४. क. समन्मियाओ.

[१८९२]

जहिं सुह-मंडव सोहहिं चउदिसि मण-हरण ।
 पुरउ वि पच्छा मंडव बर-वंभाहरण ॥
 पयिम-धूम-बीरकख-महिद-ज्जय-पवर ।
 एवमाइ नदीसर-जिणहर-सरिस पर ॥

*

[१८९३]

तम्मि तारिसि भरह-जिण-भवणि
 सिरि-गोयम-सामि घण- गहिर-झुणिण वंदेइ जिण-वर ।
 अवरे वि पहुत्त जिण- वंदणत्थु तहिं अमर-नहयर ॥
 अह जिण-बरहं अवग्गहह वहिहि ठाउ गणहारि ।
 तियसामुर-नहयरहं तहं कहइ धम्म सुह-कारि ॥

[१८९४]

तत्थ सयल वि निसि गमावेवि
 उदयम्मि दिवायरह गणहरिंदु उत्तरण लग्गउ ।
 पेक्खंतहं तावसहं तस्सु महिम स-मरददु भग्गउ ॥
 नियड-पहुत्तह गोयमहु पुणु पणमेप्पिणु पाय ।
 दिक्ख पवज्जहिं पनरस वि तावस-सय किस-काय ॥

[१८९५]

तयणु गोयसु गुण निवेयंतु
 तइलोय-चुडामणिहि पुरउ ताहं तावसहं सयलहं ।
 एगम्मि महा-नयरि मज्झ-दियहि संपत्तु तावहं ॥
 पुरउ पयंपइ तावसहं तुम्हहं भोयणु अज्जु ।
 किं दिज्जउ इयरि वि भणहिं जह पायसु निरवज्जु ॥

[१८९६]

अह निजोदर-पूर-परमन्तु

आणेप्पिणु गणहरिण भणिउ पुरउ तावसहं - भुंजहं ।
 इयरे वि स-विम्हइय एत्तिण हविहइ किमम्हहं ॥
 अहव गुरु च्चिय जाणिसइ इय समगु वि चितंत ।
 भुंजहिं पायसु पनरस वि तावस-सय छुहवंत ॥

[१८९७]

इंदभूइ वि विहिय-भोयणहं

सव्वेसि वि तावसहं पच्छिमम्मि कालम्मि भुंजइ ।
 पुव्वाणिय-मेत्तु परमन्तु सयलु मुणि-जणु वि रंजइ ॥
 तह सेवालय-पारणिय- तावस-पंच-सयाहं ।
 जायउं केवलु ससि-विमल-झाणहं भुंजताहं ॥

[१८९८]

सुक्क-तरु-फल-विहिय-पारणहं

डिन्नाइ-पंच-स्सयहं मुणिहिं नाणु मग्गम्मि जायउं ।
 कोडिन्नाइण पुण कंद-मूल-पार[ण]हं हूयउं ॥
 केवल-नाणु विसुद्ध-सिय- छेसहं मुणि-वसहाहं ।
 निय-लोयण-सच्चविय-जिण-समवस्सरण-झयाहं ॥

[१८९९]

कमिण गोयमु पत्तु जिण-इंद-

पय-मूलि इयरे उ मुणि दाउ तिन्नि नाहह पयाहिण ।
 उवविट्ठ केवलि-सहहं गोयमो वि गहियउ विसाइण ॥
 जंपइ - पहु इहि मुणि-वसह धन्न अहं तु अहन्तु ।
 अणहुय-केवलु भमिसु निरु चिरु संसार-अरन्तु ॥

१८९६. ७. क. चितंतु.

१८९७. ४. क. परमतु.

१८९८. २. दिन्नाइ, ५. क. ख. पारहं,

[१९००]

अह जिणाहिबु मुणिवि गणहरह

मणु गिरि-गुरु-खेय-गउ भणइ — किह णु गोयम विस्सरसि ।
 धुवु हविहइ मह तुह वि सिव-गइ त्ति इहु किं न-याणसि ॥
 किं पुण चिर-परिओसि तुहुं मह इय दढ-पडिबंधु ।
 उज्झसि जइयहं तइयहं जि तुह केवल-संबंधु ॥

अन्नं च —

[१९०१] गोयम चत्तारि कडा सुंठ-कडो विदल-चम्म-कडगा य ।
 कंवळ-कडो य महवरिं कंवळ-कडगु व्व तुह नेहो ॥

[१९०२] एत्थंतरम्मि गोयम निस्साए पन्नवेइ अज्झयणं ।
 दुम-पत्तयं जिणिदो दितो सीसाण अणुसट्ठि ॥

[१९०३] दुम-पत्तए पंडुयए जह निवडइ राय-गुणाण अच्चए ।
 एवं मणुयाण जीवियं समयं गोयम मा परायण ॥

[१९०४] कुसग्गे जह ओस-विंदुए थोवं चिट्ठइ लंघमाणए ।
 एवं मणुयाण जीवियं समयं गोयम मा पमायए ॥

[१९०५]

एम्ब गोयम-सामि संठविउ

तयणंतरु वीर-जिणु कमिण पत्तु सावत्थि-नयरिहिं ।
 वणि कोट्ठग-नामगइ समवसरिउ ता अमर-नियरिहिं ॥
 परिधुव्वंतउ धम्म-कह आरंभइ परिसाए ।
 पविसइ गोयम-सामि पुणु पुरिहि मज्झि भिक्खाए ॥

१९०२. ४. क. हितो.

१९०५. ४. कोट्ठग, ५. क. नियरिहिं.

[१९०६]

तम्मि अवसरि तीए नयरीए
 गोसालउ पाव-मइ अ-जिणु अप्पु जिण-वरु ति ठाविरु ।
 आयन्निउ गोयमिण तयणु अहइ किमिमं ति भाविरु ॥
 साहइ गंतु जिणेसरह गोसालय-वुत्तंतु ।
 भयवंतिण वि निवेशयउ तसु वइयरु जह-वुत्तु ॥

[१९०७]

तयणु जण-मुह-मुणिय-जिण-वयणु
 जंपतु अ-समंजसइ तेय-लेस-लदीए गाविउ ।
 गोसालउ पाव-मइ जिणह समवसरणम्मि आबिउ ॥
 दोन्नि महा-रिमि निइहइ पहु-परिहवु अ-सहंत ।
 ता जिण-इंदस्स वि मुयइ तेय-लेस पजलंत ॥

[१९०८]

किंतु सामिहि पास-देसेसु
 परिभमिउण तसु तणुहुं तेय-लेस तक्खणि पविट्ठिय ।
 फल-दायग तहिं जि भवि हय वुद्धि दुक्खिणय-दुट्ठिय ॥
 अह गोसालउ मरिवि निय दुक्कय-मुक्कय-गिहु जाउ ।
 भयवंतु वि विहरंतु धर मेंडिय-गामि पराउ ॥

[१९०९]

किंतु दाह-ज्जरिण अइसार-
 रोगेण य पीडियउ गमइ दियह कित्थिय वि जय-पहु ।
 अह सीहय-खुइडलउ रुयइ गंतु तरु-मूलि अइ-वहु ॥
 ता भयवंतिण वेयणिय-अंति सु सदावेवि ।
 आणाविवि रेवइ-घरह ओसहु उवजीवेवि ॥

[१९१०]

लहु जलंजलि दिअ रोगाई

परितुहउ संपु मणि हरिस-बिबस हुय तियस-तरुणि वि ।
 भयवंतु वि नाण-रवि विविह-पुरिहि चिर-कालु विहरिवि ॥
 पत्तु अपावा-नामियई नयरिहि हय-जय-रोमु ।
 ता विरइउ तियसासुरिहि समवसरणु कय-तोमु ॥

[१९११]

तत्थ निवसिवि नाहु वित्थरिण

तियसासुर नर-सहई काल-चक्कु सयलु वि परूवइ ।
 सूरसम्मह दिय-वरह बोह-हेउ गोयमु पठावइ ॥
 तीम-दुवालस-सेस-जुय-गिहि-छउमत्थत्ते वि ।
 किंचूणय-तीसइ वरिस केवल-नाणु धरेवि ॥

[१९१२]

सव्व-आउय-कम्म पाळेवि

वाहत्तरि-वरिस-परिमाणु तयणु कत्तियह मासह ।
 साइयहि अमावसई नाग-करणि पहु सिद्धि-वासह ॥
 संपत्तउ छट्ठिण तविण इंद-प्पमुहु समग्गु ।
 लाइवि सिव-पहि मुणि-समणि- सावय-साविय-वग्गु ॥

[१९१३]

तयणु सयलु वि अंत-कायव्वु

तियसासुर-नरवइहि विहिउ तत्थ जइ-जोगु नाहइ ।
 तयणंतइ मन्नु-भर- भरिय-नयण परिचुक्क लाहइ ॥
 जायइ दु-सइइ पहु विरहि गरुय-दुहाणल-तत्त ।
 पुणरवि एरिसु भवण-पहु दुलहउ इय चिंतंत ॥

[१९१४]

अंधयारिउ सयलु वि वंभंडु

सुसुमूरिउ चरण-निवु दलिय-दप्प धम्मि-यण-माणस ।
 जगि मोह-नरिंद-सुय राय-दोस परिभमहिं स-हरिस ॥
 इय तियसासुर-समण-सय सोयहिं डरिय स-चित्ति ।
 जय-सुहयरि सिरि-वीर जिणि सिव-नयरम्मि पट्टत्ति ॥

[१९१५]

एत्थ-अंतरि सामि-वयणेण

सुरसम्मह वंभणह करिवि धम्मि पडिवोहु निम्मलु ।
 आवंतु गोयमु जिणह सविहि सुणइ मग्गे वि कसमलु ॥
 तियसासुर-नहयर-तरुणि- निवहु नहिण गच्छंतु ।
 दीहर-सासिहि मंसलिउ अइ-सकरुणु पळवंतु ॥

[१९१६]

अहह रयणि व गलिय-ससि-विंव

गय-दिणयरु वासरु व सुसिय-सलिलु माणस-सरं पिव ।
 तोडिय-फलु तरुवरु व खलिय-सीलु मुणि-मंडलं पि-व ॥
 जायउं भुवणु अ-सेसु इहु वीर-जिणिंद-विओइ ।
 पेक्खंतहं वि सुरासुरहं वंधव जोइ-न जोइ ॥

[१९१७]

तयणु - किं एहु भणहिं सुर-असुर

किमु सामिउ अत्थमिउ अहव अ-सिवु किं किं-पि जायउं ।
 इय गोयमु चित्तयरु जाय-हियय-संगट्टु पडियउ ॥
 सुद्ध-धरायलि अह खणिण संपाविय-वेयन्तु ।
 इंदभूइ उत्तम्मिउण चित्तइ मुहिण विवन्तु ॥

[१९१८]

अहह पिच्छहु चत्त-करणेण
 भयवन्तिण जं विहिउ किं हउं वि पहु-भत्ति-वज्जिउ ।
 जं विप्प-बोहण-मिसिण जिणिण अप्प-पासह विसज्जिउ ॥
 अप्पणु पहु गउ सिव-पुरिहिं हउं पुणु मुक्कु अ-णाहु ।
 अहव कुणंतह परिसउ तसु अग्गलउ कु लाहु ॥

[१९१९]

जइ वि डज्जसि हियय डज्जेसु
 अह फुट्टसि फुट्टसु फुट्ट तह-वि चत्तु तुहुं सामि-सालिण ।
 रज्जंतउ वीर-जिणि अणणुरत्ति धुवु खट्ठु कालिण ॥
 जम्हा अ-सलिलु पंकु इहु एह अ-नियला गुत्ति ।
 पंजरु एहु अ-दारुमउ नेहु जु दइय-जणि चि ॥

[१९२०]

अहव सामिउ राय-दोसेहिं
 परिवत्तउ इय कसु वि उवरि नेव पडिवंधु पयडइ ।
 इय मारिसु नेहु तहिं जिणि कुणंतु अप्पाणु विनडइ ॥
 ता जहिं पत्तउ वीर-जिणु दलिवि कम्म-नियलाइं ।
 तहिं जाइवि भुंजिसु हउं वि निय-सुकयाहं फलाइं ॥

[१९२१]

इय विचित्तिरु सुद्ध-परिणामु
 खउ घाइ-कम्मह करिवि तहिं वि नाणु केवलु समज्जइ ।
 अह केवलि-महिम सुर कुणहिं गयणि दुंदुहि वि वज्जइ ॥
 ता गोयम-सामि-प्पमुह गणहर दस वि समत्थ ।
 दाउ सुहम्म-स्सामियह भव-विराय-पडिइत्थ ॥

१९१९. ३. क. चित्त. ९. क. ज.

१९२१. ८. क. सामियह.

[१९२२]

स्वविय-निय-निय-पाव-कम्माण

उवलंभिय-नाण-धण वइय-सयल-भव-भाव-बंधण ।
 पडिवोहिय-भविय-जण निहय-कम्म अणुगामि-मुणि-गण ॥
 काइय-वाइय-माणसिय- जोग-त्तइण विउत्त ।
 इग-सामइयहं रिजु-गइहिं सिव-नयरम्मि पहुत्त ॥

[१९२३]

सिरि-सुइम्म-स्सामि पुणु समण-

सहसेहिं वइहिं सह विहरमाणु सयलहं तिप्पिसुहहं ।
 पडिवोहु कुणंतु दिण- नायगु व्व बहु-भरि-कमलहं ॥
 सेणिय-पमुह-नराहिवइ- निवह-विहिय-पय-सेहं ।
 कालु गमावइ कित्तिउ वि नाण-परिषु अ-छेत्तु ॥

[१९२४]

जंबु-सामिहि दाउ निय-गेच्छु

वित्थारिवि धरहं जसु विहिय-अंतु निय-पाइ-कम्महं ।
 कय-केवल-नाण-धणु हुयउ गेहु सिव-वास-सम्महं ॥
 चंदणवाल पवत्तिणि वि निरुवम-समणि-सणाह ।
 उप्पाडिय-वर-नाण-भर गय सिव-पुरिहिं अ-वाह ॥

[१९२५]

आसि चउदह-सहस-समणाण

समणीण छत्तीस इगसदटु लक्खु सावयहं विमलहं ।
 अट्टारस-सहस-समहीय तिन्नि सय-सहस सुकुलहं ॥
 निम्मल-सीलहं सावियहं निरुवम-धम्म-धुराहं ।
 वीर-जिणिंदह जय-गुरुहु निरु आपस-पराहं ॥

[१९२६]

अह सुहम्म-स्सामि-संतापि

कम-जोगिण बहु-विहिहि सु-गइ-गइहि आयरिय-पवरिहि ।

जिणचंद-मुणिद-पय- पउम-भसल-सिरिचंद-हरिहि ॥

नाम-मंतु सुमरंतपण इहु विणेय-वेसेण ।

सिरि-हरिभइ-मुणीसरिण चरिउ रइउ छेसेण ॥

इति श्री-श्री चंद्र-सूरि-क्रम-कमल-भसल-श्री-हरिभद्र-

सूरि-विरचितं श्री-वीर-चरितं समाप्तमिति ॥

[१९२७]

इय सुणेविणु वीर-जिण-इंद-

अक्खाणउं संख-ग्णि अप्प-पंचसु वि गरुय-हरिसिण ।

पडिवज्जिवि-निय-इहु पुव्व-उत्तु आप्सु सीसिण ॥

अट्ठिमिउण एक्का स वि अंगइं सुत्तथेहि ।

भावेउण अप्पाणु जि- कहिय-वत्थु-सत्थेहि ॥

[१९२८]

अरिह-विदहं करिवि सम्माणु

मणि सिद्ध-मंतइं धरिवि तित्थनाह-सासणु पहाविवि ।

सम्माणिवि गुरु-धविर विउस-खमग-मुणि-वसह सेविवि ॥

अग्नि वि तित्थयरत्त-फल- ठाणइं परिसीलेवि ।

पत्तउ अवराजिय-अमर- मंदिरि तणु मिल्लेवि ॥

[१९२९]

जसमई वि-हु चरिय-चारित

सह संख-बंधव-सचिव- मुणिहिं तियस-भाविण पटुत्तिय ।

अवराजिय-सुर-भवणि तम्मि चेव मुकय-प्पवित्तिय ॥

अह तेत्तीसइ अयर-ठिइ असम-हरिस-पसरेण ।

पाल्हि पव वि ताई तहिं पसरिय-मुकय-भरेण ॥

इति श्रीमन्नेमिजिन-राजीमत्योश्चत्वारो

मनुष्यभवाश्चत्वारः सुरभवा इत्येव-

मष्टौ भवाः समाप्ता इति ॥

*

* The portion from भसल to सहसिण अवलो* (v. 1934) is partly blurred and illegible in क.

१९२६. १. क. ख. जिणिचंद, ७. क. वेसण, ख. दिवण.

१९२९. ५. पवत्तिय.

शुद्धिपत्र

अशुद्ध	शुद्ध	अशुद्ध	शुद्ध
छंद चरण		१५. २	—गुण—
५. ८ नय	न-य	१८. ६ सचउं	सच्चउं
७. १ बहु	बुहु	१००. ५ भुज्ज खंडु	भुज्ज-खंडु
११. ८ वसुंधर-सिरि तिलह	वसुंधर-सिरि- तिलह	१०२. २ विमल-हप	विमल-पह
१२. ८ —णिवेस समिद्धि—	—णिवेस-समिद्धि	१११. १ वि	वि
१३. १ —हरिणक	—हरिणक—	११८. ५ कुमरि कारणि	कुमरि-कारणि
२०. ३ सचिव धवल—	सचिव-धवल—	११९. ५ —पसरिण—	—पसरिण
२७. १ उट्टिविविहिय—	उट्टिवि विहिय—	१२०. ३ रोम-राह—	रोम-राह—
२९. ५ कहहिं देव	कहहिं—देव	१५३. ९ रेण	रेणु
३४. ४ देव-गुरु	देव-गुरु—	१५६. ८ अग्नि विथ वणि	अग्निवि धवणि
३६. ३ कथूरिय	कथूरिय—	१८९. ५ सिच—	सिच—
३६. ७ अप्प-णमिर—	अप्पणमिर	१९३. ६ —निबह	—निबह—
३७. ७ —अमिहाणु	—अभिहाणु	१९४. ७ —दोस—	—दोस—
३९. ५ संधि—	संधि—	१९८. १ मज्जि	मज्झि
४०. ४ —गह	—गह—	२०१. ८ पिहु	पिहु
४१. ५ जंपइ य	जंपइ य—	२०४. ५ बहुयउं	ब हुयउं
४२. ७ भणइ	भणइ—	२११. ५ कपतरु—लेसिण	कपतरु लेमिण
४३. २ आसत्त—	आ-सत्त—	२१९. १ धणु—महीनाहु	धणु महीनाहु
४४. ८ नियय	नियय—	२२८. ४ सुस्सुसइ	सुस्सुसइ
४६. ४ जह	जह—	२२९. ७ —पवित्त	—पवित्त
४७. ९ फुरिय हरिसेण	फुरिय-हरिसेण	२३७. ८ परिबिजय—	परिविजय—
५०. १ विचित्तिउ	वित्तिउ—	२४४. २ आसग्ग-वेणिउ	आ-सत्त-वेणिउ
५०. ४ धण नामु	धण-नामु	२५४. २ सकल	स-कल
५१. १ कुमारस्सु	कुमारस्सु	२५९. ८ महि गोयरु	महि-गोयरु
५४. ६ —फलोणमिय—	—फलोणमिय—	२६३. ३ —सचित्तउ	स-चित्तउ
६०. ६ गुरु हरिस—	गुरु-हरिस—	२६४. ३ हरिणि-जणिय दुहु	हरिणि जणिय-दुहु
६१. ४ चित्तयर पुरउ	चित्तयर-पुरउ	२६७. ४ रयणवइ	रयणवइ—
६५. ४ वि	वि	२७३. ८ भइ—	भइ
६८. ७ सइत्त—	सइत्त	२८०. ८ नियइ	नियइ
६९. १ सुदेवह	सु देवह	२८४. ४ अक्कोसिय—	अक्कोसिय
८०. ८ —सहि—	—सहि—	२८९. ३ —कुमर—	—कुमर—
८१. २ —विहि मुहिसेउ	—विहिमुहिसेउ	२९९. ६ —सत्थ	—सत्थ—
		३०३. ८ सरि—	सरि

अशुद्ध	शुद्ध	अशुद्ध	शुद्ध
३०८. ९ साक्षय बन्मु	साक्षय-बन्मु	७६२. ९ चारि	चारितु
३१२. ४ -विहिय ब्व	-विहियब्व	७७८. ५ —	read देह-
३१५. ४ -आगोयरीहिं	-आगोयरीहिं		कैतिहिं
३२०. ३ विसहिं	विसहिं	७९२. १ शुक्ल-मंदिर	शुक्ल-मंदिर
३२३. ८ सिंहरी-	सिंहरी	७९६. १ जिय-बहु-बयइ	जिय-बहु बयइ
३३९. ६ सुकूब-	सु कूब-	७९६. ५	read सवि
३३५. ३ कमल नाम	कमल-नाम		विसेस-गुण-गण-
३४५. ५ -विफुरिय-	-विफुरिय-		भिकसाइ ।
३६७. ८ -रवि-किरण-	-रविकिरण-	८००. ३ विहिहिं	सविहिहिं
३७४. ४ सिरि-	सिरि	८०२. ८ पयंपह-	पयंपह—
४०९. ५ तियस-	तियस	८१३. २ सार-	सिरि-
४१५. ९ रउ	रउहु	८१६. १ धरणि	धरणि-
४३२. ४ ससि-सुहि	ससि-सुहि	८२१. २ सुह	सुह-
४३९. २ -तार-यनहई	-तारय-नहई	८२५. ६ -विह पुब्ब-	-विह-पुब्ब-
४६१. ५ -स संगहु	-संगहु	८२५. ८ अवितह नामिण	अवितह-नामिण
४७५. ५ आयरिण-मणहउ	आयरिण मणहउ	८२६. ७ कल	कल-
४७७. ६ भमर-	भमर	८२८. २ खयर	खयर-
४७९. ४ -करहिणएण	-करहि णएण	८२९. १ मह	मह-
४८६. ५ पयंपह-	पयंपह—	८३१. ९ शुह-सुह तह	शुह-सुह-तह-
४९३. ६ -वर-	-वर	८४६. ४ ससि-बयणि	ससि-बयणि
416 [foot-note] add 'the port-		८५४. ३ कहवि	कह-वि
ion' after 'lost'		८६२. (foot note) in क. in ख.	
५१०. ४ चिठुसि	चिठुसि	in क. and in ख.	
५२८. ४ चउरं-गुल	चउरंगुल	९४३. ५ भणइ	भणइ—
५३६. १ -रयणणेहिं	-रयणेहिं	९६५. ९ परिचितइ	परिचितइ—
५८३. ५ दसण-सेणि-	दसण-सेणि	९७५. ८ निव सवि बाइ-	
६४१. ९ वसुक्य-सिण	सुक्य-वसिण	पहाण जण	निव-सविबाइ-
६४३. १ एत्थ अंतरि	एत्थ-अंतरि		पहाण-जण
६४६. ५ -सिरिमाणवेगय	-सिरिमाणवेगय	९८०. ५ -वड्डिय	वड्डिय
६४९. ८ सु वियारेवि	सु-वियारेवि	९८३. ३ जइ-भणिय-	जइ-भणिय
६५०. १ -रयणाहिं	-रयणेहिं	९८९. ८ -इदइ-	-इदइ
६५६. ५ सुहउ-सत्थ	सुहउ-सत्थ	१००५. ६ परिणवि	परिण वि
६७८. ९ पिययम	पिययम	१००७. ५ देहं	देइ
६९९. ४ वर-वरणु	वर-वरणु	१०११. ९ -विहुह-	-विहुह
७४४. ५ -सत्तुसालहिं	-सत्तुसालहिं	१०२२. ७ ह-कह	कह-कह

अशुद्ध	शुद्ध	अशुद्ध	शुद्ध
१०२७. ४ चित्तिरि-	चित्तिरि	११८५. ५ -ताविण	ताविण
१०३५. २ दीहुण्डुस्सास-	दीहुण्डुस्सास-	११९१. ३ सत्तिय	सित्तय
१०३९. २ -उह-	-उह	११९३. ८ बज्जेइ	बज्जेइ
१०४४. १ अविष	अवि य	१२००. ८ (end) परमेहला	परमेहेला
१०४९. ४ विलविरहं	विलविरहं		रयणहिं
१०४९. ५ कामलयहं	कामलयहं	१२०१. १ च्चइयव्व	चइयव्व
१०४९. ९ स-विहिहिं	सविहिहिं	१२१५. ३ व यव्वु	वट्टेयव्वु
१०५०. १ मुणउं	मुणउं	१२१८. ३ -सत्तचविय-	-सत्तचविय-
१०६५. ८ -हुम-	-हुम	१२१९. ८ मित्त	मित्तु
१०८५. ६ जह-	जह-	१२२०. ६-५ जिगाययणजि ण्ण	जिगाययण जिण्ण
१०८६. २ सल हिज्ज-	सलहिज्ज-	१२५४. २ जंपइ-	जंपइ-
१०८८. ३ नहंग मिण	नहंगमिण	१२६१. २ सत्तचत्त	सत्तचत्तु
१०८८. ५ किक्कुणह	किं कुणह	१२६४. १ -गमि	-गम्भि
१०८८. ६ चिट्ठइ	चिट्ठइ	१३३७. ४ आवास	आवासु
१०९९. ९ तयणु रुव-	तयणुरुव-	१३४४. २ महासि (?)	महासि
१०९०. ८ -मुणि	-मुणि	१४००. २ मूलए वोत्ति	मूलएवो ति
१०९४. २ -सहिउ-वि	-सहिउ वि	१४४१. २ मह-	मह
१०९७. ६ बित्थरिण	वित्थरिण	१४५७. १ -पहाइ क्कताए	-पहाइक्कताए
११००. ४ नयहरहं	नहयरहं	१५२२. १ कहियव्वा	कहियव्वो
११०८. १ भणइ-	भणइ-	१५८०. १ तरल-	तरल
११०९. ८ -गणु-	-गणु	१५९९. ६ एत्थंततिरि	एत्थततिरि
१११२. ३ वसेसिय	वसेसिय	१६००. ९ सुह	सुहु
१११८. १ परखुट्ठइ-	पर खुट्ठइ	१६१०. ६ कि-विथोवम्मि	कि-वि थोवम्मि
११२०. ६ गहु-	गहु	१६१६. १ कणयपुरि-नयरि-	कणयपुरि नयरि
११२०. ८ किरणावलि	किरणावलि-	१६१७. २ -रइ	-रइ-
११२४. २ -धोरणि-	-धोरणि	१६२२. ८ भेट्ठि-	सेट्ठि-
११२९. ९ -नियय	-नियय-	१६२५. ३ सयला	सयलो
११३४. ३ केवड्डु-	केवड्डु	१६४०. ५ -कप्पहु-	-कप्पहु-
११३७. ४ काहमवि कणणह	कहमवि-काणणह	१६४०. ८ उप्पाळउं	उप्पाळउं
११४५ [११४३]	[११४५]	१७४१. ६ -त्तय	-त्तय-
११५६. ४ धरणिदिण	धरणिदिण	१८९२. ४ नवीसर-	नवीसर-
११६. २ -पिययमहं	-पिययमइ	१९०३. २ परायण	पमायए
११७६. ९ विणिवेसेवि	विणिवेसेवि	१९०७. ३ जंपत्तु	जंपत्तु
११८०. ६ वि	वि	१९१०. ७ -रोसु	-दोसु
११८३. ४ हरिनंद	हरिनंदि	१९११. १ तियसासुर	तियसासुर-

बोर सेवा मन्दिर

पुस्तकालय

काल न०

228.02

१७/११/२०११

लेखक

हरिजीत सिंह

हरिम

शीर्षक

नैमिनाहारी 3

खण्ड

क्रम सख्या

४८९६